


愛 國 詩 選

第二冊

汪靜之選註




商務印書館發行

汪靜之選註

愛國詩選 第二冊

商務印書館發行



愛國詩選第二冊目錄

宋下

正氣歌	文天祥	一
紀事	文天祥	六
紀事	文天祥	九
紀事	文天祥	九
則堂	文天祥	二
思蒲塘	文天祥	三
峻都	文天祥	三
二王	文天祥	三
氣概	文天祥	四
使北	文天祥	五

命裏	文天祥	六
留遠亭	文天祥	六
平江府	文天祥	二〇
弔五木	文天祥	二〇
渡瓜州	文天祥	三
弔戰場	文天祥	三
脫京口	文天祥	三
眞州雜賦	文天祥	元
議糾合兩淮復興	文天祥	三
出眞州	文天祥	三
至揚州	文天祥	四
賈家莊	文天祥	四

8223
3150

43

揚州地分官.....文天祥.....兗 發吉州.....文天祥.....兗

高沙道中.....文天祥.....兗 臨江軍.....文天祥.....兗

揚子江.....文天祥.....兗 安慶府.....文天祥.....兗

題蘇武忠節圖.....文天祥.....兗 池州.....文天祥.....兗

過零丁洋.....文天祥.....毛 金陵驛.....文天祥.....毛

懷趙清逸.....文天祥.....兗 過淮河宿關石有感.....文天祥.....兗

二月六日海上大戰.....文天祥.....兗 六歌.....文天祥.....兗

言志.....文天祥.....吝 汝陽館.....文天祥.....兗

南海.....文天祥.....吝 東平館.....文天祥.....兗

張元帥謂予.....文天祥.....吝 平原.....文天祥.....兗

贛州.....文天祥.....吝 五月二日生朝.....文天祥.....吝

南安軍.....文天祥.....吝 覽鏡見鬚髻消落.....文天祥.....吝

黃金市.....文天祥.....吝 自歎.....文天祥.....吝

秦和.....文天祥.....吝 自述.....文天祥.....吝

五月十七夜大雨歌.....	文天祥.....	三七	自述.....	文天祥.....	三三
自歎.....	文天祥.....	三五	有感.....	文天祥.....	三五
自歎.....	文天祥.....	三五	己卯十月一日.....	文天祥.....	三五
虎頭山.....	文天祥.....	三五	去年十月九日.....	文天祥.....	三五
戰場.....	文天祥.....	三五	自歎.....	文天祥.....	三五
哭崖山.....	文天祥.....	三五	戊寅臘月二十日.....	文天祥.....	三五
哭母大祥.....	文天祥.....	三五	所懷.....	文天祥.....	三五
獄中感賦.....	文天祥.....	三七	除夜.....	文天祥.....	三七
和夷齊西山歌.....	文天祥.....	三七	衣帶讚.....	文天祥.....	三七
十二月二十日作.....	文天祥.....	三七	元兵平杭日詩.....	汪元量.....	三七
立春.....	文天祥.....	三七	醉歌.....	汪元量.....	三七
感傷.....	文天祥.....	三七	錢塘歌.....	汪元量.....	三七
夜起.....	文天祥.....	三七	湖州歌.....	汪元量.....	三七
自歎.....	文天祥.....	三七	越州歌.....	汪元量.....	三五

北征	汪元量	壘	寫憤	鄭思肖	一〇七
幽州歌	汪元量	壘	書前後臣子盟檄	鄭思肖	一〇九
答方石田	汪元量	壘	此心	鄭思肖	一〇九
題王導像	汪元量	壘	卽事	鄭思肖	一一〇
杭州雜和林石田	汪元量	壘	對雨有懷	鄭思肖	一一〇
文山道人事畢臘月初九日	汪元量	壘	自挽	鄭思肖	一一二
浮丘道人招魂歌	汪元量	壘	一旦	鄭思肖	一一二
哭文丞相詩	虞集	一〇三	偶成	鄭思肖	一一三
吳山謁祠	謝翱	一〇三	答	鄭思肖	一一三
續琴操哀江南	謝翱	一〇三	雁足	鄭思肖	一一三
蘇武牧羊假寐圖	鄭思肖	一〇五	古詩	鄭思肖	一一三
題畫菊	鄭思肖	一〇六	補夢中所作	鄭思肖	一一三
德祐二年歲旦	鄭思肖	一〇六	聞陷虜宮女所問	鄭思肖	一一四
春雲中作寄蕭梅初皆吾	鄭思肖	一〇七	南望	鄭思肖	一一四

何奴	鄭思肖	二四
絕句	鄭思肖	二五
五忠詠	鄭思肖	二五
陷虜歌	鄭思肖	二七
黃河清	鄭思肖	二六
自題大義集後	鄭思肖	二九
郊行卽事	鄭思肖	三〇
苦懷	鄭思肖	三〇
德祐六年歲旦歌	鄭思肖	三三
勵志	鄭思肖	三三
春日偶成	鄭思肖	三四
寫憤	鄭思肖	三四
無題	鄭思肖	三五
和文丞相六歌	鄭思肖	三六

追獎	鄭思肖	三七
一礪	鄭思肖	二六
二礪	鄭思肖	二六
三礪	鄭思肖	二六
四礪	鄭思肖	三〇
五礪	鄭思肖	三〇
六礪	鄭思肖	三一
七礪	鄭思肖	三一
八礪	鄭思肖	三一
九礪	鄭思肖	三一
十礪	鄭思肖	三一
十一礪	鄭思肖	三一
十二礪	鄭思肖	三一
十三礪	鄭思肖	三一



十四礪	鄭思肖	一三五	大宋地理圖歌	鄭思肖	一四四
十五礪	鄭思肖	一三五	元韃攻日本敗北歌	鄭思肖	一四六
十六礪	鄭思肖	一三七	元兵俘至合沙詩寄仲子	陳文龍	一四九
十七礪	鄭思肖	一三七	書几上	趙卯發	一四九
十八礪	鄭思肖	一三九	送熊飛將軍赴文丞相麾下	李春叟	一四九
十九礪	鄭思肖	一三九	文丞相兵挫循州詩以迓之	李春叟	一五〇
九日	鄭思肖	一三九	哭陸秀夫	方鳳	一五一
弔揚州瓊花	鄭思肖	一三九	題陸放翁詩卷後	林景熙	一五一
辛巳歲立春作	鄭思肖	一四〇	讀文山集	林景熙	一五二
獨遊	鄭思肖	一四〇	題陸秀夫遺像	林景熙	一五四
憶夢哭歌	鄭思肖	一四〇	秦吉了	林景熙	一五五
題蕭梅初舊所藏錢塘王畿圖	鄭思肖	一四一	孫供奉	林景熙	一五五
昭君歎	鄭思肖	一四一	聞家則堂大參歸自北寄呈	林景熙	一五五
哀劉將軍	鄭思肖	一四一	寄陳赤猷	何文季	一五五

哀毗陵……………梁棟……………一五
 出塞曲……………張琰……………一五
 鄭所南宅……………王賓……………一五
 胡虜……………失名……………一五

元

岳鄂王墓……………趙孟頫……………一五
 讀張巡傳……………周權……………一五
 張生鐵……………楊維禎……………一六
 昭君曲……………楊維禎……………一六
 花門行……………楊維禎……………一六
 獨松節士歌……………楊維禎……………一六
 館娃宮……………尹廷高……………一六
 馮道……………劉因……………一六

明

西湖……………宋元……………一六
 王婉容……………宋元……………一六
 題段將軍征羌圖……………宋濂……………一六
 陸秀夫像贊……………宋濂……………一六
 題李陵見蘇武圖……………劉基……………一七
 壬子秋過故宮……………宋訥……………一七
 少年行……………高啓……………一七
 張中丞廟……………高啓……………一七
 弔岳王墓……………高啓……………一七
 將軍行……………高啓……………一七
 謁雙廟……………高啓……………一七
 白馬篇……………高啓……………一七

送沈左司.....高 啓.....一七四

從軍.....陳汝言.....一七五

杜宇.....張 羽.....一七六

出塞.....于 謙.....一七六

征夫詞.....劉 績.....一七七

征婦詞.....劉 績.....一七七

十六州.....李東陽.....一七八

牧羝曲.....李東陽.....一七八

青巖山.....李東陽.....一七九

城下盟.....李東陽.....一八〇

兀朮走.....李東陽.....一八一

金大將.....李東陽.....一八一

國士行.....李東陽.....一八二

石將軍戰場歌.....李夢陽.....一八三

塞上.....李夢陽.....一八四

秋望.....李夢陽.....一八五

西陵.....錢希言.....一八五

塞下曲.....顧 璘.....一八六

廣陵.....夏 鍬.....一八六

虞姬.....朱靜庵.....一八七

題賈似道湖山圖.....陳 玉.....一八七

開築外城.....楊繼盛.....一八八

塞下曲.....張 祐.....一八八

勉李季春.....俞大猷.....一八九

寄書.....戚繼光.....一九〇

凱歌.....戚繼光.....一九〇

宿阿育王寺.....戚繼光.....一九一

紀事.....戚繼光.....一九一

馬上行	戚繼光	一五	滿江紅	文徵明	二〇〇
塞外觀音巖	戚繼光	一五	滿江紅	王世貞	二〇〇
辛亥年戍邊有感	戚繼光	一五	飲歐陽鎮朔卽事有贈	王世貞	二〇一
軍中偶成	戚繼光	一五	從軍行	王世貞	二〇二
出塞曲	王用賓	一五	娘子關偶成	王世貞	二〇三
塞上曲	俞允文	一五	威將軍贈寶劍歌	王世貞	二〇三
塞下曲	謝榛	一五	後出塞	陳第	二〇四
出塞曲	胡應麟	一五	三河水	區大任	二〇四
龕山凱歌	徐渭	一六	高麗刀行	區大相	二〇五
宴遊爛柯山	徐渭	一七	東征從軍行	區大相	二〇五
凱歌	沈明臣	一六	從軍行	葉重華	二〇六
出塞	李時行	一六	塞下曲	徐媛	二〇六
明妃曲	李攀龍	一六	凱歌	何承徽	二〇七
滿江紅	沈啓南	一六	邊行卽事	鍾羽正	二〇七

詠史	熊廷弼	二〇八	齊居雜詠	孫承宗	二二五
邊中送別	袁崇煥	二〇九	哭馬滄淵大將	孫承宗	二二六
東便門	孫承宗	二〇九	孫大將軍贈我以人頭杯	楊文驄	二二六
大將軍	孫承宗	二一〇	入塞曲	左光斗	二二八
大風雨夜念諸將士	孫承宗	二一〇	謁楊再興墓	呂邦耀	二二八
飾兒寄字云問爹安無事早歸	孫承宗	二一一	封關白	吳炎	二二九
駐撫寧雜詠	孫承宗	二一一	前搗巢	吳炎	二三〇
瓦礫坡	孫承宗	二一一	後搗巢	吳炎	二三〇
駐渝海門人王獻我投詩用其韻	孫承宗	二二二	賜秦良玉詩	明思宗	二二三
	孫承宗	二二二	秦良玉遺像	沈欽圻	二二三
殫忠樓	孫承宗	二二三	秦寡婦良玉	張寧	二三四
軍中雜詠	孫承宗	二二三	燕市弔袁督師	張家玉	二三四
仲冬望之夜	孫承宗	二二五	讀史	張家玉	二三五
宋總戎燒荒出塞	孫承宗	二二五	輓陳同盟	張家玉	二三五

憶昔燕巖之變	張家玉	三六	早行河源	張家玉	三一
偶聞僮僕夜語	張家玉	三六	軍中夜感	張家玉	三一
出師	張家玉	三七	舟中月夜	張家玉	三一
營中晚坐	張家玉	三七	將發	張家玉	三一
過荒村	張家玉	三六	夜走博羅	張家玉	三一
感遇	張家玉	三六	歎交	張家玉	三一
述志	張家玉	三六	兩行馬上	張家玉	三一
傷我明所用不得人致有今日之禍			途中	張家玉	三一
	張家玉	三九	感賦	劉原博	三四
寓目愴懷	張家玉	三〇	匡山弔古	陳獻章	三四
讀子忠愍楊椒山兩公行錄不覺拍案			匡山大忠祠	陳獻章	三四
	張家玉	三〇	匡山弔陸公祠	陳獻章	三六
秋宵月夜	張家玉	三〇	題趙吳興調琴啜茗圖	劉孔和	三七
不寐	張家玉	三一	諸將	公鼎	三七

衣帶贊	李邦華	二二六	甲辰八月辭故里	張煌言	二四六
揚州參將李鐵臉歌	李沂	二二六	挽安洋將軍劉胤之	張煌言	二四七
聞南都失守	左懋第	二二六	復趙督臺	張煌言	二四七
從軍行	吳易	二二六	虜廷以余倡義	張煌言	二四七
滿江紅	吳易	二二六	翁洲行	張煌言	二四九
題七里廟壁	閻應元	二二六	庚子元旦駐師林門	張煌言	二五二
秦吉了	張煌言	二二六	滿江紅	張煌言	二五二
驚聞行在之變	張煌言	二二六	柳梢青	張煌言	二五三
北還入浙偶成	張煌言	二二六	長相思	張煌言	二五三
師入甯國時徽郡來降留都尙未克服	張煌言	二二六	被執過故里	張煌言	二五三
憶西湖	張煌言	二二四	遣往	張煌言	二五三
卽事	張煌言	二二四	絕命詩	張煌言	二五五
十年戎馬	張煌言	二二五	絕命辭	黃道周	二五五
			絕命辭	王玉藻	二五七

絕命辭	陳潛夫	二五	絕命辭	陳良謨	二六
乙酉元夕婁城盛張燈火有感	陸世儀	二五	崖門弔古	陳邦彥	二七
聞警	王穉登	二五	聞變	陳邦彥	二七
西竄出都	艾穆	二六	清遠城陷題朱氏池亭	陳邦彥	二六
絕命詩	夏允彝	二六	獄中自述	陳邦彥	二六
塞下曲	黃淳耀	二六	獄中步文丞相韻	陳邦彥	二六
甲申除夕感懷	侯峒曾	二六	臨命歌	陳邦彥	二七
塞下曲	許景樊	二六	絕命詞	鄭啓秀	二七
出塞	方維儀	二六	絕命詩	張國維	二七
官娥被擄	易水張氏	二六	題案詩	祁彪佳	二七
故宮燕	邢昉	二六	絕命吟	唐誼	二七
崖門	張鳴韶	二六	浩氣吟	瞿式耜	二七
崖門弔古	梁有譽	二六	自入囚中	瞿式耜	二七
絕命辭	戴重	二六	自歎示別山	瞿式耜	二七

絕命辭	瞿式耜	二七六
和稼軒師浩氣吟	張同儼	二七七
夢傅大司馬忠烈公	張同儼	二七九
就殺吟	張同儼	二八〇
寄及門張芷園	林游	二八〇
題案詩	趙天生	二八一
自哭國亡	陳佐才	二八一
七言詩	袁繼咸	二八二
悲歌	文祖堯	二八二
留題百川橋	失名	二八六
殉國絕命詞	黎遂球	二八六
卽事	夏完淳	二八六
魚服	夏完淳	二八七
一剪梅	夏完淳	二八八

絕筆	夏完淳	二八八
絕命詩呈母	夏完淳	二八九
三月十九	萬泰	二八九
萬古愁曲	歸莊	二九〇
井中心史歌	顧炎武	二九五
剪髮	顧炎武	二九七
贈朱監紀四輔	顧炎武	二九八
黃侍中祠	顧炎武	二九八
重謁孝陵	顧炎武	二九九
讀李處士顯襄城紀事有贈	顧炎武	三〇〇
悼亡	顧炎武	三〇〇
海上	顧炎武	三〇一
路舍人客居太湖	顧炎武	三〇一
蒼水	黃宗羲	三〇一


九日得願寧人書	徐夜	三〇二	弔厓山宋端宗陵	屈大均	三〇九
祝髮偈	錢邦芭	三〇二	弔寧武周將軍	屈大均	三〇九
答孫可望詩	錢邦芭	三〇三	題惠陽葉氏園	屈大均	三〇〇
紀事	畢著	三〇三	舊京感懷	屈大均	三〇〇
避地日本感賦	朱之瑜	三〇四	陳宮辭	屈大均	三〇一
錢唐	朱之瑜	三〇五	臺城春望	屈大均	三〇三
陶靖節墓	閻爾梅	三〇五	錦帆涇	屈大均	三〇三
宗忠簡公墓	冷士帽	三〇五	文丞相祠	失名	三〇三
朱仙鎮岳忠武祠	冷士帽	三〇六	黨禍	失名	三〇三
哭史相公	冷士帽	三〇七			
秋郊讌集	陳恭尹	三〇七			
舟泊厓山詩	陳恭尹	三〇八			
題宋高宗賜岳飛班師詔	屈大均	三〇八			
戊辰元旦	屈大均	三〇八			

愛國詩選第二冊

正氣（一）歌并序

予囚北庭，坐一土室，室廣八尺，深可四尋，單扉低小，白間短窄，汗下而幽，暗當暇日，諸氣萃然，雨潦四集，浮動牀几，時則爲水氣；塗泥半潮，蒸滬歷瀾，時則爲土氣；乍晴暴陰，風道四塞，時則爲日氣；簷陰薪爨，助長炎虐，時則爲火氣；倉廩寄頓，（一）陣陣逼人，時則爲米氣；駢肩雜選，腥臊汗垢，時則爲人氣；或圍溷（三）積臭暴屍，或腐鼠惡氣雜出，時則爲穢氣；疊是數氣，當之者鮮不爲厲，而予以孱弱，俯仰其間，于茲二年矣。審如是，殆有養致然爾，然亦安知所養何哉？孟子曰：『我善養吾浩然之氣。』（四）『彼氣有七，我氣有一，以一敵七，吾何患焉！況浩然者，乃天氣之正氣也，作正氣歌一首。』

天地有正氣，雜然賦流形。（五）下則爲河嶽，（六）上則爲日星，於人曰浩然，



沛乎塞蒼冥。(七) 皇路當清夷。(八) 含和吐明庭。(九) 時窮節乃見。(一〇) 一一垂
丹青。(一一) 在齊太史簡。(一二) 在晉董狐筆。(一三) 在秦張良椎。(一四) 在漢蘇武節。(一五)
爲嚴將軍頭。(一六) 爲稽侍中血。(一七) 爲張睢陽齒。(一八) 爲顏常山舌。(一九) 或爲遼
東帽。(二〇) 清操厲冰雪。(二一) 或爲出師表。(二二) 鬼神泣壯烈; 或爲渡江楫, 慷慨吞
胡羯。(二三) 或爲擊賊笏。(二四) 逆豎頭破裂, 是氣所磅礴。(二五) 凜烈(二六) 萬古存; 當
其貫日月。(二七) 生死安足論? 地維賴以立, 天柱賴以尊。(二八) 三綱(二九) 實繫命, 道
義爲之根。(三〇) 嗟予遘陽九。(三一) 隸也實不力。(三二) 楚囚纓其冠。(三三) 傳車送窮
北。(三四) 鼎鑊甘如飴。(三五) 求之不可得。(三六) 陰房闐(三七) 鬼火, 春院闐(三八) 天黑,
牛驥同一皁。(三九) 雞棲鳳凰食。(四〇) 一朝蒙霧露, 分作溝中瘠。(四一) 如此再寒暑,
百沴自辟易。(四二) 哀哉沮洳場。(四三) 爲我安樂國! 豈有他謬巧? 陽陰不能賊。(四四)
顧此耿耿(四五) 在, 仰視浮雲白。(四六) 悠悠我心憂, 蒼天曷有極!(四七) 哲人(四八) 日
已遠, 典型(四九) 在夙昔。風簷展書讀, 古道照顏色。(五〇)

【註釋】(一)(正氣)正大也，氣，精神也，正氣，正大精神也，即孟子所謂浩然之氣。(二)(頤)聚也。(三)(圍溜)廟所也。(四)(浩然之氣)正大之氣也，浩然盛大流行之貌。孟子自解浩然之氣云：「其爲氣也，至大至剛，以直養而無害，則塞於天地之間。」朱熹註云：「至大，初無限暈；至剛，不可風撓。」(五)(流形)天地之間，物品萬殊，賦性各異，故曰流形。(六)(河嶽)河謂黃河，嶽謂五嶽。萬物物品雖雜，莫不各具此正氣，但舉河嶽、日星，以例其餘。(七)(沛手塞蒼冥)沛，盛大貌。蒼，青也。冥，高遠也。天色蒼蒼，高遠無極，故曰蒼冥。(八)(皇路當清夷)清夷，謂太平盛世。皇路，清夷。猶審經云：「王道平平。」(九)(含和吐明庭)當清平之時，賢者在位，內含冲和之美，外宣吐德音於明庭。明庭，猶言明堂。明政教之堂也。古祀上帝，祭先祖，朝諸侯，凡大典禮皆於此行之。(一〇)(時窮節乃見)窮，達之反，困厄也。節，謂氣節，志操。孔子曰：「歲寒，然後知松柏之後彫也。」士窮乃見節操，節操之爲物，必處險阻艱難之境，始能淬勵而愈堅。(一一)(丹青)古功臣之券爲丹青，記事之簡曰青史，圖畫亦謂之丹青。此謂凡節義之士，皆一一載於竹帛，畫以丹青，昭垂於萬世也。(一二)(太史簡)左傳：「太史贊曰：『崔杼弑其君。』」崔子殺之，其弟鬪書而死者二人，其弟又書，乃舍逐殺之。兩史氏聞太史盡死，熱簡以往，鬪書矣，乃還。(一三)(孤筆)孤筆，春秋晉史官。靈公欲殺趙盾，盾出適，已而趙穿弑靈公於桃園，盾塗墜，黃狐書曰：「趙盾弑其君靈公。」以示於朝。盾曰：「不然！」對曰：「子爲正卿，亡不越境，反不討賊，非子而誰？」狐爲史官，不爲威武所屈，故孔子曰：「董狐，古之良史也，書法不隱。」(一四)(張良椎)秦滅韓，張良憤故國淪亡，乃悉以家財求刺客刺秦王，爲韓復仇。得力士，操鐵椎狙擊始皇於博浪沙，誤中副車。(一五)(蘇武節)漢武帝時使匈奴，被留不肯降，單于徙武於貝加爾湖(古稱北海)。武在節牧羊，臥起操持，節旌盡落，居匈奴十九年，始終不屈，歸時鬚髮盡白。節，使臣執以示信之物，猶今之國書也。(一六)(嚴將軍頭)嚴將軍，謂嚴顏。後漢劉璋使嚴顏守巴郡，爲張飛所擒。飛呵曰：「何不降？」顏曰：「我州但有斷頭將軍，無降將軍。」飛怒，令牽去斫頭，顏色不變，曰：「斫頭何所懼，何怒耶？」飛壯而釋之，引爲賓客。(一七)(稽侍中血)晉惠帝時，稽紹爲侍中。永興初，河間王顥，成都王穎舉兵反，紹從帝戰於滂陰，侍衛皆潰散，惟紹以身捍衛，飛箭雨集，紹遂被害於帝側，血灑御衣。事定，左右欲浣衣，帝曰：「此稽侍中血，勿浣！」(一八)(張睢陽

遺) 見前張巡守雒陽作註一。(一九) 顏常山舌 唐顏杲卿爲常山太守，胡人祿山反，攻常山，城陷，被執，賊脅使降，不應，瞞目而罵。祿山縛之天津橋柱，節解，以肉啖之，杲卿罵不絕口。賊斷其舌曰：「復能誓否？」杲卿含胡而絕。(二〇) 遼東轎 漢末管寧避亂居遼東，常著皂帽以自給，魏文帝拜爲大中大夫，明帝拜爲光祿勳，皆辭不就。(二一) 清操厲冰雪 謂志操之清潔冷勝於冰雪也。(二二) 出師表 諸葛亮有前後出師表，諸葛亮出師伐魏，軍行在即，外圖強敵，內懷幼主，戒備恐懼，上表後主，表詞慷慨壯烈，足以動天地而泣鬼神。(二三) 谷胡羯 晉時匈奴、鮮卑、羯、氐、羌各族擾亂中原，謂之五胡亂華。晉祖逖渡江擊羯，激昂慷慨，而誓曰：「不濟中原而復濟者，有如此江！」其氣足以吞胡羯也。祖逖兵與石勒相持，黃河以南，盡爲晉土。(二四) 擊賊笏 唐書段秀實傳：「朱泚召秀實計事，秀實戎服與源休並，語至僭位，勃然起，執休腕，奪其象笏，奮而前唾，此面大罵曰：『狂賊可殺萬段，我豈從汝反耶？』遂擊之。泚舉臂捍笏，中額，流血汚面，節節走。」秀實途遇害，自「在齊太史簡」至「或爲擊賊笏」，列舉十二人，皆秉持正氣之人物也。(二五) 磅礴 一作旁薄，充塞廣被也。(二六) 凜烈 寒冷之氣也，謂正氣嚴如霜雪，人不敢犯也。(二七) 實日月 謂正氣上沖霄漢，能貫日月也。史記：「荆軻燕燕丹之義，白虹貫日。」注：「精誠感天，白虹爲之貫日也。」實日，謂遮蔽日光也。(二八) 地維賴以立，天柱賴以尊 謂地維賴正氣而立，天柱賴正氣而尊，極言正氣之足實也。列子：「共工氏與顓頊爭爲帝，怒而觸不周之山，折天柱，絕地維，故天傾西北，地不滿東南。」(二九) 三綱實繫命 謂三綱繫命於正氣也。君爲臣綱，父爲子綱，夫爲婦綱，謂之三綱。綱，謂綱領也，原爲網之大繩。(三〇) 道義爲之根 謂道與義爲正氣之根本也。孟子自解浩然之氣云：「其爲氣也，配義與道，無是餒也。」朱熹註云：「配者，合而有功之意；義者，人心之裁制道者，天理之自然；餒，飢乏而氣不充體也。言人能養成此氣，則其氣合乎道義而爲之助，使其行之勇決無所疑懼；若無此氣，則其一時所爲，雖未必不出於道義，然其體有所不充，則亦不免於疑懼，而不足以有爲矣。」(三一) 遼陽九 猶言遭厄運。文公自謂生逢胡虜縱橫，國亡家破之秋也。古稱百六陽九爲厄會，(厄，困也；會，時也。)以四千六百一十七歲爲一元，初入元之百六歲謂生逢胡虜縱橫，國亡家破之秋也。古稱百六陽九爲厄會，(厄，困也；會，時也。)以四千六百一十七歲爲一元，初入元之百六歲有陽九，謂此百六歲中，有災歲九，災歲之數最多，故曰厄會。其次尚有陰九，陽九，陰七，陽七，陰五，陽五，陰三，陽三，一元之中，常歲四

千五百六十，災歲五十七。陽爲旱災，陰爲水災。（見漢書律歷志）（三二）（隸也實不力）隸，徒隸也。賤役也。古人自稱爲僕，爲下走。文公自謂奉詔勤王，終無補於國之危亡，皆一己用兵不力所致也。（三三）（楚囚纒其冠）左傳：「晉侯觀於軍府，見鍾儀曰：『南冠而縶者誰也？』」有司對曰：「鄭人所獻楚囚也。」（纒，冠也。所以結冠之組。纒其冠，以冠纒貫頭，言思慮不及整也。）

（三四）（傳車送窮北）傳車，驛站傳遞之車。窮北，遠北也。指北平。元先鋒元帥張弘範執文公於五嶺城，遣使護送至燕京。

（三五）（鼎鑊甘如飴，鼎，三足兩耳，大小不一。鑊，鼎之無足者，釜屬。古之酷刑，以鼎鑊烹人。晉書：「甘赴鼎而全操。」此文公自謂視鼎鑊較餡糖爲尤甘也。（三六）（求之不可得）文公被俘，在道絕食八日不死。至燕，元世祖方求才，遣人諭旨，文公不屈。劉岳

申文天祥傳：「博羅怒曰：『汝欲死何得快死，耶？死汝必不可得快。』」天祥曰：「得死即快，何不快爲？」博羅呼引去，自是因兵馬司者四年。」故文公自謂「求之不可得」也。（三七）（陰房闕）陰房，幽暗之室，謂牢獄也。闕，靜無人也。（三八）（閤）同閉。

（三九）（牛驥同一皂）驥，千里馬也。皂，馬槽也。養馬之所。（四〇）（雞栖鳳凰食）鳳凰非梧桐不棲，非竹實不食，今與雞羣同栖而食，言辱之甚也。二句喻與罪犯同宿舍。（四一）（海中瘠）說苑：「管仲，天下之佐也，死則不免爲海中之瘠。」（四二）（百

沚自辟易）沚，音利，惡氣也。辟易，退避也。（四三）（沮洳場）謂下濕之地。（四四）（豈有他謬巧陰陽不能賊）謂惡氣之退避，沮洳場之爲安樂國，豈有謬妄無稽之巧術哉？乃因身持正氣，故陰陽之氣不能賊害也。（四五）（耿耿不寐）耿耿，心有所存不能忘之貌。故忠誠積於心曰耿耿。（四六）（仰視浮雲白）文公固視生死如浮雲，置死生於度外也。（四七）

（蒼天曷有極）謂國亡之憂，如蒼天之無窮盡也。（四八）（哲人賢哲之人，爲衆人所仰望者也，指本詩所舉齊太史等十二人，可爲遠範也。）（五〇）（古道照顏色）謂在獄屢讀古書，精神與古人相接也。所謂古道，當指如齊太史等所秉持之正氣也。

【作者小傳】文天祥，宋吉水人，字宋瑞，又字履善，號文山，粵進士第一。累官湖南提刑，改知贛州。德祐初，元兵入寇，天祥應詔勤王，拜右丞相，使如元軍請和，被拘，至鎮江，夜亡入真州，泛海至溫州。聞益王未立，上表勸進，召至福州，遂左丞相，以都督出江

四，與元兵戰於空城，大潰，收殘兵奔循州，駐南嶺。衛王立，加少保，封信國公，進屯潮陽，元將張弘範掩至，被執，至燕。元世祖欲其降，許以相位，天祥但求速死，囚之三年，知其終不屈，乃殺之。天祥臨刑，作正氣歌以見志，從容謂吏卒曰：「吾事畢矣。」南嚮拜而死。元主歎爲真男子。有文山集、文山詩史。

紀事

文天祥

予詣北營，辭色慷慨，初見大會伯顏，（一）語之云：「講解一段，乃前宰相首尾，非予所與知。今大皇以予爲相，予不敢拜，先來軍前商量。」伯顏云：「丞相來勾當大事，說得是。」予云：「本朝承帝王正統，衣冠禮樂之所在，北朝欲以爲國歟？欲毀其社稷歟？」大會以虜詔爲解說，謂：「社稷必不動，百姓必不殺。」予謂：「爾前後約吾使多失信，今兩國丞相親定盟好，宜退兵平江」（二）或嘉興，（三）俟講解之說達北朝，看區處如何，卻續議之。」時兵已臨京城，紆急之策，惟有款北以爲後圖，故云爾。予與之辨難，甚至云：「能如子說，兩國成好，幸甚；不然，南北兵禍未已，非爾利也。」北辭漸不遜。予謂：「吾南朝狀元宰相，但欠一死報國，刀鐔鼎鑊，非所懼也。」大會爲之辭屈而不敢怒，諸酋相顧動色，稱爲丈夫。是晚，諸酋議良久，忽留予

營中當時覺北未敢大肆無狀。及予既熟維，賈餘慶以逢迎繼之，而國事遂不可收拾。痛哉痛哉！

三宮（四）九廟（五）事方危，狼子心腸未可知。若使無人折狂虜，東南那箇是男兒？

春秋人物類能言，宗國常因口舌存；我亦瀕危專對（六）出，北風滿野負乾坤。

單騎堂堂詣虜營，古今禍福了如陳。北方相顧稱男子，似謂江南尙有人。
百索（七）無厭不可支，甘心賣國問爲誰！豺狼尙畏忠臣在，相戒勿令丞相知。

慷慨輕身墮蒺藜，羝羊生乳（八）是歸期。豈無從吏私袁盎（九）恨我從前少侍兒！

英雄未肯死前休，風起雲飛不自由。殺我混同江（三）外去，豈無曹翰（二）

守幽州？

【註釋】(一)(伯顏)亦作巴延，宋德祐二年正月，率軍趨臨安，次於皋亭山；宋命文天祥與吳堅、謝堂、賈餘慶使元軍，與伯顏相見於明因寺。(二)(平江)宋置平江府，治今江蘇吳縣。(三)(嘉興)今浙江嘉興縣，爲甌杭鐵路之中點。(四)(三宮)明堂、辟雍、靈臺，班政教之處也。(五)(九廟)漢書王莽傳：「九廟一曰黃帝太初祖廟，二曰虞帝始祖廟，三曰陳胡王統祖廟，廟，四曰齊敬王世祖昭廟，五曰濟北愍王王祖禮廟，六曰濟南伯王尊祖昭廟，七曰元城孺王尊祖禮廟，八曰陽平頃王威祖昭廟，九曰漸都顯王威祖禮廟。」後世天子亦起九廟。李商隱詩：「九廟無塵入馬廄。」(六)(專對)論語子路：「子曰：『誦詩三百，授之以政，不達；使於四方，不能專對；雖多亦奚以爲？』」(七)(素)要求也。(八)(羶羊生乳)漢書蘇武傳：「迺幽武，置大窖中，絕不飲食；天雨雪，武臥齧雪與旃毛并咽之，數日不死。匈奴以爲神，乃徙武北海無人處，使牧羶，羶乳乃得歸。」羶爲公羊，不生乳。(九)(私愛盜)漢書爰盜傳：「霍錯已誅，盜以秦常使吳。吳王欲使將，不肯，欲殺之，使一都尉以五百人圍守盜軍中。初，盜爲吳相時，從史(猶今之副官)盜私盜侍兒，盜知之，弗泄，遇之如故。人有告從史：「君知女與侍者通。」迺去。盜驕自道之，遂以侍者賜之，復爲從史。及盜使吳見守，從史適在守盜校，爲司馬，適悉以其裝齎賈二石醇醪，會天寒，士卒飢渴，飲醉西南陳卒卒皆臥。司馬夜引盜起曰：「君可以去矣，吳王期且日斬君。」盜弗信曰：「何爲者？」司馬曰：「臣故爲君從史盜侍兒者也。」盜乃驚謝曰：「公幸有親，吾不足累公。」司馬曰：「君且去，臣亦且亡，辟君親，君何患？」迺以刀決帳道，從醉卒直出。司馬與分背，盜解節旄懷之，展步行七十里，明見梁騎馳去，遂歸報。」按爰盜亦作袁盜。(一〇)(混同江)混同江究爲何水，傳說甚多，或云爲黑龍江，或云爲鴨綠江，或云爲松花江上下游之通稱，最近通以松花江會黑龍江以下爲混同江。(一一)(曹翰)宋大名，人，宋初從太祖征澤潞，平江南；太宗時又從下太原，征幽州，皆有功，累遷左千牛衛上將軍。

紀事

文天祥

正月二十日晚，北留子營中，云：「北朝處分，皆面奉聖旨；南朝每傳聖旨，而使者實未曾得到簾前。今程鵬飛面奏大皇，親聽處分，程回日，卻與丞相商量，大事畢，歸闕。」既而失信，子直前責虜酋，辭色甚厲，不復顧死，譯者再四失辭，子迫之益急。大會怒且愧，諸酋羣起呵斥，子益自奮。文煥輩勸子去。虜之左右，皆喑喑嗟嘆，稱男子心。

狠心那顧歃銅盤，
（一）舌在縱橫擊可汗。自分身為齋粉，
（二）碎，虜中方作丈夫看。

【註釋】（一）歃銅盤謂歃血爲盟也。（二）齋粉猶言粉末也。齋音齊，以醴醬雜和菜末爲之。

紀事

文天祥

正月二十日，至北營，適與文煥（一）同坐，子不與語。越二日，子不得回闕，詬虜酋失信，盛氣不可止，文煥與諸酋勸子坐野中以少遲，一二日即入城，皆給（二）辭也。先是，子赴平江，入

疏言叛逆遺孽，不當待以姑息，乞舉春秋誅亂賊之法，意指呂師孟（三）朝廷不能行。至是文煥云：『丞相何故罵煥以亂賊？』子謂：『國家不幸至今日，汝爲罪魁，汝非亂賊而誰？三尺童子皆罵汝，何獨我哉？』煥云：『襄守六年（四）不救。』子謂：『力窮援絕，死以報國，可也。汝愛身惜妻子，既負國，又隳家聲；今合族爲逆，萬世之賊臣也。』孟在傍甚忿，直前云：『丞相上疏欲見殺，何爲不殺取師孟？』子謂：『汝叔姪皆降北，不族滅汝，是本朝之失刑也，更敢有面皮來做朝士？子實恨不殺汝叔姪！汝叔姪能殺我，我爲大宋忠臣，正是汝叔姪周全我，我又不怕。』孟語塞，諸會皆失色動顏。陵都以告伯顏，伯顏吐舌云：『文丞相心直口快，男子心。』陵都聞云：『丞相罵得呂家好！』以此見諸會亦不容之。

不拚一死報封疆，忍使湖山牧虎狼。當日本爲妻子計，而今何面見三光？
(五)

虎頭牌子織金裳，北面三年蟻夢（六）長。借問一門朱與紫，（七）江南幾世謝君王？

流。

產祿誅。

梟獍(八)何堪共勸酬？衣冠塗炭可勝羞？袖中若有擊賊笏，便使兇渠面血流。
麟筆(九)嚴於首惡書，我將口舌擊奸諛。雖非周勃(一〇)安劉手，不愧當年

【註釋】(一)(文煥)謂呂文煥。(二)(給)音殆，誑也。(三)(呂師孟)文德(文煥兄)之子，文煥之姪。(四)(襄守

六年)議謂襄陽呂文煥嘗堅守襄陽六年，以救兵不至，遂降元。(五)(三光)白虎通：『天有三光，日月星。』(六)(蟻夢)吳

閩錄：『淳于棼飲古槐下，沉醉入穴中，有大城曰大槐安國，升廣殿，御衛嚴肅，若至尊之所。一人長大端嚴，居正位，左右令生拜。王

曰：『令次女瑤芳奉事君子。』生爲駙馬，守南柯郡二十載，榮耀顯赫，一時之盛，代莫比之。寤尋槐下，有大穴，洞然明朗，可容一榻，

上有積土壤，爲城闕臺殿之狀，有蟻數斛，隱聚其中；中有小蟻二，大蟻處之，此其王矣。』(七)(朱與紫)古貴者之服色也。

(八)(梟獍)梟食母，獍食父，梟獍凶惡之鳥獸也。(九)(麟筆)徐彥云：『哀公十四年春，西狩獲麟，作春秋，九月書成。』麟筆猶

言春秋之筆也。(十)(周勃)漢沛人，佐高祖定天下，封絳侯，呂氏之叛，勃誅呂產，呂誅等，迎文帝即位，懷室以安。

則堂

文天祥

北入京城，賈餘慶迎逢賣國，既令學士降詔，俾天下州郡歸附之，又各州付一省劄，惟樞

密則堂（一）家先生鉉翁，於省劄上不肯押號。吳丞相堅號老儒，不能自持，一切惟買餘慶之命，其愧則堂甚矣。程鵬飛見則堂不肯奉命，堂中作色，欲縛之去。則堂云：『中書省無縛執政之理，歸私廳以待執。』北竟不敢誰何。予在北以忠義孤立，聞其事以自壯云。

山河四塞舊甌金，（一）藝祖（二）高宗實鑒臨。一日盡將輸敵手，何人賣國獨甘心？

中書堂帖（四）下諸城，搖首庭中號獨清。此後方知樞密事，從今北地轉相驚。

【註釋】（一）（則堂）家鉉翁字。（二）（藝祖）謂本有之疆土也。南史：『武帝言我國家猶若金甌，無一傷缺。』（三）（藝祖）太祖之通稱。（四）（堂帖）濟國史補：『宰相判事有堂案，處分百司曰堂帖。』

思蒲塘陳

文天祥

揚旌來冉冉，捲旆去堂堂。恨我飛無翼，思君濟有航。麒麟還共處，熊虎已何鄉？南國應無恙，中興事會長。

峻都

文天祥

峻都爲子言：『大元將興學校，立科舉，丞相在大宋爲狀元宰相，今爲大元宰相無疑。丞相常說國存與存，國亡與亡；這是男子心。天下一統，做大元宰相，是其次第國亡與亡四箇字休道。』子哭而拒之。峻都常恐子之伏死節也。

虎牌氈笠號公卿，不直人間一睡輕。但願扶桑（一）紅日上，江南匹士死猶

榮。

【註釋】（一）扶桑古謂爲日出處。

二王

文天祥

峻都忙左右，一日，問：『度宗幾子？』答曰：『三子。』問：『皇帝是第幾子？』答曰：『第二子，立嫡也。』問：『第一子三子封王乎？』曰：『一吉王，一信王。』問：『今何在？』曰：『大臣議之去矣。』駭云：『去何處？』曰：『非閩則廣，宋疆土萬里，儘有世界在。』云：『既是一家，何必

遠去？曰：『何爲恁地？』說宗廟社稷所關，豈是細事？北朝若待皇帝好，則二王爲人臣；若待皇帝不是，即便別有皇帝出來。『二酋爲之愕眙。』不能對。

一馬渡江開晉土，
三龍夾日復唐天。
四內家苗裔，
五真隆準，
六虜運從來無百年。

【註釋】(一)恁地，猶俗言如此樣也。朱子語錄：『驕也是有才智，只是狠拗，所以弄得恁地。』(二)愕眙，驚視貌。眙，恥異切。(三)一馬渡江開晉土，指晉元帝中興事。(四)三龍夾日復唐天，指肅宗復與唐室事。(五)內家苗裔，內家，宮人也。內家苗裔，猶言后妃之子孫。(六)隆準，高鼻也。史記高祖本紀：『高祖爲人，隆準而龍顏。』

氣概

文天祥

陵都一日問予：『何以去平江？』子曰：『有詔趣(一)入衛。』問予：『兵若干？』予對：『五萬人。』喟然嘆曰：『天也！使丞相在平江，必不降予。』問：『何以知之？』云：『相公氣概，如何降？但累城內百姓。』予謂：『果厮打，亦未見輸贏。』陵都大笑。

氣概如虹俺得知，留吳那肯豎降旗。
北人不解欺心語，正恐南人作淺窺。

【註釋】(一)趣，與促通。

使北

文天祥

北兵入城，既劫詔書，布告天下州郡，各使歸附；又逼天子拜表獻土。左丞相吳堅，右丞相賈餘慶，樞密使謝堂，參政家鉉翁，同知劉岳五人，奉表北庭，號祈請使。賈幸國難，自詭北人，氣餒不可向邇；謝無識附和；吳老儒畏怯不能爭；劉狎邪小人，方乘時取美官，揚揚自得；惟家公非願從者，猶以爲趙祈請，意北主或可語，冀一見陳說，爲國家有一綫，故引決（一）所未忍也。五人之行，皆出北意。吳初以老病求免，且已許之，故表中所述，賈謝家劉四人，吳不與焉。二月初八日，四人登舟，忽伯顏趣子與吳丞相俱入北。子不在使者列，是行何爲？蓋驅逐之使去耳。子陷在難中，無計自脫。初九日，與吳丞相同被逼脅，詎勉（二）就船。先一夕，子作家書，處置家事，擬翌日定行止；行則引決，不爲偷生。及見吳丞相家參政，吳殊無狗國之意，家則以爲死傷勇，祈而不許，死未爲晚。子以是徘徊隱忍，猶冀一日有以報國。惟是賈餘慶兇狡殘忍，出於天性，密告伯顏，使啓北庭，拘子於沙漠，彼則賈國佞北，自謂使畢即歸，愚不可言也。謝堂已宿謝

村，初九日，忽駕舟而回。或謂陵都爲之地，伯顏得賄而免。堂曲意奉北，可鄙惡尤多。詩記其事。

自說家鄉古相州，白麻（三）風旨出狂酋。中書（四）盡出除元表，北渡黃河

衣錦（五）游。

至尊（六）馳表獻燕城，肉食（七）那知以死爭。當代老儒居首揆，（八）殿前

陪拜奉公卿。吳

江南浪子是何官？只當穹廬雜劇看。撥取公卿如糞土，沐猴（九）徒自辱衣

冠。劉

公子方張奉使旗，行行且尼（〇）復何爲？似聞傾盡黃金塢，辛苦平生只爲

誰？謝

廷爭堂堂負直聲，飄零沙漠若爲情？程嬰（二）存趙真公志，賴有忠良壯此

行。家

初修降表我無名，不是隨班拜舞人。誰遣附庸祈請使？要教索虜（三）識忠

臣。

客子漂搖萬里程，北征情味似南征。小臣事主寧無罪？只作幽州謫吏行。
使旃盡道有回期，獨陷羈臣去牧羝。(三)中爾含沙(四)渾小事，白雲飛處
楚天低。

【註釋】(一)引決自殺也。史記：及罪至網加，不能引決自殺。(二)龍勉強勉也。(三)白麻，謂詔書也。唐會要：

『凡敕書、德音、立后、建儲、大誅討、拜免三公宰相、命將、並用白麻。』(四)中書，中書省也。(五)衣錦，謂衣錦衣，顯貴也。

『(六)至尊』賈誼文：『履至尊而制六合。』謂居至尊之位，蓋謂天子也。(七)肉食，謂官吏厚祿，常肉食也。左傳莊公十年：『肉食者鄙，未能遠謀。』(八)首揆，猶言首相，古總百揆為宰相之官，後世宰相非一人，故稱居首位者為首揆，次相為次揆。

(九)沐猴，猴也。史記：人言楚人沐猴而冠耳。漢書：『以為漢廷公卿列侯，皆如沐猴而冠。』言雖具衣冠，非真人也。(一〇)

『厄』止也。孟子梁惠王下：『行或使之，止或厄之，行止，非人所能也。』(一一)程嬰，春秋晉人，與趙朔友。屠岸賈殺趙朔，滅其

族。朔妻遺腹生一兒，朔客公孫杵臼與嬰謀，取他人兒負之匿山中。嬰出，告所匿處，攻而殺之。嬰乃抱趙氏真孤匿山中居。後韓厥

言於景公，立為趙氏後，是為趙武，遂攻屠岸賈滅之。武既冠，嬰曰：『今宜下報宣孟杵臼。』遂自殺。(一二)索處，亦稱索頭處，

以其編髮為辮，故曰索頭。南朝時稱北魏為索處。宋書有索處傳。(一三)牧羝，見前記事。(一四)含沙，

釋文：『蛟狀如鼉，三足，一名射工，在水中含沙射人，一云射人影。』

命裏

文天祥

二月初十夜，爲劉百戶者所迫，中原人尙可告語也。賈餘慶語鐵木兒曰：「文丞相心腸別。」翌日早，鐵木兒自駕一舟來，命命裏千戶棹子上船，凶燄嚇人，見者莫不流涕。命裏高鼻而深目，面毛而多鬚，回回（一）人也。

熊罷（二）十萬建行臺，（三）單騎誰教免胄來？一日捉將沙漠去，遭逢碧眼

老回回

【註釋】（一）回回，古國名，宋時據有中亞。遼史紀耶律大石率衆西行，所歷諸部，有畏吾兒賊及回回大食部。又云「大石駐軍壽恩干，凡九十日，回回國王來降，其方物。」（二）熊罷，熊罷二獸皆猛健，故以喻軍隊。尙書牧誓：「如虎如貔，如熊如羆。」（三）行臺，魏晉以後，稱尙書省爲中臺，亦稱內臺；其隨所管之本道，置於外州，以行尙書事者，則號爲行臺，爲專征討而設，不常置。後魏始開府置屬，號爲尙書大行臺，於一路州府無所不統，然專主軍事，至後周始兼理民事。隋謂之行臺省，有尙書令，僕射，凡兵農行政，盡歸統轄。

留遠亭

文天祥

十一日，宿處岸上，有留遠亭，北人然火亭前，聚諸公列坐行酒。賈餘慶有名風子，滿口罵毀本朝人物無遺者，以此獻佞，北惟壘壘笑。劉岳數奉以淫褻，爲北所薄。文煥云：『國家將亡，生出此等人物。』子聞之，悲憤不已。及是，諸會專以爲笑具，於舟中取一村婦至亭中，使薦劉寢，（一）據劉之交坐。（二）諸會又噉婦抱劉以爲戲。衣冠掃地，殊不可忍，則堂尤憤疾云。

賢。賈
甘心賣國罪滔天，酒後猖狂詐作顛，把酒逢迎酋虜笑，從頭罵坐數（三）時

差。劉
落得稱呼浪子劉，樽前百媚佞旃裘。（四）當年鮑老不如此，留遠亭前大也

【註釋】（一）（鷓鴣臆）宋玉賦：『夢見一婦人曰：……聞君游高唐，願薦枕席。』『薦劉寢，猶言侍劉寢也。（二）（交坐）即謂交椅，即今所稱太師椅也。（三）（數）實數他人之罪曰數。（四）（旃裘）用毛織製之衣服，西北夷人所服也；故亦稱胡人曰旃裘，稱其君長曰旃裘君長。周禮秋官司絲疏：『如東方南方，衣布帛，執刀劍；西方北方，衣氈衣，執弓矢云。』司馬遷文：『氈裘之君長威震怖。』旃與氈通。

平江府

文天祥

予過吳門，感念悽愴。向使朝命不令入衛，嚴速予以死守，不死於是，卽至今存可也。予託病臥舟中，舊吏三五人來，遺民聞吾經過，無不垂涕者。舟到一時頃，卽解纜夜行九十里，北似防我云。

樓臺俯舟楫，城郭滿干戈。故吏歸心少，遺民出涕多。鳩居無鵲在，(一)魚網有鴻過。(二)使遂睢陽志，安危今若何？

【註釋】(一)鳩居無鵲在。詩經召南鵲巢：「維鵲有巢，維鳩居之！」方言：「鳩，獨謂拙鳥，不善營巢，占鵲巢居之。」鳩居無鵲在，喻國土爲人所占也。(二)魚網有鴻過。詩經邶風新臺：「魚網之設，鴻則離之。」魚網有鴻過，喻民受元妄之災也。

吊五木

文天祥

予初以朝廷遣張全，將淮兵二千救常州，以其爲淮將，必經歷老成，遂遣朱華將三千人從之。張全無統馭之材，自爲畦町。(一)十月二十六日，提淮軍自往橫林，設伏虞橋，北兵至，麻

士龍死之張全不救走回五木。五木乃朱華軍所駐，如掘溝塹，設鹿角。(一)張全皆不許朱華措置，殊不曉其意。二十七日，北兵薄。(二)朱華自辰至未，朱華與廣軍與之對，北兵自路塘直來，死於水者，不可勝計。至晚，北兵繞山後薄贛軍，尹玉當之，曾全胡遇謝雲曾玉先遁走，尹玉死焉。張提軍隔岸，不發一矢，有利災樂禍之心。吾軍渡水挽張全軍船，張全令諸軍斷挽船者之指，於是溺死者甚衆。張全并宵遁，惟尹玉殘軍五百人，與北兵角。(四)一夕，殺北兵及馬，委(五)積田間。賈明，(六)止有四人得歸，無一人降者。嗚呼！使此戰張全稍施援手，可以大勝捷。一夫無意，而事遂關宗社，嗚呼！天哉！余初欲先斬張全，然後取一時敗將並從軍法，以張全爲朝廷所遣，請於都督，乃宥張全使自贖，予遂不及行法。後詣餘杭，發京師，姑取曾全以徇衆，而噬臍多矣。過五木，吊戰場，爲之流涕不可禦。續聞張全者，淮東之債將。(七)也，昨隨許文德復濟河，兵已入城，張全鳴金散衆，許不敢以斬將自專，解赴制閫。(八)李公以使過。(九)期之，得不死。予不知受其誤，其免罪又出於第二次僥倖，卒爲降北，可歎恨云。

首赴勤王役，成功事則天。富平名委地，好水淚成川。我作招魂想，誰爲掩骼

緣？中興須再舉，寄語慰重泉。

【註釋】(一)自爲畦町。畦町，音牆壁，田區畔塔也。自爲畦町，謂有珍域之見也。(二)鹿角。舊時行軍守衛之具。餘
 裝築。鹿性警，羣居則環其角，圓圍如陣，以防人物之害；故軍中築柵，迴樹水外向，名曰鹿角。(三)薄。迫也。(四)角。謂角
 丞，鬪爭也。(五)委。棄也。(六)實明。天明時也。(七)債將。敗軍之將也。禮記射義：「貫軍之將不入。」注：「貫讀爲債，
 猶覆敗也。」(八)制閩。史記馮唐傳：「臣聞上古王者之遺將也，跪而推轂曰：「閩以內者，寡人制之；閩以外者，將軍制之。」
 故後世謂將兵在外者如節度使都督等曰制閩，閩寄。(九)使適。後漢書索盧放傳：「夫使功者不如使過。」注：「若桑稷教
 孟明而用之，霸西戎。」舊唐書李靖傳：「高祖謂公卿曰：「朕聞使功不如使過，李靖果屢其效。」」

渡瓜洲

文天祥

諸祈請使，十八日至鎮江府；阿朮在瓜洲，即請十九日渡江。至則鮮腆倨傲，令人裂眦。諸
 公皆與之語，予始終無言。後得之監守者云：「阿朮言文丞相不語，肚裏有傀儡。」彼知吾不
 心服也。

跨江半壁閱千帆，虎在深山龍在潭。當日本爲南制北，如今翻被北持南！
 眼前風景異山河，無奈諸君笑語何！坐上有人正愁絕，胡兒便道是傀儡。

弔戰場

文天祥

連年淮水上，死者亂如麻。
魂魄丘中土，英雄糞上花。
士知忠厥主，人亦念其家。
夷德無厭甚，皇天定福華。

脫京口

文天祥

記之：二月二十九日夜，予自京口城中，聞道出江潛登舟，泝金山，走眞州；其艱難萬狀，各以詩

定計難

予在京城外，日夜謀脫不得，聞者謝村幾去，至平江欲逃，又不果；至鎮江，謀益急，議趨眞州。杜架閣潛與帳前將官余元慶實與謀。元慶，眞州人也。杜架閣與予云：「事集萬萬幸，不幸謀泄，皆當死。死有怨乎？」予指心自誓云：「死靡悔。且辨匕首挾以俱，事不濟，自殺。」杜架閣

亦請以死自効，於計遂定。

南北人人苦泣岐，壯心萬折誓東歸。若非斫案判生死，夜半何人敢突圍？

踏路難

京口無城，通衢多隘，去江向十里。偶得一老校馬引間道，出三數巷，卽荒涼野，走至江岸，路頗近。若使不知間道，只行市井正路，無可出之理。

煙火連藁（一）鐵甕（二）關，要尋間道走江干。何人肯爲將軍地？北府老兵思漢官。

【註釋】（一）（藁）音萌，屋棟也，所以承瓦，故從瓦。（二）（鐵甕）謂鐵鑿城，卽江蘇鎮江縣子城。鎮江府志：『子城吳大帝所築，內外甃以甃，號鐵鑿城。』

得船難

北船滿江，百姓無一舟可問，杜架開與人爲謀，皆以無船長嘆而止。是後，余元慶遇其故

舊爲北管船，遂密叩之，許以承宣使銀千兩。其人云：『吾爲宋救得一丞相，回建大功業，何錢爲？但求批帖，爲他日趨承之證。』後授以一批帖，約除廉車，及強委之百金。義人哉！使吾此一遭遇，已矣。

經營十日苦無舟，慘慘椎心淚血流。漁父（一）疑爲神物遺，相逢揚子大江頭。

【註釋】（一）（漁父）史記伍子胥傳：『伍胥懼，乃與勝俱奔吳。到昭關，昭關欲執之，伍胥遂與勝獨身步走，澗不得脫，追在後，至江，江上有一漁父乘船，知伍胥之急，乃渡伍胥。伍胥既渡，解其劍曰：「此劍值百金，以與父。」父曰：「楚國之法，得伍胥賜粟五萬石，爵執珪，豈徒百金劍耶？」不受。』

出門難

北始款諸宰執於鎮江府，惟吳丞相以病不離舟，予爲遁計，宿府治。一夕，卽託故還裏河舟中，北亦不之疑。予遂於河近，得沈頤家坐臥。初，北分遣諸酋，監諸宰執，從子者曰王千戶，狼突可惡，相隨上下，不離頃刻。予在沈頤家，彼亦同臥席前後。是夜子醉，居亭主人復醉，王千戶

者，伺其寢熟，啓門而出。使微有知覺，吾事殆哉。

羅刹（一）盈庭夜色寒，人家燈火半闌珊。（二）夢回跳出鐵門限，世上一重

人鬼關。

【註釋】（一）（羅刹）梵語羅刹婆之略，其義爲可畏暴惡，爲食人之鬼神。蓋本印度古民族之名稱，至雅利安人，遂成爲畏惡之名詞。又謂羅刹男黑身赤髮綠眼，羅刹女又爲絕美之婦人，皆純出於想象。（二）（闌珊）衰落貌。

出巷難

北遣兵齷巷，禁夜不得往來。先是，有一會忽入沈頤家，予問：「何人？」劉百戶。問：「何職？」管夜禁。問：「官勾當何如？」曰：「官燈提照，往來從便。」杜架閣聞之，卽隨劉百戶出，強與之好，已而約爲兄弟，拉之飲于妓舍，杜強劉宿，劉俾杜歡，杜云：「我隨丞相在此，夜安置後方可出，怕禁夜耳。」「俺送爾燈，俺送小番隨着不妨事。」杜遂約。後夕果如約，予變服色，隨杜出，諸巷皆不呵問。杜至人家漸盡處，卽以銀與小番，約之使歸，來日候于某所。小番方十五六歲，無知，於是得遁。

行。

不時徇鋪（二）路縱橫，小隊戎衣自出城。天假漢兒燈一炬，旁人只道是官

【註釋】（一）（徇鋪）徇猶徇地之徇，鋪謂鋪兵，邏卒也。

出隘難

北於市井盡處設險，以十餘馬攔路。予等至隘所，馬驚，意甚恐。幸北軍皆睡，因得脫。

袖攜匕首（一）學啣枚，（二）橫渡城關馬欲猜。夜靜天昏人影散，北軍鼾睡正如雷。

【註釋】（一）（匕首）劍之最短者；其首類匕，故名。（二）（啣枚）古行軍，或令軍士啣枚。枚狀如筭，橫啣口中，組繫著於枚之兩端，結之項後，故軍行不能偶語，所以禁喧囂也。

候船難

予先遣二校坐舟中，密約待于甘露寺（一）下，及至，船不知所在，意窘甚，交謂：『船已失約，奈何！』予攜匕首，不忍自殘，甚不得已，有投水耳。余元慶褰裳涉水，尋一二里許，方得船至，各

稽首以更生爲賀。

待船三五立江干，眼欲穿時夜漸闌。
(二)若使長年期不至，江流便作汨羅
(三)看。

【註釋】(一)甘露寺在鎮江北固山上，下即大江。(二)闌晚也，歲暮曰歲闌，夜深曰夜闌。(三)汨羅，汨羅江在湖南，注湘水，史記屈原傳：「櫓石自投汨羅以死。」即此。

上江難

予既登舟，意汭流直上，他無事矣，乃不知江岸皆北船，連亘數十里，鳴榔唱更，氣饒甚盛。吾船不得已，皆從北船邊經過，幸而無問者。至七里，江忽有巡者，喝云：『是何船？』梢(一)答以河鮑(二)船。巡者大呼云：『仄船。』仄者，北以是名，反側奸細之稱。巡者欲經船前，適潮退，閣淺不能至。是時舟中皆流汗，(三)其不來，僥倖耳。

蒙衝(四)兩岸夾長川，鼠伏(五)孤篷(六)棹向前。
七里江邊驚一喝，天教潮退閣巡船。

【註釋】(一)「椅」謂椅子，篙師也。(二)「河鮪」即河豚。(三)「流汗」謂慄慄汗出也。(四)「蒙衝」古之戰艦也。其製以生牛皮蒙船覆背，兩廂開擊棹孔，前後左右有弩窗矛穴，敵不得近。見通典。(五)「鼠伏」鼠膽怯，謂長縮蟄伏如鼠也。(六)「篷」謂船篷，織竹夾箬爲之。

入城難

既至真州城下，問者羣望，告以文丞相在鎮江走脫，徑來投奔城子，諸將校皆出，即延入城。苗(一)守迎見，語國事移時，感憤流涕，即款之州治中，住清邊堂。然後從者之始至也，引至直司，(二)搜身上軍器，既知無他，然後見信，其關防之嚴密如此。向使恐疑橫於胸中，閉門不受，天地茫茫何所歸？噫，危哉！

茫。

輕身漂泊入變江，(三)太守欣然爲避堂。若使閉城呼不應，人間生死路茫

【註釋】(一)苗謂苗再成，再成時知真州。(二)直司謂直日官。(三)變江謂真州，真州南唐時爲迎鑾鎮。

真州雜賦

文天祥

予既脫虎口至真州，喜幸感嘆，靡所不有，各係之以七言。自正月二十，羈廢北營，至二月

二十九日夜，京口得脫，首尾恰四十日。一入真州，忽見中國衣冠，如流浪人乍歸故鄉，不意重觀天日至此。

四十義娥（二）落虎狼，今朝騎馬入真陽。山川莫道非吾土，一見衣冠是故鄉。

予入真州，聚觀者，夾道如堵。東坡云：『被天津橋上人看殺。』久無此境界矣。

聚觀夾道捲紅樓，奪得南朝一狀頭。（二）將謂燕人騎屋看，而今馬首向真

州。

京口船與梢人，北人皆有籍，予所得船，乃並緣北船販私鹽者，船與二水手，皆籍所不及。

予是以得濟，豈非天哉？

賣卻私鹽一舸回，天教壯士果安排。子胥流向江南去，我獨倉皇夜走淮。

予以夜遁，北人來早方覺而吾已在波上（三）矣。

便把長江作界河，負舟半夜泝煙波。明朝方覺田文（四）去，追騎如雲可奈

何？

予逃之明日，北人大索民間，累南人甚多。然予逝矣，不可得矣。

難。
十二男兒夜出關，曉來到處捉南冠。博浪力士（五）猶難覓，要覓張良更是

三月朔旦，予在真州城內，賈餘慶在瓜洲，皆淮境也，而南北分焉，哀哉！

我作朱金沙上游，諸君冠蓋渡瓜州。淮雲一片不相隔，南北死生分路頭。

諸宰執自京城陷後，無復遠略；北人之駈（六）去，皆俯首從之，莫有謀自拔者。予犯死逃歸，萬一有及國事，志亦烈矣。

兒？
公卿北去共低眉，世事興亡付不知。不是謀歸全趙璧，（七）東南那箇是男

【註釋】（一）（四十歲）姦謂姦和，日御也；娥謂姦娥，月神也；四十歲娥，謂日月出沒四十次，猶四十日也。（二）（狀頭）即狀元。（三）（在汶上）汶水名，齊有汶水，在汶上，猶言已在齊境也。（四）（田文）戰國齊田嬰子，相齊，號孟嘗君，招致天下賢士，食客嘗數千人，上客皆蹈珠履，名聞諸侯。嘗入秦，秦昭王欲殺之，賴其客能為狗盜者，夜為狗入秦宮竊取已獻昭王之狐白裘。

獻昭王幸姬，幸姬爲言昭王乃得釋。孟嘗君得出，卽馳去，更封傳變姓名以出關。夜半至函谷，關法雞鳴而出客，孟嘗君恐，客有能爲雞鳴者，作雞鳴而雞盡鳴，遂發傳出。昭王後悔，使人馳傳逐之，至關，孟嘗君已去矣。(五)〔博浪力七〕見前正氣歌註(十四)。爲雞鳴者，作雞鳴而雞盡鳴，遂發傳出。昭王後悔，使人馳傳逐之，至關，孟嘗君已去矣。(六)〔駝〕同驅。(七)〔全趙璧〕趙得楚和氏璧，讓昭王使人遺趙王書，願以十五城易璧。趙相如曰：「臣願奉璧往，使城入趙，而璧留秦；城不入，臣請完璧歸趙。」相如既入秦，秦王得璧，無意償趙城，相如乃詐復取璧，使其從者，衣褐懷璧，從徑道亡，歸璧於趙。見史記。

議糾合兩淮復興

文天祥

予至眞州，守將苗再成不知朝信，於是數月矣。問予京師事，慷慨激烈，不覺流涕。已而諸將校諸幕皆來，俱憤北不自堪。『兩淮兵力，足以復興，惜天使李公怯不敢進，而夏老與淮東薄有嫌隙，不得合從。得丞相來通兩淮脈絡，不出一月，連兵大舉，先去北巢之在淮者，江南可傳檄定也。』予問苗守計安出，苗云：『先約夏老，以兵出江邊，如向建康之狀，以牽制之；此則以通泰軍義打灣頭，以高郵、淮安、寶應、軍義打揚子橋，以揚州、大軍向瓜洲，某與趙、刺、史、孟、錦，以舟師直橫鎮江，並同日舉，北不能相救。灣頭、揚子橋，皆沿江、兵守之，且怨北，王師至卽下。聚而攻瓜洲之三面，再成則自江中一面薄之，雖有智者，不能爲

人。

間。

之謀。此策既就，然後淮東軍至京口，(七) 淮西軍入金城，(八) 北在兩浙，無路得出，虜帥可生致也。予喜不自制，不圖中與機會在此，即作李公書，次作夏老書，苗各以覆帖副之，及欲予致書戎帥及諸郡，并白此意。予已作朱渙姜才蒙亨等書，諸郡將以次發，時與議者皆勇躍。有謂李不能自拔者，又有謂朱渙姜才各做起來，李不自由者，又有謂李恨不得脫重負，何幸有重臣輔之。予既遣書，盼盼焉望報，天之欲平治天下，則吾言庶幾不枘鑿(九)乎。

清邊堂上老將軍，南望天家雨。(一〇) 濕巾爲道兩淮兵，定出相公同作敵盟。
揚州兵了約廬州，某向瓜洲某贛州，直下南徐侯自管，皇親刺史統千舟。
南八(二) 空歸唐壘陷，包胥一出楚疆還，而今廟社存亡決，只看元戎進退

【註釋】(一)(李公)謂李庭芝，庭芝時爲淮東制置使，駐揚州。(二)(夏老)謂夏竦，竦本爲淮西制置使，兼知廬州，然此時已叛降元，而天祥再成尙未知也。(三)(建康)建康縣秦淮、秣陵縣地，故城在今江蘇南京，通稱南京爲建康。(四)(濬頭)濬頭鎮在江蘇江都縣東北，運河分流處也，亦名茶黃灣，爲揚州軍事要地。(五)(揚子橋)在江蘇江都縣南十五里之

揚子津，自古爲江漢津要。(六)(瓜洲)在江蘇江都縣南四十里江濱，地當運河之口，與鎮江斜值，爲南北襟喉之處。舊有城，今爲鎮。(七)(京口)今江蘇丹徒縣治。(八)(金城)在江蘇句容縣北。(九)(柘營)謂不合也。史記：「持方柄，欲內圓鑿，其能入乎？」按柄，木端之入孔處，鑿其孔也。(一〇)(雨)淚雨也。(一一)(南入)卽唐南霽雲韓退之張中丞傳後敘：「城陷賊以刃脅降，巡不風，卽牽去，將斬之，又降霽雲，雲未應，巡呼雲曰：『南入，男子死耳，不可爲不義屈。』」雲笑曰：「欲將以有爲也，公言，雲敢不死！」卽不風。」

出真州

文天祥

予旣爲李制所逐，出真州，艱難萬狀，不可殫紀，痛哉！

予至真州第三日，苗守約云：『早食後看城子。』予欣然諾之。有頃，陸都統來，導予至小

西門城上閑看，未幾，王都統至，迤邐出城外。王忽云：『有人在揚州，供得丞相不好。』出制司

(二)小引視之，乃脫回人供北中所見，云：『有一丞相，差往真州賺(三)城。』王執右語不使

予見。予方歎惋間，二都統忽鞭馬入城，小西門閉矣，不復得入。彷徨城外，不知死所。

早約戎裝去看城，聯鑣(三)壕上歎風塵，誰知關出西門外，憔悴世間無告

人。

憐。

制使遣一提舉官至眞州，疑子爲北用，苗守貳於子云：「決無宰相得脫之理，縱得脫，亦無十二人得同來之理。何不有矢石擊之？乃開城門放之使入。」意使苗守殺子以自明，哀哉！
揚州昨夜有人來，誤把忠良按劍猜，怪道使君無見解，城門前日不應開。

制使欲殺我，苗守不能庇（四）將信將疑，而憐之之意多也。

瓊花（五）堂上意茫然，志士忠臣淚徹泉。賴有使君知義者，人方欲殺我猶

子幸脫身至眞州，即議糾帥兩淮以圖恢復，制使乃疑子爲北用，欲見殺。江南與北中，皆

知子爲忠義，而兩淮不予信。子平生仕宦聲迹，比比不會至淮。天地茫茫，與誰語哉！

秦庭痛哭（六）血成川，翻訝（七）中行（八）背可鞭。南北共知忠義苦，平生只少兩淮緣。

子少時曾遊眞州，至是十八年矣。初望糾合復興，爲國家辦大事，乃不爲制臣所容，天平

哀哉！

一別迎鑾十八秋，重來意氣落旄頭。(九)平山老子不收拾，南望端門(一〇)
淚雨流。

始見制臣小引，備脫回人朱七二等供云：『有一丞相往眞州賺城。』予頗疑北有智數，見予逃後，遣人詐入揚州供吐，以行反間，旣而思之，揚州遣提舉官來眞州見害，乃三月初二日午前發，予以二月晦夕逃，朔旦北方覺，然不知走何處，是日使遣人詐入揚州，殆無此理。看來只是吾書與苗守覆帖初二日早到，制使不暇深省，一概以爲奸細而欲殺之。哀哉！何不審之甚乎！

天地沉沉夜泝舟，鬼神未覺走何州，明朝遣問應無是，莫恐死戎逐客不？

予在門外久之，忽有二人來，曰：『義兵頭目張路分徐路分也。』予告以故。二人云：『安撫傳語，差某二人來送，看相公去那裏？』予云：『必不得已，惟有去揚州見李相公。』路分云：『安撫謂淮東不可往。』予謂：『夏老素不識，且淮西無歸路，予委命於天，只往揚州。』二路分云：『且行且行。』良久，有五十人弓箭刀劍來隨。二路分騎馬，以二馬從予，予與杜架閣連

轡而發。

人人爭勸走淮西，莫犯翁翁按劍疑。我問平山堂（二）下路，忠臣見誦（三）
有天知。

予在小西門外，皇皇無告，同行杜架閣，仰天呼號，幾赴壕死；從者皆無人色，莫知所爲。予
進不得入城，城外不測有兵，露立荒迥，（一三）又乏飲食，予心自念：『豈予死於是乎？』爲之
踟躕，心膂如割。後得二路分送行，苗守又遣衣被包複等來還，遂之揚州。是日，上巳（一四）日
也。

千金犯險（二）脫旃裘，誰料南冠反見讎？記取小西門外事，年年上巳哭江
頭。

二路分引予行城裏，猶望見真州城，五十兵忽齧刀於野，駐足不行，予自後至，二路分請
下馬云：『有事商量。』景色可駭。予下馬問云：『商量何事？』云：『行幾步。』行稍遠，又云：『且
坐且坐。』予意其殺我於此矣，與之立談。二路分云：『今日之事，非苗安撫意，乃制使遣人欲

殺丞相，安撫不忍加害，故遣某二人來送行。今欲何往？子云：『只往揚州，更何往？』彼云：『揚州殺丞相奈何？』曰：『莫管，信命去。』二路分云：『安撫令送往淮西。』子云：『淮西對建康，太平池州、江州，皆北所在，無路可歸。只欲見李制使，若能信我，尚欲連兵以圖恢復；否則即從通州路邊（一六）海邊闕。』二路分云：『李制使已不容，不如只在諸山寨中少避。』子云：『做什麼合煞？生則生，死則死，決於揚州城下耳。』二路分云：『安撫見辦船在岸下，丞相從江行，或歸南歸北皆可。』子驚曰：『是何言歟！如此，則安撫亦疑我矣。』二路分見子辭真確，乃云：『安撫亦疑信之間，令某二人便宜從事，某見相公一個恁麼人，口口是忠臣，某如何敢殺相公？既真個去揚州，某等部送去。』乃知苗守亦主張不過實使二路分覘子語言趨向，而後爲之處。使一時應酬不當，被害原野，誰復知之？痛哉痛哉！時舉所攜銀一百五十兩與五十兵，且許以至揚州，又以十兩；二路分則許以分賜金百兩，遂行。

荒郊下馬問何之，死活元來任便宜。不是白兵（二七）生眼孔，一團冤血有誰

知？

二路分既信子忠義，與子中路言：『真州備判司行下，有安民勝云：文相公已從小西門外，押出州界去訖。』爲之嗟嘆不已。嗚呼！子之不幸，乃至於斯，其不死於兵，豈非天哉？

戎衣嘖嘖嘆忠臣，爲說城頭不識人，押出相公州界去，真州城裏勝安民。

杜架閣幾赴壕，以救免，一行人皆謂當死於真州城下矣，後得二路分送行，惟恐有北哨追之，危哉危哉！

有客倉皇欲赴壕，一行性命等鴻毛，白兵送我揚州去，惟恐北軍來捉逃。

二路分所引路，乃淮西路，既見子堅欲往揚州，遂復取揚州路。時天色漸晚，張弓挾矢，一路甚憂疑。指處瓜洲也，又前某處，揚子橋也，相距不遠。既暮，所行皆北境，惟恐北遣人伏路上，寂如啣枚，使所過北有數騎在焉，吾等不可逃矣。

瓜洲相望隔山椒，(二)煙樹光中揚子橋，夜靜啣枚莫輕語，草間惟恐有鷗鴞。(一九)

是日行至暮，二路分先辭，只留二十人送揚州；二十人者，又行十數里，勒取白金，亦辭去。

不可挽。揚州有販鬻者，以馬載物，夜竊行於途，白馬墜子二十人者，但令隨馬墜子，卽至揚州西門。子一行如盲，悵悵然行。嗚呼！客路之危難如此！

打初更。
真州送駿已回城，暗裏依隨馬墜行。一陣西州(一〇)三十里，摘星樓(三)下

【註釋】(一)(制司)指揚州淮東制置使李庭芝。(二)(贖)賣也，如爲人所賣曰被贖。此卽說降之意。(三)(聯鑾)音標，馬銜也。爾雅：『鑾謂之鑾。』註：『馬勒旁鐵。』聯鑾，並鑿之意。(四)(分花)與底同，蔭也。(五)(遺花)珍異植物，昔惟揚州后土祠有一株，世傳爲唐人所植，葉柔平蔓澤，花大瓣厚，色淡黃，清複異常。后土祠在宋爲蕃館觀，曾築無雙亭於花旁。仁宗時，嘗從觀中移植禁苑，逾年而枯，載還揚州復活。(六)(秦庭痛哭)春秋時伍員以吳師伐楚，入郢，楚大夫申包胥入秦乞師，依庭牆而哭者七日，秦伯乃遣將援楚，定其國難。(七)(訴)首牙去聲，疑也。(八)(中行)謂中行說，說燕人漢文帝時宦者，使遂公主妻匈奴，說不肯行，強之，因降匈奴，事老上，單于與其子軍臣單于，日夜教單于候伺利害，爲漢患。(九)(旌頭)史記天官書：『昴曰旌頭，四星也。』(一〇)(端門)殿之正門也。(一一)(平山堂)在江蘇江都縣西北五里蜀岡上，宋蔣曆間郡守歐陽修建。(一二)(見說)受委風也。說同風。(一三)(荒迥)迥，遠也，荒迥，猶言荒遠。(一四)(上巳)陰曆三月上旬之巳日。韓詩章句：『闔國之俗，三月上巳，之溱洧兩水，執蘭招魂續魄，祓除不祥。』後此風相沿不改。魏以後但用三月三日，不復用巳日。(一五)(犯險)冒險也。(一六)(遵)循也。(一七)(白兵)猶白徒白丁，謂未隸兵籍之兵，如後世民壯鄉勇之類。蓋張徐二人均義兵頭目也。(一八)(山樛)山頂也。宋史張浚傳：『浚遣步兵從間道直趨山椒，設伏奪險。』謝莊賦：『菊散芳於山樛。』(一九)(鷓鴣)凶猛之惡鳥也，此以喻元虜。(二〇)(西州)西州城在江蘇江寧縣西，晉揚州刺史治所。(二一)(摘星樓)在江蘇江

都縣城西北隅。

至揚州

文天祥

予至揚州城下，進退維谷，其徬徨狼狽之狀，以詩志其概：予夜行啣枚，至揚州西門櫺甚，有三十郎廟，僅存牆堵，屋無矣，一行人皆枕藉於地。時已三鼓，風寒露濕，悽苦不可道。

此廟何神三十郎，問郎行客忒琅璫。(一)荒塔枕藉無人問，風露滿堂清夜長。

揚州城中打四更，一行人遂入近城西門，坐漫地上，候啓門者，無慮百數。城上問何人，從他人應答，予等莫敢語，恐聲音不同，卽眼生隨後。

譙鼓(二)鼕鼕入四更，行行三五入西城。隔壕喝問無人應，怕恐人來捉眼生。(三)

予出眞州，實無所往，不得已趨揚州，猶冀制臣之或見諒也。既至城下，風露淒然，聞鼓角有殺伐聲，徬徨無以處。

悵悵乾坤(四)靡所之，平山風露夜何其！(五)翁翁豈有甘心事？何故高樓鼓角悲？

制臣之命真州也，欲見殺，若叩揚州門，恐以矢石相加。城外去揚子橋甚近，不測，又有哨進退不可。

城上兜鍪(六)按劍看，四郊胡騎遶團團。平生不解楊朱泣，(七)到此方知進退難。

杜架閣以爲制臣欲殺我，不如早尋一所，逃哨一日，卻夜趨高郵，求至通州，渡海歸江南，或見二主，伸報國之志，徒死城下無益。

吾戴吾頭(八)向廣陵，(九)仰天無告可憐生。爭如負命投東海？猶會乘風近玉京。

金路分謂「出門便是哨，五六百里而後至通州，何以能達？與其爲此受苦而死，不如死於揚州城下，不失爲死於南。」且猶意使臣之或者不殺也。

海雲渺渺楚天頭，滿路胡塵不自由。若使一朝俘上去，不如制命死揚州。

子方未知所進退，余元慶引一賣柴人至，云：「相公有福，相公有福。」問：「能導至高沙否？」曰：「能。」曰：「何處可暫避一日？」曰：「儂家可。」曰：「此去幾里？」曰：「二三十里。」曰：「有哨否？」曰：「數日不一至。」曰：「今日哨至如何？」曰：「看福如何耳。」

路傍邂逅賣柴人，爲說高沙可問津。此去儂家二十里，山坳聊可避風塵。

子從金之說，恐制臣見殺，從杜之說，恐北騎見捕，莫知所決。時曉色漸分，去數步，則金一邊來牽住，回數步，則杜一邊又來拖行，事之難從違，未有如此之甚者。

且行且止正依違，(一〇)鬚髯長空曙影微。從者倉皇心緒急，各持議論泣牽衣。

同行通十二人，行止未決，余元慶、李茂、吳亮、蕭發、遼生叛心，所懷白金各一百五十星，上下竟攜以走。

問誰攫去橐中金，僮僕雙雙不可尋。折節(二)從今交國士，死生一片歲寒心。

心。

予危急中，隨行四人，皆負而逃，外旣顛躓，（二）內又饑困，行數十步，喘甚不能進，倒荒草中，扶起又行。如此數十，而天曉矣。

顛崖一陷落千尋，奴僕偏生負主心，饑火相煎疲欲絕，滿山荒草曉沉沉。

予不得已，去揚州城下，隨賣柴人趨其家，而天色漸明，行不能進。至十五里頭，半山有土圍一所，舊是民居，毀蕩之餘無椽瓦，其間馬糞堆積。時惟恐北有望高者，見一隊人行，即來追逐，只得入此土圍中暫避。爲謀拙甚，聽死生於天矣。

戴星欲赴野人家，曙色紛紛路愈賒。（三）倉卒只從山半住，顏垣上有白雲遮。

旣入土圍中，四山闕（一）然，無一人影。時無米可飯，有米亦無煙火可炊。懷金無救也，哀哉！

路逢敗屋作鷄棲，白屋荒荒鬼哭悲。袖有金錢無米糴，假饒有米亦無炊。

土圍糞穢不可避，但掃淨數人地，以所攜衣服，貼襯地面，睡起復坐，坐起復睡；日長難過，情緒奄奄，哀哉！

掃退蜚蝗（三）枕敗牆，一朝何止九回腸？睡餘捫虱沉沉坐，偏覺人間白晝長。

北法惟午前出哨，午後各歸，若是日起，睡至午後，懼曰：『今日得命矣！』忽聞人聲喧啾甚，自壁窺之，乃北騎數千，自東而西，於是追咎不死於揚州城下，而被捉於此。苦矣苦矣！時大風忽起，黑雲暴興，數點微雨下，山色昏冥，若有神功來救助也。

飄零無緒嘆途窮，搔首踟躕日已中。何處人聲似潮汛，黑雲驟起滿山風。

數千騎隨山而行，正從土圍後過，一行人無復人色，傍壁深坐，恐門外得見。若一騎入來，即無瞧類矣。時門前馬足與箭筒之聲，歷落在耳，只隔一壁，幸而風雨大作，騎只徑去。危哉危哉！哀哉哀哉！

晝闌萬騎忽東行，鼠伏荒村命羽輕。隔壁但聞風雨過，人人顧影賀更生。

子與杜架閣及金應、張慶、夏仲、呂武、王青、鄒捷共八人，在土圍中，時已過午，謂哨不來。山下一里有古廟，廟中有丐婦居之，廟前有井。遂遣呂武、鄒捷下山汲水，意或可以得米菜少救饑餓，不料哨至，二人首被獲。二人解所腰白金近三百兩，悉以與之，北受金，得不殺，及哨過，二人方回，相向哀泣，又幸性命之苟全。

縲。

青衣山下汲荒泉，道遇腥風（二六）走向前，向晚歸來號且哭，胡兒只爲解腰

早從賣柴人行不能前，遂至於土圍中，約賣柴人，入城糴米救性命云：『不奈何忍饑一日，城中衙晡後方開門，米至則黃昏矣。』是日，北數百騎薄西城，於是門不開，賣柴人竟不得出。子等饑窘失措，又以土圍中，露天不可睡臥，於是下山，投古廟中，與丐婦人同居焉。

眼穿只候賣柴回，今日堡城門不開，糴米已無消息至，黃昏惆悵下山來。

既至廟中，坐未定，忽有人攜梃至，良久，三四人陸續來，吾意不免矣。乃知其人自城中來，夜討柴，來早入城赴賣，無惡意也。數人糞糶羹，（二七）出其餘以遺我。有未冠者，一夕於庭中

燒火照明，諸樵亦不睡，予等且困且睡，是不可言。

既投古廟覓藜羹，三五樵夫不識名。童子似知予夢惡，生柴燒火到天明。

予等饑甚，樵者飲食，輒乞其餘。破廟何所？風露淒然，僅存身猶不自保，哀哉！

苦作江頭乞食翁，一層破廟五更風。眼前境界身何許？始悟人間萬法空。

予見諸樵夫，幸而可與語，告以患難，厚許之，使導往高沙。賴其欣然見從，謂此處不是高

沙路，方駐堡城北門買家莊。少駐一日，卻爲入城糴米買肉，以救兩日之饑；又顧（一八）馬辦

乾糧，以備行役。於是五更隨諸樵夫往焉。時樵夫知予無聊，又有所攜，使萌不肖心，得財豈不

多於所許？淮人依本分感激，豈亦有天意行其間乎？

樵夫偏念客途長，肯向城中爲裹糧。曉指高沙移處泊，司徒廟下買家莊。

【註釋】（一）（瓊瑤）猶瓊瑤，縱恣不敘攝也。

（二）（醜黷）醜黷之故。醜音樵，醜樵，俗稱鼓樵。

（三）（眼生）即俗所謂眼

線，引領捕役以緝盜賊者。

（四）（乾坤）謂天地也。

（五）（其）語辭。詩經小雅庭燎：『夜如何其？夜未央。』（六）（鬼整）首鏡

也，戰時冠之，裝兵刃，以形似整得名。

（七）（楊朱泣）列子說符：『楊子之鄰人亡羊，既率其黨，又請楊子之聲追之。楊子曰：『嘻！

亡一羊，何追者之衆？』鄰人曰：『多歧路。』既反，問：『獲羊乎？』曰：『亡之矣。』曰：『奚亡之？』曰：『歧途之中又有歧焉，吾不知

所之，所以反也。』楊子戚然變容，不言者移時，不笑者竟日。『楊朱泣，即用此事，畫悲歧途也。朱楊子名。』（八）（善戴吾頭）資治

通鑑唐紀廣德二年：「郭晞在邠州，繼士卒爲暴，節度使白孝德惡之，以子儀故不敢言。涇州刺史段秀實，自請補都虞候，孝德許之。既署一月，晞軍士十七人入市取酒，以刃刺酒翁，踐廳器；秀實列卒取十七人首，注梁上，植市門。晞一營大譟，盡甲。孝德震怒，召秀實曰：「奈何？」秀實曰：「無傷也，請往解之。」孝德使數十人從行，秀實盡辭去，選老嫗者一人，持馬至晞門下。甲者出，秀實坐且入曰：「殺一老卒，何甲也？吾戴吾頭來矣。」（九）〔廣陵〕廣陵郡即漢廣陵國後漢改郡，治廣陵，故城在今江蘇江都縣市北。隋置揚州，又改曰江都郡。（一〇）〔依違〕依猶從也。依違謂不決；且從且違，兩可之詞也。（一一）〔折節〕屈已以下人也。〔節〕以秦之強，折節而下與國，臣恐其害於東周。』（一二）〔顛隳〕顛隳也。尚書微子：『我乃顛隳。』（一三）〔愁〕這也。杜甫詩：『爲農去國賒。』（一四）〔闌〕靜寂也。易贖卦：『闌其無人。』（一五）〔蟻〕甲蟲名，與金龜子相似，全身漆黑，好以人畜之糞推轉成丸，即產卵其中，故俗有運屎蟲之稱。（一六）〔腥風〕胡人食羊肉，有腥膻臭味，腥風喻元虜。（一七）〔糝〕和米之糝，如今菜湯飯之類。（一八）〔顧〕與雇同。

賈家莊

文天祥

予初五日，隨三樵夫，黎明至賈家庄，止土圍中，臥近糞壤，風露淒然。時枵腹（一）已經兩夕，一日半，懸三樵夫入城糴米買肉，至午而得食。是夜，顧馬趨高沙。

行邊無鳥雀，臥處有腥臊。露打鬚眉硬，風搜顴頰高。流離外顛沛，饑渴內煎熬。多少偷生者，孤臣嘆所遭。

【註釋】(一)楊腹楊首聾虛也凡物飽耗曰楊楊腹謂飢餓而服空虛也范成大詩『寶玩何曾救楊腹』

揚州地分官

文天祥

初五至晚，地分官五騎咆哮而來，揮刀欲擊人，凶饒甚於北，亟出濡沫，方免毒手。急令離地分去，告以入城，云入城必被殺。幸而脫北方之難，不意困折於我土地。天地雖大，無所容身，
哀哉！

罵北人？
五騎馳來號徼巡，(一)咆哮按劍一何嗔！金錢買命方無語，何必『豺狼』

便當縞素駕戎車，畏賊何當畏虎如？看取摘星樓咫尺，可憐城下哭包胥。

【註釋】(一)徼巡巡邏官也。

高沙道中

文天祥

予雇騎夜趨高沙，越四十里，至板橋，迷失道。一夕，行田畝中，不知東西，風露滿身，人馬饑

乏，且行霧中不相辨。須臾，四山漸明，忽隱隱見北騎，道有竹林，亟入避，須臾，二十餘騎遠林呼噪。虞候張慶，右眼內中一箭，項二，刀割其髻，裸于地；帳兵王青縛去；杜架閣與金應，林中被獲，出所攜黃金，賂邏者得免。予藏處距杜架閣不遠，北馬入林，過吾傍三四，皆不見，不自意得全。僕夫鄒捷臥叢篠下，馬過踏其足流血；總轄呂武，親隨夏仲，散避他所。是役也，予自分必死，當其急時，萬竅怒號，雜亂人聲，北倉卒不盡得，疑有神明相之。馬既去，聞其有焚林之謀，亟趨對山，復尋叢篁以自蔽。既不識路，又乏糧食，人生窮蹙，無以加此。未幾，呂武報北騎已還灣頭，又知路邊鮎魚壩傳聞不盡信，然他無活策，黽勉趨去，僥倖萬一。倉皇匍匐不能行。先是，自揚州來，有引路三人，牽馬三人，至是或執或逃，僅存其二。二人出於無聊，各操挺相隨，有無禮之志；遂巡行路，無可奈何。至晚，西忽遇樵者數人，如佛下降，偶得一籬，以繩維之，坐於籬中。雇六夫，更迭負送。馳至高郵城西，天已曉，不得渡。常恐追騎之奄至也，宿陳氏店，以茅覆地，忍饑而臥。黎明過渡，而心始安，痛定思痛，其涕如雨。

三月初五日，索馬平山邊，疾馳趨高沙，如走阪上圓。(一)夜行二百里，望望

無人煙，迷途呼不應，如在盤中旋。昏霧腥且濕，怒颿狂欲顛，流澌（二）在鬚髮，塵珠滿囊鞬。（三）紅日高十丈，方辨山與川，胡行疾如鬼，忽在林之巔。誰家苦竹園，其葉青萋萋，倉皇伏幽篠，生死信天緣。鐵騎俄四合，鳥落無虛弦，遠林勢奔軼，（四）動地聲喧闐，霜蹄破叢翳，出入相貫穿。既無遁形術，又非縮地僊，（五）猛虎驅羣羊，兔魚落蹄筌。（六）一吏射中目，頸血僅可濺，一隸縛上馬，無路脫糾纏，一廝躪其足，吞聲以自全；一竇與一從，買命得金錢；一伴（七）與一校，幸不逢戈鋌。嗟予何薄命！寄身空且懸，蕭蕭數竹側，往來度飛鞚，（八）遊鋒幾及膚，怒興空握拳。跬步（九）偶不見，殘息忽復延。當其蹙迫時，大風起四邊，意者相其間，神物來蜿蜒。更生不自意，如病乍得痊，須臾傳火攻，然眉復相煎。一行輒一跌，奔命度平田，幽篁便自托，仰天坐且眠。晴曦正當晝，焦腸火生咽，斷罍汲勺水，天降甘露鮮。青山爲我屋，白雲爲我椽。彼草何荒荒！彼水何潺潺！首陽（一〇）既無食，陰陵（一一）不可前，便是失目魚，一似無足虵。（一二）不見道傍骨，委積（一三）有萬千，魂魄親蠅

蝨，膏脂飽鳥鳶。使我先朝露，其事亦復然。丈夫竟如此，吁嗟彼蒼天！古人擇所安，肯蹈不測淵？奈何以遺體，糞土同棄捐！初學蘇子卿，(一四)終慕魯仲連，(一五)爲我王室故，持此金石堅！自古皆有死，義不污腥羶！求仁而得仁，寧怨溝壑填？秦客載張祿，(一六)吳人納伍員；季布(一七)走在魯，樊期(一八)托於燕；國士急人病，侘儻何拘攣？彼人莫我知，此恨付重泉。鵲聲從何來？忽有吉語傳：此去三五里，古道方平平。行人漸復出，胡馬覺已還，回首下山阿，七人相牽連。東野(一九)御已窮，而復加之鞭，跼足如移山，攜持姑勉旃。行行重狼顧，(二〇)常恐追騎先。揚州二游手，面目輕且儇，(二一)自言同脫虜，波波口流涎；白日各持挺，其來何翩翩！奴輩殊無聊，似欲爲鷹鷂；逡巡不得避，默默同寒蟬。道逢採樵子，中流得舟船，竹畚當安車，六夫共頽肩。(二二)四肢與百骸，屈曲如桎梏，(二三)路人心爲惻，從者皆涕漣。星奔不可止，暮達城西阡，饑臥野人廬，藉草爲針氈。詰朝(二四)從東渡，始覺安且便。人生豈無難？此難何速遭！(二五)重險復重險，今年定何年！聖世基岱嶽，皇風扇垓埏，(二六)

中興奮王業，日月光重宣。報國臣有志，悔往不可湔。臣苦不如死，一死尙可憐。堂上太夫人，鬢髮今猶玄。江南昔卜宅，嶺右今受塵。首丘(二七)義皇皇，倚門望惓惓。波濤避江介，(二八)風雨行淮壘。(二九)北海轉萬折，南洋泝孤鶩。周游大夫蠹，(三〇)放浪太史遷。(三一)倘復游吾盤，(三二)終當畊我棉。夫人生於世，致命各有權。慷慨爲烈士，從容爲聖賢。稽首望南拜，著此泣血篇。百年尙哀痛，敢謂事已過？

【註釋】(一)(圓)與丸通。丸善轉，置之阪上，則轉无疾。(二)(斬)流冰也。(三)(發)受弓矢器。左傳僖公二十三年：

『若不獲命，其左執鞭弭，右屬箠，以與君周旋。』杜注：『弭，弓末無緣者。箠，以受箭。韃，以受弓。屬者也。周旋，相追逐也。』箠音高。韃音健，或作。

(四)(奔軼)謂疾走從後出前也。莊子：『奔軼絕塵。』(五)(縮地仙)神仙傳：『費長房有神術，能縮地脈，千里在目前宛然，放之復舒如舊。』按費長房東漢汝南人，嘗從壺公學仙。(六)(蹄筌)莊子：『筌者所以在魚，蹄者所以在兔。』蹄與筌蓋漁獵之具。(七)(倅)音掉，使者也。(八)(轡)音箋，馬鞍具也。(九)(跬步)類篇：『司馬法：凡人一舉足曰跬，跬，三尺也；兩舉足曰步，步，六尺也。』禮記祭義：『故君子跬步而不忘孝也。』跬音奎上聲。(一〇)(首陽山)在山西永濟縣南，

夷叔齊餓死於此。(一一)(陰陵)陰陵山在安徽和縣北八十里，接江蘇江浦縣界，即項羽迷道處。(一二)(蚊)蟲名，一名馬陸，多足，俗名百脚蚊。淮南子：『百足之蟲，至死不僵。』指此。(一三)(委積)善積也。(一四)(蘇子卿)蘇武字子卿。(一五)

(魯仲連)戰國齊人，高蹈不仕。游於趙，秦國趙急，魏使新垣衍請帝秦，仲連義不許，秦軍爲卻。後田單言於齊王，欲得之，連逃於海。

上。(一六)張祿。范雎戰國時魏人，欲事魏王，家貧無以自資，乃先事中大夫須賈，從賈使齊，齊襄王聞魏口號，魏金及牛酒，賈意雖持魏國陸事告齊，故得此饋，以告相魏齊，齊善擊魏，折晉摺齒，雖伴死得出，乃易姓名曰張祿，秦客王稽載之入秦，秦昭王以爲客卿，尋爲相，封應侯。(一七)季布。漢楚人，爲任俠有名，籍使將兵，數窘漢王，籍滅，高祖購求布，布匿濮陽，其閭氏竇之，魯朱家所。朱家說汝陰侯滕公，公爲帝言之，帝乃赦布，拜爲郎中。(一八)樂期。即樊於期，戰國時秦將，避罪於燕，燕太子丹舍之，遇之甚厚。(一九)東野。謂東野稷。戰國時人，以御(御馬也)見衛莊公，進退中繩，左右旋中規，顏闔遇之，入見曰：『稷之馬將敗。』公不應，少焉果敗而反。公曰：『子何以知之？』曰：『其馬力竭矣，而猶求焉，故曰敗。』(二〇)狼顧。狼性怯，走常還顧，因以喻人之有所畏懼者。(二一)僕。音綯，平聲。慧利也，便捷也。荀子：『鄉曲之僕子。』注：『方言云：僕疾也，慧也，輕薄巧慧之子也。』(二二)楨。赤也，音櫪。(二三)楨。器名，風木所爲，若卮匱之屬。孟子：『君子楨。』注：『以人性爲仁義，猶以杞柳爲楨。』楨音枅，倦丘園反。(二四)詰朝。詰古哲字，哲明也，詰朝，猶明朝也。按詰詰，因形近而誤。(二五)逶迤。音柅，難行不進貌。(二六)孩誕。音該延，地之邊際處，言其至遠也。司馬相如文：『大漢之德，上暢九垓，下泝八埏。』(二七)首丘。禮記檀弓上：『古之人有言曰：「狐死正首丘，仁也。」』注：『丘是狐窠穴根本之處，雖狼狽而死，意猶向此丘。』今人以反葬故鄉爲歸正首丘。(二八)江介。介猶界也，謂沿長江一帶之地。楚辭九章：『悲江介之遺風。』(二九)儻。如真切，河邊地也。梅堯臣詩：『時時到水堦。』(三〇)蕞。謂范蠡。蠡事句踐，深謀二十餘年，竟滅吳，報會稽之恥，稱上將軍。儻以大名之下，難以久居，且句踐爲人，可與共患難，難與同安樂，遂浮海適齊，變姓名爲鴟夷子皮，治產致數千萬，齊人聞其賢，以爲相，復罷散其財，去而止陶，自號陶朱公，耕畜轉物，逐十一之利，又致富累巨萬，卒於陶。(三一)選。謂漢太史公司馬遷。遷嘗南遊江淮，上會稽，探禹穴，窺九疑，浮湘沅，北涉汝泗，傲陽齊魯梁楚之間，故其文浩渺博大，爲世所重。(三二)游。音遊，謂隱居也。詩經衛風考槃：『考槃在澗，碩人之寬。』傳：『考，成也；槃，盤桓之意，言成其隱處之室也。』槃與盤同。

揚子江

文天祥

自通州至揚子江口，兩潮可到。爲避渚沙，及許浦顧諸從行者，故繞去出北海，然後渡揚

子江。

幾日隨風北海游，回從揚子大江頭。臣心一片磁針石，不指南方不肯休！

題蘇武忠節圖有序

文天祥

余在京口城外，日夜求脫不得間，謝村去平江，欲逃又不果；至鎮江，事益急，議趣真州，余

杜密謀，杜云：『事濟萬幸；不幸謀泄，當死。死有怨乎？』余指心自誓云：『死靡悔；且辨匕首，事

懼不濟，挾以自殺。』杜云：『亦請以死自效。』於是計遂定。既至真州城下，問者羣至，告以余

在鎮江走脫，城中諸校皆出；既延入城，苗守遂見，語國事移時，感慨流涕。即往住清

亡者始至也，引至直司，搜身上所藏軍器；既無他，然後見信，防閑嚴密如此。向使



胸中閉門不納，天地茫茫，何所歸宿？噫！其危哉！苗守袖出李龍眠畫漢蘇武忠節圖，求余詠題；撫卷淒涼，浩氣憤發，使人慷慨激烈，有去國思君之念矣。遂賦三詩，書于卷後。時丙子三月二日也。文天祥執筆于清邊堂之寓舍。

忽報忠圖紀歲華，東風吹淚落天涯。蘇卿更有歸時國，老相兼無去後家。烈士喪元（一）心不易，達人知命事何嗟？生平愛覽忠臣傳，不謂吾身亦陷車。（二）獨伴羝羊海上遊，相逢血淚向天流。忠真已向生前定，老節須從死後休。不死未論生可喜，雖生何恨死堪憂？甘心賣國人何處？曾識蘇公義膽不？

漠漠愁雲海成迷，十年何事望京師？李陵（三）罪在偷生日，蘇武功成未死時。鐵石心存無鏡變，君臣義重與天期。縱饒夜久胡塵黑，百煉丹心涅不緇。（四）

【註釋】（一）（喪元）謂人被殺失其首領也。《孟子滕文公》：「志士不忘在溝壑，勇士不忘喪其元。」（二）（陷車）陷於囚車也。（三）（李陵）漢武帝時拜騎都尉，將步騎五千，自當一隊，與匈奴戰，力竭而降。（四）（涅不緇）涅，以黑物染之也；緇，黑色也。

過零丁洋（一）

文天祥

辛苦遭逢起一經，（二）千戈落落四周星。（三）山河破碎風拋絮，身世飄搖
雨打萍。皇恐灘頭說皇恐，零丁洋裏歎零丁。人生自古誰無死？留取丹心照汗青！

（四）

上巳日，張元帥（五）令李元帥（六）過船，請作書招諭張少保（七）投拜，遂與之言：『我自救父母不得，乃教人背父母可乎？』書此詩遺之。李不能強，持詩以達張，但稱『好人好詩！』竟不能逼。

【註釋】（一）（零丁洋）在廣東中山縣南，有零丁山，山下即零丁洋。（二）（經）治理也。左傳：『夫禮所以經國家。』（三）

（周星）謂一年也，猶言星週，一年已終，星復回至原位。（四）（汗青）言書之史策也。古時以火炙簡令汗，取其青易書，復不蠹，謂之汗青。唐書：『頭白可期，汗青無日。』（五）（張元帥）謂張弘範，定興人，元世祖時爲都元帥，督兵伐宋，執文天祥於五坡嶺，破

張世傑，陸秀夫於崖山，因以亡宋。（六）（李元帥）謂李恆，其先爲西夏國主，元世祖時累伐宋有功，積官參知政事，蒙古漢軍都

元帥，敗文天祥於空坑，破張世傑，陸秀夫等於崖山，嶺海悉平。（七）（張少保）謂張世傑，元兵南下，進取闔廣，世傑駐兵崖山，朝夕力戰，後爲張弘範所破，陸秀夫負帝昀赴海死，時世傑復欲求趙氏後，別圖恢復，舟覆而死。

懷趙清逸

文天祥

厓海真何地，驅來坐戰場。家人半分合，國事決存亡。一死不足道，百憂何可當？故人髯似戟，起舞爲君傷。

二月六日，海上大戰，國事不濟，孤臣天祥，坐北舟中，向南慟哭，爲之詩曰

文天祥

長平（一）一坑四十萬，秦人歡欣趙人怨；大風揚沙水不流，（二）爲楚者樂爲漢愁；兵家勝負常不一，紛紛干戈何時畢？必有天吏將明威，不嗜殺人能一之。（三）我生之初尚無疚，我生之後遭陽九。厥角（四）稽首併二州，正氣掃地山河羞。身爲大臣義當死，城下師盟（五）愧牛耳。（六）間關（七）歸國洗日光，白麻（八）重宣不敢當；出師三年勞且苦，咫尺長安不得覩。非無虓虎士（九）如林，一日不

戈爲人擒，樓船千艘，下天角兩雄相遭，爭奪搏古來何代無戰爭，未有蜂蟻交滄溟。遊兵日來復日往，相持一月爲鷓蚌。南人志欲扶崑崙，北人氣欲黃河吞。一朝天昏風雨惡，炮火雷飛箭星落，誰雌誰雄頃刻分，流屍漂血洋水渾。昨朝南船滿匡海，今朝只有北船在；昨夜兩邊桴鼓鳴，今朝船船鼯睡聲。北兵去家八千里，椎牛釀酒人人喜；惟有孤臣兩淚垂，冥冥不敢向人啼。六龍○○杳靄知何處？大海茫茫隔煙霧。我欲借劍斬佞臣，黃金橫帶爲何人？

【註釋】（一）（長平）戰國時趙邑，在今山西高平縣西北。秦昭王四十七年，武安君白起大破趙於長平，坑其降卒四十萬。

即此。（二）（大風揚沙水不流）史記項羽本紀：「四月，漢皆已入彭城，收其貨寶美人，日置酒高會。項王乃西從蕭，晨擊漢軍而

東至彭城，日中大破漢軍。漢軍皆走，相隨入穀泗水，殺漢卒十餘萬人，漢卒皆南走山。楚又追擊，至靈壁東，睢水上；漢軍却，爲楚所擠，多殺漢卒十餘萬人，皆入睢水，睢水爲之不流。圍漢王三匝，於是大風從西北而起，折木發屋，揚沙石，竊冥晝晦，達迎楚軍，楚軍大亂，潰散，而漢王乃得與數十騎遁去。」（三）（不嗜殺人能一之）此用孟子成語，孟子記梁襄王與孟子問答云：「卒然問曰：

「天下惡乎定？」吾對曰：「定于」。「熱能一之。」對曰：「不嗜殺人者能一之。」（四）（厥角）謂人叩頭似若以角發地

然也。說文曰：「厥發石也。」文選注引作掘地。孟子盡心下：「武王之伐殷也，革車三百兩，虎賁三千人。王曰：「無畏，寡衛也，非敵

百姓也。』若崩厥角稽首。』按若崩厥角，言若獸之欲崩摧其角，形容稽首之狀；若崩厥角稽首，猶今言叩頭如搗蒜也。（五）

〔城下師盟，敵師追城下，與之言和也。〕左傳桓公十二年：『楚伐絞，軍其南門，……大敗之，爲城下之盟而還。』注：『城下盟，諸侯所深恥。』（六）〔牛耳〕古者歃血爲盟，割牛耳取血，盛以珠盤，主盟者執之。左傳哀公十七年：『諸侯盟，誰執牛耳？』注：『執牛耳，尸盟者。』（七）〔間關〕銀澀之義，狀道路之難行。漢書王莽傳：『間關至漸臺。』（八）〔白麻〕謂詔書也。詳見前使北註（三）。

（九）〔城虎士〕詩經大雅常武：『王奮厥武，如震如怒。進厥虎臣，闕如虓虎。』闕，虎聲；虓，音哮，虎怒也。城虎士，謂猛勇之士也。

（十）〔六龍〕天子車駕六馬也。王建詩：『太平天子朝元日，五色雲車駕六龍。』

言志

文天祥

九垓（一）化爲魅，億醜俘爲虜，旣不能變姓名卒於吳，又不能髡鉗奴於魯，
（二）遠引不如四皓翁，（三）高蹈不如仲連父，冥鴻墮矰繳，（四）長鯨陷網罟，鷄
燕上下爭『誰何』，螻蟻等閑相『爾汝』，狼藉山河歲云杪，飄零海角春重暮。
百年落落生涯盡，萬里遙遙行役苦。我生不辰逢百罹，求仁得仁尙何語？一死鴻
毛或泰山，之輕之重安所處？婦女低頭守巾幗，男兒嚼齒吞刀鋸，殺身慷慨猶易

免取義從容未輕許，仁人志士所植立，橫絕地維屹（五）天柱。以身殉道不苟生，道在光明照千古，素王（六）不作春秋廢，獸蹄鳥跡交中土。閭位適在二七間，禮樂終當屬真主。李陵衛律（七）罪通天，遺臭至今使人吐。種瓜東門（八）不可得，暴骨匈奴（九）固其所。平生讀書爲誰事？臨難何憂復何懼？已矣夫！易簣（一〇）不必如曾參，結纓（一一）猶當效子路。

【註釋】

- （一）（九垓）九州也。揚雄文：『漂龍淵而遷九垓兮，窺地底而上回。』（二）（髡鉗奴於魯）史記季布傳：『迺髡季布，衣赭衣，置廣柳車中，并與其家僮數十人之髡。朱家所賣之。朱家心知是季布，迺買而置之田，戒其子曰：『田事聽此奴，必與同食。』』按髡鉗，古之刑法，剃髮曰髡，以鐵束頸曰鉗。
- （三）（四皓翁）謂南山四皓，漢之隱士東園公、綺里季、夏黃公、角里先生也。四人避秦隱商雒山中，鬚眉皓白，故謂之四皓。
- （四）（槍繳）弋鳥之具，以繩繫矢而射也。音增灼。
- （五）（屹）聳立之意。
- （六）（素王）家語：『齊太史子與見孔子，退曰：『天將欲素王之乎？』』言無位而空王之也。後世遂謂孔子自稱素王。漢魏諸儒皆有此說。
- （七）（衛律）父本長水胡人，生長於漢，與協律都尉李延年善，以延年薦，使匈奴，還，會延年家被誅，律懼，亡降匈奴。匈奴愛之，以爲丁靈王。
- （八）（種瓜東門）史記蕭相國世家：『召平者，故秦東陵侯，秦破，爲布衣，賣種瓜於長安城東，瓜美，故世俗謂之東陵瓜，從召平以爲名也。』（九）（匈奴）北狄之一族，秦漢時最盛，領有今蒙古、綏遠、察哈爾、熱河之地。（一〇）（易簣）曾子將死，因寢席之非禮，命曾元等易之，反席未安而歿。事見禮記檀弓。曾參，孔子弟子。
- （一一）（結纓）左傳：『石乞盂斃敵子路，以戈擊之，斷纓。子路曰：『君子死，冠不免。』結纓而死。』子路，孔子弟子。

南海

文天祥

竭來（一）南海上，人死亂如麻，腥浪拍心碎，颶風吹鬢華。一山還一水，無國又無家。男子千年志，吾生未有涯。

【註釋】（一）（竭來）去來也。同馬相如賦：「回車竭來兮。」竭音竭。

張元帥謂予：『國已亡矣，殺身以忠，誰復書之？』予謂：『商非不亡，夷齊自不食周粟。人臣自盡其心，豈論書與不書？』張爲改容，因成一詩。

文天祥

高人名若浼，（一）烈士死如歸，智滅猶吞炭，（二）商亡正採薇，（三）豈因徼後福，其肯蹈危機？萬古春秋義，悠悠雙淚揮。

【註釋】（一）（浼）音每，汚也。

（二）（智滅猶吞炭）趙襄子滅智伯，豫讓漆身爲癩，吞炭爲啞，謀刺襄子，爲智伯報讎。後爲襄子所獲，乞襄子之衣而擊之，以致報讎之意。襄子義之，使使持衣與豫讓，豫讓拔劍三躍而擊之，曰：「吾可以下報智伯矣！」遂伏劍自殺。見史記刺客列傳。

（三）（商亡正採薇）指伯夷叔齊義不食周粟，採薇首陽山事。

贛州

文天祥

滿城風雨送淒涼，三四年前此戰場。遺老猶應愧蜂蟻，(一)故交已久化豺狼。(二)江山不改人心在，宇宙方來事會長。翠玉樓前天亦泣，南音半夜落滄浪。

【註釋】(一)(蜂蟻)有羣性能合作之動物。(二)(豺狼)凶殘之猛獸。

南安軍

文天祥

梅花南北路，風雨濕征衣。出嶺誰同出，歸鄉如不歸。山河千古在，城郭一時非。饑死真吾志，夢中行採薇。

黃金市

文天祥

閉蓬(一)絕粒始南州，我過青山欲首丘。巡遠(二)應無兒女態，夷齊肯作稻粱謀？人間早見黃金市，天上猶遲白玉樓。(三)先子神遊今二紀，(四)夢中揮

淚濺松楸(五)

【註釋】(一)(蓬)謂蓬戶，編蓬爲戶也。(二)(巡遠)謂張巡許遠。(三)(白玉樓)李賀小傳：「賀見一緋衣人持一板書若太古篆，曰：『帝成白玉樓，立召君爲記。』」賀旋卒。(四)(紀)十二年爲一紀。尚書畢命：「既歷三紀。」(五)(松楸)墓地所植樹木也，因常用爲墓地之代名詞。

泰和(一)

文天祥

書生曾擁碧油幢，(二)恥與羣兒共豎降。(三)漢節幾回登快閣，(四)楚囚今度過澄江。丹心不改君臣誼，清淚難忘父母邦。惟有鄉人知我瘦，下帷絕粒坐蓬窗。

【註釋】(一)(泰和)縣名，屬江西吉安府。(二)(碧油幢)軍幕也。張仲素詩：「燕然山下碧油幢。」(三)(豎降)謂豎降旗也。(四)(快閣)在江西泰和縣東澄江之上，以江山廣遠，景物清華，故名。

發吉州

文天祥

己卯六月初一日，蒼然亭下楚囚立，山河顛倒紛雨泣，己亥七夕此何夕！煌

煌斗牛劍先濕，戈鋌誓雲雷。電擊三百餘年火爲德，（一）須臾風雨天地黑，皇綱解紐地維折。妾婦偷生自爲賊，英雄扼腕怒鬚赤。貫日血忠死窮北，首陽風流落南國，正氣未亡人未息。青原（二）萬丈光赫赫，大江東去日夜白。

【註釋】（一）火爲德，趙宋以火德王。（二）青原，青原山在江西廬陵縣東南十五里，山勢盤紆，外望蔽虧，旁有一徑，縈澗而入。

臨江軍

文天祥

江岸今多鬻，城居昔屢焚。市人半僮父，（一）豎子（二）亦將軍！蛟哭金洲雨，猿啼玉觀雲。周郎墳土上，回首淚成痕。

予始至南安，卽絕粒爲告祖禰文，別諸友詩，遣孫禮取黃金市，登岸馳歸，約六月二日復命於吉城下。子以心事白諸幽明，卽瞑目長往，含笑入地矣，乃水盛風駛，前一日達廬陵，孫禮期不至，予且行，忍死以待。垂至豐城，忽有見孫禮於他舟，乃悟竟不會往，爲之痛哭流涕。暮始見主者取孫禮還舟，明早遂送之豐城縣，縱其自便，追之不可及矣。予至是不食已八日，若無

事然。私念死廬陵不夫爲首丘，今使命不達，委身荒江，誰知之者？盍少須臾以就義乎？復飲食如初。昔讀左傳，申包胥哭秦庭，七日勺飲不入口，亦不聞有它，乃知饑踣西山，非一朝之積也。子嘗服腦子二兩不死，絕食八日又不死，竟不曉其何如。從者七人，或逃或死或逐，今僅存一人曰劉榮。楚囚之況，宜哉。

【註釋】（一）徐父，鄙賤之夫也。（二）鬻子，晉人語，謂卑賤之人也。此處指漢奸。

安慶府

文天祥

風雨宣城（一）路，重來白髮新。長江還有險，中國自無人。梟獍蕃遺育，鱣鯨蟄怒鱗。泊船休上岸，不忍見遺民。

【註釋】（一）宣城，即今安徽宣寧縣治。（安慶）

池州

文天祥

五老湖光遠，九華山色昏。南冠前進士，北部故將軍。芳草江頭路，斜陽郭外

村。匆匆十年夢，故國黯銷魂。

金陵驛

文天祥

草合離宮轉夕暉，孤雲飄泊復何依？山河風景元無異，城郭人民半已非。滿地蘆花和我老，舊家燕子（一）傍誰飛？從今別卻江南日，化作啼鶉帶血歸。

萬里金甌失壯圖，袞衣（二）顛倒落泥塗。空流杜宇（三）聲中血，半脫驪龍（四）頰下鬚。（五）老去秋風吹我惡，夢回寒月照人孤。千年成敗俱塵土，消得人間說丈夫。

【註釋】（一）「舊家燕子」劉禹錫《烏衣巷》：「朱雀橋邊野草花，烏衣巷口夕陽斜。舊時王謝堂前燕，飛入尋常百姓家。」（二）袞衣：《詩經·國風·九罭》：「我觀之子，袞衣纁裳。」傳：「袞衣，裳九章。一曰龍，二曰山，三曰華蟲，雉也；四曰火，五曰宗彝，虎也；皆績於衣；六曰藻，七曰粉米，九曰黼，九曰黻，皆績於裳。天子之龍，一升一降。上公但有降龍。以龍首卷然，故謂之袞也。」（三）杜宇，即杜鵑，亦名子規。（四）驪龍：《莊子》：「千金之珠，必在九重之淵，驪龍頰下。」驪龍，黑龍也。（五）驪龍頰下鬚：《史記·封禪書》：「黃帝采首山銅鑄鼎於荆山下，鼎既成，有龍垂胡髯下迎黃帝。黃帝上騎，羣臣後宮從上者七十餘人。龍乃上去，餘小臣不得上，乃悉持龍髯，龍髯拔墮，墮黃帝之弓，百姓仰望，黃帝既上天，乃抱其弓與胡髯號。」

過淮河宿闕石有感

文天祥

北征垂半年，依依只南土，今晨渡淮河，始覺非故宇。江鄉已無家，三年一羈旅，龍翔在何方？乃我妻子所。昔也無奈何，忽已置念慮；今行日已近，使我淚如雨。我爲綱常謀，有身不得顧。妻兮莫望夫，子兮莫望父！天長與地久，此恨極千古。來生業緣在，骨肉當如故。

六歌錄一首

文天祥

有妻有妻出糟糠，自少結髮不下堂，亂離中道逢虎狼，鳳飛翩翩失其凰，將雛一二去何方？豈料國破家亦亡！不忍舍君羅襦裳，天長地久終茫茫，牛女夜夜遙相望。嗚呼！一歌兮歌正長，悲風北來起徬徨。

汶陽館

文天祥

去歲營船隩，今朝館汶陽。海空沙漠漠，河廣草茫茫。家國哀千古，男兒慨四方。老愧秋雨暗，孤影照淋浪。

東平館

文天祥

憔悴江南客，蕭條古鄆州。雨聲連五日，月色徹中流。萬里山河夢，千年宇宙愁。欲鞭劉豫（一）骨，煙草暗荒丘。

【註釋】（一）劉豫，宋景州阜城人，少無行，政和中以進士拜殿中侍御史。金人南侵，豫方知濟南府，縋城納款，金徙豫知東平府，充京東西淮南等路安撫使。建炎四年，金人册豫爲皇帝，國號大齊，都大名府，僭位凡八年，後仍爲金人所廢。

平原十八日

文天祥

平原太守顏真卿，（一）長安天子不知名；一朝漁陽動鼙鼓，（二）大河以北無堅城。公家兄弟奮戈起，一十七郡連夏盟。賊聞失色分兵還，不敢長驅入咸京。明皇父子將西狩，由是靈武起義兵。唐家再造李郭（三）力，若論牽制公威靈。哀

哉常山慘鉤舌，心歸朝廷氣不懾。崎嶇坎坷（四）不得志，出入四朝（五）老忠節，當年幸脫安祿山，白首竟陷李希烈。希烈安能遽殺公？宰相盧杞欺日月。亂臣賊子歸何處？茫茫煙草中原土，公死于今六百年，忠精赫赫雷行天。

【註釋】（一）（顏真卿）唐臨沂人，字清臣，玄宗時爲平原太守，安祿山反，與從兄杲卿倡義討之，河朔諸郡共推爲盟主。亂平，遷刑部尚書，封魯國公。德宗時李希烈反，盧杞惡真卿，建言遣真卿往諭，希烈脅之，終不風，爲所縲絏，贈司徒，謚文忠。（二）（漁陽勳擊鼓）謂胡人安祿山反。（三）（李郭）謂李光弼郭子儀。李光弼，肅宗時拜節度使，平安史之亂，與郭子儀齊名。郭子儀，玄宗時爲朔方節度使，平安史之亂。（四）（坎坷）言人不過曰坎坷。（五）（四朝）謂玄宗肅宗代宗德宗也。

五月二日生朝

文天祥

北風吹滿楚冠塵，笑捧蟠桃夢裏春。幾歲已無籠鶴客，去年猶有送羊人。江山如許非吾土，宇宙奈何多此身！不滅不生又何許？靜中聊且養吾真。

覽鏡見鬚髯消落爲之流涕

文天祥

萬里飄零等一毫，滿前風景恨滔滔。淚如杜宇喉中血，鬚似蘇郎（一）節上
旄。今日形骸遲一死，何來事業竟徒勞！青山是我安魂處，清夢時時賦大刀。（二）

【註釋】（一）蘇郎指蘇武。（二）賦大刀古詩：「臺帖今何在，山上復有山。何當大刀頭，破鏡飛上天。」大刀頭者，鏡也；何當大刀頭者，何日當還（鑑諧音）也。

自歎

文天祥

門揜牢愁（一）白日過，不應老子坐婆娑。雖生得似無生好，欲死其如不死
何！王蠋（二）高風真可挹，魯連（三）大節豈容磨？東流不盡銅駝（四）恨，四海悠
悠總一波。

【註釋】（一）牢愁猶憂愁。（二）王蠋亦作王歎，齊人。通鑑周紀赧王三十一年：「樂毅聞畫邑人王蠋賢，令軍中環畫邑三十里無入，使人請蠋。蠋謝不往。燕人曰：「不來，吾且屠畫邑。」蠋曰：「忠臣不事二君，烈女不更二夫，國破君亡，吾不能存，而又欲劫之以兵，吾與其不義而生，不若死。」遂經其頸於樹枝，自奮絕脰而死。」按是年燕王以樂毅爲上將軍與秦、魏、韓、趙之兵同伐齊，齊師大敗。（三）魯連即魯仲連。（四）銅駝河南洛陽縣故洛陽城中有銅駝街。陸機洛陽記：「洛陽有銅駝街，漢時鑄銅駝二枚，在宮南。」晉書索靖傳：「靖有先識遠量，知天下將亂，指洛陽宮門銅駝歎曰：『會見汝在荆棘中耳。』」

自述二首

文天祥

當年嚼血灑銅駝，風氣悠悠奈若何！漢賊已成千古恨，楚囚不覺二年過。古今咸道天驕子，老去忽如春夢婆。試把睢陽雙廟（一）看，只今事業愧蹉跎！

江南啼血送殘春，漂泊風沙萬里身。漢末固應多死士，周餘乃止一遺民？（二）乍看鬢少疑非我，只要心存尙是人。坐擁牢愁書眼倦，土床伸脚任吾真。

【註釋】（一）（睢廟）張巡許遠曾立廟睢陽，歲時致祭，號雙廟。（二）（周餘乃止一遺民）詩經大雅靈漢：『周餘黎民，靡有孑遺。』

五月十七夜大雨歌

文天祥

去年五月望，流水滿一房；今年後三夕，大雨復沒床。我辭江海來，中原路茫茫，舟楫不復見，車馬馳康莊。（一）矧居圜土（二）中，得水猶得漿，忽如巨石浸，倉卒殊徬徨，明星尙未啓，大風方發狂，叫呼人不應，（三）宛轉水中央。壁下有水穴，

羣鼠走踉蹌，或如魚潑刺。(四)墊溺無所藏。周身莫如物，患至不得防。業爲世間人，何處逃禍殃？朝來闢溝道，宛如決陂塘。盡室泥濘塗，化爲糜爛場。炎蒸迫其上，臭腐薰其傍。惡氣所浸薄，疫癘何可當？楚囚欲何之？寢食此一方。南還無復望，坐待仆且僵。乾坤莽空闊，何爲此涼涼？達人識義命，此事關綱常。萬物方焦枯，皇皇禱穹蒼。上帝實好生，夜半下龍章。但願天下人，家家足稻粱。我命渾小事，我死庸何傷？

【註釋】(一)康莊：大道也。爾雅：五達爲之康，六達爲之莊。(二)圜土：周禮：『以圜土納之。』注：『圜土，獄城也。』又釋名：『獄，又謂之圜土，築土表牆，其形圜也。』圜與同。(三)磨：與應通，答言也。蘇軾詩：『車馬敲門定不應。』(四)潑刺：魚躍聲，亦作跋刺。辛棄疾詞：『錦鱗潑刺滿籃魚。』

自歎

文天祥

猛思身世事，四十七年無。鶴髮俄然在，鸞飛久已殂。二兒化成土，六女掠爲奴。只有南冠在，何妨是丈夫？

自歎

文天祥

海闊南風慢，天昏北斗斜。孤臣傷失國，遊子歎無家。官飯身如寄，征衣鬢欲華。越王臺（一）上望，國家在天涯。

【註釋】（一）（越王臺）在廣東省治北越秀山上，趙佗因山築臺，故名。

虎頭山

文天祥

蚤不逃秦帝，終然陷楚囚。故園春草夢，舊國夕陽愁。妾婦生何益？男兒死未休。虎頭山（二）下路，揮淚憶虔州。（三）

【註釋】（一）（虎頭山）在北平西山。（二）（虔州）虔州治贛，即今江西贛縣，亦稱虎頭城。

戰場

文天祥

三年海嶠（一）擁貔貅，一日蹉跎白盡頭。垓下雖雄羞故老，（二）長安咫尺泣孤囚。魚龍沸海地爲泣，烟雨滿山天也愁。萬死小臣無足憾，蕩陰（三）誰共侍

中遊

【註釋】(一)海幢謂有海多山之墟。

(二)按下雄雄蓋故考。按下地名，在今安徽靈璧縣東南。雄雄，喻勝敗也。項羽

與漢高祖爭衡，戰無不利，後為漢軍及諸侯軍圍於垓下，初項羽與江東子弟八千人渡江而西，至是無顏回見江東父老，乃自刎。

(三)蕩陰縣名，漢置，故城在今河南湯陰縣。晉惠帝與成都王穎戰於蕩陰，敗績，侍中繼紹死之。

哭崖山(一)

文天祥

寶藏如山席六宗，樓船千疊水晶宮。吳兒進退尋常事，漢氏存亡頃刻中。諸老丹心付流水，孤臣血淚洒南風。早來朝市今何處？始悟人間萬法(三)空。

【註釋】(一)崖山在廣東新會縣之南，陸秀夫於此處負帝昀沉於海。(二)寶藏如山席六宗，席，席卷也。賈誼文

『有庶卷天下，包舉海內，囊括四海之志。』謂收取天下如卷席也。六宗，祖考所尊者六，為三昭三穆。古宗廟之制，太祖之廟居中，

二世四世六世居於左，謂之昭，三世五世七世居於右，謂之穆。『寶藏如山席六宗』謂如山之寶藏與天子六宗均為元慶所席

卷。(三)萬法，佛教語，指宇宙萬物。

哭母大祥

文天祥

九月七日，先母夫人大祥(一)之辰，某為子不孝，南望嗚咽，為哀章一首。

前年惠州哭母歛，去年邳州哭母墓，(一)今年飄泊在何處，燕山獄要菊花時。哀哀黃花如昨日，兩度星周 (二)俄箭疾。人間送死一大事，(三)生兒富貴不得力。祇今誰人守墳墓，零落瘴鄉一堆土。大兒狼狽勿復道，下有二兒并二女，一兒一女亦在燕，佛廬設供捐金錢；一兒一女家下祭，病脫麻衣日晏眠。夜來好夢歸故國，忽然海上見顏色；一聲鷄叫淚滿床，化爲清血衣裳濕。當年婺緯意謂何？親曾撫我夜枕戈。古來全忠不全孝，世事至此甘滂沱。夫人開國分齊魏，生榮死哀送天地。悠悠國破與家亡，平生無憾惟此事。二郎已作門戶謀，江南葬母麥滿舟；不知何日歸兄骨，狐死猶應正首丘。

【註釋】 (一) (大祥)親喪祭名。禮記問傳：『父母之喪，期而小祥，又期而大祥。』(清通禮)：『是日喪主及諸子奉亡者之主入祭於廟，酒徹寢室靈座等。』故俗亦稱除靈。 (二) (期)喪禮週年之祭也。(禮記)：『期而小祥，於忌日行事。祥，吉也，謂漸以吉祭。』(易)：『喪祭也。』 (三) (兩度星周)謂兩週年也。 (四) (送死)一大事。(孟子)：『孟子難於下。』(孟子)曰：『養生者，不足以當大事，惟送死可。』

以當大事。』

獄中感賦十三首

文天祥

己卯十月一日至燕，越五日，罹獍狴，(一)有感而賦。

直絃不似曲如鉤，(二)自古聖賢多被囚。命有死時名不死，身無憂處道還憂。可憐杜宇空流血，惟願嚴顏便砍頭。結束長編(三)猶在此，竈間婢子見人羞。落落南冠自結纓，桎楊(四)臥起影縱橫。坐移白石知何世？夢斷青燈問幾更？
更國破家亡雙淚暗，天荒地老一身輕。黃梁(五)得失俱成幻，五十年前元未生。心期耿耿浮雲上，身世悠悠落日西。千古興亡何限錯？百年生死本來齊。
(六)沙邊莫待哀黃鶻，(七)雪裏何須問牧羝？(八)此處曾埋雙寶劍，(九)虹光夜指楚天低。

寥陽殿上步黃金，一落顛崖地獄深。蘇武窖中偏喜臥，劉琨囚裏不妨吟。
(一〇)生前已見夜叉(一一)面，死去只因菩薩心。萬里風沙知己盡，誰人會得廣陵

音？

亦知戛戛（三）楚囚難，無奈天生一寸丹。鐵馬行鑿南地熱，赭衣（三）坐擁北庭寒。朝飡淡薄神還爽，夜睡崎嶇夢自安。亡國大夫誰爲傳？祇饒野史與人看。風雪重門老楚囚，夢回長夜意悠悠。熊魚（四）自古無雙得，鵠雀（五）如何可共謀？萬里山河真墮甌（六）一家妻子枉填溝（七）兒時愛讀忠臣傳，不謂身當百六（八）秋。

聽着啼鵑淚滿襟，國亡家破見忠臣。關河瀝落（九）三生夢（一〇）風雪飄零萬死身。丞相豈能堪獄吏？（一一）故侯（一二）安得作園人？神農虞夏吾誰適？回首西山（一三）繼絕塵。

儼然楚君子，一日造王庭。議論探堅白，（一四）精神入汗青。無書求出獄，（一五）有舌到臨刑。（一六）『宋故忠臣墓，』真吾五字銘。

兩月縲囚裏，一年憂患餘。疎因隨事直，忠故有時愚。道在身何拙？心安體自

舒。近來都勸破，人世只蘧蘧。(二七)

袞衣坐繹綫，世事亦堪哀。枕外親炊黍，爐邊細畫灰。無人淚垂血，何地骨生苔？
蒼風雪江南路，夢中行探梅。

我自憐人醜，人既笑我愚。身生豫讓癩，背發范增疽。(二八) 已愧功臣傳，猶堪
烈士書。衣冠事至此，命也欲何如！

久矣忘榮辱，今茲一死生。理明心自裕，神定氣還清。欲了男兒事，幾無妻子
情。出門天宇闊，一笑暮雲橫。

琪壁衣冠十六傳，更無一士死君前。自慚重趙非九鼎，猶幸延韓更數年。孟
博囊頭(二九) 真自愛，臬卿鉤舌要誰憐？人間信有綱常在，萬古西山皎月懸。

【註釋】(一)〔雜行〕歌名。潛確類書：『雜行好訟，形獄門上。』故用爲牢獄之稱。(二)〔直絃不似曲如鈞〕李白詩：『君不見直如絃，古人知爾死道邊。曲如鈞，古人知爾封公侯。』(三)〔長編〕編史者先輯各書所載與本書關係之事，按次排列，以爲作史材料，謂之長編，如同馬光編通鑑先成是編。(四)〔桁楊〕刑具。械鑕頸及脛者。莊子：『桁楊相推，刑獄相望。』(五)〔黃梁〕唐盧生於邯鄲逆旅遇道士呂翁，生自歎窮困，翁探囊中枕授之曰：『枕此，當令子榮適如意。』時主人蒸黃粱，生夢入枕中，夢

樞氏女，女容麗而產甚殷。生舉進士，累官至節度使，大破戎虜，爲相十年。子五人皆仕宦，孫十餘人，其姻媾皆天下望族。年逾八十而卒。及隴，黃梁尚未熟，登曰：『豈其夢寐耶？』翁笑曰：『人世之事，亦猶是矣。』見枕中記。後人稱爲黃梁夢亦曰邯鄲夢。(六)〔齊〕同也。(七)〔哀黃鶴〕蘇武詩：『黃鶴一遠別，千里願徘徊。』(八)〔牧羝〕指蘇武，羝，吞膻牧羝北海事。(九)〔雙寶劍〕晉書張華傳：『斗牛之間，常有紫氣。豫章雷煥曰：『寶劍之氣上徹於天。』』華問：『在何郡？』煥曰：『在豫章豐城。』即補煥豐城令。煥到縣，掘獄基，入地四丈餘，得一石函，光氣非常，中有雙劍，並刻題。一曰龍泉，一曰太阿。是夕斗牛間氣不復見。』(一〇)〔劉琨〕琨因莫不妨吟：『劉琨字越石，晉中山魏昌人，嘗都督并冀幽三州諸軍事，與鮮卑段匹磾盟，共討石勒。尋匹磾疑琨，被拘，琨乃從獄中爲五言詩贈其別駕盧湛，慷慨幽憤。』(一一)〔夜叉〕鬼物之醜惡見形者。(一二)〔夏竦〕介然獨立之貌，如言夏竦獨造。『夏竦楚囚難』謂身旣被囚，而欲介然獨立，不肯降服，其事甚難也。(一三)〔赭衣〕赤色衣也。古囚徒服之。漢書：『赭衣塞塗。』(一四)〔熊魚〕謂熊掌與魚。孟子告子上：『魚，我所欲也；熊掌，亦我所欲也；二者不可得兼，舍魚而取熊掌者也。生，亦我所欲也；義，亦我所欲也；二者不可得兼，舍生而取義者也。』(一五)〔鶉雀〕史記陳涉世家：『陳涉少時，嘗與人傭耕，輟耕之壘上，悵恨久之曰：『苟富貴，無相忘。』傭者笑而應曰：『若爲傭耕，何富貴也？』陳涉太息曰：『嗟乎，燕雀安知鴻鵠之志哉！』』(一六)〔覆瓿〕孟傲，瓿，隨地，不顧而去。郭林宗問其意，曰：『瓿已破矣，視之何益？』林宗異之。見後漢書郭太傳。(一七)〔墳溝〕謂死無棺槨，至填於溝壑也。國策：『願及未填溝壑而託之。』(一八)〔百六〕見前正氣歌註(三)。(一九)〔灑落〕猶歷落，參差貌。(二〇)〔三生夢〕傳燈錄：『有一耆耶，夢至碧巖下，一老僧前，煙穗極微，云此是檀越給願，香煙存而檀越已三生矣。』三生，三世轉生之意。(二一)〔丞相豈能堪獄吏〕周勃爲丞相十餘月，迺免就國。後有人上書告勃欲反，勃遂下獄，獄吏稍侵辱之。澤太后言於帝，(文帝)遂得赦免，復歸邑。勃旣出獄曰：『吾嘗將百萬軍，安知獄吏之貴也！』見漢書周勃傳。(二二)〔故侯〕謂東陵侯召平。史記蕭相國世家：『召平者，故秦東陵侯。秦破，爲布衣，貧，種瓜於長安城東，瓜美，故世俗謂之東陵瓜，從召平以爲。』

名也。』(二三)(西山)卽首陽山。(二四)聖白(戰國時有公孫龍，善爲聖白同異之辯。(二五)無當求出獄(漢傳陽有獄中上梁王書。(二六)有舌到臨刑(唐顏果卿爲安祿山所執，罵不絕口，祿山鉤斷其舌。(二七)薄屨(莊子：仁義，先王之薄屨也。』注：『薄屨，傳舍也。』蘇軾詩：『人生何者非薄屨？』(二八)范增直(范增項羽謀士，年七十，輔項羽霸諸侯，稱亞父。羽中漢反間疑增，遂棄羽而歸，疽發背死。(二九)孟博(孟博，字孟博，汝南征羌人，少厲清節，爲州里所服。牢修誣言鉤黨，榜坐繫黃門北寺獄，獄吏將加掠拷，榜以同囚多嬰病，乃請先就格，遂與同郡袁忠爭受楚毒。桓帝使中常侍王甫以次辨詰，榜等皆三木齧頭，暴於階下。榜乃慷慨仰天曰：『古之循善自求多福，今之循善，身陷大戮。身死之日，願埋榜於首陽山側，上不負皇天，下不愧夷齊。』甫愍然爲之改容，乃得並解桎梏。

和夷齊西山歌

文天祥

小雅盡廢兮，出車采薇矣。戎有中國兮，人類熄矣。明王不興兮，吾誰與歸矣？
 抱春秋以沒世兮，甚矣吾衰矣！

十二月二十日作

文天祥

家國哀千古，星霜忽一周。黃沙漫故道，白骨委荒丘。許遠死何晚？李陵生自

羞。南來冠不改，吾且任吾囚。

立春己卯十二月二十六日

文天祥

無限斜陽故國愁，朔風吹馬上幽州。天翻地覆三生劫，歲晚江空萬里囚。烈士喪元端不惜，達人知命復何憂。祇應四十二年死，兩渡無端見土牛。

感傷

文天祥

家國傷冰泮，(一)妻孥歎陸沉。半生遭萬劫，一落下千尋。各任汝曹命，那知吾輩心。人誰無骨肉，恨與海俱深。

【註釋】(一)泮，音判，散也。詩經：風，攸泮。『土如歸妻，迨冰未泮。』

夜起

文天祥

夢破東窗月半明，此身雖在只堪驚。一春花裏離人淚，萬里燈前故國情。龍

去想應回海島。雁飛猶未出江城。客愁多似西山雨，一任蕭條白髮生。

自歎

文天祥

綠槐雲影弄黃昏，月照牢愁半掩門。一片心如千片碎，十分鬢有二分存。沙邊黃鵠長回首，江上杜鵑空斷魂。鬚子溷人漫不省，紅纓白馬意軒軒。(一)

【註釋】(一)「軒軒」自得之貌也。唐書：「軒軒自得。」

自述

文天祥

赤寫(一)登黃道，(二)朱旗上紫垣，(三)有心扶日月，無力報乾坤。往事飛鴻渺，新愁落照昏。千年滄海上，精衛(四)是吾魂。

【註釋】(一)「赤寫」詩經邶風：「赤寫凡凡。」注：「赤寫，冕服之屬也。」(二)「黃道」天子所行道。(三)「紫垣」以星之紫微垣比帝居，故稱宮禁曰紫垣或紫禁。(四)「精衛」海邊小鳥，常銜西山木石以填東海。古稱炎帝女溺死，化精衛與溱燕爲偶，生子，雖爲精衛，一名寃禽，雄爲海燕。見述異記及博物志。故凡人之有深恨者，常以精衛填海爲喻。

有感

文天祥

丁丑歲八月十七日，家人陷，今恰三周，而予在行，既十閱月矣，有感而賦。

平生心事付悠悠，風雨燕南老楚囚。
故舊相思空萬里，妻孥不見滿三秋。
絕憐諸葛（一）隆中意，贏得子長天下遊。
一死皎然無復恨，忠魂多少暗荒丘。

【註釋】（一）〔諸葛〕諸葛亮，三國蜀相，初隱於隆中，劉備三顧始見之。隆中，山名，在今湖北襄陽縣西二十里。

己卯十月一日，予入燕城，歲月冉冉，忽復周星，而予猶未得死也，因賦八句：

文天祥

去冬陽月（二）朔，吾始至幽燕，浩劫真千載，浮生又一年。
天南照天北，山後接山前。
夢裏乾坤老，孤臣雪咽氈。

【註釋】（二）〔陽月〕陰歷十月之別名。西京雜記：『十月陰辰用事，而陰不孤立，此月純陰，陰於無陽，故謂之陽月。』

去年十月九日，余至燕城，今周星不報，爲賦長句。

文天祥

君不見，常山太守馬鞬奴，天津橋上舌盡劄，又不見，睢陽將軍怒切齒，三十六人同日死？去冬長至（三）前一日，朔庭呼我弗爲屈，丈夫開口卽見膽，意謂生死在頃刻。赭衣冉冉生蒼苔，書雲（四）時節忽復來。鬼影青燈照孤坐，夢啼死血丹心破。只今便作渭水囚，食粟已是西山羞。悔不當年跳東海，空有魯連心獨在！

【註釋】

（一）常山太守馬鞬奴，常山太守謂顏良。顏良既爲安祿山所執，至洛陽，祿山賊之曰：『汝自范陽戶曹，我奏汝爲判官，不數年超至太守，何負於汝而反邪？』

（二）秦卿曠曰：『汝本營州牧羊羯奴，天子擢汝爲三遺節度使，恩幸無比，何負於汝而反？我世爲唐臣，祿位皆唐有，雖爲汝所奏，豈從汝反邪？我爲國討賊，恨不斬汝，何謂反也？羯羯狗何不速殺我！』

（三）長至，冬至也。御覽：『冬至，日極南，影極長。』

（四）書雲，古人於二分二至，登觀臺而望五色雲氣，以占吉凶，書之於策。周官保章氏所掌者是其事。左傳僖公五年：『凡分至啓明，必書雲物，爲備故也。』

自歎

文天祥

可憐大流落，白髮魯連翁，
每夜瞻南斗，連年坐北風。
三生遭際處，一死笑談中。
贏得千年在，丹心射碧空。

戊寅臘月二十日，空坑敗被執，於今二周年矣，感懷八句。

文天祥

橫磨（一）十萬坐無謀，回首蹉跎海上州。
太傅只圖和藥了，將軍便謂『斫頭休！』
乾坤顛倒真千劫，身世留連復一周。
一死到今如送佛，空窗淡月夜悠悠。

【註釋】（一）橫磨，謂橫磨劍。五代史孫延廣傳：『謂契丹使者喬望曰：「晉有橫磨大劍十萬口，翁要戰則來！」』

所懷

文天祥

萬里青山兩鬢華，老臣無國又無家。
乾坤局促籠中鳥，風雲飄零糞上花。
歲

晚江空人已逝，天寒日短路何賒！書生不作綱常計，聞是東門已種瓜。

除夜 庚辰

文天祥

門揜千山黑，孤燈伴不眠。故鄉在何處？今夕是窮年。住世真無係，爲囚已白然。勞勞空歲月，得死似登仙！

衣帶贊（一）

文天祥

孔曰『成仁』，（二）孟曰『取義』，（三）惟其義盡，所以仁至。讀聖賢書，所學何事？而今而後，庶幾無愧。

【註釋】（一）衣帶贊，公殉節燕市，作此贊於衣帶中。（二）成仁，論語：『毋求生以害仁，有殺身以成仁。』就義而死曰成仁。（三）取義，見前獄中雜感註（十四）。

元兵平杭日詩

汪元量

錢塘江上雨初乾，風入端門（一）陣陣酸，萬馬亂嘶臨警蹕，（二）三宮（三）

灑淚溼鈴鑾！(四)童兒賸遣追徐福，(五)厲鬼終當滅賀蘭！若說和親能活國，
娟應是嫁呼韓。

【註釋】(一)端門，殿之正門。(二)鑾，天子出入所以戒行路之人者。皇帝登左右侍帷幄者曰鑾，出殿則傳鑾。

止行人清道也。(三)三宮，漢書注：「師古曰：『三宮，謂天子、太后、皇后也。』」(四)鈴鑾，天子之車也。上二句謂「元慶三
北去」。(五)徐福，秦時方士，始皇聞其東海有不死之草，乃遣福及童男女各三千人，乘樓船入海尋祖洲，不返。

【作者小傳】汪元量，宋錢唐人，名大有，度宗時以善琴出入宮掖。元兵入臨安，執帝、后及太后與嬪妃北去，元量從之，留
數年。時文天祥被執在獄，元量至其獄，勉文丞相必以忠孝自天下，作「幽州十嘆」，文丞相倚歌和之。後為黃冠歸錢唐，臨行，故幼士
瀛瀾公等皆賦詩餞行，與故宮人王昭儀等十八人，醮酒城隅，分韻賦詩，哀音哽亂，淚下如雨。南歸後，往來匡廬、彭蠡間，若飄風，
雲，莫能測其去留之跡，自號水雲子。元量長身玉立，修髯廣額，而音若洪鐘，入以為神仙。有湖山類稿、水雲集，其詩慷慨悲歌，多如
國亡北徙事，後人推為詩史。

醉歌六首

汪元量

呂將軍(一)在守襄陽，十載襄陽鐵脊梁。望斷援兵無消息，聲聲罵殺賈平
章！(二)

援兵不遣事堪哀，肉食權臣太不才！見說襄陽投拜了，千軍萬馬過江來。

湧金門(三)外雨晴初，多少紅船上下趨，龍管鳳簫無韻調，卻拋(四)戰鼓下西湖。

淮襄州郡盡歸降，鞞鼓喧天入古杭，國母(五)已無心聽政，書生空有淚兩行。

亂點(六)連聲殺六更，(七)熒熒(八)庭燎(九)待天明，侍臣已寫降元表，『臣妾』僉(一〇)名『謝道清』(一一)

伯顏(一二)丞相呂將軍，收了江南不殺人。(一三)昨日太皇(一四)請茶飯，滿朝朱紫(一五)盡降臣。

【註釋】(一)(呂將軍)度宗時，元人圍襄陽，守將呂文煥力守五年，救援不至，忿極降元。(二)(賈平章)理宗時以嫡姪貴，累官丞相，兼樞密使，軍流陽，會元兵攻鄂州，似道割地納幣請和，詭以鄂州圍解表聞，度宗立，似道益專政，同平章軍國事，封魏國公。尋元兵追進，宋軍屢敗，陳宜中劾似道罪，貶之，於途殺之。平章，唐宋時因宰相之職隆重，不常置，以他官攝其職，謂之同中書門下平章事，省稱平章，最崇者曰平章軍國重事。(三)湧金門，杭州城門，門外有湖，即西湖也。(四)拋，音戈，擊也。(五)國母，謂謝太后也。(六)點，樂器名，即舊時官署中所擊以報漏刻之雲板。韓愈詩：『雞三號，更五點。』(七)(六更)約隱紀載：『楊誠齋詩：『天上歸來有六更。』蓋內櫺五更絕，柝鼓交作，謂之蝦蟆更，禁門方開，百官隨入，所謂六更也。外方更。』

則謂之攢點。』又聞中日月錄：『宋太祖受禪後，聞陳希夷「只怕五更頭」之言，命宮中轉六更，方擊鼓鳴鐘。』（八）（焚燹）光明貌。（九）（庭燹）燒火於庭以照衆，古曰庭燹。（一〇）（僉）當作窺。（一一）（謝道清）謝太后名道清，深甫女孫，理宗即位，議擇中宮，楊太后德深甫有援立功，命選謝氏諸女，遂立爲后。帝崩即位，尊爲太皇太后，臨朝稱制。元將伯顏分軍爲三道窺臨安，諸關兵皆潰，謝太后使奉表稱臣於元，不聽。宋亡，太后與帝崩被虜北去，降封壽郡夫人，越七年卒。（一二）（伯顏）元蒙古人，深沈有謀略，世祖時官至中書左丞相。行軍有紀律，東南之德，伯顏之力爲多。（一三）（收丁江南）不殺人，元人屠殺漢人極多，伯顏一人屠城二百，忽必烈即位中土，前屠殺一千八百四十七萬有奇。（一四）（太皇）即謝太后。（一五）（朱紫）古貴者之服色也。

錢塘歌

汪元量

西塞山（一）邊日落處，北關門外雨來天，南人墮淚北人笑，臣甫（二）低頭拜杜鵑（三）！

〔註釋〕（一）（西塞山）在吳興慈湖鏡。（二）（甫）謂杜甫，杜甫所爲詩，富有忠君愛國思想，故作者以杜甫自況。（三）（杜鵑）相傳蜀王杜宇稱帝曰望帝，魂化爲鳥，名曰杜鵑。

湖州歌二十二首

汪元量

一半淮江半浙江，怒潮日夜自相撞。揚州昨夜軍書至，說道淮安未肯降。

圍。

前。

階。

鐵甕城（一）頭馬亂嘶，金陵城下砲如飛，黑風捲地鼓聲急，昨夜常州又四

金陵昨夜有降書，更說揚州一戰輸。淮北淮南清未了，又添軍馬下東吳。

殿上羣臣嘿不言，伯顏丞相趣降箋；三宮共在珠簾下，萬騎虬鬚（二）遶殿

十數年來國事乖，大臣無計逐時挨。三宮今日燕山（三）去，春草萋萋上玉

北望燕雲不盡頭，大江東去水悠悠。夕陽一片寒鴉外，目斷東西四百州。

官軍兩岸護龍舟，麥飯魚羹進不休。宮女垂淚空作惡，暗拋珠淚落船頭。

暮雨蕭蕭酒力微，江頭楊柳正依依。宮娥抱膝船窗坐，紅淚千行溼繡衣。

太皇太后過江都，遙指淮山是畫圖。拋卻故家風雨外，夜來歸夢遶西湖。

揚子江頭潮退遲，三宮船傍釣魚磯。須臾風定過江去，新鬼啾啾舊鬼啼。

蘆荻颼颼風亂吹，戰場白骨暴沙泥。
淮南兵後人烟絕，新雨燈前醉玉妃。

(四)

兩淮極目草芊芊，(五)野渡灰餘屋數椽。
兵馬渡江人走盡，民船拘斂作官

船。

長淮風定浪濤寬，錦櫂(六)搖搖上下灣。
兵後人烟絕稀少，可勝戰骨白如

山！

青天澹澹月荒荒，兩岸淮田盡戰場。
宮女不眠開眼坐，更聽人唱哭襄陽。

徐州城上覓黃樓，(七)四壁詩章讀不休。
更欲登臺看戲馬，(八)州官攬酒

共嬉遊。

滿朝宰相出通州，(九)迎接三宮宴不休。
六十里天圍錦帳，素車白馬月中

遊。

曉望燕雲正雪天，閉門氈帳恣高眠。
內家遺鈔三千錠，添賜三宮日用錢。

受降城下草離離，寒食清明只自悲。
漢寢（二〇）秦陵何處在，鶯花無主雨如絲。

三宮寢室異香飄，貂鼠氈簾錦繡標。
花毯褥裯三萬件，織金鳳被八千條。
金屋妝成物色新，三宮日用御廚珍。
其餘宮女千餘箇，分嫁幽州已斲輪。
鳳管龍笙處處吹，都民歡樂太平時。
宮娥不識興亡事，猶唱宣和（二一）御製詞。

都人不識有干戈，羅綺叢中（二三）樂事多。
一夜月明天漠漠，（二四）漢人歌罷楚人歌。

【註釋】（一）鐵鑿城，古京口，今鎮江。（二）萬騎虬鬚，謂蒙古騎兵。（三）燕山，宋以舊京兆爲燕山府路。（四）（玉妃）謂唐楊貴妃，借指宮女。（五）（芊芊）草盛貌。（六）（錦襜）謂以錦作帆之舟也。（七）（黃樓）在徐州城東門，宋蘇軾所建，壘以黃土，故名。（八）（戲馬）戲馬臺亦作掠馬臺，在徐州南，爲項羽掠馬處。（九）（通州）今河北通縣。（一〇）（羅綺）羅，羅也，延於墓所，以備致祭者。後漢書：『古不墓祭，漢諸陵皆有園廕，承廕所爲也。』（一一）（宣和）宋徽宗年號。（一二）（羅綺叢中）婦人行謂之羅綺叢，以美婦人皆衣羅綺也，與稱公子爲執袴同。（一三）（漢漢）無聲也。

越州（一）歌八首

汪元量

淮南四畔草離離，萬櫂千艘水上飛。
旗幟蔽江金鼓震，伯顏丞相過江時。
魯港（二）當年傀儡場，六軍盡笑賈平章。
三聲鑼響三更後，不見人呼大魏

（王）

憐。

一陣西風滿地烟，千軍萬馬浙江邊。
官司把斷西興渡，要奪漁船作戰船。
東南半壁日昏昏，萬騎臨軒趨幼君。
三十六宮隨輦去，不堪回首望吳雲。
苦夢吳山（三）列御筵，三千宮女燭金蓮。
而今莫說夢中夢，夢裏吳山只自憐。
西峯雲鎖幾時開？昨夜京城戰鼓哀。
漁父生來載歌舞，滿頭白髮見兵災。
秋風吹雨暗天涯，越鳥巢翻何以家？
嶺上萬松被斫盡，西湖新路欲排叉。
師相平章誤我朝，千秋萬古恨難銷。
蕭牆（四）禍起非今日，不賞軍功在斷

橋(五)

【註釋】(一)(越州)今浙江紹興縣。(二)(魯港)一名魯江，在安徽蕪湖縣西入江。宋德祐元年，元兵克池州，賈似道率師至魯港，爲元兵大敗。(三)(吳山)在浙江杭州縣。(四)(蕭牆)言至近之地。(五)(斷橋)在杭州西湖白堤上。

北征

汪元量

北師有嚴程，挽我投燕京，挾此萬卷書，明發萬里行。出門隔山嶽，未知死與生。三宮錦帆張，粉陣吹鸞笙，遺氓拜路傍，號哭皆失聲。吳山何青青！吳水何泠泠！(二)山水豈有極？天地終無情！回首叫重華，(二)蒼梧(三)雲正橫。

【註釋】(一)(泠泠)音靈，水聲。(二)(重華)虞舜之號，其意謂繼堯而有光華也。(三)(蒼梧)山名，亦曰九疑，在今湖南寧遠縣。史記：「舜崩於蒼梧。」

幽州歌

汪元量

漢兒辮髮籠氈笠，日暮黃金臺(二)上立；臂鷹(二)解帶忽放飛，一行塞雁南征泣。

【註釋】(一)(黃金臺)在北平附近，戰國時燕昭王築臺於易水東南，置千金其上，延天下士，號黃金臺。後人慕之，亦築於此。(二)(臂鷹)謂臂上棲鷹也。鷹性鷙猛，獵者常畜之，用以逐禽。

答方石田

汪元量

南朝千古傷心事，(一)每閱陳編(二)淚滿襟；我更傷心成野史，(三)人看野史更傷心。

【註釋】(一)(南朝千古傷心事)東晉之後，宋齊梁陳四朝，僅有南方土地，史稱南朝。傷心事，謂亡國也。(二)(陳編)謂晉人之書也。(三)(野史)亦稱稗史，私家之記載也。

題王導(一)像

汪元量

秦淮浪白蔣山(二)青，西望神州草木腥。江左夷吾(三)甘半壁，只緣無淚灑新亭。

【註釋】(一)(王導)晉人，元帝為琅琊王時，導知天下將亂，勸王收賢俊與共事，及即位，參與機務，朝野傾心，號稱仲父。晉之中興，導功為多。(二)(蔣山)即南京之鍾山，吳時為蔣子文立廟於此，名曰蔣山。(三)(江左夷吾)溫瞻見王導喜曰：「江左夷吾。」

左有管夷吾，吾復何感哉！

杭州雜和林石田三首

汪元量

逃難藏深隱，重逢出近詩。乾坤一反掌，今古兩愁眉。我作新亭泣，君生舊國悲，向來行樂地，夜雨走狐狸。

陵廟成焦土，宮牆沒野蒿。亡秦皆趙李，(一) 佐漢獨蕭曹。(二) 國子。(三) 乘黃貴，山人衣白高。飛埃猶黯黯，逝水正滔滔！

竟夕柴門掩，無心接縉紳。山中多樂事，世上少全人。諸呂(四)幾亡漢，商翁(五)不仕秦。柴桑(六)深僻處，亦有晉遺民。

【註釋】(一)趙李謂趙高、李斯。趙高，秦時宦者，二世時爲相，事無大小皆決之，旋殺二世，立子嬰，子嬰族誅之。李斯，爲秦

始皇相。(二)蕭曹謂蕭何、曹參。(三)國子謂公卿大夫之子弟。(四)諸呂爲漢高祖外戚。(五)商翁謂商山四

皓，見前文天祥言志詩(三)。(六)柴桑山名，在江西九江縣西南九十里，管陶潛家於此。

文山道人事畢臘月初九日

汪元量

崖山禽得到燕山，此老從容就義難！生愧夷齊尚周粟，死同巡遠（一）只唐官！雪平絕塞魂何在？月滿通衢骨未寒。一劍固知公所欠，要留青史與人看。

【註釋】（一）巡遠，張巡、許遠也。許遠，唐人，安祿山反，玄宗詔拜睢陽太守，累加防禦使。遭張巡將兵三千至，遠與合兵拒賊，自以才不及巡，請募軍，而居其下，專治軍糧，被圍數月，糧盡城陷，與巡俱殺，不屈死。

浮丘道人招魂歌 九首

汪元量

有客有客浮丘翁，（一）一生能事今日終。嚙氈雪窖（二）身不容，寸心耿耿摩蒼空。睢陽（三）臨難氣塞充，大呼南八男兒忠。我公就義何從容！名垂竹帛（四）生英雄。嗚呼！一歌兮歌無窮，魂招不來何所從？

有母有母死南國，天氣黯淡殺氣黑。忍埋玉骨崖山（五）側？蓼莪（六）劬勞

淚沾臆。孤兒以忠報罔極，(七)拔舌剖心命何惜！地結萋弘(八)血成碧。九泉見母無言責。嗚呼二歌兮歌復憶，魂招不來長嘆息。

有弟有弟隔風雪，音息不通鴈飛絕，獨處空廬坐繚綫，短衣凍指不能結。天生男兒硬如鐵，白刃飛空肢體裂，此時與汝成永訣，汝於何地收兄骨？嗚呼三歌兮歌聲咽，魂招不來淚流血。

有妹有妹天一方，良人去後逢此殃。黃塵暗天道路長，男呻女吟不得將。(九)汝母已死埋炎荒，(一〇)汝兄跣足行雪霜，萬里相逢淚滂滂，(一一)驚定拭淚還悲傷。嗚呼四歌兮歌欲狂，魂招不來歸故鄉。

有妻有妻不得顧，饑走荒山汗如雨，一朝中道逢狼虎，(一二)不肯偷生作人婦，左挾虞姬(一三)右陵母，(一四)一劍捐身剛自許。『天上地下吾與汝，夫爲忠臣妻烈女。』嗚呼五歌兮歌聲苦，魂招不來在何所？

有子有子衣裳單，皮肉凍死傷其寒，蓬空煨燼不得安，叫怒索飯饑無餐。亂

離走竄千里山，荆棘蹲坐膚不完。失身被繫淚不乾，父聞此語摧肺肝。嗚呼六歌兮歌欲殘，魂招不來心鼻酸。

有女有女清且淑，學母曉粧顏如玉。憶昔狼狽走空谷，不得還家收骨肉。關河喪亂多殺戮，白日驅人夜燒屋。一雙白璧委溝瀆，日暮潛行向天哭。嗚呼七歌兮歌不足，魂招不來淚盈掬。

有詩有詩吟嘯集，(一)紙上飛蛇歎香汁，杜陵寶唾(二)手親拾，滄海月明老珠泣。(三)天地長留國風(四)什，(五)鬼神呵護(六)六丁(七)立。我公筆勢人莫及，每一呻吟淚痕濕。嗚呼八歌兮歌轉急，魂招不來風習習。

有官有官位卿相，一代儒宗一敬讓。家亡國破身漂蕩，鐵漢生擒今北向。忠肝義膽不可狀，要與人間留好樣。惜哉斯文(一)天已喪，我作哀章淚慘愴。嗚呼九歌兮歌始放，魂招不來默惆悵。

【註釋】(一)浮丘翁，文天祥別號浮丘道人。(二)霜髭雪鬢，指蘇武使匈奴被留居北海上，杖節牧羶，鬢盡吞雪事。

(三)〔睢陽〕謂死守睢陽之張巡。(四)〔竹帛〕古以竹帛爲記載之具，竹帛猶言書冊也。(五)〔崖山〕在廣東新會縣南大海中。宋末衛王昺遷駐於此，元將張弘範率兵破之，宋亡。(六)〔藝我〕詩經小雅篇名，孝子追念父母也。有「哀哀父母，生我劬勞」之語，晉王褒讀詩至此，未嘗不三復流涕，門人爲廢藝我之篇。(七)〔報問極〕詩經藝我：「父兮生我，母兮鞠我，拊我畜我，長我育我，顧我復我，出入腹我，欲報之德，昊天罔極」傳：「言父母之恩如此，欲報之以德，而其恩之大，如天無窮，不知所以爲報也。」(八)〔衰弘〕周靈王時人，能招致神異，時吳方貢玉人石鏡，衰弘言於王，謂爲聖德所招，周人以衰弘幸媚而殺之，流血成碧，人謂爲忠之所積。(九)〔將〕借也。左傳莊公二十一年：「鄭伯將王自闕門入。」(一〇)〔炎荒〕南方於五行爲火，於八卦爲離，於五色爲赤，荒爲入荒，荒服之荒。炎荒，謂南方荒遠之地也。李商隱文：「久處炎荒，備嘗瘴毒。」(一一)〔滂〕淚流多也。(一二)〔狼虎〕喻凶惡之人。(一三)〔虞姬〕楚漢時項羽之姬。羽被漢圍荊下，起飲帳中，悲歌慷慨，自爲詩曰：「力拔山兮氣蓋世，時不利兮難不逝，難不逝兮可奈何，虞兮虞兮奈若何！」姬和之曰：「漢兵北略地，四面楚歌聲，大王意氣盡，將軍何聊生？」遂自刎。(一四)〔陵母〕卽漢丞相安國侯王陵之母。陵始爲縣邑豪，高祖徵時兄事之，及高祖起沛，陵亦聚黨數千，屬高祖。項羽與漢爲敵國，得陵母，置軍中。陵使至，忽使陵母招陵，陵母私送使者泣曰：「爲孝妾語陵，善事漢王。漢王長者，無以老妾故，懷二心，言妾已死也。」乃伏劍而死，以固勉陵。項羽怒，烹之。陵志益感，終與高祖定天下，位至丞相，封侯傳世五世。見列女傳。(一五)〔吟癘集〕天祥作詩集。(一六)〔杜陵野叟〕指杜甫，天祥在獄中，曾集杜工部句數十首。(一七)〔滄海月明老珠泣〕沈異語：「鮫人水居如魚，不廢織，眼泣則成珠。」李商隱詩：「滄海月明老珠泣，謂其國破之餘，身繫囹圄，慷慨悲歌，有如鮫人夜哭，泣下成珠也。」(一八)〔國風〕詩經內容分國風小雅大雅頌四部。(一九)〔什〕篇什也，詩之雅頌均以十篇爲一卷，如鹿鳴之什，文王之什，清廟之什，故曰什。(二〇)〔呵護〕謂呵禁守護也。韓愈文：「鬼神守護兮呵禁不祥。」(二一)〔六丁〕神名。後漢書注：「六丁謂六甲中丁神也，若甲子旬中則丁卯爲神，甲寅旬中，則丁巳爲神之類。」韓愈詩：「仙官敕六丁，雷電下取將。」六丁蓋謂天神之所使也。(二二)〔斯文〕論語子罕：「子畏於匡，曰：『文王既沒，文不在茲乎？天之將喪斯文也，』」

後死者不得與於斯文也；天之未喪斯文也，匡人其如予何？」按道之顯者曰文，文謂禮樂法度教化之述也。

哭文丞相詩

虞集

徒把金戈挽落暉，(一)南冠(二)無柰北風吹。子房(三)本爲韓仇出，諸葛寧知漢祚移？雲暗鼎湖(四)龍去遠，月明華表鶴歸遲。(五)不須更上新亭望，大不如前洒淚時。

【註釋】(一)金戈挽落暉，五代史：「毒手尊拳，交相於暮夜；金戈鐵馬，蹂躪於明時。」淮南子：「覽冥勸。」晉陽公與顯據，難，戰酣日暮，援戈而揮之，曰爲之反三舍。」(二)南冠，見前正氣歌註(三)。(三)子房，見前正氣歌註(四)。(四)鼎湖，黃帝鑄鼎昇天處，後人名其處曰鼎湖。詳見前文天祥金縢釋註(五)。(五)華表鶴歸遲，漢神後記：「丁令威學道於靈虛山，後化鶴歸遼，集華表柱上云：「有鳥有鳥丁令威，去家千年今始歸。城郭如故人民非，何不學仙塚累累！」按丁令威，漢遼東人。

【作者小傳】虞集，元蜀郡人，字伯生，號道園，徙臨川之崇仁，官至侍講學士，卒諡文靖，著有道園學古錄五十卷。

吳山謁祠

謝翱

吳山坊頂戴高祠，禁地淒涼江水悲。卻是北人題記壁，迤南耆舊獨無詩。

【作者小傳】謝翱，宋福建長溪人，字學羽，爲文信國謬議參軍，及信國死，節，悲不能禁，至子陵台，設信國神位，醴奠，號泣，作酒台勸哭記，恣遊山水以終。有歸擬集，冬青引等行於世。

續琴操哀江南四章并序

謝翱

宋季有以善鼓琴見上者，出入宮掖間，汪姓，忘其名。臨安不守，太后嬪御北行，汪從之，宿留薊門數年。而文丞相被執，汪上謁，且勉丞相「必以忠孝白天下，子將歸死江南」，及歸，舊宮人會者十八人，灑酒城隅，與之別。爰鼓琴再行，淚雨下，悲不自勝，後竟不知所至。噫！汪蓋死矣！客有感之者，爲續琴操，曰哀江南，凡四章。

我赴薊門，（一）我心何苦！我本南人，我行北土。視彼翼軫，（二）客星光光，自陪輦轂，（三）久涉戎行。（四）靡歲不戰，何兵不潰？偷生有感，（五）就死無罪。莽莽黃沙，依依翠華，（六）我皇何在？忍恤（七）我家？

瞻彼江漢，截淮及楚，起兵海隈，（八）亡命（九）無所。枕戈待旦，（一〇）憤不顧

身，我眎(二)王室，誰非國人？噫噫昊天，(三)使汝縲紲，(四)姦黨心寒，健兒膽裂。
黃河萬里，冰雪峨峨，爾死得所，我生謂何？

我操南音，爰酌我酒，風摧我裳，冰裂我手。薄(四)送於野，曷云同歸？自貽伊阻，(五)不得奮飛。持此盈觴，化爲別淚，昔也姬姜，(六)今焉憔悴。山高水遠，無相見時，各保玉體，將死爲期。

興言自古，使我速老，麋鹿是游，(七)姑蘇(八)荒草。起秣我馬，裴徊舊鄉，江山不改，風景云亡。誰觸塵埃？不見日月，梨園(九)雲散，羽林(一〇)鳥沒。吞聲躑躅，悲風四來，爾非遺民，何獨不哀？

【註釋】(一)〔薊門〕即今北平，長安客語。『今都城德勝門外有土城關，相傳古薊門遺址，亦曰薊丘。』舊多林木，鬱鬱蒼翠，風景入畫。(二)〔異軫〕二星名，均屬二十八宿。異主遠客，軫主車騎。見史記天官書。(三)〔輦轂〕天子之車也。同馬遷書『僕賴先人緒業，得待罪登轂下。』(四)〔戎行〕謂軍隊也。晉書：『拔呂蒙於戎行。』(五)〔慙〕音戚，憂也。(六)〔翠華〕上林賦：『建翠華之旗。』天子之旗，以翠羽爲飾。(七)〔恤〕憐憫也。(八)〔海隈〕猶海隅也。(九)〔亡命〕逃亡也。後漢書王常傳注：『命者，名也；言背其名籍而逃亡也。』按亡，逃也；命若作緹捕之命令或性命之命解，似亦可通。(一〇)〔枕戈待旦〕晉書：

『日厭忘食，枕戈待旦。』言心存軍國，不敢安寢也。(一一)(一)(一)〔厥〕古文魏字。魏志武帝紀：『袁紹虎踞四州。』宋史滿球傳：『球月盈虧以紀時。』(一二)(二)(二)〔昊天〕凡稱天曰昊天。言元氣博大也。詩經小雅節南山：『不弔昊天。』吳，元氣博大之貌。(一三)(一)〔縲紲〕繫罪人之索也。論語公冶長：『雖在縲紲之中，非其罪也。』(一四)(一)〔薄〕發語辭。詩經邶風谷風：『不遵伊，薄送我畿。』(一五)(一)〔賂伊阻〕詩經邶風雄雉：『我之懷矣，自賂伊阻。』傳：『懷，思；賂，遺；阻，隔也。言其所思者，從役於外，而自遺阻隔也。』(一六)(一)〔姬姜〕左傳成公九年：『雖有姬姜，無棄德。』傳：『姬姜，周之宗室，姜姓為周之外戚，故以為貴婦之稱。』(一七)(一)〔嬖鹿是游〕史記：『臣聞子胥諫吳王曰：『臣將見嬖鹿游姑蘇之臺也。』』謂宮室丘墟也。(一八)(一)〔姑蘇〕臺名，在江蘇吳縣西南姑蘇山上，亦作姑胥臺。史記吳太伯世家注：『闔閭起姑蘇臺，三年聚材，五年乃成，高見三百里。』一說臺為夫差所築。(一九)(一)〔梨園〕唐明皇選坐部伎子弟三百教於梨園，號皇帝梨園子弟，宮女數百亦為梨園弟子，居宜春北院。(二〇)(一)〔羽林〕禁衛之名。漢武帝置建章營騎，後更名羽林。唐置左右羽林衛，亦曰羽林軍，有大將軍，將軍等官，掌統北衙禁兵，督儀仗。

蘇武牧羊假寐圖

鄭思肖

十九年間墮渺茫，飢來鬻雪齒生香。一心只夢飛歸國，雙眼何曾看見羊。

【作者小傳】鄭思肖，中國最大之愛國詩人，字所南，又字憶翁，宋福建連江人。初名某，宋亡，改思肖，意即思趙，憶翁，所南，皆不忘宋也。初以太學上舍生，博學弘詞科。會元兵南下，叩關上書，不報。宋亡，隱居吳下，自稱三外野人。坐必南向，歲時伏臘，輒望南野哭，再拜乃反。聞北語，必掩耳急走。工畫墨蘭，易代後，為蘭不畫土，或詰之，則云：『土為番人奪去，汝猶不知耶？』嘗謂：『氣化

轉後，必有一日變夷而爲夏者。』終身不娶，浪遊無定跡。疾急，屬其友唐東嶼爲書一位牌曰：『大宋不忠不孝鄭思肖。』語訖而卒。所著有心史，皆愛國詩文，舊無傳本，明末崇禎十一年冬，蘇州府城中承天寺因久旱浚井，得一鐵函，函內石灰，灰內錫匣，匣內生漆所書心史一卷。外編封書：『大宋世界無窮無極大宋鐵函經德祐九年佛生日封。』內編封書：『大宋孤臣鄭思肖百拜封。』此書出井後，蘇州人士，見者無不稱首驚詫，巡撫都院張國維乃刻心史傳世，又爲所南立祠堂，藏鐵函於祠中。此書初出，明末名士歸莊有詩賦其事，顧炎武亦有井中心史歌。世稱心史曰鐵函心史，亦稱井中心史。

題畫菊

鄭思肖

花開不並百花叢，獨立疎籬趣未窮。寧可枝頭抱香死，何曾吹墮北風（二）

中？

【註釋】（一）（北風）南宋在南方，遼金元在北方，故南宋人稱南人，遼金元人稱北人。此處「北風」二字指元人。

德祐二年歲旦（一）（二首）

鄭思肖

力不勝于膽，逢人空淚垂。一心中國夢，萬古下泉詩。日近望猶見，天高問豈知？朝朝向南拜，願睹漢旌旗。

有懷長不釋，一語一酸辛。此地暫胡馬，終身只宋民。讀書成底事？報國是何人？
恥見干戈裏，荒城梅又春。

【註釋】（一）自註：「時逆虜未犯行在。」天子巡幸或繫歷所居曰行在。德祐，宋恭帝年號。德祐二年正月，中旬元兵迫杭州，此詩作於二年歲旦，故「行在」乃指南宋國都杭州而言。先生旨在北伐，恢復北宋國都開封，故以「行在」視杭州，不以「國都」視杭州。

春雪中作寄蕭梅初皆吾

鄭思肖

春來頻下雪，彌望漲凝陰。無地可容足，有天能見心。峨冠（一）甘虜笠（二）
正語（三）化蠻音（四）何日得隱去，深山深更深？

【註釋】（一）峨冠，高冠也。世稱士大夫爲峨冠博帶，謂高其冠，闊其帶也。韓愈詩：「問客之所爲，峨冠講唐虞。」（二）甘虜笠，指家古人之帽。（三）正語，謂漢語。（四）蠻音，謂家古語。

寫憤四首

鄭思肖

天命尙屬漢，大夫空美新。（一）三宮猶萬里，一念只孤臣。淚盡眼中血，心狂

夢裏身。勿云今已矣，舉首卽蒼旻。

未能歸趙璧，(二)我不厭干戈！萬古青天在，三年白骨多。(三)春風仍歲月，

世界自山河，寧忍委國難，飛身入薜蘿？(四)

北虜昔深入，東甌(五)亦未曾。江山能幾戰？風雨廢諸陵。雲盡喜天出，宵殘

願日升，蒼蒼今悔禍，讖應兩中興。

不信夜不曉，哀哀鎖暗響。鉄城躡敗土，(六)錦國漲腥塵。草泣荒宮雨，花羞

峭地春。少焉開鬢色，四望一時新。

【註釋】(一)〔美新〕王莽篡漢，國號新，揚雄上封事，論莽之剛，稱新之美，實諷新室。此處指漢奸之降元。(二)〔趙璧〕趙

得楚和氏璧，秦昭王使人遺趙王書，願以十五城易璧。趙相如捧璧入秦，秦王得璧，無意償趙城，相如乃詐復取璧，使其從者懷璧

從徑道亡，歸璧於趙。今俗稱以原物還人，曰完璧歸趙。宋皇室姓趙，故以趙璧喻國土。(三)〔三年白骨多〕清魏禧兵跡篇：『湖

元務殺，其入蜀，殺入無限，攻汴，積骨如山，卽伯顏(元丞相，領兵一路攻宋)一人，屠城二百。自鐵木真起自朔漠，至忽必烈稱位

中土，凡骸裂生靈，共計一千八百四十七萬有奇。』元太宗之攻金也，羣臣咸言，雖得漢人，亦無所用，不若盡殺之，使草木暢茂，以

爲牧地。賴耶律楚材言而止。(見通鑑綱覽宋理宗紹定二年) (四)〔薜蘿〕楚辭：『若有人兮山之阿，披薜兮帶女蘿。』後因

稱隱者之服爲薜蘿。此處薜蘿乃指隱者所居之地。(五)〔東甌〕地名，福建建甌縣東南有東甌城。此處借指福州。時宋端宗立

於福州。(六)自註：『時虜人悉平所得州郡城郭。』

書前後臣子盟檄(一)

鄭思肖

死亦烏可已？丹心闡大猷。(二)恭承父母教，用剪國家讎。日破四洲(三)夜，天開六幕(四)秋。終當見行事，不與世同流。

【註釋】(一)前後臣子盟檄先生有前臣子盟檄後臣子盟檄二文，乃討伐蒙古復興宋室之宣言，初分其字而九九錯綜書寫，取久久之義，詔名曰久久書，祕密而便攜帶，可掩人耳目。本擬俟大事成再釐爲正文，隔四年而事未集，先生自謂：「我死有期矣，恐生不能爲國家報讎，死決當爲大義吐氣。」因恐後人無法讀解九九錯綜書寫之久久書，乃自釐爲正文，以傳後世。(二)猷音由，風謀也，計畫也。(三)四洲猶言四海，古謂中國四境皆有海環之，稱中國爲海內，外國爲海外。(四)六幕猶言六合，上下四方曰六合，謂天地之內也。漢書：『紛紜六幕浮大海。』

此心

鄭思肖

此心期不變，曾灑血爲盟，舉世無人識，終年獨自行。海中擎日出，天外喚風生，淨盡去雲霧，重開白晝明。

卽事二首

鄭思肖

山川不可望，荒草苦何深！故國英雄淚，終身父母心。清池函瑩玉，落日墮圓金。休問愁多少，芳年雪上簪。

獨閉衡門坐，無言意極長。赤心懷趙日，綠鬢染吳霜。火正當陽地，風來自午方。連宵驗天象，（一）心宿炳明堂。（二）

【註釋】（一）（天象）《易經》：『天垂象，見吉凶，聖人則之。』古人迷信，謂人世吉凶，可由天象占之。（二）（心宿炳明堂）自註：『心宿明堂，古宋分野。』心宿，二十八宿之一，今小滿節子正一刻九分之中星。炳，輝耀也。明堂，天空星宿之部位。抱朴子：『歷明堂入太陰中。』此處謂心宿炳明堂爲吉兆，可占宋室之復興。

對雨有懷

鄭思肖

世道忽翻覆，愁來痛徹心。腥風行殺氣，淫雨哭秋陰。虜晚朝廷璽，官空帑藏

金。妃嬪今草地，宮髻淚中簪。

自挽

鄭思肖

堂堂男子不封侯，與命爲仇死未休。陷虜有歌春夢（一）斷，哭天無地夜魂愁。九清（二）風露極玄處，萬古虛空自在遊。痛恨莫能生報國！從今陰隲（三）溥南州。

【註釋】（一）〔春夢〕侯麟錄：『東坡老人在昌化，嘗負大瓢，行歌田野間，僮婦年七十，云：「內翰昔日富貴，一場春夢。」』（二）〔九清〕猶言九天，孫子：『善攻者動於九天之上。』古人言九皆泛指多數而言，非確指第九重天也。清，天空也，虛空也。道家以玉清，上清，太清爲三清，皆仙人所居之府。（三）〔陰隲〕書經：『惟天陰隲下民。』言暗中安定其民也。後人以陰隲爲陰隲。

一日

鄭思肖

一旦蒙塵朔漠行，杜鵑哭破舊窠聲。金杯暫飲胡瓶酒，玉鉉誰調御鼎羹？故國夜長天正晦，離宮春盡草初生。小臣有誓曾銘骨，不到神州不太平。

偶成

鄭思肖

劍氣熒熒夜屬天，忍觀禾黍（一）廢蒼烟？
夢中亦問朝廷事，詩後唯書『德祐年』。
花柳有愁春正苦，江山無主月空圓。
如今好棄毛錐子，（二）望北長驅馬一鞭。

【註釋】（一）『禾黍』廢箕子過殷之故墟，歌曰：『麥秀漸漸兮，禾黍油油兮，彼狡童兮，不與我好兮！』蓋悲故國之滅也。
（二）毛錐子，毛筆也。謂正好找筆從戎北伐也。

答

鄭思肖

語聲帶咽吐新詩，徹骨啣冤痛不知。
報國心惟憂漢賊，讀書人肯學胡兒？
劍攜入手霜三尺，鏡掛當胸月一規。
終久難磨天理在，匪伊談笑定時危。

鴈足（一）

鄭思肖

鴈足冥冥未報歸，此心裂碎有誰知？
一懷憤悶心啣苦，兩鬢鬢髮（二）髮倒。

垂醉後愛歌諸葛表，生來恥讀李陵詩。喜吾筋力猶強健，願爲朝廷理亂絲。

【註釋】(一)雁足：漢蘇武使匈奴，不風，徙居北海牧羊。後匈奴與漢和親，漢求武等，匈奴詭言武死，常惠教漢使者謂單于，言：「天子射上林中，得雁，足繫帛書，言武等在某澤中。」使者如惠言，實單于，單于驚謝，後人言辭信，多用此事。(二)盤髮：音盤三，毛垂也，又亂髮也。(三)李陵：見前文天祥題蘇武忠節圖註(三)。

古時

鄭思肖

古時明月碧霄間，曾照鸞輿幸蜀還。御座乍空三殿遠，朝儀暫歇六更閑。馬屯腥霧彤墀壞，鶯哭冤春玉戶關。若是年年歸舊燕，遠簷偷語問龍顏。

(三)

【註釋】(一)幸蜀：胡人安祿山反，唐玄宗避難幸蜀，傳位太子，後還長安，尊爲太上皇。(二)彤墀：形，赤也，墀，階上地也。彤墀，丹塗之墀，指宮殿之墀。(三)龍顏：史記：「高祖爲人，隆準而龍顏。」龍顏，謂眉骨圓起也。後遂稱帝王顏貌曰龍顏。

補夢中所作

鄭思肖

鴻鴈流離夢亦驚，滿懷淒怨足秋聲。此身不死胡兒手，留與君王取太平。

聞陷虜宮女所問

鄭思肖

塵汙宮粧粉不香，死生魂夢只昭陽。
王。(一) 一逢人自南來者，垂淚殷勤問二

【註釋】(一)〔昭陽〕漢殿名，漢武帝後宮八區，有昭陽殿。(二)〔二王〕宋恭宗之弟益王昀，衛王昀。

南望

鄭思肖

南陽(一)遙望見春陵，(二)殘雪初消霽日升，
必中興。鬱鬱葱葱有佳氣，漢家天子

【註釋】(一)〔南陽〕郡名，秦置，今河南南陽縣，其舊治也。(二)〔春陵〕地名，故城在今湖北棗陽縣東。王莽篡漢，漢光武起兵春陵，北據南陽，旋即帝位，爲東漢中興之主。

匈奴

鄭思肖

匈奴殘破漢封疆，江北江南盡戰場。若問生靈誰是主，如今天子又康王。

(一)

【註釋】(一)自註：「康王，本朝高宗皇帝。北宋亡，高宗立於南京；南宋亡，益王立於福州。此處以康王喻益王，意謂益王亦能中興宋室也。」

絕句三首

鄭思肖

玉輦愁經草地腥，酸風頻捲馬頭塵。我朝三百年(一)忠厚，不信山河屬別人。

閩門(二)城外水涵空，鴈影淒涼落照中，一望秋風數千里，不知何處是行宮？

西風滿路奈愁何！昏鼓聲中厭北歌。菱藕市空燈火斷，一城秋怨月明多。

【註釋】(一)「三百年」北宋南宋共三百十七年，西元九六〇至一二七六。(二)「閩門」蘇州城門名。

五忠詠五首

鄭思肖

一 制置李公芾(一)

舉家自殺盡忠臣，面仰青天哭斷聲。聽得北人歌裏唱：「潭州」(二)城是鐵州城。」

二 都統王公安節(三)

健兒三百陷胡塵，匹馬孤騰勇過人。至死執刀唯罵賊，自言「不作兩朝臣。」

三 丞相李公庭芝(四)

大駕(五)迢迢已北行，淮南猶守九州城。只謀渡海南歸國，不意忘軀博得

名。

四 察使姜公才(六)

殺氣盤空白晝陰，始終不變似精金。直疑碧落三更月，來作將軍一片心。

五 隨駕內嬪某氏(七)

玉殿辭春陷馬塵，忍將羶穢汙貞身？能行男子難行事，羞殺朝中投閣人！

【註釋】(一)〔李公甫〕自註：『公之忠義最烈，古未之有，所聞未及其詳，故未致書，今雖亦銅紀之矣。』(二)〔潭州〕即

今長沙。(三)〔王公安節〕自註：『在常州與賊戰，所部三百軍皆陷，公壁刀孤戰，殺賊不計數。賊嘗擲示十萬戶金牌與之，不受，口則罵，手則殺，以馬失利而死，虜賊咸稱其能死戰也。』(四)〔李公庭芝〕自註：『公受刑後，嘗吏夏激冒險白於廖倉阿市，丐公之屍斂棺，葬於揚州壘城司空廟後。人皆危之。激亦義士也。』(五)〔大罵〕天子之乘輿也。宋德祐二年元丞相伯顏入杭州，宋恭宗被擄北去。(六)〔姜公才〕自註：『公至死罵賊不絕口，且刺口罵夏貴。李公庭芝爲淮東制置，姜公爲制置府都撥發官，凡李公得堅守淮東爲忠臣者，皆姜公之力也。』(七)〔內嬖某氏〕自註：『隨駕北狩內嬖某氏，虜酋屢欲犯之，以其吐語貞烈，竟不可得，乃嘗於裙帶上曰：「誓不辱國，誓不辱身。」遂自經於虜館，死後爲虜人分鬻其肉食之。』

陷虜歌(一)

鄭思肖

德祐初年臘月二，逆臣叛我蘇城地，城外蕩蕩爲丘墟，積骸飄血彌田里。城中生靈氣如蟄，與賊爲徒廿六日，蚩蚩(一)橫目無所知，低面賣笑如相識。彼儒衣冠誰家子？靡然相從亦如此，不知平日讀何書，失節抱虎反矜喜？有粟可食不下咽，有頭可斷容我言，不忍我家與國同休三百十六年！閱歷凡幾世，忠孝已相傳；足大宋地，首大宋天，身大宋衣，口大宋田，今棄我三十五歲父母玉成之身，一旦爲氓受虜塵！(三)我憶我父教我者，日夜滴血哭成顛。我有老母病老病，相依

爲命生餘生，欲死不得爲孝子，欲生不得爲忠臣。痛哉！膺胸叫大宋，青青在上寧無聞？自古帝王行仁政，唯有我朝天子聖，老天高眼不昏花，盍拯下土蒼生命？忍令此賊恣殺氣，顛倒上下亂綱紀？（四）厥今帝怒行天刑，一怒天下淨如洗，要荒（五）仍歸禹疆土，四海草木霑新雨。應容隱者入深密，歲收芋栗供母食。對人有言不肯開，面仰虛空雙眼白。

【註釋】（一）自註：『德祐乙亥十二月二十八日作，又名斷頭歌。』（二）蚩蚩，敦厚貌。詩經：『氓之蚩蚩。』（三）膺，一夫之所居曰膺。孟子：『顧受公之一盛而爲氓。』受，屢，謂爲沍民也。（四）綱紀，綱常紀律也。（五）要荒，要服與荒服，謂遠方之地。揚雄文：『要荒灑沐。』

黃河清并序

鄭思肖

近有南人自北歸，紀之於籍云：『某日渡河，土人謂丁丑歲四月黃河清，戊寅歲十一月又清數旬。』古語曰：『黃河清，聖人生。』吾大宋人也，知大宋而已，然則中興有日矣。獨惜夫人之生於唐末年者，歷五代八姓，五十五年，至國初僅七八十歲，首尾生死於唐宋之間，爲七

代之民，何重不幸耶？爲馮道（一）者，比比皆是。我宋豐水有芑之仁，（二）陶化斯世三百年，
忍哉！彼忍哉！今黃河清矣，汝輩何所逃乎？吾諺之曰：『黃河清，大宋中興，天下太平。』故作

河清詩曰：

丁丑戊寅歲，黃河兩度清，但教大宋在，卽是聖人生。亘古理不泯，中天日轉明，這番戡定後，世世永休兵。

【註釋】（一）馮道，五代景城人，初爲劉守光參軍，後歷事唐、晉、漢、周四姓十三君，官皆將相，自號長樂老。（二）豐水有世之仁，詩經大雅文王有聲：『豐水有芑。』全詩言文王遷豐，武王遷鎬之事，謂人民無思不服，歸者日衆，其地不能容，不得不遷都也。豐鎬均在豐水之旁，芑，與杞通，謂枸杞也。此處謂宋有周文王、武王之仁德也。

自題大義集（一）後

鄭思肖

長夜漫漫發浩歌，生民塗炭果如何？中興車馬修攘（二）在，變雅（三）君臣廢，
缺多赤幟開明新日月，青氈恢拓舊山河。誓崇忠義誅姦逆，田海（四）雖遷志不磨。

【註釋】(一)〔大義集〕心史之第二集。(二)〔修撰〕詩序：『內修政事，外攘夷狄。』論語注：『尊周室，攘夷狄，皆所以正天下也。』戮力王室，排斥異族，謂之尊王攘夷。(三)〔鑾雅〕詩序孔疏：『變風變雅之作，皆王道始衰，政教初失，尚可匡而革之，道而復之，故執轡鞅，繩此新失，望望自悔其心，更遵正道，所以變詩作也。』(四)〔田海〕滄海桑田之省文。

郊行卽事

鄭思肖

癡立若忘歸，欲言還又訥，(一)時危恐懼多，國破繁華歇。黃葉辱吳山，(二)綠蕪欺魏闕。(三)兩峯(四)流水聲，偷哭漢宮月。

【註釋】(一)〔訥〕言語難出口也。(二)〔吳山〕自註：『吳山在行在大內鳳凰山側。』行在，指杭州。(三)〔魏闕〕古宮門懸法之所也，亦曰象魏。莊子：『身在江海之上，心居魏闕之下。』(四)〔兩峯〕杭州西湖濱有南高峯，北高峯。

苦懷

鄭思肖

滔滔流波瀾，百川俱頽靡，競羨呂望(一)貴，獨欠伯夷(二)死。小恩尙思報，大義反忘恥，國家三百年，果何負於爾？

【註釋】(一)〔呂望〕姜姓，呂氏，名尚，初釣於渭濱，文王出獵過之，曰：『吾太公望子久矣。』故稱太公望，佐武王克殷有功。

封於齊。(一)(伯夷)服孤竹君之子。武王伐殷，伯夷與其弟叔齊叩馬而諫，及武王勝殷，有天下，夷齊恥食周粟，隱於首陽山，采薇而食，遂餓死。

德祐六年(一)歲旦歌 庚辰歲

鄭思肖

天運無情歲事新，大寶(二)虛位孤王春。(三)晝出銜恤夜夢哭，皇皇(四)五載臣無君。南望二王未駐蹕，北憶三宮猶蒙塵。祿祿(五)蝕日地軸折，冤氣上騰霾蒼旻。百姓茹苦痛徹髓，大事未定焦如焚。我寧久處遯閩中，遽忍終死爲逆民！大哉父母之遺體，與生俱生仁義身，天鍊精金鑄我心，上籀(六)『忠孝』兩字文。痛憶我君我父母，眼中不識天下人。不變，不變，不變，(七)萬挫以死無二心！醉喝海嶽尙翻動，不信不滅犬羊羣。或謂逝水不可復，叱我癡忠空愁鬢，焉知漢絕十八載，光武乃興春陵兵。卽此一語斷世事，仰面再拜淚如傾。

【註釋】(一)(德祐六年)南宋亡於德祐二年，先生不願爲元民，故稱德祐六年。自註：『今日德祐六年歲旦歌，乃辭興二
年歲旦歌也，太歲則庚辰也。南國正統在天一涯，亦未嘗間斷焉。我陷虜雖六年，其實則德祐之民，故曰德祐六年歲旦歌。』心愁欲

絕，目掛空碧，滯腹不平氣，何時遂於一吐耶？』(一)(二)〔大寶〕天子之位也。易經：『聖人之大寶曰位。』(三)〔王春〕即春王正月，春狄隱公元年書：『春王正月，』言隱公之始年，爲周王之正月也。(四)〔皇皇〕心不定也。禮記：『皇皇如有望而不至。』(五)〔厭厭〕厭，與妖通，不祥之氣也。禮，祓氣也。左傳：『吾見赤黑之服。』(六)〔皜〕大家也。(七)〔不變〕自註：『或疑「不變」三字，蓋痛切語殺之辭，非謂不能於不變也。』

勵志二首

鄭思肖

炎正(一)遭中微，(二)冠屨紛倒置，四壁皆楚歌，獯鬻(三)何凶熾！萬命墮
荆棘，身與豺狼值，攢眼刺荼毒，地無隙可避。君子餓欲死，爲時所唾詈，白晝行夢
中，更相問憔悴。我螫茅茨下，有生痛自愧，寒燈弔老影，惻惻不遑寐。憂抑併填膺，
反覆論此事。嗣君尙幼沖，(四)厲階(五)誰所致？權奸弄破國，珠玉亂走地，曾謂
頃刻間，一蹶失神器！(六)風沙犯天顏，生死一葉寄，勢去若瓦解，哀告不可譬。太
廟櫪胡馬，太學巢胡吏，殿閣奏秋涼，羣羣走魑魅。淒風吹宮花，春不肯明媚；哀笛
破深愁，滿月新亭淚。我朝聖明君，一一極善治，涵育三百年，豈無忠義士？我讀我

父書，頗曾識大義，無以死恐我，死亦心不二。殘生齧膽髀，(七)氣怒頻裂皆，或時坐如死，突眼嚙相視。先王澤未泯，中興斷可冀，仰呼籲不平，挺身據大志。四方皆風動，德化仍漸被。春秋生殺權，華夷有定位。後有董狐筆，當嚴於載記，爰以明人倫，永使勿顛墜。

大哉天地經，森然不可踰，聖人治天下，綱常安厥居。誰謂遭大變，干戈血模糊！天地忽破碎，虎狼穴吾廬，毒氣孽萬物，草木俱焦枯。我爲國之臣，于義當捐軀，受死不爲痛，國家終何如？念此迫我心，萬劍裂肌膚。骨腐尙銜冤，且爲國家圖！鬼神果有知，聞之亦歔歔。

【註釋】(一)炎正，炎帝神農氏始以火，燹王，唐鑑亦爲火德，秦始皇推終始五德之傳，以爲周得火德，及漢高帝興起，斷蛇著符，旗幟上赤，史謂爲協於火德自然之應。其後趙宋亦以火德王，故亦稱火宋。炎正，猶云火德之正統也。(二)中微，中衰也。(三)獯鬻，北狄名，夏釋獯鬻，殷稱葷粥，周稱玁狁，秦漢稱匈奴，秦古人亦其裔也。(四)沖，幼小也。(五)厲階，猶云禍端。詩經：『婦有長舌，維厲之階。』(六)神器，帝位也。漢書敘傳：『不知神器有命，不可以智力求也。』(七)禮鑿，禮與黃髮，皆味苦。

春日偶成

鄭思肖

百萬胡兒犯大朝，奔南狩北恨迢迢。我非辦得中興事，一點英靈死不消！

寫憤二首并序

鄭思肖

偶一夕，枕上苦吟不就，忽於夢中吟得五字云：『翻海洗青天。』正屬對間，爲人喚覺，則天已大明矣。今足之於後：

開眼看不得，愁來只自顛。六年萬憂苦，四海一腥羶。歎命巧相值，觀時痛可憐。卻慙深夜月，猶忍照胡天。

朝廷罹禍亂，民物苦顛連。晉帝（一）渡江讖，唐皇幸蜀年。剖雲行白日，翻海洗青天。辦得大事了，胸中卽泰然。

【註釋】（一）晉帝，謂晉元帝，司馬懿曾孫，琅琊王凱子，愍帝遇害，乃卽位於建康，僞安江左，史稱東晉。

無題四首

鄭思肖

屢問北來者，相傳盡不同。三宮在何許？萬姓墮愁中。春草活腥綠，雨花啼慘紅。人間至微物，今亦怨天公。

一天悽愴事，此恨極難裁。骨縱已成土，心終不肯灰。毒蛇噓樹死，怨鳥哭春哀。處處山東老，懸情漢詔來。

愁海茫茫望不窮，黃茅白葦渺陰風。鳳凰（一）高遁層霄外，豺虎（二）橫行大道中。九廟（三）傾頽郊祀（四）廢，四方禍亂國家空。于今建武（五）重興漢，誰是雲臺（六）第一功？

鞠躬盡瘁弔無君，滿耳冤聲不忍聞。醉去忘形猶蛻骨，怒來嚼齒欲穿齦。腥風澆曉春應怨，癡霧霾空路莫分。熒惑星明聖人出，頻頻中夜驗天文。

【註釋】（一）〔鳳凰〕瑞鳥，喻益生，衛王。（二）〔豺虎〕惡獸，喻仇人。（三）〔九廟〕漢王莽起黃帝太初祖廟，廢帝始祖昭

廟等九廟，後世天子亦起九廟。(四)〔郊祀〕冬至祀天於南郊，夏至祀地於北郊，故祭天地曰郊祀。(五)〔寇武〕後漢中興之主光武帝年號。(六)〔雲臺〕漢宮中高臺，以其高起千雲，故曰雲臺。後漢光武帝定天下，有功臣二十八人，明帝永平三年，圖於南宮雲臺，以鄧禹爲首。

和文丞相六歌 選四首

鄭思肖

我憶三宮幸朔方，天顏皴黑鬢髮黃，鬼風尖尖割肌肉，驚沙撲損龍衣裳。羣黎命死北魔手，世界缺陷苦斷腸。小臣翅短飛未得，望破癡眼愁更長。嗚呼！一歌兮哀以傷，白日無光天荒荒。

我憶二王血淚垂，一絲正統懸顛危，士卒零落若霜葉，陣前將軍今有誰？以舟爲國大洋裏，萬死一生終安歸？至痛無聲叫不響，皇天皇天知不知？嗚呼？再歌兮歌孔悲，風雨驟至晝冥迷。

我憶我父在日時，叱我癡鈍無天姿，且且灌漑仁義澤，靈臺豁然開光輝。夙劫孤露命濁世，王事鞅掌（一）生無期。一憶父母教我語，逃罪無地死亦遲。嗚呼！

三歌兮淚淋漓，君父不在倚賴誰？

我所思兮文丞相，英風凜凜照穹壤，失身匍匐草莽間，屢迫以死彌忠壯。虛空可變心不變，吐語鏗然金石響。想公骨朽化爲土，生樹開花亦南向。嗚呼！五歌兮併悽愴，望公不見愁泱泱。（二）

【註釋】（一）〔鞅掌〕煩勞也。詩經：『或王事鞅掌。』毛傳訓爲失容，自其煩勞之狀言之也。鄭箋解鞅爲負荷，言如捧持負荷以趨走，促速也。（二）〔泱泱〕廣大貌。馮衍賦：『望河華之泱泱。』

追獎并序

鄭思肖

毛惜惜，高郵軍妓也。理宗朝榮全據高郵城叛，召惜惜佐酒。惜惜怒叱之曰：『汝本趙官家健兒，何敢反耶？吾有死耳，不能爲反賊行酒！』榮全以刃裂其口，立命斃之，罵至死不絕聲。嗟夫！今之男子挺挺讀書爲君子者，反蕩然掃地矣。不知此婦人旣失身汗賤，果何所學何所見而臻於是？吾豪傑士也，崢嶸之氣不爲世變消鑠，此國家仁義涵養之所致，其敢負國家乎！聞此風者，頑夫廉，懦夫有立志，不待文王而興可也。扼腕時艱，追憶惜惜之事，今實不易得。

故賦以美之。

誰謂匪人賤？猶懷事賊羞。
挺身持大義，正語叱狂酋。
名在春逾豔，骨香花不愁。
有靈知國事，地下笑王侯。

一礪（一）庚辰九月

鄭思肖

愈久愈不變，一忱生死俱！
獨行天與語，枯坐石爲徒。
血汗衣冠國，（二）冤浮盜賊區，
何當洗兵馬，終古統炎圖！（三）

【註釋】（一）先生《中興集》第二集之首自題云：『今所作無題者，俱以礪之一字次第目之，礪者言淬礪乃志決其所行也。漢顏逆莽功德者四十八萬餘人，今又過之；唐顏氏之門，死於賊之刀鋸者三十餘人，今無以尙之；何從逆者衆，盡節者寡歟？』（二）「衣冠國」衣冠文物之國，指中國。（三）「炎圖」即中國之版圖，相傳漢族乃神農炎帝之裔，故稱炎圖。

二礪二首

鄭思肖

愁裏高歌梁父吟，（一）猶如金玉戛（二）商（三）音。
十年（四）句踐亡吳計，

七日包胥(五)哭楚心，秋送新鴻哀破國，豈行饑虎齧空林。胸中有誓深于海，肯使神州竟陸沉？

鈞天夢冷紫宸(六)春，臣子啣哀社稷屯。(七)一縷血忱開白日，兩篇心誓
(八)哭蒼旻。(九)渡江祖遜願興晉，蹈海仲連(一〇)羞帝秦。回首故都宮闕恨，滿山秋色正愁人。

【註釋】(一)〔梁父吟〕樂府楚調曲名，梁父，山名，在泰山下，梁父吟，言人死葬此山，挽歌也。諸葛亮好爲梁父吟。(二)〔鼙〕音嫁，擊也。(三)〔商〕五音之一，其調悲。(四)〔十年〕自註云：『夫差敗越二十一年，越滅吳，十年乃伍員謀。』(五)〔包胥〕姓申，春秋楚大夫，與伍員友善。員以吳師伐楚，入郢，包胥入秦乞師，依庭牆而哭者七日，秦伯乃遣將定其國難。楚昭王返國賞功，逃而不受。(六)〔紫宸〕隋宮殿名。杜甫詩：『還家初散紫宸朝。』此處泛指宮殿。(七)〔社稷屯〕社稷，土穀之神，古滅國，則遷置其社稷，故稱國家爲社稷。屯，卽屯難，禍難也。社稷屯，國多禍難也。(八)〔兩篇心誓〕自註：『謂前後臣子風檄也。』(九)〔蒼旻〕卽青天。(一〇)〔仲連〕戰國齊人，高蹈不仕，喜爲人排難解紛。游於趙，秦圍趙急，隗使星垣衍請帝秦，仲連義不許，秦軍爲却。後田單言於齊王，欲爵之，讓逃於海上。

三礪

鄭思肖

一礪二礪至萬礪，盟執牛耳(一)血爲誓。靈台(二)空瑩白于秋，徹底不生

乖戾氣。皆裂齒碎志懇懇，貉之天性寧踰汝？我生一雙霹靂手，終碎此虜爲齏粉！
天平地成風俗淳，一統永歌胡無人。

【註釋】（一）（執牛耳）左傳：「諸侯盟，誰執牛耳？」古者歃血爲盟，割牛耳取血，盛以珠盤，主盟者執之。後引伸爲主持其事者之辭。（二）（鑿台）與鑿府同，心也。「莊子：不可內于鑿台，鑿台者有持。」

四礪

鄭思肖

說殺說不醒，世人良可嘆！欣欣從北俗，往往棄南冠。毒露沾膚爛，尖風破骨寒。願身化作劍，飛去斬樓蘭。

五礪

鄭思肖

宋鼎終難問，（一）元酋莫死爭！九州俱是淚，一刻不容生。舌在身當貴，心真願必成；但思湖海上，誰可與斯盟？

【註釋】（一）宋鼎終難問。左傳：『陸子觀兵於周疆，定王使王孫滿勞陸子，陸子問鼎之大小輕重焉。』三代時以九鼎爲傳國寶，陸子問鼎，蓋欲算周也。『宋鼎終難問』謂宋之天下元胡終難奪也。

六礪 郊外獨遊草三首

鄭思肖

一聽茶歌（一）淚卽流，更兼風葉響颼颼。不堪滿地餘殘照，併與新寒合作

愁。

又是江空歲晚時，痛思國事獨行遲。青山無語青天遠，吐出丹心把向誰？
操得南音類楚囚，早期戮力復神州。須知鐵鑄忠臣骨，縱作微塵亦不休！

【註釋】（一）茶歌，自註『採茶歌，胡曲也。』

七礪

鄭思肖

天生忠義性，習俗豈能移？道在國常在，我知人不知。眼懸堯曆象，心醉漢官

儀。(二)前日喃喃者，今誰語及斯？

【註釋】(一)漢官儀，謂朝儀，臣朝君之禮制也。漢叔孫通爲博士，說高祖定朝儀，采古禮與秦儀，雜用之，隨之朝廟典禮，皆其所定。

八礪三首

鄭思肖

黃道霾陰晝蝕光，野浮冤氣白冥茫。世無聖主天應哭，時有忠臣國不亡。萬刃攢身終莫變，一誠銘骨豈能忘！休嫌重復叨叨說，未奏膚功正斷腸。

生得貞心鐵石堅，肯將識見與時遷？淚如江水流成海，恨似山峯插入天。慷慨歌聲聞屋外，婆娑劍影落燈前。篇篇字字皆盟誓，莫作空言只浪傳。

憤氣填膺奈若何？千生萬死不消磨！夷齊道喪綱常壞，湯武(一)兵興叛逆多。天外遊心窮碧落，風前注目寄蒼波。此時此意那容說？環顧斜陽一浩歌。

【註釋】(一)湯武，自註：「謂人臣篡國自湯武始之，今胡人則犬羊耳。」成湯，商開國之君，名履，始居於亳，夏桀無道，湯伐之，放於南巢，遂有天下。周武王，文王子，名發，時商紂暴虐，武王率諸侯東征，戰於牧野，敗紂師，滅商，卽帝位。

九礪

鄭思肖

忍死以待旦，蹉跎歲又殘。隨身陷囚阱，盡命哭衣冠。月死虛空黑，春枯草木寒。牀頭雄劍在，白氣夜盤盤。(一)

【註釋】(一)〔盤盤〕迴旋貌。杜牧《阿房宮賦》：「盤盤焉，囷囷焉，不知其幾千萬落。」

十礪二首

鄭思肖

屏氣處逆阱，衡慮畫奇謀。指日誓血語，高空開青愁。決志揭大法，一洗天地羞。永使臣子輩，恥列僞逆儔。美俗薰古德，至治昭皇猷。(一) 一統萬萬世，海宇咸蒙休。(二)

一刻積一日，因循忽七年。孰云天道邇？不鑒下民冤。海陸頻征戰，城池盡變遷。吾君幸何地？數禱紫微垣。(三)

【註釋】(一)皇猷，皇，大也。猷，謀畫也。(二)休廢也。【書經】「實萬世無疆之休。」(三)紫微垣，星座名，三垣之一。【晉書】「紫微垣十五星，一曰紫微，天帝之座也，天子之所居。」【漢書】「流星光燭地實紫微宮。」

十一礪

鄭思肖

我本漁樵徒，山水足嘉遯。(一)昔也爲鳳凰，今焉乃鷲鈍？反思生爲人，虛食國家飯，詎甘死賊手，拊口違公論？孤忠破衆逆，彌久氣彌健，決當乘良機，爲國行天憲。(二)勇往直無前，一舉四海勸，談笑解倒懸，(三)盡釋下民怨。生或不就緒，死當償夙願。罔使竟食言，刦刦(四)抱長恨。

【註釋】(一)嘉遯，謂隱遁而合乎正道也。(二)天憲，朝廷之法令也。後漢書：「手握玉爵，口含天憲。」(三)倒懸，喻困苦之甚也。孟子：「民之悅之，猶解倒懸也。」(四)刦刦，通劫劫，猶言世世也。白居易：「生生劫劫，長爲我師。」

十二礪

鄭思肖

攀斷龍髯(一)哭不回，鼎湖(二)仙去下民災。一身肉痛愁銷骨，兩臉顏枯

蹇入服誓以匹夫紆國難艱於亂世取人才。屢曾算至難謀處破裂肺肝天地哀。

【註釋】（一）〔龍髯〕史記：「黃帝採首山銅，鑄鼎於荆山下，鼎既成，有龍垂胡髯下迎黃帝，黃帝上騎，羣臣後宮從上者七十餘人，龍乃上去。餘小臣不得上，乃悉持龍髯，龍髯拔墮，墮黃帝之弓。百姓仰望黃帝既上天，乃抱其弓與胡髯號。」（二）〔鼎湖〕黃帝鑄鼎昇天處，名曰鼎湖。後人言帝王之崩，常用此語。

十三礪二首

鄭思肖

北荒騰黑陰，飛妖（一）蝕漢日，閭闔（二）九重門，老胡騎馬入。萬世熙明殿，一朝韃靼（四）窟。江南荒野間，月黑鬼兵（五）出。

嗟汝兒女曹，至蠢亦孔醜，面笑心搖搖，欲進乃却走，愁癡弄盲語，捧酒祝鬼壽。傷哉復傷哉！醒眼頻搔首。

【註釋】（一）〔飛妖〕指元人。（二）〔閭闔〕天門曰閭闔，故宮之正門，亦曰閭闔。（見三輔皇圖）（三）〔熙明殿〕自註：『度宗朝殿名。』（四）自註：『韃靼，即今之賊也。』韃靼，本韃靼之別部，唐末始見其名，後乃爲蒙古之稱。元亡，其宗族走漠北，去元之國號，稱韃靼。（五）〔鬼兵〕指元兵。

十四礪二首

鄭思肖

法駕(一)遙巡六載餘，農桑煙火頓蕭疎，深山大澤精靈哭，赤縣神州鳥獸
(二)居。天下黃金歸朔漠，南中白骨蔽郊墟。漳泉數郡屢反正，賸有忠臣野史書。
六合漫空一網羅，驅徭(三)椎(四)剝極煩苛。星辰錯亂曆無準，天地陰寒
氣不利。漢室公卿周勃(五)少，河梁(六)朋友李陵多。蹙然發歎悲風過，渺渺吳
淞捲白波。

【註釋】(一)〔法駕〕謂天子之車駕也。天子兩駕，有大駕、法駕、小駕三種，以儀衛之繁簡別之。(二)〔鳥獸〕指元人。
(三)〔徭〕役也。古力役之征，曰徭役。(四)〔椎〕擊也。(五)〔周勃〕漢沛人，佐高祖定天下，封絳侯。呂氏之叛，誅諸呂，迎文帝
即位，漢室以安。卒諡武侯。(六)〔河梁〕李陵與蘇武詩：『搗手上河梁，遊子暮何之？』梁，橋也。

十五礪

鄭思肖

國家今板蕩，舊物一微絲。至苦說不得，長懷病似癡。人心危陷阱，天理過蒼

龜。(二)賴有二盟在，寧無吐氣時？

【註釋】(一)〔著龜〕謂筮與卜也。著，音尸，草名，古取其莖以爲占筮之用。古灼龜甲以下，故謂卜爲龜。

十六礪

鄭思肖

雙眼荒荒不寐時，冥搜俊傑慕夷齊。讖符(一)鐵券(二)虜當滅，(三)夢出
玉清天亦低。城裏月明聞虎過，人間夜久望鷄啼。深憐舉國顛崖底，誰構懸空萬
丈梯？

【註釋】(一)〔讖符〕，諛兆也。符，詔，圖讖，皆言將來得失之兆也。(二)〔鐵券〕，古以頒有功之臣者，其制如瓦，外刻隱歷
恩數之詳，以記其功，中刻免罪減錄之數，以防其過。各分左右，左頒功臣，右藏內府，有故則合之以取信。(三)〔虜當滅〕，自註：
『先朝嘗於蜀中掘得武侯鐵券，有「湖滅，留一半；漢滅，留一人無。」及「依舊朝錢塘」之語，當應今日之事。』

十七礪

鄭思肖

我有真黃金，只作土價賣，陪笑徧示人，竟無一人買。日暮哭歸來，反爲衆所

怪，安得明眼人，與之語痛快？

十八礪

鄭思肖

挺挺（一）大丈夫，爲世一準則，如何出處間，終始不明白？四皓（二）本周人，多爲漢一出，不終爲周臣，身與道相失，僅安漢社稷，暗墮張良術；（三）惟我則不然，一身無二適，縱別生聖人，亦當死深密。我出興我朝，舊都建皇極。（四）今力未能之，晝夜禱空碧。宣王（五）車馬來，一見死亦足。

【註釋】（一）挺挺，直也。左傳：『周道挺挺。』（二）四皓，漢之隱士東園公，綺里季，夏黃公，角里先生也，避秦隱商雒山中，四人皆鬚眉皓白，故謂之四皓。（三）暗墮張良術，漢高祖欲廢太子，呂后用張良計，卑辭安車迎四皓，從太子見高祖，高祖曰：『羽翼成矣。』太子賴以不廢。（四）皇極，言天子建立準則，爲四方萬民所取法也。書經：『五皇極，皇建其有極。』（五）宣王，周厲王子，名靜，厲王死於厲，周召共立之。北伐獫狁，南征荆蠻，淮夷，徐戎，復文武之業，周室中興。

十九礪

鄭思肖

暫爾下生來，落身命塵網，高明氣常清，貧賤語亦響。雙足風雲行，一心山水

想，何時了國事，方外適幽賞？

九日

鄭思肖

眼見今朝菊又黃，雙扉漬淚暗淒涼。崢嶸歲月精神發，磅礴乾坤意氣狂。新
鴈來時芳草死，歸鴻盡處暮天長。後年箭主（一）當回蹕，始信山河再屬唐。

【註釋】（一）（箭主）指後唐莊宗李存勳，其父克用將死，授以三矢曰：『必報梁燕契丹之仇。』既嗣位，北却契丹，東滅燕，又滅梁，還矢太廟。

弔揚州瓊花并序

鄭思肖

揚州瓊花，天下惟一本，后土夫人司之。花之盛衰，淮境豐歉係焉。南渡前經兵火，此花亦死；今遭大故，丙子歲維揚陷，丁丑歲此花又死；孰謂草木無知乎？上天福正統，厭夷狄，於茲見矣。

南土新飛劫火灰，瓊仙戀國暗驚猜。定應攝向天宮種，不忍陷於胡地開。花

死青春禽鳥哭，城埋黑氣鬼神哀。一朝枯卉變高樹，傳得歡聲沸似雷。

辛巳歲立春作正月

鄭思肖

大辱痛於死，含哀弔歲華。叫雲聲草檄，戀闕夢宣麻。(一)地走人形獸，春開鬼面花。年年北去婦，馬上哭琵琶。

【註釋】(一)〔宣麻〕唐中書用黃白麻紙草詔，沿稱任命大臣曰宣麻。

獨遊 五月

鄭思肖

吾非好獨遊，無與吾同者；不行衆所行，所以驚天下。逆哉！逆哉！一世人，昔辯而今啞，吻涎流腥羶，變尾面不赭，若曰汝爲人，寧不識取捨？止止勿多言，清風生四野。

憶夢哭歌(二)

鄭思肖

金輪王(二)天中天壽，赤龍(三)夜哭玄蛇吼。仙人不忍辭漢去，青山照水

生愁醜。雖貧亦有買醉資，甘美不入孤臣口。死後骨消恨不消，歲歲暗逐春風上
新柳。

【註釋】(一)自註：五月二十一日，夜夢遊西湖上，舊遊宛然，行至戎馬蹂踐之地，憶今天子不在咸陽宮，大哭隕絕而覺，遂作此歌。(二)金輪王：佛家謂轉輪王爲帝王之最有力者，此王在世，有瑞輪出現，由其旋轉，威伏一切，故曰轉輪王。輪有金銀銅鐵四種，威力各殊，金輪王望風順化，銀輪王遣使方降，銅輪王震威乃服，鐵輪王奮戈始定。轉輪王中以金輪王爲最勝，此王一出，諸國咸服。(三)赤龍：即赤帝子，謂漢高祖。漢高祖斬澤中大蛇，一老嫗曰：「吾子白帝子也，化爲蛇當道，今爲赤帝子斬之。」(事見史記)

題蕭梅初舊所藏錢塘王畿圖二首

鄭思肖

陰山腥馬蹂京塵，鎖殺宮花不識春。哭問錢塘江上月，如今誰是去邪人？

撫膺喑國問蒼蒼，(二)郭喑(三)聲中喜氣昌。偷報故都忠義士，趙家天下又南陽。

【註釋】(一)去邪：恬公廬父初居邠，狄人侵之，去邠，遷於岐山之下，邠人皆從之，始改國號曰周，去戎狄之俗。武王追尊愛國詩選 第二冊

爲太王。

（一）蒼蒼，深青貌。詩經「悠悠蒼天。」傳：「據遠視之蒼蒼然則蒼蒼天。」

（二）郭暗，疑暗暗之刊誤。史記信陵

君傳：「言鄙暗暗宿將。」正義：「嘆大笑，暗大呼。」

昭君（一）歎

鄭思肖

漢朝遠人來入使，當時公卿短奇計，紫清殿內一朵花，狂風妬春吹落地。命墮窮陰鬼爲侶，回首玉皇紫清裏。舊愁新愁東海深，黃鸝舌破傷春事。江南絕色天下誇，元賊盡虜歸胡沙；或以嫁之鬻僞爵，于飛（二）馬背行天涯。年深樂與生子女，情熱比翼（三）忘咨嗟。果知禮義不忍去，亦有一死魂還家。德祐百官人稷契（四）腹飽理學（五）縱橫說，尙棄君父從背叛，乃教妻妾學貞烈。男兒或老不曉事，女子正少欲守節，天生至性教不得，時危罕見人中傑。能盡婦道能誨兒，王陵之母（六）王凝妻（七）世間婦人誰及之？空恨昭君上馬時。顏色日老單于死，萬里魂歸身不歸，廣寒（八）嫦娥（九）今塵土，應見青冢雙淚垂。

【註釋】（一）昭君，漢王嬙，字昭君，晉人避同馬昭諱，改稱明君，後人乃稱爲明妃。王嬙，漢元帝宮女，貌美，後賜呼韓那單。

于，入闕爲閼氏（匈奴皇后之稱）。（二）（于飛）喻夫婦之和合也。詩經：『鳳凰于飛』。（三）（比翼）爾雅：『南方有比翼鳥焉，不比不飛，其名謂之鷦鷯。』白居易詩：『在天願作比翼鳥。』後因以喻夫婦。（四）（穰粟）后稷，虞舜時農官，隲肇其事，因亦稱隲爲后稷，周之始祖也。母姜嫄踐巨人之跡而有娠，生子以爲不祥，初欲棄之，因名棄。堯時爲農師，舜時爲后稷。契，虞舜之臣，陶之祖，母簡狄吞玄鳥卵而生契，封於陶，賜姓子氏。（五）（理學）卽性理之學，宋儒言性命理氣之學也，亦稱道學。漢人治經，多詁其義，宋人乃疏其理，故有理學之稱。（六）（王陵之母）見前汪元量浮丘道人招魂歌註（十四）。（七）（王凝妻）唐王凝，以疾卒於官，其妻李氏攜其子，負其遺骸以歸，東過開封，止旅舍，旅舍主人見其婦人獨攜一子而疑之，不許其宿，李氏顯天已暮，不肯去，主人牽其臂而出之。李氏仰天長慟曰：『我爲婦人，不能守節而此手爲人執耶？不可以一手並污吾身！』卽引斧自斷其臂。（八）（廣寒）唐明王於八月望日夜，夢遊月中，見勝曰：『廣寒清虛之府。』胡宿詩：『却疑身在廣寒宮。』（九）（嫦娥）一作姮娥，古之仙女。搜神記：『羿請不死之藥於西王母，嫦娥竊之以奔月。』後以嫦娥爲美女之代稱。

哀劉將軍并序

鄭思肖

德祐一年十月，虜復攻常州，時步帥劉公師勇守之。常州素無城壁，外濠如市河，僅恃排梁木一重而已。先屢與之戰，皆勝，至十一月，元虜大勢合圍，月餘，其回回砲，甚猛于常砲，用之打入城，寺觀樓閣，盡爲之碎。二十一、二十二間，直攻西門，敵之不去，四門殺入，一城盡死。劉侯

倉卒間，衣胡衣，笠胡笠，同十餘人騎馬，以遁事者給賊盜，走至平江，僅餘四五騎，徑朝行在，隨二王南奔，死于南中。黠賊因常州難攻，深疑平江有備，及得之，曰：『平江鐵城紙人，常州紙城鐵人。』以此可見劉侯勞苦矣！浙右之人，至今皆口稱劉侯之事，痛其不壽，不得盡其所長，惜哉！故作詩哀之。

萬重圍裏脫兵氛，匹馬勤王志不分，既抱忠貞讎敵國，莫於成敗議將軍。身
前名照江南月，地下心銜塞北雲。爲痛英雄併消沒，託詩爲史筆傳聞。

大宋地理圖歌

鄭思肖

混沌破後復混沌，知是幾番開太極？（一）四方地偏氣不正，中天地中立中
國，神禹導海順水性，太章（二）步地窮足力。悖理湯武暫救時，謀篡莽（三）操（四）
大生逆，離而復合復離，卒莫始終定於一。粵（五）自炎帝逮唐堯，兩漢大宋傳
火德。我朝聖人仁如天，歷年三百猶一日，形氣俱和禮樂修，誰料平地生荆棘？風

輪舞破須彌山，(六)黑電亂下千鈞石，銅蟒萬舌咀梵雲，玉帝(七)下走南斗泣，中有一寶壞不得，放光動地神莫測，云是規規王中王，勅令一下罔不伏，燕南垂，趙北際，忽必烈(八)正巢其地，一聲霹靂吹雲飛，真火長生世永世，山山深，水水清，縱橫十方變化身，(九)恆河沙數(一〇)天壤殼，獨我志氣常如新。

【註釋】(一)(太極)天地未分以前曰太極。

(二)(太章)淮南子：『馮乃使太章步自東極至於西極，二億三萬三千五百里七十五步。』注：『太章，善行人，禹臣也。』

(三)(莽)王莽，漢孝元皇后之姪，字巨君，平帝時爲大司馬，秉政，陽爲恭儉，以收人望，稱宰衡，加安漢公，弑平帝，立孺子嬰，莽攝政，號假皇帝，臣民謂之攝皇帝，尋篡漢位，國號新，法令煩苛，赤眉，綠林諸盜同時起，光武起兵討之，莽敗被殺，十位十五年。

(四)(操)曹操，字孟德，小字阿瞞，本姓夏侯，其父夏侯惇爲宦官曹騰養子，因冒姓曹氏，少舉孝廉爲郎，起兵討董卓，擊黃巾，賊迎獻帝都許，爲大將軍，進位丞相，封魏王，夏侯惇勸正位，操不允，以周文王自比，子丕篡漢，追尊爲武帝，爲人多機智，故俗多目奸詐之人爲曹操。

(五)(粵)發語辭。

(六)(須彌山)見佛經，亦作修迷樓，其義爲妙高，漢、追尊爲武帝，爲人多機智，故俗多目奸詐之人爲曹操。

(七)(玉帝)天帝也，道書：『玉帝居玉清三元宮第一中位。』亦稱玉皇大帝，此處借喻宋益王。

(八)(忽必烈)即元世祖，太祖之孫，與兵滅宋，一統中國，都燕京，又東征日本，南征緬甸，安南，占城，爪哇等國，領土包有亞洲及歐洲東部，疆域之廣，前古未有。

(九)(化身)佛家語，佛菩薩之本身爲法身，非世人所能見，其現身於世，宣傳佛法者，皆佛菩薩之化身也，言其爲暫時變化之幻身，與法身之爲眞身者不同。

(一〇)恆河沙數，謂極多之數也，印度有恆河，兩岸皆沙，佛取以喻極多之數。

愛國詩選 第二冊

元韃攻日本敗北歌并序

鄭思肖

日本卽古倭也，地在海東，先朝嘗入貢，許通商旅，彼近知大宋失國，舉國茹素。元賊聞其富庶，怒倭主不來臣，竭此土民力，辦舟艦往攻焉，欲空其國所有而歸。辛巳六月半，元賊由明下海，大船七千隻，至七月半抵倭口白骨山，築土城駐兵對壘。晦日大風雨作，雹大如拳，船爲大浪掀翻沉壞，韃軍半沒於海，船僅回四百餘隻；二十萬人在白骨山上，無船渡歸，爲倭人盡勦。山上素無人居，唯多巨蛇，相傳唐東征軍士，咸隕命此山，故曰白骨山，又曰骷髏山。元賊又一道自高麗往攻倭，敗尤甚。虜酋敗歸，幾遭虜主所殺，並罰賠金銀鈔物，咸窘且怒。虜主又謀復舉攻之，耽羅國方八百里，航倭甚近，韃已奪據其國，運糧調兵于彼爲餉衆，窺倭之地。倭有五十六州，倭兵悉聚太宰府，倭圖載甚詳。倭人狠不懼死，十人遇百人亦戰，不勝俱死；不戰死，歸亦爲倭主所殺。倭婦甚烈，不可犯，幼歲取犀角剗小珠種額上。善水不溺。倭刀極利，地高險難入，可爲戰守計。且今漳州 陳弔眼據漳已久，地通諸山洞，山寨八十餘所，據險相維，內可

出外不可入，以一當百，勦難難算，意欲攻出未能，年號昌泰，未知擁誰爲主。元賊力攻，漳不可得。又韃攻倭，倭攻韃，卒未已。火德一脈終如何？諸處仗義出者，咸有之，然恐藉大宋之名鼓舞人心，實私爲一己之謀，圖集事功，此微臣朝夕不已于懷者也。我朝列聖無失德，大宋有道之長，當粲然復興矣。公孫述隗囂輩，燬火也，寧敵漢日之大明乎？我又夢蘇武與語，頗奇，遂歌之。

東方九夷倭一爾，海水截界自區宇，地形廣長數千里，風俗好佛頗富庶，土產甚夥并產馬，舶來中國通商旅。徐福廟（一）前秦月寒，猶怨舊時嬴政（二）苦；厥今犬羊貪猶熾，瞠目東望心如虎，驅兵駕海氣吞空，勢力雖強天弗與；鬼吹黑潮播海翻，雹大於拳密於雨，七千巨艦百萬兵，老龍怒取歸水府。犬羊發怒與天敵，又謀竭力必於取，已剗江南民髓乾，又行併戶抽丁語，凶燄燒眼口竟啞，志士悶悶病如蠱。（三）雖傳漳州氣燄盛，又聞襄陽已大舉，割據固足稍伸氣，律以大義竟何補？縱遇聖明過堯舜，（四）畢竟不是親父母，千語萬語只一語，還我大宋舊疆土！曾夢蘇武開笑口，云『牧羝羊（五）今盡乳，』仗節還漢欣欣然，鬚髮盡

白心如故。一念精烈無不通，天地爲賓我爲主。高懸白眼混沌前，那肯以命落塵土！翻身鼓掌一笑時，萬古萬古萬萬古。

【註釋】(一)徐福廟自註：『倭有徐福廟。』見前汪元量元兵平抗日詩註(五)。(二)蠱政：謂秦始皇之苛政，始皇姓庶。(三)蠱：左傳：『皿蟲爲蠱，疾如蠱。』以毒藥毒害人，令人不自知者，謂之蠱毒。通志：『造蠱之法，以百蟲置皿中，俾相啖食，其存者爲蠱。』相傳苗裔之地有此俗，以蟲毒置人飲食中，能使人昏狂失志。(四)縱遇聖明過魏舞：先生大義集自序云：『魏舞之聖非吾君也，況於湯武乎？又況於非湯武者乎？』(五)羝羊：牡羊也。漢書蘇武傳：『匈奴徙武北海無人處，使牧羝，羝乳乃得歸。』師古註：『羝，牡羊，不當產乳，故設此言，示絕其事。』

元兵俘至合沙詩寄仲子

陳文龍

斗壘孤危勢不支，書生守志定難移。自經溝瀆(一)非吾事，臣死封疆是此時。應把纍囚供鬯鼓，(二)未聞烈士樹降旗。一門百指(三)淪胥(四)盡，惟有丹衷(五)天地知。

【註釋】(一)自經溝瀆：論語憲問：『管仲相桓公，霸諸侯，一匡天下，民到于今受其賜。微管仲，吾其被髮左衽矣。豈者匹夫匹婦之爲諒也，自經於溝瀆，而莫之知也。』經，縊也。溝瀆，猶溝渠。(二)鬯鼓：古戰爭時，殺牲以祭社，以血塗鼓，鬯之鬯鼓。

左傳定公四年：『君以軍行，敵社饗鼓。』（三）「指」計入口之數曰指，猶動物之稱若干頭也。俗亦稱人口衆多曰食指浩繁。
（四）「淪胥」詩經小雅爾雅：『若此無罪，淪胥以鋪。』傳：『淪，陷；胥，相銷，徧也。言此無罪者，亦相與而陷於死亡。』（五）「丹衷」猶言赤心，忠誠之心也。

【作者小傳】陳文龍，宋興化人，字君貴，官參知政事，石手軍亂，討平之，元兵南下，發民兵自守，被執械送至杭州，不食死。其母發繫福州尼寺，曰：『吾與兒同死，又何恨哉！』亦死。諡忠肅。

書几上

趙卯發

國不可背，城不可降！夫婦同死，節義成雙。

【作者小傳】趙卯發，宋昌化人，字漢卿，咸淳間通判池州。德佑元年，元兵克池州，趙卯發與妻羅氏俱死之。卯發臨終，以此詩書於几上。初，元兵渡江，卯發繕壁聚糧爲守禦計，既而都統張林降，卯發知不可守，置酒會親友與訣，散家資與弟姪僕婢，遂與妻盛服同縊。諡文節，羅氏贈順義夫人。

送熊飛將軍赴文丞相麾下

李春叟

龍泉（一）出匣鬼神驚，獵獵（二）霜風送客程。
白髮垂堂千里別，赤心報國一身輕。
劃開雲路衝牛斗，（三）挽落天河洗甲兵。
馬革裹屍（四）真壯士，陽關莫

作斷腸聲。(五)

【註釋】(一)龍泉，謂龍泉劍也。寰宇志：『龍泉縣南五里水，可用淬劍，昔人就水淬之，劍化龍去，故劍名龍泉。』(二)獵獵，風聲。(三)牛斗，二星名。(四)馬革裹屍，東漢蒯陵人馬援有大略，佐光武破隗囂，平交趾，拜伏波將軍。武陵五溪蠻反，援復將兵討之，時年已八十餘，嘗謂賓客曰：『丈夫立志，窮當益堅，老當益壯。』又言：『男兒要當死於邊野，以馬革裹屍還。』後果卒於軍，封新昌侯。(五)陽關莫作斷腸聲，王維有渭城曲云：『勸君更盡一杯酒，西出陽關無故人。』此曲亦名陽關曲，爲送別詩。

【作者小傳】李春叟，宋東莞人，資治閣授惠州司戶，有賢能聲，後元兵欲剽東莞，春叟扁舟往謁其師，以死爭，遂已。

文丞相兵挫循州詩以迓之

李春叟

手持盛甲挽天河，鐵石心肝尙枕戈。
賓客三千毛遂(一)少，將軍百萬李陵(二)多。
風波如此子焉往？天道不然人奈何！
嶺海書生(三)今已老，天涯無石爲君磨。

【註釋】(一)毛遂，戰國時趙人，秦攻趙邯鄲，趙使平原君求救於楚，約門下食客文武備具者二十人，得十九人，餘無可取者。遂自贊於平原君，願備員而行，平原君曰：『夫貴士之處世也，譬若錐之處囊中，其末立見，今先生處勝門下三年，勝未有』

所聞。』遂曰：『臣乃今日請處囊中耳；若蚤得處囊中，乃脫穎而出，非特未見而已。』平原君與之俱至，隨言合縱利害，日中不決，遂按劍劫楚王，定縱約，楚王乃遣黃歇將兵救趙。平原君曰：『毛先生以三寸之舌，彊於百萬之師。』遂以爲上客。』(一)(李陵)
漢成紀人，字少卿，廣之孫，武帝時拜騎都尉，將步騎五千，自當一隊，與匈奴戰，力竭而降。』(三)(嶺海書生)作者爲廣東東莞人，故云。

哭陸秀夫(一)

方鳳

時危方擁幼，(一)勢極尙扶顛，(二)舟中國，龍髯水底天。(四)羣(五)
存周已晚，獨盡漢無年，(六)獨有丹心皎，長依海日懸。

【註釋】(一)(陸秀夫)衛王立，爲左丞相，與張世傑共秉政，駐軍厓山，後厓山爲元軍所破，負衛王赴海死。(二)(擁幼)
至元十三年，益王是即位，年僅九歲；十五年，益王殖於彌州，羣臣多欲散去，陸秀夫曰：『度宗皇帝一子，尙在，將焉置之？古人有以
一旅以成中興者，今百官有司皆具，士卒數萬，天若未欲絕宋，此豈不可爲國耶？』乃與衆共立衛王，年僅八歲。(三)(龍髯)
列子湯問篇：『五山之根，無所連着，常隨波上下往還，不得暫時焉。仙聖病之，訴之於帝，帝恐病於四極，失羣聖之居，乃命禺疆使
巨鼈十五，舉首而戴之，迭爲三番，六萬歲一交焉，五山始時。』(四)(龍髯水底天)至元十六年，元將張瑄破厓山，陸秀夫負
帝昀同溺，故云龍髯水底天。龍髯，見前文天祥金陵驛注(五)。(五)(羣)周畿內國，今河南鞏縣。周顯王二年，西周惠公封少子
班於濼，以奉王室，爲東周惠公；子武公爲秦所殺。(六)(漢無年)謂無漢正朔也。

【作者小傳】方鳳，宋浦陽人，一名景山，字詔卿，容州文學，宋亡不仕，有存野堂稿。

題陸放翁詩卷後

林景熙

天寶詩人（一）詩有史，杜鵑再拜淚如水；龜堂（二）一老旗鼓雄，勁氣往往摩其壘。輕裘駿馬成都花，冰甌雪椀建溪（三）茶，承平磨節半海寓，歸來鏡曲盟鷗沙。詩墨淋漓不負酒，但恨未飲月氏（四）首，牀頭孤劍空有聲，坐看中原落人手！青山一髮愁濛濛，干戈已滿天南東！卻見九州同，家祭如何告乃翁？
(六)

【註釋】（一）（天寶詩人）指杜甫，世號杜甫為詩史，此處以比陸游。（二）（龜堂）陸游晚號龜堂。（三）（建溪）閩江之

北源也，源出福建崇安縣西北。（四）（月氏）讀如肉支，古國名。其族先居於甘肅西境，漢時為匈奴所破，西走至阿母河者曰大月氏，留居故地者曰小月氏。此處泛指胡人。（五）（來孫）玄孫之子曰來孫。（六）（家祭如何告乃翁）陸游臨終作示兒云：

「死去原知萬事空，但悲不見九州同！王師若定中原日，家祭毋忘告乃翁。」

【作者小傳】林景熙，宋溫州平陽人，字德場，由上舍釋褐成進士，歷泉州教授，宋亡不仕，恆以不能死國難報國恩為愧。阮發越上床詣帝山陵，乘其遺骨，景熙偽為探藥者，以草覆拾之，又聞理宗顛骨為阮兵投湖中，後以錢贖漁者網獲，盛二函，葬之越。

山植冬青樹爲識，賦冬青行其詩集曰白石樵唱。

讀文山集

林景熙

黑風（一）夜撼天柱（二）折，萬里飛塵九溟竭，誰欲扶之兩腕絕，英淚浪浪滿襟血。龍庭（三）戈鋌（四）爛如雪，孤臣生死早已決，綱常萬古懸日月，百年身世輕一髮。苦寒尙握蘇武節（五）垂盡猶存杲卿舌（六）膝不可下頭可截，白日不照吾忠切。哀鴻上訴天欲裂，一編千載虹光發。書生倚劍歌激烈，萬壑秋聲助幽咽。世間淚灑兒女別，大丈夫心一寸鐵。

【註釋】（一）〔黑風〕北風也。北方色黑，北方之神曰黑帝，故北風曰黑風。史記律書注：「人君暴虐酷急，即當寒慄，寒生北方，乃殺氣也。」樂府集：「北風寒涼，病害萬物，以喻君政暴虐，百姓不親也。」故謂北風，亦即謂惡風也。（二）〔天柱〕神異經：「崑崙之山有銅柱焉，其高入天，所謂天柱也，圍三千里，周圍如削。」（三）〔龍庭〕謂匈奴之王庭也，此指元朝。（四）〔鋌〕音錐，鋌把短矛也。（五）〔蘇武節〕見前文天祥正氣歌註（十五）。（六）〔杲卿舌〕見前正氣歌註（十九）。

題陸秀夫遺像

林景熙

紫宸黃閣（一）共樓船，海氣昏昏日月偏，平地已無行在所，丹心猶數中興年。生藏魚腹不見水，死抱龍髯直上天，板蕩（二）純臣有如此，流芳千古更無前！

【註釋】（一）紫宸黃閣，紫宸，唐宮殿名，借稱宋衛王黃閣，丞相聽事門曰黃閣，因以黃閣稱丞相，指陸秀夫。（二）板蕩，謂亂世也。

秦吉了并序

林景熙

邵氏聞見錄（一）『瀘南有畜秦吉了者，能作人語，夷酋欲以錢十萬買之，其人告以貧，欲賣之，秦吉了曰：「我漢禽也，不願入蠻夷山！」不食而死。』

爾禽畜於人，性巧作人語，家貧售千金，寧死不離主，桓桓李將軍，（二）甘作單于鬼！

【註釋】（一）邵氏聞見錄，有聞見前錄與聞見後錄，前錄爲宋邵伯溫撰，後錄爲其子邵博撰。（二）李將軍，謂漢李

陸

孫供奉

林景熙

幕府宴開錄：「唐昭宗（一）播遷，（二）隨駕伎藝，止有弄猴人，猴頗馴，能隨班起居，昭宗賜之緋袍，號「孫供奉」。朱溫篡位，取此猴殿下起居，猴望殿陛見溫，徑趨其所奮擊，溫令左右殺之。」


緋衣受天恩，日瞻唐殿駕，朱三爾何爲？欲使兩膝下，皤皤長樂老。（三）闕代如傳舍（四）

【註釋】（一）唐昭宗李茂貞犯關，帝奔華州，李克用遣兵入援，遷長安。天復中韓全暉劫帝如鳳翔，全暉誅，復遷長安。後遷都洛陽，爲朱溫（卽梁太祖）所弑。（二）播遷，流離遷徙之義。（三）長樂老，漢道五代景城人，初爲劉守光參軍，後歷事唐晉漢周四姓十三君，官皆將相，自號長樂老。（四）傳舍，驛站所設之房舍，以便行人休息者。漢書：「富貴無常，忽則易人，此如傳舍，閱人多矣。」

聞家則堂大參歸自北寄呈并序

林景熙

丙子春，伯顏兵至杭州，則堂家鉉翁以參知政事與丞相吳堅等充祈請使詣燕京，祈請



之議。國亡，守志不仕，貶河中府。(一)十九載，至元(二)三十一年甲午，召還，放自便，乃歸江南，時年八十有二矣。

濱死孤臣雪滿顛，冰氈嚼盡偶生全。衣冠萬里風塵老，名節千年日月懸。清
唳秋荒遼海鶴，(三)古魂春冷蜀山鷗。歸來親舊驚相問，禾黍離離(四)夕照邊。

【註釋】(一)〔河中府〕今山西永濟縣。(二)〔至元〕元世祖年號。(三)〔遼海鶴〕見前虞集《文丞相詩註五》。(四)〔禾黍離離〕詩經《王風·黍離》：「彼黍離離。」小序云：「閔宗周也。厲大夫行役，至於宗周，過故宗廟宮室，盡爲禾黍，閔宗周之顛覆，徬徨不忍去，而作是詩。」時周已東遷，宗周謂西周也。

寄陳赤嵌(一)

何文季

英雄空有淚沾襟，千古興亡感慨深。邱壑正多亡國恨，干戈消盡讀書心。容
身天地生何補？入眼風霜老不禁。卻笑紅塵知退晚，不教早計臥山林。

【註釋】(一)〔陳赤嵌〕字子友，東莞人，宋亡，爲靈位待死，戒子孫不得仕。

哀毗陵（一）

梁棟

荆溪（二）水腥泊船早，落日無人行古道，
鬪體有眼不識春，東風吹出青青草。
荒基猶認是人家，敗柵曾將當城堡，
當時壓境兵百萬，不脫鞬尖堪蹴倒。
短兵相接逾四旬，毒手尊拳日攻討，
內儲外援兩消沈，一縷人心堅自保。
孤臣守土輕性命，赤子效死塗肝腦！
朝廷有爵愧降附，幽壤無恩澤枯槁。
願箋司命錄英雄，收拾忠魂界穹昊。

【註釋】（一）（毗陵）郡名，今江蘇武進縣治。（二）（荆溪）水名，在江蘇宜興縣南，以近荆南山得名。

【作者小傳】梁棟，宋湘州人，字隆吉，登咸淳四年進士，親嘗臨海，調錢唐仁和尉，宋亡，弟柱入茅山從老氏學，棟往依焉，有

梁隆吉詩鈔。

出塞曲二首

張璠

腰間插雄劍，中夜龍泉吼。
平明登前途，萬里不回首。
男兒當野死，豈爲印如

斗？(一)忠誠表壯節，燦爛千古後。

朝發山陽去，暮宿清水頭，上馬左右射，捷下如獼猴。先發服勇決，手提血鬪。體。(二)兵家互勝負，凡百慎先籌。

【註釋】(一)〔印如斗〕晉書周顛傳：「顛曰：『今年殺諸賊奴，取金印如斗大繫肘後。』」按授金印者，官秩甚高，如漢時丞相太尉太師太保等官皆金印紫綬。(二)〔獼猴〕死人首也。莊子：「莊子之隨，見空髑髏，髑髏然有形。」

【作者小傳】張瑛，宋廣陵人，字汝玉，兵敗門死。

鄭所南宅

王賓

自從宋鼎被遷移，此宅飄零棄與誰？人問先生垂淚答：「國亡何用念家爲！」

胡虜

佚名

胡虜安知鼎重輕？(一)指蹤先自漢公卿。(二)襄陽耆舊惟龐老，受禪碑中無姓名。

【註釋】(一)鼎重輕見前鄭愚有五礪註。(二)漢公卿借指宋代之公卿，謂元虛本無意於中國，其所以侵中國者，全爲漢奸所引導。

岳鄂王墓

趙孟頫

鄂王(一)墓上草離離，秋日荒涼石獸(二)危。南渡君臣輕社稷，中原父老望旌旗。英雄已死嗟何及？天下中分遂不支。莫向西湖歌此曲，水光山色不勝悲！

【註釋】(一)鄂王宋岳飛於孝宗時追封鄂王，諡武穆，後改諡忠武，今浙江杭州西湖棲霞嶺下有岳王廟，廟內有岳王墳。(二)石獸石刻之獸，列之墓前者，如石馬石象等。

【作者小傳】趙孟頫，元湖州人，字子昂，號松雪道人，本宋之宗室，降於元，官翰林學士承旨，故又稱趙承旨，工書畫，詩文亦清麗，所著曰松雪齋集。

讀張巡傳

周權

我懷張睢陽，(一)厲節剛不吐。妖氛暗禹縣，(二)奮迅提虎旅。(三)憑城怒裂眦，(四)忠勇激肺腑。擢(五)甲四百戰，奇功不可數。江淮卒保障，藉此奠(六)

唐土可憐將孤軍，機勢已莫禦，食盡兵亦窮，愛妾入鼎釜。(七)雷南(八)空桓桓，
 (九)餘勇不可賈，身城遂俱亡，大義著君父，人孰不能守？公守以死拒，人孰不有
 死？公死乃其所，繁霜表貞松，迅水知砥柱。(一〇)當時偷生輩，澳忍(二)猶妾婦。青
 燈撫遺編，英氣凜千古！

【註釋】(一)張睢陽即唐張巡。安祿山反，張巡與太守許遠合兵守睢陽(故城在今河南商邱縣南)死拒數月，食盡援絕，城陷被執，大罵遺書。故後世常稱張巡曰張睢陽。睢陽故城在今河南商邱縣南。(二)禹縣，謂中國也，猶言禹跡，禹治洪水，足跡遍於九州，故稱九州爲禹跡，亦曰禹域。(三)虎旗，旅即兵隊，虎狀其勇猛。(四)裂眦，髮指眦裂，均謂盛怒之狀。史記項羽本紀：「樊噲……瞋目視項王，頭髮上指，目眦盡張。」巡每戰皆眦裂齒碎。(五)撰，音關，貫也。左傳成公十三年：「文公躬擐甲胄。」(六)奠，奠定也。(七)愛妾入鼎釜，巡守睢陽，被圍數月，食盡，至殺愛妾以饗士，羅雀鼠者，饋餐以食。(八)雷南，謂雷萬春南霽雲，皆巡部下忠勇之將，與巡同日爲賊將尹子奇所害。(九)桓桓，武貌。尚書牧誓：「勗哉夫子！尚桓桓，如虎如貔，如熊如羆！」(一〇)砥柱，一作砥柱。尚書禹貢：「砥柱折城，至於王屋。」注：「砥柱，山名，在河水中。」今稱人獨立不撓者，曰中流砥柱。(一一)澳忍，音澳，譎雅：「澳忍，折濁也。」楚辭遺遊：「切澳忍之流俗。」

【作者小傳】周橫，元處州人，字銜之，號此山，工詩，有此山集。

張生鐵（一）

楊維禎

胡風排城城欲摧，黃頭奚騎連天來。斷頭將軍一寸鐵，百煉精芒貫秋月，兵
憐馬憊鼓聲死，將軍不作降胡鬼！大惡漢，真狗奴，殿前斫鐵拜胡雛。生鐵生鐵鐵
不枯，胡雛祭墓雙膝膜。

【註釋】

（一）張生鐵，名敬達，性剛，故人稱之生鐵。云守晉安爲契丹圍數月，不肯降，卒爲楊光遠等殺而降焉。

【作者小傳】

楊維禎，元諸暨人，字廉夫，舉進士，元末兵亂，浪跡浙西山水間，明興，天下大定，被召至京，肺疾作而卒。

昭君曲

楊維禎

胡月生西彎，明妃西嫁幾時還？不見單于謁金陸，但見邊烽馳玉關。（一）將
軍漢家高築壇，身騎烏龍（二）虎豹顏，何時去奪胭脂山？（三）嗚呼！何時去奪胭
脂山？

【註釋】

（一）玉關，即玉門關，在今甘肅敦煌縣西一百五十里，陽關之西北，古爲通西域大道。（二）龍，周禮夏官廋

人：『馬八尺以上爲龍。』(三)(胭脂山)即焉支山或燕支山，在甘肅山丹縣東。水草茂美，宜畜牧，與祁連同。匈奴失祁連焉支二山，乃歌曰：『亡我祁連山，使我六畜不蕃息；失我焉支山，使我婦女無顏色。』

花門行(一)

楊維禎

大唐宇宙非金甌，(一)黃頭奚(二)兒蟆作虬，跳梁河隴翻九土，驚呼夜半呼延秋。朔方健兒袖雙手，戰馬傷春舞楊柳，當時天驕不借兵，渭闕黃旗仆來久。快哉健鷗隨手招，渡河萬匹疾如猋，白羽若月筋箠(四)驕，彎弓仰天落胡旄。(五)吁嗟健鷗有如許，邀我索花固其所！明年西下崆峒兵，(六)壯士重憂折天柱。折天柱，唐無人，引狼瘡(七)虎狼非麟，空令漢女嫁非匹，穹廬夜夜愁寒雲。

【註釋】(一)唐安祿山叛，回紇(亦作回鶻)請發兵助討，肅宗然之，卒潰賊兵。而史思明復亂，回紇則請公主還婚媾，此詩即詠其事。(二)(金甌)喻疆土之完固也。南史：『武帝言：「我國家猶若金甌，無一傷缺。」』(三)(黃頭奚)黃頭部奚部均爲東胡之部，祿山反，發同羅、黃頭、奚、契丹、室韋、曳落河之衆，號父子軍。(曳落河，回紇語，健兒也。)(四)(白羽筋箠)均謂箭也。舜音釋。(五)(旄)謂旄頭。史記天官書：『昴曰旄頭，胡星也。』(六)(明年西下崆峒兵)謂乾元二年，史思明西陷落陽事也。(七)(瘡)音翳，殺之也。詩經小雅吉日：『瘡此大兕，以御賓客。』

獨松節士歌并引

楊維禎

獨松節士者，富春（一）古先生馮驥也，仕宋爲大理寺丞，（二）淳祐（三）初，守獨松關，大軍壓關，主將有賣降者，獨節士殉關以死，炳然已列史傳。其孫士頤，出節士讀書所來，青樓卷求題，爲賦獨松節士歌。

獨松托根國西戶，千載風雲據龍虎。大樹將軍（五）之子孫，特立東南天一柱。疾雷夜破釣魚臺，（六）黃鬚鐵甲連山來，獨松節士真柱石，一力當關萬莫開。虎毛將士獻地圖，津頭相國來乘桴。獨松未折重趙鼎，鐵甕已破差胡膜。白頭老父話往轍，地險由來重人傑。……我欲關頭問獨松，獨松已殉烏號弓。（七）來青書屋江之東，五雲繞屋光如虹。

【註釋】（一）富春，山名，在浙江桐廬縣西，臨富春江。（二）大理寺丞，官名。大理寺，掌刑法之官，爲九寺之一。丞，佐貳官也。（三）淳祐，宋理宗年號。（四）獨松關，在今浙江餘杭縣西北七十五里之獨松嶺上。嶺路狹險，爲皖浙二省要隘。南宋守關將殺蒙古使臣陳希賢，嚴恐範於此。陳將伯顏分兵三道犯臨安，其一道出此。（五）大樹將軍，後漢馮異坐大樹下，不與諸將爭功，軍中稱爲大樹將軍。（六）釣魚臺，漢嚴子陵耕於富春山，山前臨富春江，江側有灘曰嚴陵灘，爲嚴子陵游釣之處。

處。今山邊有石臨水，上平可坐十人，名殿子陵釣臺。（七）烏號弓，良弓也。淮南子：「射者打烏號之弓，彎基衛之箭。」

館娃宮（一）

尹廷高

金繡鴛鴦綠錦裯，水精簾底淨無塵，君王醉枕香紅軟，人隔重江正臥薪。

（二）

【註釋】（一）館娃宮，吳王夫差，作宮以館西施，吳人謂美女為娃，故曰館娃。遺址在今吳縣西南靈岩山上。（二）臥

薪，謂越王句踐。

【作者小傳】尹廷高，元遂昌人，字仲明，號六峯，嘗學教永嘉，秩滿至京，謝病歸，有玉井樵唱。

馮道

劉因

亡國降臣固位難，癡頑老子幾朝官，朝梁暮晉渾無事，更捨殘骸與契丹。

（一）

【註釋】（一）契丹，馮道所事唐晉漢，周四朝，僅周為漢族，餘三姓皆沙陀族也。契丹，泛指胡人。

【作者小傳】劉因，元容城人，字夢吉，號靜修，天資絕人，才器超邁，至元中以學行薦於朝，擢右贊善大夫，以母疾辭歸，有解
修集、四書集義精要。

西湖

宋 元

故都日日望迴鑾，錦繡湖山醉裏看，戀着銷金鍋子（一）煖，龍沙（二）忘了
兩宮（三）寒。

【註釋】（一）（銷金鍋子）指西湖。（二）（龍沙）本爲兩地名，皆在西北塞外，詩家泛用爲塞外通稱。（三）（兩宮）指殿
獻二帝。

【作者小傳】宋元，元蘇州人，字子虛，舉茂才，以親老不就，專工爲詩，有寒齋冷語、翠寒諸集。

王婉容（一）

宋 元

貞烈那堪黠虜來，玉顏甘沒塞垣秋，孤坟若是鄰青塚，地下昭君見亦羞。

【註釋】（一）（王婉容）宋宮人，被虜塞外而死。

題段將軍（一）征羌圖

宋 濂

西域都護多男兒，護羌校尉仍出師。生羌八種來寇塞，（一）白劍欲接雙龍飛。凡亭山上血漂杵，（二）奢延澤（三）中鬼應語。至今有花皆成丹，疑是當年血未乾。

【註釋】

（一）段將軍，謂段熲，潁後漢姑臧人，桓帝時爲護羌校尉，破羌寇有功，建寧中徵拜侍中，進太尉。

（二）生羌八種來寇塞，桓帝延熹二年十二月，燒當燒何當煎勒姐等八種羌寇隴西金城塞，護羌校尉段熲擊破之，追至羅亭，斬其酋衆

以下二千級，獲生口萬餘人。

（三）血漂杵，血流漂杵，言殺戮之甚。尚書武成：『前徒倒戈，攻于後以北，血流漂杵。』

（四）奢延澤，在今綏遠境內，靈帝建寧元年，段熲大破羌人於此。

【作者小傳】

宋濂，明金華浦江人，元進士，以文章名，太祖定鼎後，聘之官至翰林學士承旨，著元史，有宋學士全集。

陸秀夫像贊

宋 濂

身抱龍髯兮眼不見水，鳳闕（一）雖遐兮龍堂則邇。玉雪皦如兮肯汚泥滓？赤日出海兮爾心不死。

【註釋】(一)〔鳳闕〕關中記：「建章宮圓闕臨北道，有金鳳在闕上，高丈餘，故號鳳闕。」此處泛稱宮殿。

題李陵見蘇武圖

劉基

中原無書抵不乳，(一)狐裘蒙茸(二)奈何許！
老身漢節(三)死生俱，地角天涯見明主。
金鞍駿馬見故人，相看一笑增悲辛。
悲來風沙吹上馬，河水東流日西下。

【註釋】(一)〔抵不乳〕見前文天祥紀事註(八)。(二)〔蒙茸〕亂貌。亦作蒙戎，尨茸。(三)〔節〕符節，使臣執以示信

之物。蘇武牧羊，杖漢節，臥起操持，節旄盡落。見漢書蘇武傳。

【作者小傳】劉基，明初青田人，字伯溫，精天文兵法，太祖定天下，取吳收中原，基謀爲多，封誠憲伯。基善文章，氣昌而奇，與宋濂並爲一代之宗，有誠憲伯集。

壬子秋過故宮四首

宋訥

離宮別館樹森森，秋色荒寒上苑(一)深。
北塞君臣方駐足，中華將帥已離心！
輿龍(二)有管鸞笙歇，劈正(三)無官玉斧沉。
落日憑高望燕薊，黃金臺(四)

上棘如林。

萬國朝宗拜紫宸，於今誰望屬車塵？
名聞少室（五）徵奇士，驛斷高麗進美人。
朝會寶燈沉轉漏，授時玉曆（六）罷班春。
（七）街頭野服儒冠老，曾是花塲（八）視草臣。

萬年海岳作金湯，（九）一望悽然恨自長。
禾黍秋風周洛邑，山河殘照漢咸陽。
上林（一〇）春去宮花落，金水（一一）霜來御柳黃。
虎衛龍墀人不見，戎兵騎馬出蕭牆。

清寧宮殿閉殘花，塵世回頭換物華。
寶鼎百年歸漢室，錦帆終古似隋家。
後宮鸞鏡（三）投江渚，北狩龍旗沒塞沙。
想見扶蘇城上月，照人清淚落悲笳！

【註釋】（一）〔上苑〕謂帝王之園囿。唐書蘇良嗣傳：「高宗遣宦者采怪竹江南，將蒔上苑。」（二）〔興龍〕興龍堂，元代之樂器，在大明殿下，或曰西域所獻，其制爲管九十，列爲十五行，每行縱列六管，其管下植於匱中，而匱後鼓之以鞀，自匱足至管端，約高五尺。凡大朝會則列諸軒陛之間，與衆樂並奏。每用樂工二人，一以按管，一以鼓鞀以達氣出聲。見元史。（三）〔劈正〕元史輿服志：「劈正斧，制以玉，單刃，金塗柄，銀鑿。」按劈正斧，元時南漳中使人持之，中道而行。（四）〔黃金臺〕見前汪元量幽州

歌註(一)(五)少室山名，在河南登封縣北太室山之西，高十六里，周三十里，凡三十六峯，潁水源出焉。(六)玉曆謂曆書也，庚辰晉書品：『玉曆頌正而化俗。』(七)班春，謂班布春令。(八)花塼，元稹詩：『花塼冰面鑿，驚瓦玉聲敲。』國史補：『御史得立五花塼。』(九)金湯，謂金城湯池。金喻堅，湯喻沸熱不可近。漢書：『皆為金城湯池不可攻也。』(一〇)上林苑名，在陝西長安縣西及藍屋鄠縣界。秦舊苑，漢武帝更增廣之，周袤三百里，離宮七十所。(一一)金水，即金水河，亦即玉泉，源出河北宛平縣西北玉泉山，東流入皇城為大液池。(一二)鸞鏡，異苑：『劉賓王一鸞三年不鳴，夫人曰：『聞見影則鳴。』鸞鏡照之，鸞影悲鳴，中宵一奮而絕。』

【作者小傳】宋訥，明滑縣人，字仲敏，元季官鹽山知縣，明初徵為國子助教，官至文淵閣大學士，遷祭酒。

少年行

高啓

下直(一)平明出禁門，笑提博局伴王孫；寶刀不敢輕輸卻，明日沙場欲報恩。

【註釋】(一)下直，謂值夜公舉也。

【作者小傳】高啓，明長洲人，字季迪，博學工詩，家北郭，與王行輩十人號十才子。洪武中累官戶部侍郎，自陳年少不敢當重任辭歸，後因為魏觀作上梁文獲譴，腰斬於市，年三十九。詩雄健渾涵，自成一家，有大全集、藝藻集。

張中丞（一）廟

高啓

延秋門（二）上烏啼霜，羯兒（三）曉登天子牀，（四）江頭老臣淚暗滴，萬乘西去（五）關山長，公卿相率作降鹵，（六）草門拜泣如羣羊。當時不識顏平原，（七）豈復知有張睢陽？孤城落日百戰後，瘦馬食盡人裹瘡，男兒竟爲忠義死，碧血滿地嗟誰藏？賀蘭不斬上方劍，英雄有恨何時忘？千年海上見祠廟，古苔叢木秋風荒，摩挲畫壁塵網裏，勇氣曄曄虬鬚張。巫歌大招客酌酒，忠魂或能來故鄉？

【註釋】（一）張中丞，謂張巡。巡與太守許遠守睢陽，屢戰皆克，詔拜御史中丞。詳見文天祥正氣歌註十八。（二）延秋門，雍錄：唐禁苑，西北包漢長安故城未央宮，唐後改爲通光殿，西出，卽延秋門。（三）羯兒，謂安祿山。祿山本營州雜胡，初名阿祿山，父死，母攜之再適突厥安延偃，故常山太守顏杲卿被執時罵曰：『汝本營州牧羊羯奴。』（四）登天子牀，謂登帝位也。唐天寶十四年安祿山舉兵反，陷京師，自稱雄武皇帝，國號燕，建元聖武，踰年，祿山愛段夫人子慶恩，祿山子慶緒懼不立，乃殺祿山。（五）萬乘西去，謂玄宗幸蜀事。（六）鹵，與虜通，奴也。（七）不識顏平原，資治通鑑唐紀天寶十四載：『初，平原太守顏真卿知祿山且反，因霖雨，完城浚壕，料壯丁，實倉廩。祿山以其善生易之，及祿山反，賊真卿以平原博平兵七千人防河津。真卿遣平原司兵李平問道奏之，上始聞祿山反，河北郡縣皆風靡，歎曰：『二十四郡曾無一人義士邪！』及平至，大喜曰：』

「朕不識顏、颯、頤作何狀，乃能如是！」

弔岳王墓

高啓

大樹無枝向北風，十年遺恨泣英雄。班師詔已來三殿，討虜書猶說兩宮。
中！(一) 每憶尙方誰請劍？空嗟高廟自藏弓。栖霞嶺(二) 上今回首，不見諸陵白露

【註釋】(一)〔兩宮〕謂徽、欽二帝。(二)〔栖霞嶺〕在浙江杭州西湖上，岳王墓即在其下。

將軍行

高啓

將軍結髮(一) 從鞍馬，新領前軍號橫野，(二) 面謾不數(三) 屠狗兒，負勇
曾擒射鵰者。狼星(四) 埽天芒角斜，大旗獵獵吹風沙，黃金傾盡養部曲，匈奴未
滅何爲家？(五) 前日賢王(六) 五千騎，直入朝那(七) 殺邊吏，天子初聞怒赫然，
出師誓奪河南地。五營(八) 材官(九) 元自多，詔書未須徵七科，(一〇) 已御明堂

推畫戟，還開武庫授雕戈。灞陵原頭軍晚發，北出雲中（二）與高闕，（三）單于一夜六騾逃，大漠無人唯漢月。塞下從茲烽火稀，朝臣共賀震皇威。人生寧似功成樂，白日長安鼓吹歸！

【註釋】（一）（結髮）猶束髮，自幼之意也。漢書李廣傳：『廣結髮與匈奴大小七十餘戰。』（二）（權野）漢王常字顯卿，舞陽人。王莽末起兵，與光武共擊破王尋、王邑，性恭儉，遵法度，累功拜橫野大將軍，封山桑侯。（三）（數）實數他人之罪曰數。

（四）（狼星）史記天官書：『狼角變色多盜賊。』注：『狼爲野將，主侵略，占非其處，則人相食，色黃白而明吉，赤角兵起。』（五）

（匈奴未滅何爲家）漢武帝嘗爲霍去病治第，去病曰：『匈奴不滅，無以家爲也。』見漢書霍去病傳。（六）（賢王）匈奴官號有左右賢王，位極尊貴。（七）（朝那）朝那縣漢置，故城在今甘肅平涼縣西北。史記文帝紀：『十四年，匈奴入邊攻朝那塞。』即此。

（八）（五營）後漢書百官志：『大將軍營五部。』（九）（材官）若今之武弁，言其爲有幹力之官也。（一〇）（七科）猶言七曹。魏置五兵尚書，五兵者，中兵、外兵、騎兵、別兵、都兵也。晉以來，分中兵、外兵爲左右，與舊五兵爲七曹。至後魏改爲七兵尚書，隋又改爲兵部。（一一）（雲中）漢雲中郡治雲中縣，即今綏遠托克托縣。（一二）（高闕）高闕塞在綏遠境鄂爾多斯右翼，黃河外騰

格里湖之東北，當陰山之西。

謁雙廟（一）

高 啓

維昔天寶末，君王寵姦虜，（二）雄邊委強兵，遺患同養虎。叛聞遽西幸，骨肉

棄榛莽，河北二十州，義士誰禦侮？兩公（三）起誓衆，慟哭告玄祖，橫身遏其衝，江
淮保安土。孤城（四）無全堞，百戰霜月苦，力窮援不來，齧齒罵益怒。殘兵日飢疲，
秋風仆旗鼓，男兒不生降，一死冠今古，故鄉有遺廟，俗祭巫屢舞，丹青（五）網塵
中，爽氣猶可覩。嗟今屬喪亂，戎馬正旁午，（六）臨危肯捐軀，如公未多數。獨立爲
悲傷，斜陽下寒楚。

【註釋】（一）雙廟，許遠廟在海寧縣，後增祀張巡，號雙廟。（二）姦虜，指安祿山。（三）兩公，指張巡許遠。（四）孤城，指睢陽。（五）丹青，謂畫像也。（六）旁午，一縱一橫曰旁午。漢書：『使者旁午。』謂縱橫交錯也。今亦謂事忙煩曰旁午。

白馬篇

高啓

白馬銀鑲鞍，流光皎如練，（一）龍沙（二）積雪裏，一去誰曾見？昨日羽林兒，
獨拜建章殿，天子親賜與，騎向交河（三）戰。疾驅不辭家，恐獲逗留譴，萬里條若
飛，神速虜難變。前收日逐（四）屯，右斷康里（五）援，事定入關來，箠（六）中有餘

箭。

【註釋】(一)(練)熟絹之潔白而不染色者。庚信賦：『白馬如練。』(二)(龍沙)後漢書班超傳：『坦步蔥嶺，咫尺龍沙。』注：『蔥嶺，雪山白龍堆沙漠也。』龍沙本為兩地，皆在西北塞外，自劉孝標有『龍沙宵月明』詩，詩家始誤以龍沙為一地，泛用為塞外通稱。(三)(交河)故城在今新疆吐魯番縣，為漢時車師前王國治。(四)(日逐)匈奴官號。晉書匈奴傳：『呼延氏最貴，則有左日逐右日逐，世為輔相。』(五)(康里)西域國名。(六)(觥)音服，盛矢器也。

送沈左司從汪參政分省陝西汪由御史中丞出 高 啓

重臣分陝去臺端，(一)賓從威儀盡漢官。四塞河山歸版籍，(二)百年父老見衣冠。函關(三)月落聽雞度，華岳(四)雲開立馬看。知爾西行定回首，如今江左(五)是長安。

【註釋】(一)(臺端)通典：『侍御史號臺端。』(二)(版籍)戶口冊曰版籍。唐書：『今戶口多少，不減元嘉，而版籍頓闕。』(三)(函關)謂函谷關。(四)(華岳)即西岳華山。(五)(江左)猶言江東。

從軍四首

陳汝言

我非將門子，生本良家兒，少年事馳騁，射獵南山陲。
（一）邦家有急難，詔書下丹墀，（二）跨馬出門去，立身當及時。

去年滅龜茲，（三）今年斬樓蘭，（四）不憂道里遠，但念衣裳單。
北風捲沙雪，淒淒日夜寒，安邊在今日，焉敢辭苦難？

將以勇而決，兵以練而精，信賞乃必罰，置死而後生。
勿云古人長，勿視今人輕，一念苟忠義，活人有令名。

下馬滄海頭，磨洗刀上血，翻思（五）殺敵時，奮勇肝膽熱。
丈夫身許國，此心久已決，生當樹功勳，死當立忠節！

【註釋】（一）（陲）音垂，邊也。（二）（丹墀）宮殿階上地，以丹漆之，故曰丹墀。墀音遲。（三）（龜茲）音龜茲，漢西域國名，唐置龜茲都督府，安西都護管治此，即今新疆庫車縣地。國治延城，在今庫車城南百四十里，沙雅縣北四十里。（四）（樓蘭）漢西域國名，後更名鄯善，今沒於沙漠，新疆塔里木縣有羅布舊城，爲沙所掩，即其地。（五）（翻思）猶言回憶也。

【作者小傳】陳汝言，明吳縣人，字惟允，號秋水，工畫山水，能詩，有謀略，嘗參張士誠軍事，洪武初以薦任濟南經歷，坐事死，有秋水集。

杜宇（一）

張羽

國亡知幾代？啼血轉聲頻。
爾自無歸處，何須苦勸人？
（一）烟深青嶂曉，花落故城春，
任是心如鐵，聞時亦愴神。

【註釋】（一）（杜宇）本古蜀帝名。華陽國志：『魚鳧王後有王曰杜宇，七國稱王，杜宇稱帝，號曰望帝。會有水災，禪位其相開明，升西山隱焉。』成都記：『杜宇死，其魂化爲鳥，名曰杜鵑，亦曰子規。』（二）（何須苦勸人）本草：『杜宇，其鳴若曰：「不如歸去。」』故杜宇亦名催歸。

【作者小傳】張羽，明潯陽人，居吳興，字來儀，後以字行，更字附鳳，洪武中官太常寺丞，生事謫嶺南，未至召還，自沈於江，有靜居集。

出塞

于謙

健兒馬上吹胡笳，
旌旗五色如雲霞，
紫髯將軍掛金印，
（一）意氣直吞瓦剌。

(二) 家。瓦刺窮胡真犬豕，敢向邊疆撓赤子。(三) 狼貪鼠竊去復來，不解偷生求速死。將軍出塞整戎行，十萬戈矛映雪霜，左將纔看收部落，前軍又報縛戎王。羽書(四)奏捷上神州，喜動天顏寵數優。不願千金萬戶侯，凱歌但願早回頭。

【註釋】(一)(金印)漢興置大將軍，驃騎將軍，位次丞相；車騎將軍，衛將軍，前後左右將軍，皆金印紫綬。見後漢書百官志註。(二)(瓦刺)亦作衛拉特，種族名，元之斡亦刺部，始屬於元，其後破韃靼而勢漸盛；至也先(明時)而最強，領有漠南北也。先死，勢頓衰，後又盛。(三)赤子，喻人民也。尚書康誥：『若保赤子，惟民其康乂。』(四)羽書，漢書注：『以木簡為書，長尺二寸，有急事則加以鳥羽插之。』杜甫詩：『征西車馬羽書馳。』

【作者小傳】于謙字廷益，明錢塘人。永樂進士，性忠孝，英宗正統末，為兵部左侍郎。時蒙古瓦剌部之太師也先入寇，英宗親征至土木，兵潰，被執北去，京師震懼，侍講徐理，言當南渡，諫力折之，守議遂定。謙立景帝，定策固守，景帝敕謙提督軍馬，也先遁京師，謙自督戰却之，也先大沮，歸帝請和，遂擢兵部尚書。後英宗復辟，為徐理所誣，棄市。諡忠肅。有于忠肅集。

征夫詞

劉績

征夫語征婦：『死生不可知，欲慰泉下魂，但視襟中兒。』

【作者小傳】劉績，明江夏人，字用熙，號蘆泉，弘治進士，官至鎮江知府。著有禮圖、六樂說、管子補注。

征婦詞

劉績

征婦語征夫：『有身當殉國，君爲塞下土，妾作山頭石！』（一）

【註釋】（一）（山頭石）武昌北山有石，狀如人立，相傳昔有貞婦送其夫從征於此，望夫，化爲石。

十六州

李東陽

契丹助晉（一）兵，一號三十萬；晉家報契丹，一數一疋絹。二十萬絹何足惜？
一十六州空棄擲，遂令宋統成偏安。中原以北無幽燕，金元相承二百載，痛哭衣冠化兜（二）鍙。至今五鎮接三邊，不備西陲備東海。

【註釋】（一）（契丹助晉）晉謂後晉。契丹主營將五萬騎，號三十萬，南下，助石敬瑭爲帝，敬瑭割幽瀋瀋其涿檀順新麟儒武靈應寰朔蔚十六州，並許歲輸帛三十萬匹以爲報酬。（二）（兜）謂兜鍪，戰時所著之冠，以禦兵刃者也，古謂之冑，秦謂之兜鍪，俗謂之盔。古用革，後或以鐵爲之。

【作者小傳】李東陽，明茶陵人，字賓之，天順進士，孝宗時官至大學士，立朝五十年，清節不渝，以老疾乞休。文章典雅流麗，賈盛名，又工篆隸書，著有懷麓堂集。

牧羝曲(一)

李東陽

嗟汝陵，(二)咄汝律！(三)羝可乳，節不可屈！咄汝律，嗟汝陵！寧爲我死，不作汝曹生！生入朝，身已老，有淚猶沾茂陵。(四)草。天遣生還入畫圖，不然誰識冰霜貌？

【註釋】(一)〔牧羝〕見前文天祥紀事註(八)。(二)〔陵〕李陵，見前文天祥韻藻武忠節圖註(三)。(三)〔律〕衛律，父本是水胡人，生長於漢，以協律都尉李延年薦，使匈奴，還，會延年家被誅，律懼，亡降匈奴，匈奴以爲了靈王。(四)〔茂陵〕漢武帝陵，因置爲縣，在今陝西興平縣東北。

青巖山

李東陽

青巖山，甄郎高風(一)不可攀，祿山使者封刀還。入東京，見黃蓋，帝敕僞官皆下拜。鄭虔(二)死，貶王維生，故人獨有蘇源明。(三)君不見？舞象(四)悲啼樂工哭，賊斫工屍分象肉！

【註釋】(一)〔甄耶高風〕唐甄濟天寶中以左拾遺召，安祿山求濟於帝，授范陽掌書記，居府中，論議正直。久之，蔡祿山有反謀，不可諫，伴病隱居青巖山。及安祿山反，遣使封刀召之，濟引首就刃，得免。肅宗後命受偽官者，列拜以愧之。(二)〔鄭虔〕玄宗時爲博士，工書畫，嘗自寫其詩并畫以獻，遷著作郎。安祿山反，僞受陵水部郎中，稱疾求緩。賊平，貶台州司戶參軍。(三)〔蘇源明〕第天寶進士，累官國子司業，安祿山陷京師，源明稱病不受僞署。(四)〔舞象〕唐書：「文學國所獻舞象三十二，令放荆山之陽。」此言百獸之戲，象之能舞者也。

城下盟(一)

李東陽

澶州(二)城南見黃蓋，澶州城北胡兵退。南朝相公(三)方鼾睡，讒言後出
 切臣猜，城下一盟(四)成禍胎，孤注(五)之說何危哉？城下盟，君不辱，猶勝金陵
 (六)與西蜀；(七)當時若恥城下盟，縱寇不追真大錯！

【註釋】(一)〔城下盟〕宋眞宗時，契丹大舉入寇，寇進力請帝親征，抵澶州，將士迎擊，斬獲大半。契丹請盟而退。其後，王欽若思準，以此役爲城下之盟。(二)〔澶州〕唐置，今河北清豐縣。(三)〔相公〕宰相之稱。日知錄：「前代拜相者必封公，故稱之曰相公。」(四)〔城下一盟〕敵迫城下，與之言和也。左傳：「陸伐綏……大敗之，爲城下之盟而還。」注：「城下盟，諸侯之所深恥。」(五)〔孤注〕宋史海準傳：「王欽若謂之曰：『陛下聞博乎？博者輸錢欲盡，乃罄所有出之，謂之孤注。陛下，寇準之孤注也，斯亦危矣。』帝自是疏準。」(六)〔金陵〕南唐李氏建都金陵，宋開寶八年，曹彬克金陵，後主李煜出降，南唐亡，煜入宋封違命

候。(七)〔西蜀〕陳師伐蜀，蜀主孟昶命李昊章表以降，至京師封秦國公，七日卒。

兀朮走(一)

李東陽

金山廟前鼓聲起，江頭走卻四太子，
(二) 緋袍玉帶墜復跳，華人頓足胡兒
喜，君不見和尙原(三) 頭走禿胡，天爲中原留逆雛，
他時再作江南圖，韓公吳公
還有無？

【註釋】(一)〔兀朮走〕宋高宗建炎四年，金兀朮兵至鎮江，韓世忠禦之，誠謹將曰：『敵至，必登金山，視我虛實。』乃以百人伏廟中，百人伏岸濤，約聞鼓聲，岸兵先發。及至廟，兵喜先鼓而出，獲二人，其三逃而免，內一人，緋袍玉帶，卽兀朮也，遂大破其兵。(二)〔四太子〕金太祖之第四子兀朮也，膽勇過人，善騎射，屢侵宋，江南呼爲四太子。韓世忠困之於黃天蕩，幾不得免。(三)〔和尙原〕地名，在今陝西寶雞縣西南，高宗紹興初吳玠大敗金兵於此。通考：『和尙原在大散關之東，距寶雞兩驛，過此則路徑散淺，無所限隔。』

金大將(一)

李東陽

汝何官？金大將。汝何名？陳和尙。好男子，明白死，生金人，死金鬼。脛可折，吻可

裂，七尺身軀一腔血。金人憤泣元人誇，爭願再生來我家。吁嗟乎！衣冠右衽，尚不恥夷狄之臣乃如此！

【註釋】（一）（金大將）姓完顏，名摩，小字陳和尚，金人也，嘗以其軍四百，破元兵八千。金天興元年，元兵破鈞州，總管陳和尚，自言曰：『我忠孝軍總領陳和尚也，大昌原之捷，皆我所爲，我死亂軍中，人將謂我賣國，今日明白死，天下必有知我者。』晉之降，不屈，至死罵不絕聲。蒙古人以馬灌醉而祝之曰：『好男兒，他日再生，當令我得之。』（二）（右衽）言中國人，中國服衣襟右交，夷狄衣襟左交。

國士行（一）

李東陽

漆爲癘，（二）炭爲啞，彼國士，何爲者？趙家飲器（三）智伯頭，一日事，作千年
讎。報君讎，爲君死，斬讎之衣讎魄褫，（四）臣身則亡心已矣。

【註釋】（一）（國士行）戰國時趙襄子殺智伯，其臣豫讓欲爲報仇，襄子謹避之。豫讓乃漆身爲癘，吞炭爲啞，襄子出，讓伏橋下，將刺之，被抽。乃請襄子之衣，拔劍三擊之，以致報讎之志，遂自殺。（二）（癘）惡瘡疾也。禮記：『民多疥癘。』（三）（飲器）戰國策：『趙襄子殺智伯，漆其頭以爲飲器。』史記大宛傳：『匈奴破月氏王，以其頭爲飲器。』注：『章昭曰：『飲器，樽楹也。』』晉灼曰：『飲器，虎子之屬也。』古有二說，未知孰是。樽楹，酒器也。虎子，溲溺之器。（四）（褫）奪也。

石將軍（一）戰場歌

李夢陽

清風店（二）南逢父老，告我已巳（三）年間事。店北猶存古戰場，遺鏃尙帶「勤王」字，憶昔蒙塵實慘怛，反覆勢如風雨至。紫荆關（四）頭吹畫角，殺氣軍聲滿幽朔，胡兒飲馬彰義門，烽火夜照燕山雲。內有于尙書（五）外有石將軍，石家官軍若雷電，天清野曠來酣戰。朝廷既失紫荆關，吾民豈保清風店？牽爺負子無處逃，哭聲震天風怒號，兒女床頭伏鼓角，野人屋上看旌旄。將軍此時挺戈出，殺敵不異草與蒿，追北歸來血洗刀，白日不動蒼天高。萬里煙塵一劍掃，父子英雄古來少！單于痛哭倒馬關（六）羯奴半死飛狐道。處處懽聲噪鼓旗，家家牛酒犒王師。休誇漢室嫖姚將，豈說唐朝郭子儀？沉吟此事六十春，此地經過淚滿巾，黃雲落日古骨白，沙磧慘淡愁行人。行人來折戰場柳，下馬坐望居庸口（七）却憶千官迎駕初，千乘萬騎下皇都，乾坤得見中興主，日月重開再造圖。梟雄不數

雲臺士楊(八)石齊名天下無。嗚呼楊石今已無，安得再生此輩西備胡？

【註釋】(一)(石將軍)名亨，明涇州人，善騎射，累官都督僉事。英宗北狩以後，也先犯京師，亨與于謙擊破之，陞鎮朔大將軍，封武清侯。(二)(清風店)在河北易縣，明正統十四年石亨追破伯顏帖木兒於此。(三)(己巳)即明英宗正統十四年，是

年，瓦剌也先率衆入寇，帝親征，至土木，師大潰，帝執帝北去。(四)(紫荆關)在河北易縣西紫荆嶺上，即太行蒲陰陘也，爲燕京四偏重地。(地記)『太行八陘，第七陘爲蒲陰。』(五)(于尙書)謂于謙，時爲兵部尙書。(六)(倒馬關)在河北唐縣西北，即漢之常山關，關有二城，明時相繼增修，與居庸紫荆稱內三關。(七)(居庸口)即居庸關，在河北昌平縣西北。(八)(楊)謂楊洪，洪字宗道，明六合人，英宗時爲宣府總兵，與瓦剌戰有功，封昌平侯。

【作者小傳】李夢陽，明慶陽人，字獻吉，弘治進士，官至江西提學副使，以事奪職。工詩古文，才力富健，以後古自命，倡言文必宗漢，詩必盛唐，與何景明等號十才子。有空同集。

塞上

李夢陽

(三) 天設居庸百二關，
祁年(一)更隔萬重山。
不知誰放呼延(二)入，
昨夜楊河(三)大戰還。

【註釋】(一)(祈年)桑宮名。(二)(呼延)複姓，匈奴有姓呼延者，此處泛指異族。(三)(楊河)即外蒙甘烏里亞蘇河之漢譯。

秋望

李夢陽

黃河水繞漢邊牆，河上秋風雁幾行。客子過壕追野馬，將軍攸箭射天狼。
(一)黃塵古渡迷飛輓，白月橫空冷戰場。聞道朔方多勇略，只今誰是郭汾陽？(二)

【註釋】(一)〔天狼〕星名。楚辭：『舉長矢兮射天狼。』(二)〔郭汾陽〕郭子儀，唐華州人，玄宗時為朔方節度使，平安史，聯回紇，征吐蕃，功勳甚偉。累官大尉中書令，故稱郭令公。封汾陽郡王，故稱郭汾陽。

西陵(一)

錢希言

指點山陵問宋朝，荒雲漠漠莽蕭蕭。行人但說錢王(三)事，強弩三千射海潮。

【註釋】(一)〔西陵〕即浙江蕭山縣西興鎮。(二)〔莽〕音穉，草名，似葦而小，即菽也。(三)〔錢王〕即吳越王錢鏐，曾以

強弩三千射錢塘江湖使回。其所以問宋朝事而答錢王事者，以宋袁瓚畏敵，人皆恥言之，錢王大勇無畏，人皆樂道也。

【作者小傳】錢希言，明常熟人，字簡樓，博覽好學，刻畫為聲詩，恃才負氣，人皆避之，以窮死。有劍筴、戲殿等書。

塞下曲

顧璘

千里驕驄（一）丈八矛，男兒畫地（二）取封侯。黃昏塞上傳烽火，一夜吹笛坐戍樓。（三）

【註釋】（一）（驕驄）良馬，色如華而赤，亦名棗騮，周穆王八駿之一。見史記。淮南子：『驕驄驂駟，一日千里。』（二）（畫地）漢書張安世傳：『安世長子千秋，將兵臨范朋友擊烏桓，還請大將軍光問千秋戰鬪方略，山川形勢，千秋口對兵事，畫地成圖，無所忘失。』（三）（戍樓）古駐邊防軍所築以望遠者。

【作者小傳】顧璘，明蘇州人，字華玉，弘治進士，仕至南京刑部尚書。璘少負才名，詩以風調勝，與陳沂、王章、朱應登稱四大家。有浮湘集、息園詩文稿等。

廣陵

夏鍬

九曲池亭龍氣消，誰家水調（一）共蘭橈。眼前亡國無多恨，江水東邊是六朝。

【註釋】(一)〔水調〕曲調名。隋楊帝開汴河，自造水調，音調甚爲悲切。
【作者小傳】夏鑣，明人，字德樹，弘治初謁選入都，上章忤旨，下詔獄得釋，除南京大理評事。疏論賦斂、徭役、馬政、鹽課利弊，及宗藩戚里侵漁狀，不報，乞致仕歸，居鄉砥礪名節，有赤城集。

虞姬(一)

朱靜庵

力盡重瞳(一) 霸氣消，楚歌聲裏恨迢迢。貞魂化作原頭草，不逐東風入漢郊。

【註釋】(一)〔虞姬〕楚項羽之姬，羽被漢圍垓下，起飲壘中，悲歌慷慨，自爲詩曰：「力拔山兮氣蓋世，時不利兮驍不逝，驍不逝兮可奈何，虞兮虞兮奈若何！」姬和之曰：「漢兵北略地，四面楚歌聲，大王意氣盡，賤妾何聊生！」遂自刎。(二)〔重瞳〕謂項羽，項羽目中有二瞳子。

【作者小傳】朱靜庵，明周濟妻，生成化，弘治間，博覽羣書，酷嗜吟詠，有靜庵集。

題賈似道(一) 湖山圖

陳玉

山上樓台湖上船，平章醉後懶朝天。羽書莫報樊城(二) 急，新得蛾眉正少

年。

【註釋】（一）（買似道）見前注元景濤歌（註二）（二）（樊城）在湖北襄陽縣北，南臨漢水，與襄陽隔河相望，自古攻守必爭之地。

【作者小傳】陳玉，明時女詩人。

聞築外城二首

楊繼盛

萬里河山俱帝業，如何謀計只神京？
備邊自是千年計，塞外誰人築五城？
病急須從標上治，如何緩處用功夫？
庸醫廢盡篋中藥，待得良醫藥有無？

【作者小傳】楊繼盛，明人，字仲芳，號叔山，嘉靖中爲刑部員外郎。時嚴嵩用事，心善繼盛，欲驟貴之。繼盛惡之不爲動，且劾其十大罪。嵩構之，下獄，杖之百，創甚，或以餅蛇膽贈之，卻之曰：「叔山自有膽。」坐繫三載，乃棄市。後追謚忠愍。

塞下曲

張祐

將軍營外月輪高，獵獵西風吹戰袍。
戍築（一）無聲河漢（二）轉，露華霜氣

滿弓刀。

【註釋】（一）（磨鏡）形似劍，本為西域龜茲樂器，後傳入中國，音閉利。（二）（河漢）天河也。

【作者小傳】張祐，明南海人，字天祐，魏世職為廣州衛指揮使，屢立戰功，擢副總兵，鎮守廣西，敗臨桂、灌陽諸徭，破古田賊。

嘉靖時以王守仁薦鎮思田，屢破劇賊。祐駁軍有方，不營私產，性好書，每載以隨，暇即延儒生講論焉。

勉李季春

俞大猷

夜讀陰符（一）曉未休，壯心欲繫單于頭。腰間帶血雌雄劍，（二）談笑覓封
萬里侯。

【註釋】（一）（陰符）陰符經古兵書名。（二）（雌雄劍）吳地記：『干將鑄成二劍，進雄劍於吳王而藏雌劍，時時悲鳴，憶其雄也。』

其雄也。』

【作者小傳】俞大猷，明晉江人，字志輔，別字虛江，讀書知兵法，世襲百戶，舉嘉靖武會試，除千戶，擢廣東都司，平交黎有功，進參將，移浙東，屢以舟師破倭寇，時稱俞家軍，為諸酋所服。擢廣東總兵官，平惠潮羣盜，經略廣西，滅海賊，平古田獠，破寇寇，威名鎮南服，卒諡武襄。大猷忠誠許國，老而彌篤，在軍中五十年，未嘗挫衄，著有洗海近事。

寄書

戚繼光

寄書向知己，不解作家音，男兒鐵石志，總是報君心。

【作者小傳】戚繼光，明定遠人，字元敬，善練兵，紀律極嚴，以臨陣回顧，曾斬其長子。世襲登州衛指揮僉事，嘉靖中歷浙江參將，屢破倭寇，稱戚家軍。後鎮薊門，專主守禦，邊境晏然。由總兵累官太子太保。萬曆間謝病歸，卒諡武毅。著有練兵實紀、紀效新書等。

凱歌（一）

戚繼光

萬人一心兮泰山可撼，惟忠與義兮氣衝斗牛。主將親我兮勝如父母，干犯軍法兮身不自由。號令明兮賞罰信，赴水火兮敢遲留。上報天子兮下救黔首，殺盡倭奴兮覓箇封侯。

【註釋】（一）（凱歌）自注：『清秋報夕，鼓角初嚴，余集吏士數百人於庭，撫其實義，口授凱歌一章，使衆士歌之而節以鼓音，一唱三和，聲震林木。興逸起舞，上下同情，抵掌待旦，浩然南征。逢書壁以紀歲月。』（二）（黔首）謂百姓也。黔首，猶言黎民，以其首黑也。一說民以黑巾覆首謂之黔首。史記秦始皇紀：『更名民曰黔首。』

宿阿育王寺（一）

戚繼光

十里青青竹作圍，連天山色欲西飛。不因國憤衝雙鬢，便與支公（二）老翠微。（三）

【註釋】（一）〔阿育王寺〕原註：『在浙江。』阿育王，爲宣揚佛法盡力之帝王，發願造十萬八千塔，以紀念佛祖。（二）〔支公〕即支遁，晉時高僧，入餘杭，立支山寺，晚居洛陽東山寺。（三）〔翠微〕山旁��陀之處名翠微，或謂山氣青縹色，故曰翠微。

紀事（一）

戚繼光

十年荼毒悲閩徼，（二）壬戌（三）揚旌岷水湄。劍倚秋風平劇壘，帆懸漲海聚新夷。翻思往日同盟地，何似中流擊楫（四）時？報國志酬民恨雪，艱虞此意更誰知？

【註釋】（一）〔紀事〕自註：『閩苦倭患且數年，余奉命赴援，蕩平之。忽新倭勢復猖獗，時監司南明汪公愛之，期余請兵於浙，間關至吳，值時事變更，公於余備嘗窘迫狀，既得兵南發，再平閩難。余明思已厚，而公獨以人言去，感而賦此，別有閩海紀詳其始末。』

事云。』(一)(徵)音叫，邊徵也，以木槨爲邊夷界也。(二)(壬戌)明世宗嘉靖四十一年。(三)中流擊楫，看前次天辟江
氣歌註(二三)

馬上行

戚繼光

南北馳驅報主情，江花邊月笑平生。一年三百六十日，多是橫戈馬上行。

塞外觀音巖(一)

戚繼光

朔庭喜見戰塵收，石洞疑從大士(二)遊。短劍蕭森心尙壯，君恩回首幾時酬？

【註釋】(一)(觀音巖)在長城古北口外。(二)(大士)觀音菩薩又稱觀音大士。大士，佛家之稱號，士者，事也，謂能運心廣大以建佛事者也。

辛亥年戍邊有感

戚繼光

結束遠從征，辭家已百程。(一)欲疲東海騎，(二)漸老朔方(三)兵。井邑財

應竭，藩籬勢未成。每經霜露候，報國眼常明。

【註釋】（一）（程）道里也。一程猶俗言一站。（二）（東海）時倭寇爲患，東海縣，指倭寇。（三）（朔方）唐開元中置朔方軍，治靈州。郭子儀嘗爲朔方節度使。

軍中偶成二首

戚繼光

邊愁隱隱上顛毛，（一）肺病那堪轉側勞？惟有空庭一片月，漫移花影護征袍。

風塵已老塞門臣，欲向君王乞此身；一夜寒霜侵短鬢，明朝不是鏡中人。

【註釋】（一）（顛毛）謂頂髮也。

出塞曲

王用賓

賀蘭山下羽書飛，廣武（一）營中戰馬肥。壯士爭誇神臂弩，（二）打圍（三）先射白狼（四）歸。

【註釋】(一)(廣武)縣名，漢置，在今山西代縣。(二)(神臂營)宋熙寧中，張若水進神臂弓，蓋弩類也，身長三尺二寸，弦長二尺有五寸，射三百四十餘步。見宋史。(三)(打圍)謂田獵也，獵時合圍，故曰打圍。陸游詩：「誰記飛鷹擊打圍。」(四)(白狼)端應圖記：「白狼，王者仁德明哲則見。一本曰王者進退動準法度則見。周宣王時，白狼見，犬戎滅。」

塞上曲二首

俞允文

葱關雪淨月蕭蕭，大將功成玉帳高。天馬(一)不愁西極遠，上林(二)新種

紫葡萄。(三)

金鞍玉勒控龍媒，(四)涿水芙蓉(五)對日開，兵氣盡成煙霧起，夜深新破

右賢(六)來。

【註釋】(一)(天馬)史記：「大宛多善馬，馬汗血，其先天馬子也。」漢書：「大初四年春，貳師將軍李廣利斬大宛王首，獲汗血馬來，作西極天馬之歌。」(二)(上林)見前宋詞王成秋過故宮註(一一)。(三)(葡萄)本產於西域，相傳漢張騫由西域攜回，我國始有葡萄。又，唐破西域高昌國，收馬乳葡萄實於苑中種之，並得其酒法。(四)(龍媒)駿馬也。(五)(芙蓉)芙蓉，即草芙蓉，亦稱芙蓉府，又稱蓮蓉。(六)(右賢)右賢王，匈奴貴族封號。

【作者小傳】愈，字文，明崑山人，字仲蔚，年十五，爲馬鞍山賦，長老異之，年未四十，謝去諸生，專力於詩文書法。與王世貞友善，爲嘉靖廣五子之一。有愈仲蔚集。

塞下曲二首

謝榛

青海城邊秋草稀，黃沙磧裏夜雲飛；將軍不寐聽刁斗，月上轅門探馬歸。
旌旗蕩野塞雲開，金鼓（一）連天朔雁回。落日半山追黠虜，彎弓直過李陵臺。

【註釋】（一）金鼓，通鑑漢紀文帝十一年：「前擊後解，與金鼓之指相失。」注：「師古曰：『金，金鉦，鼓所以進衆，金所以止衆。』」

【作者小傳】謝榛，明臨清人，字茂秦，自號四溟山人，刻意爲詩歌，有聞於時。嘉靖間遊京師，時李繼龍、王世貞等結社燕市，稱以布衣爲之長，稱王子，榛嘗諸王爭延致之，河南北皆稱謝先生，有四溟集。

出塞曲

胡應麟

大獵漁陽（一）罷，椎牛（二）上谷（三）營；酒闌（四）飛騎去，夜奪受降城（五）。

【註釋】(一)〔漁陽〕故城在今河北密雲縣西南。(二)〔椎牛〕殺牛也，椎牛置酒高會之禮。(三)〔上谷〕上谷郡故治即今河北易縣治。(四)〔酒闌〕闌，稀也，飲酒半罷也。史記高祖紀：『酒闌，』註：『闌言稀也，謂飲酒者半罷半在也。』(五)〔受降城〕漢武帝時將軍公孫敖築，在今綏遠烏拉特旗北，即漢九原北塞外。

【作者小傳】胡應麟，明蘭谿人，字元瑞，幼能詩，萬曆中舉於鄉，久不第。築室山中，購四萬餘卷，記誦淹博，多所撰著，有少室山房類稿等書。

龕山(一) 凱歌四首

徐渭

短劍隨鎗暮合圍，寒風吹血著人飛。
朝來道上看歸騎，一片紅冰(二)冷鐵衣。

七尺龍蟠皂線絛，倭兒刀掛漢兒腰。
向誰手內親捎(三)得？百遍衝鋒滾海蛟。

無首有身祇自猜，左啼魂魄右啼骸。
憑將老譯傳番語：『此地他生敢再來？』
旗裏金瘡碎朔風，軍中吮卒有吳公。
(四)更教廝養眠營竈，自向霜槽喂鐵驄。
(五)

【註釋】（一）（龍山）在浙江蕭山縣東北五十里，其形如龍，下瞰浙江，與海寧縣 塘山對峙。其西有小山，名鑑子山，江出其間，曰鑑子門，亦曰海門，爲鑑塘之鎖鑰，明參將湯克寬大克倭寇於此。（二）（紅冰）言血凍成冰色紅也。（三）（稍）音梢，掠取也。（四）（吮卒有吳公）史記吳起傳：「卒有病疽者，起爲吮之。」言起之爲將，能恤其士卒也。（五）（鐵驄）馬色在青黑之間者，見詩疏。

【作者小傳】徐渭，明山陰人，字文長，諸生，天才超逸，詩文書畫皆工，容態昏胡，宗憲蓋以草獻白鹿表，貢盛名，知兵好奇計，宗憲爲倭寇徐海，誘王直，皆預其謀，有徐文長集等書。

宴遊爛柯山（一）三首

徐渭

萬山松柏遠旌旗，少保（二）南征暫駐師。接得羽書知賊破，爛柯山下正圍棋。

偏裨（三）結束佩刀弓，道上逢迎抹首（四）紅。夜雪不勞元帥入，先擒賊將

出酒中（五）

羣兇萬隊一時平，滄海無波嶺瘴清。帳下共推擒虎將，江南只數義烏兵。

（六）

【註釋】(一)〔彌柯山〕在浙江衢縣，述異記謂晉王質入山採樵，觀兩童子對弈，局終斧柯已爛。(二)〔少保〕指戚繼光，威南征倭寇，總督胡宗憲宴之，暮客作凱歌以頌。(三)〔偏裨〕將佐之稱。(四)〔抹首〕繫首之巾也。(五)〔酒中〕地名，在南蔡州，唐代淮蔡叛亂，李愬雪夜入蔡州。(六)〔義烏兵〕義烏，即今浙江之義烏縣，戚繼光自練浙江山嶺新兵，百戰百勝。

凱歌

沈明臣

銜枚夜度五千兵，密領軍符號令明，狹巷短兵相接處，殺人如草不聞聲！

【作者小傳】沈明臣，明鄞人，字嘉則，諸生，爲平倭名將胡宗憲樂營記。宗憲嘗宴將吏於彌柯山，酒酣樂作，明臣作鐵歌十章，控筆立就。宗憲詠至『狹巷短兵相接處，殺人如草不聞聲。』起持其鬚曰：『何物沈郎，雄快乃爾！』命刻於石。

出塞

李時行

辭家赴國難，萬里向金徽。(一)寒日明朱戟，秋霜帶鐵衣，黃雲隨陣落，白雁
 傍人飛。不斬樓蘭將，長驅誓不歸！

【註釋】(一)〔金徽〕山名。後漢永元三年，耿種圍北單于於金徽山，大破之，單于走死。山在漠北，去朔方五千餘里。唐置金徽郡府。

子有滌滌集。

【作者小傳】李時行，明番禺人，字少僧，號青霞，嘉靖進士，官至南京駕部主事，與歐大任、梁有譽、黎民表、吳旦、程南園後五

明妃曲

李攀龍

天山雪後北風寒，抱得琵琶馬上彈。曲罷不知青海月，徘徊猶作漢宮看。

【作者小傳】

李攀龍，明歷城人，字子鱗，少孤家窮，稍長嗜詩歌，日談古書，里人共目為狂生。舉嘉靖進士，累官河南按察使，母喪，以毀卒。與謝榛等稱五子。有古今詩刪、李滄溟集。

滿江紅 題宋高宗賜岳飛手勅

沈啓南

汴鼎南遷，漫流寓錢塘如客。堪涕泣傷痍凋瘵，倩誰醫國？好箇忠飛天下將！奈他逆檜舟中賊，把英雄頓挫莫成功，成冤殛！飛不死，宋之得；飛不死，金之失；痛飛之一死，檜之全策！萬里長城磨足折，兩京歸路烏頭白。（一）笑昏夫亦有小聰明，看遺勅。

【註釋】（一）烏頭白，言不可得之事也。燕太子丹質於秦，秦不禮，乃求歸，秦王曰：『待烏頭白，馬生角，當放子歸。』見風

俗語。

滿江紅 題宋高宗賜岳飛手勅

文徵明

拂拭殘碑，勅飛字依稀堪讀。慨當初，倚飛何重！後來何酷！果是功成身合死，可憐事去言難贖。最無辜，堪恨更堪悲，風波（一）獄。豈不念，中原蹙？豈不念，徽歛辱？念『徽歛既返，此身何屬？』千載休談南渡錯，當時自怕中原復！笑區區一檜（二）亦何能逢其欲。

【註釋】（一）〔風波〕岳飛遇害於大理寺獄風波亭，今浙江杭縣城內舊按察司獄署之右，土地廟前，即其故址。（二）

〔檜〕松江寧人，靖康間爲金人所捕，高宗時脫歸，後爲相，力主和議，殺岳飛，竄張俊趙鼎，主戰之臣，誅鋤殆盡，和議遂成，稱臣納貢於金，在相位十九年卒。

【作者小傳】文徵明，明長洲人，別號衡山，幼不慧，稍長穎異，挺發，學文於吳寬，學書於李應楨，學畫於沈周，爲人和而介正，德末，以歲貢生詣都，授翰林院待詔，世宗立，預修武宗實錄，致仕歸，年九十卒。著有甫田集。

滿江紅 同石田先生賦

王世貞

御墨淋漓，到「飛」字百身難贖！彈指罷遺黎夢斷，舊都淪覆。十二金牌（一）丞相詔，風波片紙（二）君王獄。恨匈奴巧放兩人（三）歸，乾坤蹙！翹首地，青衣（四）辱；回馬地，朱仙哭。大江東去，一龜茲足。北面生看臣檜在，南枝死望中原復。痛他年降表出皇亭，（五）鷓夷日！（六）

【註釋】

（一）十二金牌，岳飛既敗兀朮於郾城，遂進兵朱仙鎮，欲指日渡河，時秦檜力主和議，欲盡棄淮北地以與金，一日降十二金牌召飛還。

（二）片紙，岳飛既被召還，秦檜復譏方俟高審劾飛，遣使捕飛父子，坐繫兩月，獄不成，檜手書小紙付獄，遂報飛死。

（三）兩人，指秦檜及其妻王氏。

（四）青衣，古以青衣為賤者服。金人據徽欽二帝北去，令著青衣行酒。

（五）皇亭，皇亭山在浙江杭縣東北二十里。元至元十三年，巴延攻宋，次軍皇亭山，宋主暹遂上表稱臣降元。（六）鷓夷日，

伍子胥諫吳王不聽，吳王乃賜子胥以屬鏃之劍，令自殺。子胥告其舍人曰：「抉吾眼懸吳東門之上，以觀越寇之入滅吳也。」遂自剄死。吳王聞之大怒，乃取子胥尸，盛以鴟夷革，浮之江中。見史記伍子胥傳。

【作者小傳】王世貞，明大倉人，字元美，自號鳳洲，嘉靖進士，累官刑部尚書。好為詩古文，有弇山堂別集、王氏叢書等書。

飲歐陽鎮朔卽事有贈

王世貞

旌旗春偃白龍堆，教客休停鷓鴣杯！（一）歌舞未殘飛騎出，月中生縛左賢

(二)來。

【註釋】(一)鷓鴣杯以鷓鴣螺之殼製爲酒器，曰鷓鴣杯，大者可受二升，奇而可玩。(二)左賢王，匈奴有左賢王，右

賢王，爵極尊。

從軍行二首

王世貞

蹋臂(一)歸來六博(二)場，城中白羽募征羌；相逢試解吳鉤(三)看，已是

金河(四)萬里霜。

蹀馬吹塵紫極(五)昏，洗刀飛血九河(六)渾。長城直拓二千里，表取陰山

作北門。

【註釋】(一)蹋臂，連臂蹋歌也。蹋與踏同。(二)六博，或作陸博，古遊戲之事，史記『六博陸博』注：『博，箸也，行六

箸，故云。』西京雜記：『許博昌善陸博，資學好之，常與居處，法用六箸，……以竹爲之，長六分。』(三)吳鉤，刀名，南蠻謂之莫

蕩刀。(四)金河，今日黑河，在山西歸化城南。(五)紫極，宋史天文志：『極星之在紫垣，爲七曜三垣二十八宿榮星所供，

是爲北極，爲天之正中。』(六)九河，古時黃河自天津而北，分爲九道。

娘子關偶成

王世貞

兒。
夫人城（一）北走降氏，娘子軍前高義旗。今日關頭成獨笑，可無巾幗贈男

【註釋】（一）夫人城，東晉時苻堅寇梁州，刺史朱序之母韓氏帥侍婢及城中女子築斜城於西北隅以拒之，襄陽人謂之夫人城。故城在今湖北襄陽縣西北。

戚將軍（一）贈寶劍歌

王世貞

毋嫌身價抵千金，一寸純鈎（二）一寸心；欲識命輕恩重處，霸陵（三）風雨
夜來深。

【註釋】（一）戚將軍，即戚繼光。（二）純鈎，古劍名，越王允常聘歐冶子作五劍，純鈎其一也。（三）霸陵，漢文帝陵，在陝西長安縣東。

後出塞

陳第

萬里秋風海上生，驅車今復戍檀城。
（一）天寒夜渡韋溝水，馬尾凝冰碎有聲。

【註釋】（一）檀城，即古檀州，在今河北密雲縣。

【作者小傳】陳第，明連江人，字季立，號一齋，萬曆時諸生，竊大獄召致幕下，教以兵法，出守古北口，歷薊鎮游擊將軍，邊備修飭善詩，有《齋詩集》等書。

三河水（一）

區大任

三河水，萬軍淚，淚滴三河水不流，胡笳吹落薊門秋。
河水流不住，胡笳過何處？誰使兩年來，移營兩屯戍？君不見胡騎已馳牆子關，漢軍尙哨熊兒峪？

【註釋】（一）明萬曆間，日本倭寇，明師援之，敗於三河。

【作者小傳】區大任，明順德人，字楨伯，以歲選江都訓導，入爲國子博士，終南京戶部郎中，有《百越先賢志》。

高麗刀行（一）

區大相

客從高麗回，貽我高麗刀，精刀新淬，（二）吹髮毛，（三）切玉剗，（四）犀未足貴，殺人飲血輕豪曹。此刀名擅高麗鏢，（五）高麗短兵非盡弱，一夫善操萬夫立。邈來倭患危若絲，君臣拱手待我師，惜哉有刀不能用，乃知世上不可一日無男兒。

【註釋】（一）此詩作於中國與日本戰於高麗之時。（二）「淬」音脆，鍛鍊刀劍以水滅火曰淬。王褒文：『清水淬其鋒。』

（三）「吹髮毛」極言刀利，其光氣足以吹動髮毛。（四）「剗」專上聲，截也。（五）「鏢」音響，刀刃也。漢書：『庶廣鋒鏢。』注：

『鋒刃端也，鏢，刃旁也。』

【作者小傳】區大相，明高麗人，字用懌，萬曆進士，選庶吉士，官至南太僕丞，工於詩，爲明代嶺南詩家之鼻，有《太史集》等書。

東征從軍行（一）

區大相

朔風吹征裘，邊馬鳴不止，烈士懷苦心，拔劍四顧起。東方羽檄急，海氣昏千

里。幽并多健兒，吳越多君子，共是報恩人，各言雪國恥。萬騎出漁陽，三軍渡遼水，
率（二）旗山雪高，吹角海波瀾。朝鮮救兵至，日本夷王死。功名何足論？要自酬知己。

【註釋】（一）明萬曆間，日本豐臣秀吉征高麗，中國邊師極高麗，戰事亘數年，至秀吉死始停止。（二）率，首惡，取也，拔也。漢書季布傳贊：『身歷軍卒，旗者敬矣。』註：『謂勝敵拔取旗也。』

從軍行

葉重華

吳鉤雪色滿天山，血戰黃沙萬里還。但願畫圖麟閣（一）上，不須生入玉門關。

【註釋】（一）麟閣，即麒麟閣，漢圖功臣之處。

塞下曲二首

徐媛

薊北霜花捲鐵衣，將軍獵火度金微。轅門殺氣連郊黑，馬上生擒黠虜歸。

精兵萬道肅行儀，號令新傳李貳師。
（一）匹馬踏平沙草窟，烏孫（二）城角
有降旗。

【註釋】（一）李貳師，謂李廣利。貳師，本大宛國地名，漢武帝命李廣利爲貳師將軍，以征貳師城，取善馬，因以爲號。

（二）烏孫，漢西域國名，即今新疆伊犁河流域之地，曾與漢和親。

【作者小傳】徐夔，明蘇州人，字小淑，副使范允臨妻，好吟詠，與陸潤子相倡和，號吳門二大家。有絳絳吟。

凱歌

何承徽

榆柳蕭蕭大漠寒，金貂（二）飛尉舊登壇。
寶刀染得單于血，鼓吹天兵下賀
蘭。

【註釋】（一）金貂，謂武冠。後漢書輿服志：『武冠，諸武官冠之，侍中、中常侍加黃金璫，附纒爲文，貂尾爲飾。』

邊行卽事

鍾羽正

胡虜年來效外臣，（二）將軍談笑靜邊塵。
那知金玉橫腰客，半是和戎市裏

人？

【註釋】（一）（外臣）封建時代，此國之臣對他國君自稱之辭。

【作者小傳】鍾羽正，明益都人，字叔廉，萬曆進士，除滑縣令，時甯爾冠多專政，累官工部尚書，有聲雅堂集。

詠史

熊廷弼

拍案疾聲呼『賊檜！』分明非與岳家仇，東窗（一）計定金牌去，斷送南朝二百秋。

【註釋】（一）東窗，世傳岳飛爲秦檜所害，檜與其妻王氏謀於東窗之下以成之，時檜猶豫不決，王氏以箆畫灰成字，曰：『縛虎容易縱虎難，』檜乃昏小紙付獄吏，飛遂遇害。

【作者小傳】熊廷弼，明江夏人，萬曆進士，官至兵部尚書，經略遼東，清兵屢犯邊，廷弼籌布置三方之策，以王化真兵敗，爲馮銓等所譖，論死，傳首九邊，遠近莫不嗟憤。

邊中送別

袁崇煥

五載離家別路悠，送君寒浸寶刀頭。欲知肺腑同生死，何用安危問去留？策

杖只因圖雪恥，橫戈原不爲封侯。故園親侶如相問，愧我邊塵尙未收。

【作者小傳】袁崇煥，明末東莞人，字元素，萬曆進士，有膽略，好談兵，累官右僉都御史，巡撫遼東。崇禎初，進兵部尚書，督師薊遼，後入援都都城，以饑聞死。

東便門

孫承宗

還！
胡兒戲馬潞河（一）灣，十萬連營扣漢關。獨以單騎衝虜去，不知誰箇望生

【註釋】（一）潞河，即白河，爲北運河之上游。

【作者小傳】孫承宗，明高陽人，字稚繩，萬曆進士，沈毅有智略，尤曉楊邊事。天啓初，累官兵部尚書，東閣大學士，時遼陽廣寧俱爲清所破，承宗自請以原官督理諸處軍務，便宜行事。既至，修復城堡數十，練兵十一萬，開屯五千頃，遣將戍錦州、松山、大小凌河，拓地二百里。魏忠賢黨議之，乞歸。清兵攻高陽，承宗率家人拒守，累旬城破，投糧死。時年七十六矣。公所爲詩文，亦藎宕感激，如其爲人。

大將軍略地廣寧後歸奏方略（一）二首

孫承宗

漢家神武振天聲，大將初揚海外兵，似說乾州殘草木，欣欣亦解向威名。
松山（二）山北十三山，鎮日人從舊幅看，一見元戎（三）結小隊，爭教稚子識衣冠。

【註釋】（一）（大將軍略地廣寧後歸奏方略）原註：『下廣寧後，朱大將軍遂下樓船返京。』略地，佔據敵地之謂。廣寧，今遼寧北鎮縣。（二）（松山）在遼寧錦縣南，山之西即舊松山城。（三）（元戎）即元帥，謂朱大將軍。

大風雨夜念諸將士

孫承宗

聽子（一）新從塞外回，分明親到廟山臺。『遼人盡說遼人苦，只望天兵動地來。』

【註釋】（一）（聽子）即孫子，探聽軍情者。

飾兒寄字云問爹安無事早歸

孫承宗

平安無事早歸來，字字真誠字字催。可奈此身屬社稷，祇今胡在未堪回！

駐撫寧雜詠

孫承宗

(三)
大將軍麾下大東，(一)排來十萬領雄風。班家夜半康居火，(二)半照龍山
夜雨紅。

【註釋】(一)大東，謂極東也。(二)班家夜半康居火，康居，西域國名，領有今新疆北部，至俄領中亞之地。迹超使西
域，在康居國內，以三十六人夜半攻匈奴使臣住所，盡斬之。(三)龍山，即今熱河朝陽縣治東南之鳳凰山。

瓦窰坡并序三首

孫承宗

坡在冷口關，(一)西登坡而北折向東，遂通冷口。予閱冷口，抵坡下，戍將指石墨曰：「此
烈婦墳也。當虜入永平，(二)掠生口北出，有少婦綺服馬上，兩胡兒馬將下坡，大呼墜岸死，不

知誰氏也。掩其骨於山之下。』

瓦窰坡裏邊城路，飛燕巢林不見家。擬死低徊且不死，尙留一息見中華。
誰家少婦茜（三）裙新，馬上猶餘不死身。纔欲下山山上死，玉顏終不染胡塵。

中閤誰經萬石林？胡笳吹破斷腸吟。漢家一片蛾眉月，照得中原一片心。

【註釋】（一）（冷口關）在河北喜峯口之東，盧龍縣之北。（二）（永平）府名，今河北盧龍縣。（三）茜，綠色也。高啓詩：『隨箠吟帽烏，踏席舞裙茜。』

駐滄海門人王獻我投詩用其韻

孫承宗

誰遣元戎（一）賦小戎（二）老臣承召抒愚忠。借籌（三）且漫稱開濟，（四）
緩頰（五）仍先論戰攻。邊徼半殘明漢月，天河一挽洗胡風。唐家仙李盤根遠，莫
說中興有令公。（六）

【註釋】（一）（元戎）元帥也。（二）（小戎）詩經秦風篇名。小序云：『小戎，美襄公也。備其兵甲，以討四戎，西戎方彊，而征伐不休，國人則給其車甲，婦人能閱其君子焉。』（三）（借籌）屬食其勳。漢高祖復立六國，以機楚權，高祖稱善。高祖方食，張良自外來謁，高祖以食其計告良，良曰：『誰爲陛下畫此計者？陛下事去矣。』高祖曰：『何哉？』良曰：『臣請借前箸以籌之……』因陳八不可。『臣請借前箸以籌之』注：『張晏曰：『求借所食之箸，用指畫也。』』見前漢書張良傳。（四）（開濟）謂開物濟務也。杜甫詩：『兩朝開濟老臣心。』（五）（緩頰）以婉言相曉，譬勸阻之也。史記魏豹傳：『漢王聞魏豹反，方東擊楚，未及擊，謂酈生曰：『緩頰往說魏豹，能下之，吾以萬戶封若。』』（六）（令公）見前李夢陽秋望註（二）。

殫忠樓（一）

孫承宗

功？

驕風急雨滿園中，烽火驚傳入漢宮。聞說至尊懷鉅鹿，（二）誰堪麟閣定元

【註釋】（一）（殫忠樓）殫忠，即盡忠。孫公駐軍遼東，自築殫忠樓。（二）（鉅鹿）東漢末鉅鹿張角爲亂，衆至數十萬，皆着黃巾，時人謂之黃巾賊，皇甫嵩討平之。此處借指流寇李自成張獻忠。

軍中雜詠六首

孫承宗

萬馬嘶雲壁外（一）城，和門刁斗聽嚴更。等閒一片灤河月，幾度榆關百隊

兵。

遼河秋冷月輪高，大將酬恩試寶刀。鐵騎三千渾左箭，蟠花新繡紫虬袍。

揖來犀玉（二）滿坪頭，歸去傳呼盡列侯。最是功成延賀客，玉簫金管下瀛

洲。

邊城宿將承新恩，高會中衢開大尊。夜半酒酣誇膽略，特牽猿臂指刀痕。

絳蠟初銷玉漏寒，東來烽火報呼韓。中丞節鉞（三）封侯急，莫遣重稱天可

汗。（四）

寧城城外築重城，十里金湯舊有名。可是赫連（五）蒸土就，不妨胡馬夜縱

橫。

【註釋】（一）（壁外）營壘之外也。（二）（犀玉）有勁銳軍人所帶之飾物。（三）（節鉞）謂符節及斧鉞也，明太祖拜大

將儀，先授節，次受鉞。（四）（天可汗）通鑑唐紀：「西北諸蕃請上尊號爲天可汗，帝曰：『我已爲天子，又下行可汗事乎？』」

（五）（赫連）刀名，蒸土後更鋒利也。

仲冬望之夜

孫承宗

絳蠟燒殘夜二更，擁衣枯坐賦東征；
疎櫺不隔寒風入，爲憶寒風上帝城。

【註釋】（一）（東征）周公看東征詩。

宋總戎燒荒出塞

孫承宗

探得旃荒（一）滿大盤，橫磨一劍倚雕鞍；
兪兒（二）小試飛鵬手，盡縛降王馬上看。

【註釋】（一）（旃荒）旃，通甄，胡人旃審也。荒，邊遠之地也。旃荒，謂邊遠之胡人也。（二）（兪兒）兪，神名。管仲伐山戎有兪兒開道。

齋居雜詠

孫承宗

千里風煙當晝昏，排來鵝鶻（一）擁和門。
漁陽老將談新戰，幾度襄裳指箭

痕。

【註釋】（一）（鷓鴣）軍陣之名。

哭馬滄洲大將

孫承宗

灤水（一）西南擁萬羣，元戎特領五將軍，揮刀贖得盧龍塞，鷓鴣猶盤戰後雲。

【註釋】（一）灤水，源出察哈爾，經盧龍縣治西。

孫大將軍贈我以人頭杯長歌賦謝

楊文驄

天驕濺血污青天，十年虜塵迷九邊，（一）家家空有生銅吼，（二）豪客誰驅走鋒巔？綠眼將軍勤遠戰，腰控金鈎赤羽箭，紫驄一騎踏黃沙，奪得敵兒駕飛電。何必嫖姚與吳起？雄略行邊幾萬里，渴餐冷血當清泉，旋取頭顱作杯子，一飲一

斗氣如虹，醉倚氍毹。(三)笑晚風。鬢童妖女皆驚怖，起來猶自彎雕弓，獨指楊郎相對看，英雄許我洗銀漢。半生未遇蔡中郎。(四)潦倒無端留下爨。(五)我亦拔劍目裂眦，寶氣入斗驚白帝，壯懷長嘯向君開，恍如獨鶴空中唳。感君容我發疏狂，劍光提動揮八方，脫手相贈亦何勇，我將持此見明王。世人畏死懼寒鐵，有頭怕學常山(六)舌；豈惟求之君臣間？末世因之交情絕。君不見孫陽(七)有眼誇絕塵(八)又不見孫武(九)行兵驅婦人？君臣朋友自千古，誰能再見孫將軍？

【註釋】(一)(九邊)明以遼東薊州宣府大同山西延綏寧夏固原甘肅爲九邊，各設重兵，統以大將。(二)(生銅吼)古

時以銅鑄劍，寶劍能鳴，生銅吼，猶言劍無所用，在匣中鳴吼也。(三)(氍毹)毛織物，如今氈毯之屬。(四)(蔡中郎)謂蔡邕。邕

字伯喈，東漢陳留人，以嘗拜左中郎將，故世稱蔡中郎。(五)(留下爨)後漢書蔡邕傳：「吳人有燒桐以爨者，邕聞火烈之聲，知

其良木，因譜而裁爲琴，果有美音，而其尾猶焦，故時人名曰焦尾琴焉。」(六)(常山)謂唐常山太守顏杲卿。杲卿爲安祿山所

執，誓不絕口，祿山鈎斷其舌。(七)(孫陽)春秋秦人，一名伯樂。伯樂天星名，掌天馬，陽善識馬，故名。伯樂過陵坂，有騏驎伏驢車

下，見陽而長鳴。伯樂下車泣之，騏驎於是俛而噴，仰而鳴，聲聞於天。(八)(絕塵)言奔走極速，超軼乎塵埃之上也。莊子：「顏淵問

於仲尼曰：「夫子步亦步，夫子趨亦趨，夫子奔軼絕塵，而回瞠乎後矣。」(九)(孫武)春秋齊人，以兵法見吳王闔廬，王出宮

中美人百八十人，使武教之戰。孫武分爲二隊，以王寵姬爲隊長，皆令持戟，令而鼓之，婦人大笑，斬二隊長以徇。復鼓之，婦人左右

前後跪起，皆中規矩繩墨。吳王用爲將，西破強楚，北威齊晉，顯名諸侯。

【作者小傳】楊文聰，明貴陽人，字龍友，舉於鄉，崇禎時官江寧知縣。福王立於南京，起爲監軍，駐京口，擢右僉都御史，巡撫其地，與清兵隔江相持，兵敗走處州。時唐王立福州，拜文聰爲兵部右侍郎，兼右僉都御史，提督軍務，兵敗被執不屈死。

入塞曲

左光斗

(二) 歸。
大漠空高塵不飛，新秋塞上草猶肥。石榴紅綻葡萄紫，博望(一)遙馳宛馬

【註釋】(一)博望，漢張騫使西域，歸封博望侯。(二)宛馬，西域大宛國產良馬。
【作者小傳】左光斗，明桐城人，字遺直，萬曆進士，授御史。光宗崩，與楊漣協心建議，排閹奴，扶幼主，後爲魏忠賢所害，與楊漣同斃於獄。

謁楊再興(一)墓

呂邦耀

單騎橫冲兀朮營，壯懷刻日復西征。傷心忠武(二)商橋(三)恨，哭罷將軍再勒兵。

【註釋】(一)〔楊再興〕宋之名將，初爲賊曹成將，經岳飛收撫，勉以忠義，飛屯襄陽，再興取長水，盡復西京險要，又得馬萬匹粟數十萬，中原響應。後以三百騎遇兀朮兵十二萬於小商橋，再興戰死，獲其尸焚之，得箭簇二升。(二)〔忠武〕岳飛諡忠武。

(三)〔商橋〕小商橋在河南朱仙鎮附近。

【作者小傳】呂邦彥，明順天人，錦衣衛籍，字元穎，萬曆進士，官至福建巡撫。

封關白

吳炎

萊陽烽火何連連！倭奴十萬乘朝鮮。朝鮮委命(一)請下吏，援師合沓(二)工退避，喪師辱將軍諱封，貢亦不肯去。朝鮮君臣，涕泣如雨。使受誅，倭始歸，捷書還向京師飛。不聞將軍得倭級，(三)但見平壤(四)城外枯骨高如丘。堂堂漢司馬，空受倭奴譏！

【註釋】(一)〔委命〕猶言致命。史記：『百粵之君，委命下吏。』(二)〔合沓〕重疊也。(三)〔級〕謂首級。(四)〔平壤〕

在朝鮮，據大同江北岸，形勢險要，古昔爲箕子及高句麗之都。

【作者小傳】吳炎，明吳江人，字赤溟，又字如晦，號曉庵，後更號赤民，諸生，亂後隱居教授，以詩文自娛。既撰明史，書未成，還

烏程陸氏史案，及於難，有吳赤溟集。

前搗巢

吳炎

漢兒莫悲胡莫舞，雲中新將智且武。我欲殺胡勇可賈，(一)胡南窺，漢北往，
 輕師夜夾沙水。(二)仗胡兒歸來獨惆悵。喜峯口，休作巢，漢家今有霍嫫媯，(三)
 豐州城，(四)休作帳，漢家今有李飛將。(五)

【註釋】(一)「勇可賈」左傳成公二年：「齊高固入晉師，築（擗也）石以投人，撓之，而乘其車，擊季木焉，以巡齊壘曰：『欲勇者，賈（買也）余餘勇！』」(二)「沙水」即今明河，在河南鹿邑縣南五十里，一名蔡河。(三)「霍嫫媯」漢霍去病征匈奴，屢立奇功，以其管爲嫫媯校尉，故世稱霍嫫媯。(四)「豐州城」隋唐豐州即今綏遠五原縣地，宋陷於西夏，別置豐州，在河套東南陝西府谷縣之北，非隋唐之舊也。(五)「李飛將」漢李廣，匈奴畏之，號曰飛將軍。

後搗巢

吳炎

自燕都門，遙遙望遼土，劇哉邊野寄生于豺虎。朝隆漢，營鼓夕爛爛，(一)
 胡庭火。百萬健兒爭避虜，使我邊氓獨愁苦。春風乍起，邊草方萌，胡兒未至，我欲

歸耕欲耕未得耕，夜半何人來襲我營？驅我弱兒老婦，踏踏前頭行，安知襲我是漢兵！兵未接，數騎轉呼漢兒怯。將軍獨歸兵不歸，盡作板城（二）城下血。何事將軍翻奏捷？腦毛大會八犯級；（三）纍纍猶可算，問汝何從得級？陣亡官軍頭作賊，不殺牂羊（四）殺殺癡；（五）可憐繡衣空灑泣，獨不聞丞相事姑息！

【註釋】（一）（烟燭）同餘燄，光明貌。（二）（板城）板城縣，唐置，故城在今河北涿水縣北。（三）（級）首級也。（四）

（牂羊）詩經小雅之華：『牂羊墳首。』傳：『牂羊，牝羊也。墳，大也。羊瘠則首大也。』牂，音臧。（五）（殺癡）音古歷，山羊也。爾雅釋獸：『黑殺癡，謂黑色羊也。』

賜秦良玉（一）詩四首

明思宗

學就西川（二）八陣圖，（三）鴛鴦袖裏握兵符。古來巾幗甘心受，何必將軍是丈夫？

行？
蜀錦征袍手製成，桃花馬上請長纓。（四）世間不少奇男子，誰肯沙場萬里

露宿風餐誓不辭，飲將鮮血帶臙脂。凱歌馬上清吟曲，不似昭君出塞詞。

(五)

憑將箕帚靖皇都，一派歡聲動地呼。試看他年麟閣上，丹青先畫美人圖。

【註釋】(一)秦良玉，明忠州人，石柱宣撫使馬千乘妻，饒膽智，善騎射，兼通詞翰。千乘卒，代領其衆，以討奢崇明功授都督僉事，充總兵官。崇禎時入京師奉命援遼東。流賊入川，良玉屢破之。張獻忠陷川，良玉悉召所部約曰：『有從賊者，殺無赦。』乃

分兵守四境，賊徧招土司，獨無敢至石柱境者。(二)西川地名，今四川西部。(三)八陣圖，漢諸葛亮推演兵法，作八陣圖

寶字記：『夔州奉節縣，本漢魚復縣，入陣圖在縣西南七里，聚細石爲之，各高五尺，廣十圍，凡六十四聚。』(四)請長纓，漢終

軍請受長纓，罵南越王致之闕下。後人因以投效軍營曰請纓。(五)不似昭君出塞詞，王昭君，漢元帝宮女，名嬪，後以賜呼韓

邪單于。言良玉爲愛國而援遼，與忍辱求和而出塞之王昭君有所不同也。

【作者小傳】明思宗，名由檢，嗣位後，改元崇禎。時清室日強，屢爲邊患，李自成張獻忠復爲亂於國中，流賊繼橫，民不安枕。

自成陷京師，帝自縊於萬壽山，在位十六年。南都謚思宗，改謚毅宗，清乾隆時謚爲莊烈帝。

秦良玉遺像

沈欽圻

縵纓(一)銀胄垂紅綬，(二)衲褶(三)耀日風前披，滿月粉頰揚青眉，繡旗

飄翻擁長鉞。(四)誰人結束整隊伍？知是石砮。(五)女土司。(六)英雄自古出巾幗，投石戰場壯顏色。當年平靖奢崇明。(七)一騎紅裝萬人敵，手持長繩入賊陳。(八)縛賊歸來向空擲。思宗季年紛戰爭，勤王誓師萬里行，至尊一語表英武。『桃花馬上請長纓。』後來獻賊。(九)入巴蜀，齟齬。(一〇)不遺橫殺戮，勤王兵殘勢窮蹙，子喪弟死一身獨，連斬六賊力已殫，拔刀自刎身不辱。忠勇義烈兼有之，女中張許。(二)誰能續？卽今遺像餘桓桓。(三)摧激人間壯士肝，願將效死沙場女，追配從軍古木蘭。

【註釋】(一)〔纓〕汪子：『冠纓胡之纓』縵胡也，視不分明也。(二)〔綵〕音義，纓飾也。詩經：『冠纓雙止。』亦作綵。(三)〔稱檣〕音兩當，猶今之背心，其一當胸，其一當背，亦作兩當。(四)〔鉞〕音峽，劍如刀裝者。(五)〔石砮〕今四川石砮縣。(六)〔土司〕官名。明時湖廣、川、滇、貴州、甘肅等處，凡羌、番、苗、僮、彝、緜聚居之地，皆設土司世掌之。(七)〔奢崇明〕其先本羅羅，明時世居永寧，爲宣撫使。熹宗時募川兵援遼，崇明等遂反，進圍成都，國號大梁，自稱羅甸大王。(八)〔陳〕與陣同。(九)〔獻賊〕張獻忠，明末流寇，與李自成連寇山陝、河南等地，據武昌，自湖南趨蜀，圍成都，稱大西國王，所過屠殺甚慘，後爲清肅王射殺之。(一〇)〔齟齬〕音追視，言幼童也。婦詩外傳：『男子八月生齒，八歲而齟齬，七歲而齟齬。』齟齬，齟齬也。(一一)〔張許〕謂張巡、許遠。(一二)〔桓桓〕武貌。詩經：『桓桓武王。』

【作者小傳】沈欽折，明長洲人，字得與，諸生，能詩，往復陶杜，自體胸臆，未嘗求工，而自中繩削。

秦寡婦良玉

張寧

卸卻金釵佩虎符，提兵十萬上皇都；西南夷婦援東土，愧煞中原無丈夫！

【作者小傳】張寧，明海鹽人，字瞻之，號方洲，景泰進士，貞志節，持正議，爲汀州知府，工書畫，能詩，有方洲集等。

燕市弔袁督師（一）

張家玉

黃沙白霧皂雕旗，獨賴孤臣兩臂揮。齧血作書招死士，裹瘡臨戰立重圍，遂令漢卒聞笳奮，共掃妖氛奏凱歸。勞苦功高誰得似？中山何事謗書飛？

【註釋】（一）袁督師，謂袁崇煥，見前邊中遂別作者小傳。

【作者小傳】張家玉，明東莞人，字元子，崇禎進士，工詩，唐王時，召授編修，兼給事中。降清將李成棟陷廣州，家玉毀家招兵。

據東莞，與陳子壯相應，兵敗墜水死。

讀史

張家玉

晉室傾頽事莫當，鷄聲（一）啼起鐵肝腸；諸君漫灑新亭淚，（二）好向中原

識范陽。（三）

【註釋】（一）（鷄聲）晉祖逖與劉琨共被同賊，中夜聞荒鷄鳴，祖逖覺曰：『此非惡聲也，』因起舞。見晉書。 （二）（新亭）東晉諸名士，於新亭飲宴，周顛嘆曰：『風景不殊，舉目有山河之異，』皆相視流涕。惟王導慨然變色曰：『當共戮力王室，克復神州，何至作楚囚相對？』見晉書王導傳。新亭，在今江蘇南京城南。 （三）（范陽）唐郭子儀為范陽節度使。

輓陳同盟

張家玉

國破家亡事兩傷，孤忠羨爾鐵肝腸。盟心共信真豪傑，戮力同驅假犬羊。
（二）激烈剛風生凜凜，從容正氣死堂堂！獨憐奇計人空老，誓報如今只子房。

【註釋】（一）（假犬羊）犬羊，晉寇狄異族之辭，指褚濟。假，謂其非真帝王也。

憶昔燕畿之變

張家玉

首逆何人賣國先？遂令滋禍竟綿延？
內廷已失金吾（一）守，外地寧誇鐵甕
（二）堅！萬井（三）桑麻鋪戰壘，千家城郭靜炊煙。
誰憐去國孤臣遠？禾黍興悲幾
涕漣。

【註釋】（一）金吾，執金吾亦稱金吾，官名。秦置中尉，掌徵循京師，漢武帝更名執金吾。應劭曰：「吾者禦也，掌執金革以禦非常。」師古曰：「金吾，鳥名也，主辟不祥。天子出行，職主先導以禦非常，故執此鳥之象，因以名官。」（二）鐵甕，吳大帝築，今江蘇丹徒縣子城，內外皆築以甕，號鐵甕城。見鎮江府志。圖經言古號鐵甕城者，言其堅固如金城也。（三）井，周制以地方一里，畫爲九區，每區百畝，中爲公田，其外八家，各受一區爲私田，形如井字，故稱井田。井，謂井田也。

偶聞僮僕夜語

張家玉

不達時情數蠢奴，猶思家業苦嗟吁；
此身已置存亡外，寧計田蕪與地蕪？

出師

張家玉

(一)
獨整王師陌上遊，村莊兒女盡凝眸。請看我亦何曾異？畢竟人間不剃頭！

【註釋】(一)〔剃頭〕清兵入關，強迫漢人去髮，違命者死，有「留髮不留頭」之語。

營中晚坐

張家玉

(二)
轅門坐冷夜悠悠，燐火低飛嘯鬼幽。萬里山河悲戰角，百年身世負虛舟。
羶腥我抱淪胥痛，冠履誰甘倒置羞？欲借朱雲(二)當日劍，奮來先斬佞臣頭！

【註釋】(一)〔虛舟〕《易經》中孚：『利涉大川，乘木舟虛也。』疏：『以忠信而濟難，若乘虛舟以涉川也。』(二)〔朱雲〕漢平陵人，字游，少輕俠，年四十，折節從師，受易論語，能傳其業。成帝時爲槐里令，上書願借上方劍，斬佞臣張禹，帝怒，欲斬之，御史將雲去，雲攀折殿檻呼曰：『臣得從龍逢比干游地下足矣！』帝赦之，命勿易檻，以旌直臣。

過荒村

張家玉

幾日經行白骨堆，蕭條窮巷哭聲哀。
亂離我亦亡家子，總爲君王冒死來！

感遇二首

張家玉

顛倒蒼蒼亦可憐，江山何地是安然？
宵行秣馬傳餐食，夜宿連營抱鼓眠。
雪骨寒梅真我瘦，冰心皓月爲誰圓？
從今一斗孤忠血，總化春山哭杜鵑。

奔走孤臣膽備嘗，死生誰復問蒼蒼！
獸蹄鳥跡交中國，霧慘煙荒滿戰場。
昔日人謀應有定，如今天命不平常。
江山無限淒涼淚，拭向西風灑夕陽。

述志

張家玉

赤悃曾披白日前，敢將愁諾負初年？
臣心一塊孤忠鐵，誓與新朝不共天！

傷我明所用不得人致有今日之禍三首

張家玉

徵兵轉餉日何窮？少府（一）金錢盡廢供。不見犁庭（二）殲勁敵，惟聞棄甲走元戎。摧殘禁苑煤山（三）火，零落朝儀建業（四）鐘。遙憶鼎湖兼雪窖，忠魂曾有幾從龍？（五）

北向天驕憤未平，無衣痛哭不成聲。據忠若個真披瀝？（六）報國何人死戰爭？漢室威儀他日望，商郊禾黍此時情。鑿兵幾厭民心苦，猶見經天太白橫。

防邊歲歲事專征，不見顛連九廟驚。古堞有城荒白下，（七）斜陽無語老燕京。單于夜嘯巡屯馬，上將壇空宿衛兵。惆悵行吟秋月白，不知今夕爲何明？

【註釋】（一）少府，秦官九卿之一，掌山海地澤之稅，以給供養，爲天子之私府。後漢掌宮中服御諸物衣服寶貨珍膳之屬。（二）犁庭，犁平其庭以爲田，喻滅國也。揚雄文：『固已犁其庭，掃其閭，郡縣而畫之。』（三）煤山，在北平神武門外宮

城之背，亦曰景山，明稱萬歲山，思宗殉國於此。（四）建業，明燕都既陷，福王由崧卽位南京，故云『零落朝儀建業鐘』也。

〔五〕〔從龍〕龍喻天子，此句謂無人從崇禎殉國也。〔六〕〔披瀝〕謂披肝瀝膽。司馬光歷詔論體要：「雖訪問所不及，猶將披肝瀝膽，以致其區區之忠。」〔七〕〔白下〕唐武德時改金陵爲白下，故今亦謂南京曰白下。

寓目愴懷

張家玉

三十無成荏苒過，眼前羞見舊山河。人民城郭皆非昔，怪得文山感慨多。

讀于忠愍（一）楊椒山（二）兩公行錄不覺拍案

張家玉

前有于兮後有楊，鬚眉男子兩堂堂！全忠自古難全孝，何況家亡與國亡！

【註釋】（一）于忠愍，即于謙，見前出處作者小傳。（二）楊椒山，即楊繼盛，見前開闢外城作者小傳。

秋宵月夜

張家玉

刁斗烽煙處處驚，長途來往盡游兵。那堪冷月寒砧夜，又聽西風北雁鳴。京國幾年金闕夢，鄉關何處白雲情。憤來接劍轅門坐，愁對旄頭斗外橫。

不寐

張家玉

蓬窗獨坐氣颼颼，擊楫誰鄰士雅（一）憂撒手已無兒女戀，回頭寧有室家謀？須知白水（二）仍興漢，未信西戎可繼周。惆悵胡塵思欲掃，幾回中夜舞吳鉤。

【註釋】（一）士雅，祖逖，晉 范陽人，字士雅，元帝時爲豫州刺史。渡江之際擊楫中流而誓曰：「祖逖不能清中原而復濟者，有如大江！」部兵與石勒相持，黃河以南盡爲晉土。卒之日，豫州士女，如喪父母。（二）白水，源出湖北 襄陽縣東六十里大阜山，西南流合昆水爲淩河。方輿紀要：「縣有光武舊宅，宅枕白水，張衡所謂龍飛白水也。」

早行河源

張家玉

落落南冠（一）且笑歌，肯將壯志竟蹉跎？丈夫不作尋常死，縱死常山舌不磨。

【註釋】（一）南冠，左傳：「晉侯觀於軍府，見鍾儀而問之曰：「南冠而縶者誰也？」有司對曰：「鄭人所獻楚囚也。」」

軍中夜感

張家玉

慘淡天昏與地荒，西風殘月冷沙場。裹尸馬革（一）英雄事，縱死終令汗竹

(二) 香。

【註釋】(一)(套尸馬革)陳馬援嘗曰：『男兒要當死於邊野，以馬革裹尸還。』(二)(汗竹)古時無紙，以火炙簡令汗，

取其香易書，復不蠹，謂之汗竹，亦曰汗香。汗竹，猶言簡策也。

舟中月夜

張家玉

渺渺長江水接天，帝京西望轉淒然！
金戈鐵馬無寧土，錦纜牙樯有戰船。
離亂烽煙叢此日，風流簫鼓換當年。
誰堪舊日長安月，多照平沙白骨連？

將發

張家玉

東泊西飄寄一身，頭顱空帶楚冠。
(一)塵。千秋獨有文夫子，
(二)同笑迎降賣國人。

【註釋】(一)(楚冠)卽南冠。(二)(文夫子)指文天祥，見前正氣歌作者小傳。

夜走博羅（一）

張家玉

舉目烽煙黯自傷，胡笳吹處似邊方。真同喪狗（二）生無賴，縱比流螢死有光。力盡張良虛博浪，（三）時窮許遠失睢陽。當存百煉堅金志，捲土重來未可量。

【註釋】（一）博羅，博羅縣，明清皆屬廣西惠州府。（二）喪狗，謂喪家狗，言無所歸也。家語：『彘彘若喪家之狗。』

（三）博浪，博浪沙在河南陽武縣東南，張良爲韓報仇，得力士，爲鐵錘，狙擊秦皇帝於博浪沙中，即此。

嘆交

張家玉

亦知寥落苦奔波，其奈冠裳掃地（一）何！一自首陽人去後，更誰重唱採薇

歌？

【註釋】（一）掃地，言漸滅無餘也。

兩行馬上縱目山川，愴然追念余祖九齡（一）公至宋世傑（二）公皆孤

忠表表凜然萬古

張家玉

處處洶洶苦戰征，炎方（三）烽火幾時平？
雨聲偏灑孤臣淚，風景空憐異代情。
國破匈奴千古恨，心懸明主一身輕。
唐朝宋室家聲在，肯使吾曹落後名？

【註釋】（一）九齡，張九齡，唐曲江人，字子壽，以進士累官左拾遺。玄宗生日，進千秋金縷錄，後爲相，極言得失，推引正人，諤諤有大臣節。旋爲李林甫所厄，罷相家居。卒後，天下稱爲曲江公而不名。（二）世傑，張世傑，宋范陽人，由小校累官至保康節度使，後封越國公。元軍南下，世傑朝夕力戰，厓山旣破，陸秀夫負帝昇樓，世傑復欲求趙氏後，別圖恢復，舟覆而死。（三）炎方，南方也。白居易詩：『每因毒暑悲親故，多在炎方瘴海中。』

途中

張家玉

雲淨天空朔氣寒，舉頭何處是長安？
（一）那堪幾點孤臣淚，灑向楓林帶血看！

【註釋】（一）長安，中國古代都長安最久，故以長安代稱京都。

感賦

劉原博

塞雁南飛又北旋，上皇音信轉茫然。
孤臣自恨無容地，逆虜誰能共戴天？

衍有時知石勒，(一)謝玄(二)何日破苻堅？京城四塞山河固，一望龍沙一涕漣。

【註釋】

(一)王衍有時知石勒，王衍，字夷甫，晉琅邪臨沂人，神情明秀，風姿詳雅，好清談，每捉玉柄麈尾，與手同色。歷官尚書令司空司徒。石勒入寇，衍都督諸軍距之，軍敗，見執，卒殺害。衍將死，願而言曰：「嗚呼！吾輩雖不如古人，向者不祖尚浮虛，戮力以匡天下，猶可不至今日！」石勒字世龍，上黨武鄉潞人也，其先匈奴別部羌渠之胄。年十四，隨邑人行販洛陽，倚嘯上東門，王衍見而異之，願謂左右曰：「向者胡雛，吾觀其聲視有奇志，恐將爲天下之患。」馳遣收之，勒已去矣。後果爲後趙帝。(二)謝玄，晉陽夏人，字幼度，少穎悟，及長，有經國才。苻堅入寇，叔父安舉玄鎮禦北方，以精銳八千破堅衆百萬於淝水，淝水爲之不流，加都督徐兗青同冀幽并七州軍事，封康樂縣公。

匡山弔古

陳獻章

忍奪中華與外夷，乾坤回首重堪悲！
鑄功奇石張弘範，(一)不是胡兒是漢兒。

【註釋】(一)張弘範，字仲疇，善馬槊，能爲詩歌。元世祖時爲都元帥，督兵侵宋，執文天祥於五坡嶺，破張世傑陸秀夫於崖山，因以亡宋。張弘範滅宋後，於崖山之奇石，鑄有「張弘範滅宋於此」七字。明陳白沙爲添加一字，成爲「宋張弘範滅宋於此」八字。

【作者小傳】陳獻章，明新會人，字公齋，中華人，薦授翰林檢討，不仕，門人稱白沙先生。有白沙樂九卷。

厓山大忠祠

陳獻章

天王舟楫(一)浮南海，大將旌旗仆北風。世亂英雄終死國，時來豎子(二)亦成功。身爲左衽皆劉豫，志復中原有謝公。(三)人衆勝天非一日，西湖雲掩岳王宮！

【註釋】(一)〔楫〕同楫。(二)〔豎子〕晉人語，謂卑賤之人也。《史記項羽本紀》：「亞父受玉斗置之地，拔劍撞而破之曰：『唉！豎子不足與謀，奪項王天下者，必沛公也！』」(三)〔謝公〕謂謝玄也。

厓山弔陸公(一)祠

陳獻章

傷心欲寫厓山事，惟看東流去不回。草木暗隨忠魄弔，江淮長爲節臣哀。精神貫日華夷見，氣脉凌霜天地開。耿耿聖旌何處？是英靈抱帝海濤隈。

【註釋】(一)〔陸公〕謂陸秀夫。

題趙吳興(二)調琴噉茗圖

劉孔和

匡山遺恨捲黃沙，彩筆王孫弗憶家。忍向卷中摹舊事，直須羞殺後庭花。

【註釋】(一)(趙吳興)趙孟頫，吳興人，本宋之宗室，降於元，善畫，爲畫家南宗。

【作者小傳】劉孔和，明人，字節之，工詩，個儻負奇氣，甲申歲，破家殺賊，後困於廣坐中，侮劉澤清，被害。

諸將

公 燾

上谷漁陽拱帝京，相連河外受降城。一從塞馬來南牧，遂使王師罷北征。絕
微尙傳青海箭，中原新動綠林兵。(一)主憂正值宵衣(二)日，誰向天邊答太平？

【註釋】(一)(綠林兵)西漢末，王莽篡漢，新市人王匡王鳳等起兵於綠林山中，號綠林。按綠林山在湖北當陽縣東北。

(二)宵衣，謂宵衣旰食，天未明而衣，日既暮而食，言天子勤於政事也。

【作者小傳】公燾，明蒙陰人，字孝與，萬曆進士，官至禮部右侍郎，諡文介。

衣帶贊（一）

李邦華

堂堂丈夫，聖賢爲徒，忠孝大節，視死靡渝。
（一）遭國不造，空負良謀。臨危授命，庶無愧吾！

【註釋】（一）崇禎甲申歲，三月十八日，外城破，作者宿文信國公祠，取白練誓此覓，遂自縊死。（二）（靡渝）不變也。

（三）（諷）諷也。（四）（授命）捐軀也。論語：『見危授命。』

【作者小傳】李邦華，明吉水人，字孟閣，萬曆進士，崇禎初，爲兵部侍郎，銳濟濟營，我政大整，尋罷職，謚忠文。

揚州參將李鐵臉歌

李沂

天下兵官誰最壯？眼中惟見李參將。
參將名將功不成，至今揚人爲惆悵。初至維揚（一）號令明，旌旗壁壘雄風生，連宵火砲教夜戰，自奮刀槊來奮營。私帑椎牛饗壯士，金錢射中誰敢爭？朝食（二）潢池（三）誓翦滅，五千紫塞堪橫行。承平旣久武備弛，海內瀕洞兵戈起。朝貴由來賤武臣，羣兇坐視憂天子。已聞關內

縱長鯨，更傳劍外奔封豕。(四)棘門灞上(五)皆兒童，蕭娘呂姥(六)尤龍鍾，日
驅市人潤鋒鏑，飛書奏捷乾清宮。神州大勢漸崩蕩，誰把赤心報君上？但呼鐵臉
人盡知，淮海之間稱保障。城東夜落星光紫，參將未死馬先死；參將既死人歎嗟，
明年廣陵(七)城上吹邊笳！

【註釋】(一)〔維揚〕即揚州。尚書禹貢：『淮海惟揚州。』惟一作維。(二)〔朝食〕左傳成公二年：『齊侯曰：「余姑翦滅此而朝食，不介馬而馳之。」』此指晉師，故今謂晉滅仇敵曰滅此朝食。(三)〔潢池〕漢書：『故使陛下赤子盜弄陛下之兵於潢池中耳。』言翠盜爲寇，無異幼兒私竊兵器，戲弄於池塘之畔也。故今謂盜曰潢池。(四)〔封豕〕大豕也。左傳定公四年：『吳爲封豕長蛇，以荐食上國。』喻吳之貪暴也。(五)〔棘門灞上〕漢書文帝紀：『六年冬，匈奴三萬騎入上郡，三萬騎入雲中，以……河內太守周亞夫爲將軍，次細柳，宗正劉禮爲將軍，次霸上，祝茲侯徐厲爲將軍，次棘門，以備胡。』按灞上亦作灞上。

(六)〔蕭娘呂姥〕南史臨川王宏傳：『帝詔宏妾魏宏聞總授近，畏懼不敢進。魏人遺以巾幘，歌曰：「不畏蕭娘與呂姥，但畏合肥有草虎。』」(七)〔廣陵〕郡名，本漢廣陵國，後漢改郡。隋改江都郡。故城在今江蘇江都縣東北。

【作者小傳】李沂，明興化人，字子化，一字文山，號靈庵，有靈齋堂集。

聞南都失守

左懋第

漠漠黃沙少雁過，片雲南下意如何？丹衷碧血難銷盡，蕩作寒烟總不磨！

【作者小傳】左懋第，開萊陽人，字籀石，福王時，懋第使清議和，被拘留於太醫院，公自題院門曰：『生爲大明忠臣，死爲大明忠魂。』洪承疇本明臣，降於清，說公降，公掩面哭曰：『洪督師早已在松山死節，先帝賜祭十六壇，今日那得復？汝焉能買爲大明忠臣？』洪大慚而退。後聞南都失守，痛哭嘔血，不欲生，遂賦此詩。清攝政王命羅髮，公曰：『頭可斷，髮不可斷，懋第血性男兒，事到今日，有死而已！』攝政王曰：『你不怕死，真是忠臣！但降亦不失富貴，不可自誤，今日若降，明日便得富貴。』公抗聲曰：『不必多言，寧爲大明忠臣！』遂遇害。

從軍行

吳易

已分沙場報國恩，身經百戰滿創痕。但教死去圖麟閣，不願生還入玉門！

【作者小傳】吳易，明吳江人，字日生，崇禎進士，福王時授兵部主事，監史可法軍，魯王監國，封長興伯，師敗被執，不屈，遇害。

滿江紅

吳易

斗大江山，經幾度興亡事業？警眼處，英雄成敗，底須重說？香水錦帆歌舞罷，虎邱鶴市精靈歇，尙翻來吳越舊春秋，傷心切！
伍胥恥，荆城雪，申胥恨，秦庭咽；

羞比肩種蠶，(二)一時人傑。花月烟橫西子黛，魚龍沫歎鷗夷。(二)血到而今，薪膽向誰論？衝冠髮！

【註釋】(一)(種蠶)文種范蠡也，皆越之謀臣。(二)(鷗夷)謂伍子胥，見王世貞《江紅註》(六)。

題七里廟壁

閻應元

露齒(一)白骨滿疆場，萬死孤忠未肯降。寄語行人休掩鼻，活人不及死人香！

【註釋】(一)(齒)音激，腐肉曰齒。

【作者小傳】閻應元，明順天通州人，字麗亭，爲江陰典史，以察海賊功遷英德主簿，道阻不赴，寓居江陰。清兵下江南，應元誓衆固守江陰凡八十日，城破死之。

秦吉了

張煌言

秦吉了，(一)生爲漢禽，死爲漢鳥，塞南塞北越禽飛，悵望故山令人老。(二)

鳴鳴華音，載飛飛華土，翻折翅垂，夷敢我侮？生當爲鳳友，死不作雁奴，我自名禽，不可辱，莫待燕婉生胡雛。鳶猶嚇，(三) 鶻徒惜，(四) 倉庚 (五) 空格磔，哀哉不能飛，起視來禽常嘆息！

【註釋】(一)〔秦吉了〕鳥名，狀如鸚鵡，全體色黑，兩眼後有黃肉冠，腳黃嘴赤，能効人言。(二)〔載〕語助詞。(三)〔鶻〕拒人之惡聲。莊子秋水：『鴟得腐鼠，鵙鷂過之，仰而視之曰：「嚇！」』(四)〔惜〕音借或實，鳥聲。(五)〔倉庚〕鳥名，即鶯。

(六)〔格格磔〕鳥鳴聲。李羣玉詩：『又聽鈎駟格格磔聲。』

【作者小傳】張煌言，明鄞人，字元著，號蒼水，崇禎舉人。明末南京之敗，煌言與同郡錢謙益等倡義奉魯王監國，以俞都御史監張名振軍，屢抗清師。舟山破，魯王入閩，依鄭成功，煌言勸成功取南京，自崇明入江，所向克捷。煌言先移師上游，已下皖二十餘城，成功自鎮江敗退，事遂不成。後魯王卒，煌言散兵隱居，旋爲清軍所獲，不屈死。有奇零草、水榭集、北征錄、探微河。

驚聞行在之變，正值虜廷速，余親屬痛念家國，何能已已。

張煌言

自分孤臣九死應，國仇家難轉相仍。(一)埋名恨不同梅尉，(二)誓旅知非擬駱丞。(三)芳草王孫歸莫望，蒼梧(四)帝子去無憑。挽戈此日將何待？仰視浮

雲一拊膺。

【註釋】（一）（相仍）仍，重也，因也，相仍，相繼而來之也。（二）（梅尉）謂梅福，福字子真，漢壽春人，元始中王莽專政，福一朝棄妻子去之九江，傳以爲仙。其後有見福於會稽者，變姓名爲吳市門卒云。（三）（駱丞）謂駱賓王，賓王唐議烏人，武后時數上書言事，除臨海丞，棄官去，李敬業起兵，署爲府屬，爲敬業草檄傳天下，痛斥武后之罪，后見之歎曰：『有如此才，坐使流落不遇，宰相之過也。』敬業敗，亡命不知所之，或云被誅。有駱丞集。（四）（蒼梧）蒼梧山亦曰九疑山，在今湖南寧遠縣。史記五帝紀：『舜崩于蒼梧。』

北還入浙偶成

張煌言

南浮北泛幾經春，死別生還總此身。湖海尙留奔鬪客，（一）山川應識報韓人？（二）國從去後占興廢，家近歸時問假真。一寸丹心三尺劍，更無餘物答君親！

【註釋】（一）（奔鬪客）夏時有磨之君，不修民事，爲其變臣寒濕所殺，齊臣陳奔有鬪氏，後陳滅寒濕而立少康。（二）（報韓人）謂張良，見前文天祥江氣歌註十四。

師入甯國時徽郡來降留都尙未克服

張煌言

千騎東方出上游，天聲今喜到宣州。威儀今日驚司隸，（一）勳業何人愧徽

侯？(二) 舊闕烽烟須早靖，新都版籍(三) 已全收。遺民莫道來蘇好，猶恐瘡痍未可瘳。

【註釋】(一) (司徒)官名，掌帥領罪徒俘虜以給勞役。(二) (徵侯) 秦漢古五等爵，惟留侯爵，以賞功勞。在第二十級，爲爵之最高者，稱曰徵侯。徵，通也，言其爵位上通於天子也。漢因之，金印紫綬。後避武帝諱，改曰通侯。(三) (版籍) 卽戶口冊。

憶西湖

張煌言

夢裏相逢西子湖，誰知夢裏却模糊！高墳武穆(一) 連忠肅(二) 添得新祠一座無？

【註釋】(一) (武穆) 謂岳飛，諡武穆。西子湖上有岳王墳。(二) (忠肅) 謂于謙，諡忠肅。西子湖上有于墳。

卽事

張煌言

十載冰霜誓枕戈，豈應岐路轉風波？和戎魏絳(一) 終當謬，結客燕丹(二) 恐亦訛。剖竹(三) 已非秦郡縣，分茅(四) 可是漢山河？孤臣獨有干將(五) 在，紫

氣(六)青旻(七)自不磨。

【註釋】(一)〔魏絳〕春秋晉大夫，晉悼公時言和戎五利，晉侯乃使盟諸戎。晉無戎患，得專力諸夏，因以復霸。(二)〔燕丹〕戰國時燕王噲之太子丹也。(三)〔剖竹〕猶言剖符，漢書：「剖符封功臣。」謂封土也。(四)〔分茅〕謂分頒茅土也。尚書：「王者封五色土爲社，建諸侯，則各割其方色土與之，使立社，繫以黃土，苴以白茅。茅取其潔，黃取王者覆四方。」繫，覆也。苴，包裏也。(五)〔干將〕寶劍名。(六)〔紫氣〕寶劍之氣。晉書張華傳：「斗牛之間，常有紫氣，豫章雷煥曰：『寶劍之氣，上徹於天。』」(七)〔旻〕文也。爾雅：「秋爲旻天。」疏：「秋萬物成熟，皆有文章，故曰旻天。」

十年戎馬(一)

張煌言

相業侯封非我望，伯圖(二)王命向誰論？可憐節在旄全落，(三)獨恨交亡劍尚存。上客攝衣空有缺，(四)孤軍裹甲已無禕。也知戈朽難回日，誓死何妨絕影奔？

【註釋】(一)〔十年戎馬〕原題爲：『張書紳與范子瞻論余十年戎馬，勞苦孤危，有詩見贈，讀之悵然，因成二首。』此其一也。(二)〔伯圖〕霸者之成功也。伯同霸。晉書：『有晉肇茲王業，光啓伯圖。』(三)〔節在旄全落〕漢書蘇武傳：『匈奴令試牧羊，試杖漢節，臥起操持，節旄盡落。』節，符節也。古使臣執以示信之物。(四)〔上客攝衣空有缺〕孟嘗君客馮驩，彈劍而歌曰：

『長袂歸來乎，食無魚。』飲，劍也。

甲辰八月辭故里二首

張煌言

義幟縱橫十二年，豈知閨位（一）在于闐！（二）桐江（三）空繫嚴光釣，震澤（四）難回范蠡船。生比鴻毛猶負國，死留碧血欲支天。忠貞自是孤臣事，敢望千秋信史傳？

國亡家破欲何之？西子湖頭有我師。（五）日月雙懸于氏墓，乾坤半壁岳家祠。慚將素手分三席，敢謂丹心借一支。他日素車東浙路，怒濤豈必屬鴟夷？（六）

【註釋】（一）〔閨位〕漢書王莽傳：『紫色繩聲，餘分閨位。』言莽雖即帝位，而非正統，如十二月中之閏月也。（二）〔于闐〕漢西域國名，在蔥嶺之北。今新疆之和闐城也。（三）〔桐江〕浙江在桐廬縣境，合桐溪曰桐江。漢嚴光（字子陵，餘姚人）與光武同游學，及帝即位，除諫議大夫，不就，即隱居於桐江上，躬耕垂釣，以卒天年。後人名其釣處曰嚴陵灘，今桐江上尚有嚴子陵釣臺遺跡。（四）〔震澤〕尚書禹貢：『震澤底定。』震澤即今太湖也。史記貨殖列傳注：『國語云：『句踐滅吳，及至五湖，范蠡辭於王曰：『君王勉之，臣不復入國矣。』遂乘輕舟，以入於五湖，莫知其所終極。』五湖即太湖也。（五）〔西子湖頭有我師〕

四湖上有岳飛墓于謙墓。(六)(騎夷)伍子胥既自剄，吳王以騎夷革盛其尸，浮之江中。

輓安洋將軍劉胤之

張煌言

羽聲落日泣兵殘，斗大孤城獨據難。
虎體拚隨朝露盡，龍精空向暮雲寒。
數奇(一)偏少封侯骨，力竭惟餘報主肝。
歲歲芳洲腥草綠，飛燐猶繞舊登壇。

【註釋】(一)(數奇)謂運數乖舛而不相合也。史記：「李廣老數奇。」

復趙督臺二首

張煌言

不堪百折弔孤臣，四顧蒼茫九死身。
誰挽龍髯(一)空問鼎，姑留螳臂強當輪。
(二)謀同曹社(三)非無鬼，哭罷秦庭(四)那有人？
敢是天方從閭位，黃雲白草未生春？

擲掄一旅(五)尙圖存，吞炭(六)吞氈(七)可共論。
敢望臣靡與(八)夏祀(九)也
祇憑帝眷答商孫，衣冠猶帶雲霞色。
旌旆長懸日月辰，贏得孤軍同碩果，(九)也

留正氣在乾坤！

【註釋】(一)龍髯見前文天祥金陵驛註(五)。(二)螳臂當輪喻氣雄而力薄，於事無濟也。莊子：『女不知夫螳螂乎？怒其臂以當車轍，不知其不勝任也。』(三)曹社曹國名，周文王子曹叔振鐸封於曹，社稷國代之代稱。曹國有人夢衆君子立於社宮而謀亡曹，曹叔振鐸請待至公孫瓚時，許之。及曹伯陽即位，好田弋，(田獵也；弋，射鳥)曹鄙人公孫瓚好弋，得龍使爲司城以聽政，瓚言竊說於曹伯，曹伯從之，乃背晉，宋人伐之，曹人不救，卒爲宋所滅。(四)哭秦庭指申包胥哭秦庭，乞師援楚事。(五)一旅左傳哀公元年：『有田一成，有衆一旅。』法：『方十里爲成，五百人爲旅。』(六)吞炭謂豫讓，見前文天祥張元帥謂子……註(二)。(七)吞鮮謂蘇武，見前文天祥紀事註(八)。(八)臣靡與夏祀見前北遷入浙偶成『奔南客』注。(九)碩果易經剝卦：『上九，碩果不食。』言自初至五，全爲陰爻，陽幾剝盡，獨此上九一爻，孤懸於上，如果木然，僅存一碩大之果，孤懸樹杪，而未破剝蝕也。後因謂物之僅存者曰碩果。

虜廷以余倡義屢復名城遂逮及族屬且開告密之門波及親朋榜掠備

至聞之泫然

張煌言

六、(一) 宗國旣飄搖，家門遂顛覆，感此多難心，欲泣不成哭。我生遭數奇，乾坤方百
(二) 楔瑜，(三) 滿中原，赤靈社已屋。(三) 逋臣骨可糜，豈敢惜孥戮？所悲諸父

行，斑白（四）櫻三木（五）女兒共所天（六）株連（七）遭桎梏，幸或作流人（八）
否恐登鬼錄（九）稚子竟何辜？十載尚淹獄！此離（一〇）有寡妻，墨幃兼緇幃。國亡
家亦亡，我固甘澁（一一）族！邇聞告密風，舊遊復被錄，白虹慘欲垂，黃金貪莫贖。天
地豈不寬，誰念忠義屬？惟應千秋名，芬芳追王蠋（一二）涕淚慰親朋，安知此非福？

【註釋】（一）（百六）古稱百六陽九爲厄會，謂困厄之時也。見前文天祥正氣歌註（三一）。（二）（潔綸）音札余，歌名。綸亦作綸翁。（三）（社已屋）社謂土地神廟，社已成爲住屋，言國家之衰亡也。（四）（斑白）老人頭髮半黑白也。禮記王制：『斑白不提挈。』（五）（三木）古刑具，以桎頸及手足者。卽謂枷（桎頸）及桎（桎足）梏（桎手）也。（六）（所天）謂夫也。蔡邕賦：『當春之嘉月，將言歸於所天。』（七）（株連）謂以一人之罪而牽及多人，猶伐木者之根株相連也。（八）（流人）謂流亡之人也。後漢書賈逵傳：『累遷庶相，以德教化，百姓稱之，流人歸者八九千戶。』（九）（鬼錄）猶言死籍也。魏文帝書：『昔年疾疫，親故多罹其災，觀其姓名，已爲鬼錄。』（一〇）（低離）離別之意。詩經王風中谷有蕓：『有女化離，嘸其嗟矣。』傳：『化，別也。』（一一）（澁）與沉同。（一二）（王蠋）戰國齊畫邑人。燕初破齊，樂毅聞蠋賢，令軍環畫邑三十里無入，備禮請蠋。蠋謝不往，燕人劫之，遂自經死。

翁洲行

張煌言

自從錢塘怒濤竭，會稽之棲多鍛翮，（一）甬東百戶古翁洲，（二）居然天塹

(三) 高碣石。(四) 青雀黃龍。(五) 似列屏，蛟螭不敢波間鳴。虎韞。(六) 爭如秦婦女。(七) 魚旄半是漢公卿。五六年間風雲變，帝子南巡開宮殿。由來澤國仗樓船，烏鬼魚人。(八) 都不賤。堂闕穴門幾經秋，胡來飲馬滄海流。共言滄海難飛越，况乃北馬非南舟？東風亦與胡兒便，一夜輕帆落奔電。南軍鼓死將軍擒，從此兩軍罷水戰。孤城聞警早登陴，萬騎壓城城欲夷。(九) 砲聲如雷矢如雨，城頭甲士皆瘡痍。雲梯百道凌霄起，四顧援師無螻蟻。裏瘡奮呼外宅兒，(一〇) 誓師痛哭良家子。(一一) 斯時帝子在行間，吳淞渡口凱歌還。誰知勝敗無常勢，明朝聞已破巖關！(一二) 又聞巷戰戈旂倒，闔城草草塗肝腦。忠臣盡葬伯夷山，(一三) 義士悉劉田橫島。(一四) 亦有人自重圍來，向余細語令人哀。椒塗。(一五) 玉葉。(一六) 填督井。(一七) 甲第珠璣。(一八) 掩劫灰。(一九) 而今人民已非况，城郭鬻骸跳號甯復肉？土花。(二〇) 新蝕遺鏃黃，石苔早綉缺牆綠。嗚呼！問誰橫驅鐵兩檔，(二一) 翻令漢土剪龍荒？(二二) 安得一劍掃天狼，重酌椒漿。(二三) 慰國殤！

【註釋】(一)〔鍛翮〕猶言鍛羽，謂鳥羽毛脫落，不能高飛也。亦以喻人之失志者。顏延之詩：『鍛翮有時隳。』鍛音殺，殘也。

(二)〔翁洲〕亦曰翁山，今亦謂之滄河，在浙江定海縣東三十里。(三)〔天塹〕天然之塹坑，言其險也。隋伐陳，孔範曰：『長江天塹，古以爲限，虜軍豈能飛渡？』見南史。(四)〔礪石〕山名。尚書禹貢：『夾右礪石。』孔定國書傳但云海畔山，未詳在何郡縣。後言礪石所在者不一，然均無確據。(五)〔青雀黃龍〕戰艦名。(六)〔虎視〕輶音暢，弓室也；虎視，以虎皮爲弓室也。詩經秦風小戎：『蒙伐有苑，虎視鐘虡。』(七)〔秦婦人〕小戎美秦詩公之詩。小戎傳云：『西戎者，秦之臣子所與不共戴天之讎也。襄公上承天子之命，率其國人往而征之，故其從役者之家，先誇車甲之盛，而後及其私愴，蓋以義興師，則雖婦人亦知勇於赴敵，而無所怨矣。』(八)〔烏鬼魚人〕烏鬼，鷓鴣，別名；烏鬼魚人，謂蕃泗沐者。(九)〔夷〕平也。(一〇)〔外宅兒〕唐魏博節度使田承嗣募軍中武勇千倍者三千人，厚其廩給，常令三百人夜直州守以自固，號外宅兒。(一一)〔良家子〕漢書：『漢興，六郡良家子，選給羽林期門，以材力爲官，名將多出焉。』按六郡謂隴、西、天水、安定、北地、上郡、西河。(一二)〔殷關〕在安徽涇縣東三十里，山巖峻峭，形勢險要，爲自燕入徽孔道。(一三)〔伯夷山〕伯夷，叔齊，義不食周粟，餓死於首陽山。(一四)〔田橫島〕韓信既降齊王廣，廣自立爲王，高帝立，橫與其徒屬五百餘人入海居島中，高帝使人召之，橫與二客乘傳詣淮陽，未至三十里，至戶，鄉，廣置橫以不願爲亡虜而北面事漢，且恥與酈生之弟酈商並肩而仕，遂自剄。其客奉其頭高帝，高帝歎其賢，爲之流涕，以王者禮葬之。島中五百餘人，聞橫死，皆自殺。見史記田橫傳。(一五)〔椒塗〕猶言椒房。漢殿有椒房，在未央宮，皇后所居。爾雅：『椒實多而香，漢世皇后稱椒房，取其實蕃延盈升，以椒塗屋亦取其溫暖。』(一六)〔玉葉〕謂玉葉冠，李肇玉葉冠詩：『高情帝女蕊，鸞，紺髮初簪玉葉冠。』自注：『玉葉，公主，玉葉，冠，時人其計其價。』(一七)〔晉井〕廢井也。(一八)〔蠶〕音蠶，耳飾也。

(一九)〔劫灰〕高僧傳：『昔漢武穿昆明池，底得黑灰，問東方朔，朔曰：『可問西域梵人。』後竺法蘭至，衆人問之，蘭曰：『世界終盡，劫灰洞燒，此灰是也。』』李賀詩：『劫灰飛盡古今平。』(二〇)〔土花〕凡器物埋藏地下，爲泥土剝蝕蠶變之痕跡也。梅堯臣詩：『古漢鑿鐵刀，出冢土花深。』(二一)〔襦襟〕猶今之背心，其一當胸，其一當背，亦作兩堂。(二二)〔龍荒〕漢書匈奴傳：

『龍荒秦朔，莫不來遊。』龍謂匈奴，秦天龍城，荒謂荒服也。(三)『椒漿』以椒置漿中，獻神以示敬也。楚辭：『瑱桂酒兮椒漿。』漿酒也。

庚子元旦駐師林門

張煌言

中華正朔古相傳，永曆(一)于今十四年。玉几(二)南荒新日月，金戈北道舊山川。春來水逐桃花漲，老去人憎柏葉先。猶幸此身仍健在，擬隨斗柄(三)獨迴天。

【註釋】(一)〔永曆〕明最後之帝桂王由榔年號。王於清順治三年十一月即位於肇慶，康熙元年四月被害於雲南。
(二)〔玉几〕荷禮顯命：『王乃桃頰水，相禮冕服，恩玉几。』又：『皇后恩玉几，道揚未命，命汝嗣訓。』蓋言成王將崩，授遺訓也。
(三)〔隨斗柄〕斗謂北斗星，言隨斗柄所指，喻奉君也。

滿江紅

張煌言

蕭瑟風雲，埋沒盡英雄本色。最髮指駝酥羊酪，故宮舊闕。(一)青山未築祁連冢，(二)滄海猶銜精衛石，(三)又誰知鐵馬也郎當，瑠弓折！誰討賊？顏卿傲，(四)

誰抗虜？蘇卿節，(五)拚三台墜紫，(六)九京藏碧，(七)燕語呢喃新舊雨，雁聲嘹
唳興亡月。怕他年西臺慟哭，(八)人淚成血。

【註釋】(一)〔駝酥羊酪，故宮舊闕〕胡人以駝酥羊酪爲食，二句言閉室之故宮舊闕已爲滿清所佔據。(二)〔祁連

冢〕王昭君墓在今綏遠歸化城南三十里，墓草皆白，此冢獨青，因名青冢。綏遠山脈，卽祁連山脈也。(三)〔精衛石〕精衛，海邊

小鳥，似鳥，文首，白喙，赤足。古稱炎帝女溺死，化爲精衛，常銜西山木石，以填東海，故凡人之有深恨者，嘗以精衛填海爲喻。(四)

〔顏卿〕卽顏真卿，字潛臣，唐臨沂人，玄宗時爲平原太守，安祿山反，獨倡義傳檄討之。(五)〔蘇卿〕卽蘇武。(六)〔三臺墜紫〕

漢以尙書、御史、謁者爲三臺。紫，血也，血紫色，故云。(七)〔九京藏碧〕九京，卽九原。碧，血也。萋弘死後血化爲碧，參看汪元量浮

丘道人招魂歌註(八)。(八)〔西臺慟哭〕宋謝翱聞文天祥死，卽挾酒登嚴子陵臺，設天祥主，跪拜慟哭，作西臺慟哭記。

柳梢青

張煌言

錦樣江山，何人壞了雨幃烟。巒？故苑鶯花，舊家燕子，一例闌珊！此身付與
天頑，休更問秦關漢關。白髮鏡中，青萍(一)匣裏，和淚相看！

【註釋】(一)〔青萍〕古寶劍名。

長相思 秋

張煌言

秋山青，秋水明，午夢驚秋醒未醒？[？]乾坤一草亭。
故國盟，故園情，夜闌斜月透疏櫺，孤鴻三兩聲。

被執過故里

張煌言

蘇卿仗漢節，十九歲華遷；^{（一）}管寧^{（二）}客遼東，亦閱十九年；還朝千古事，歸國一身全。余獨生不辰，家國兩荒烟，飄零近廿載，仰止愧前賢。豈意避秦人，^{（三）}翻作楚囚憐！蒙頭來故里，城郭尚依然，彷彿丁令威，^{（四）}魂歸華表巔。有覩此面目，難爲父老言。知者哀我辱，愚者笑我頑，或有真達士，謂此勝錦旋。^{（五）}人生七尺軀，百歲寧復延？所貴一寸丹，^{（六）}可喻金石堅！求仁而得仁，^{（七）}抑又何怨焉？

【註釋】（一）管寧，三國末人，字幼安，隱居遼東，三十七年始歸。（二）避秦人，陶潛桃花源記：『自

云先世避秦時亂，率妻子邑人，來此絕境，不復出焉。遂與外人間隔。」（三）（丁令威）漢遼東人，獲神後記：「丁令威學道於靈山，後化鶴歸隱，樂華表柱云：『有鳥有鳥丁令威，去家千年今始歸。城郭如故人民非，何不學仙擗纍纍。』」（四）（錦旌）猶言衣錦還鄉，謂功成榮歸也。（五）（一寸丹）謂赤心，忠誠之心也。（六）（求仁而得仁）論語述而：「伯夷叔齊何人也？」曰：「古之賢人也。」曰：「怨乎？」曰：「求仁而得仁，又何怨？」


追往三首

張煌言

棄儒猶及到燕關，慘淡風雲十載還。狼鬣自從當日舞，龍髯那得幾人攀？漢陵弓劍存亡後，晉室衣冠興廢間。轉眼書生成故老，慚無媧石（一）補江山！

六朝遺迹雨花臺，（二）舊識先皇草昧開。南渡尙留龍種在，東遷只避犬戎來。却悲羯鼓（三）荒原動，不見羊車（四）複道（五）迴。國破何人猶抱膝（六）當年應有管蕭（七）才。

長驅胡騎幾曾經？草木江南盡帶腥！肝腦總因塗舊闕，須眉（八）誰憶漢旌亭？椎飛博浪沙皆起，弩注錢唐潮亦停。（九）回首山河空血戰，只留風雨



(10)

【註釋】(一)(媧石)上古之帝有女媧氏，爲伏羲同母女弟，嘗鍊五色石以補天。見史記及淮南子。(二)(雨花臺)在南京城南，據岡阜最高處，遠瞰大江，俯臨城市，爲金陵扼要之地。(三)(羯鼓)樂器，本龜茲高昌疏勒天竺之樂，狀如漆桶，下承以牙牀，用兩杖擊之。玄宗素達音律，尤善於此，稱之爲八音領袖。(四)(羊車)以羊駕車也。晉書：「武帝披庭，並寵著裘，莫知所適，乘羊車恣其所之。宮人乃取竹葉插戶，鹽汁灑地，以引帝車；蓋竹葉鹽汁，皆爲羊所喜食也。」(五)(複道)樓閣通行之道也，上下有道，故謂之複道。史記：「從複道望見諸將，往往相與坐沙中語。」(六)(抱膝)三國志：諸葛亮傳注：「亮每晨夕從容抱膝長嘯。」劉琨扶風歌：「慷慨窮林中，抱膝獨摧頹。」(七)(管籥)管謂管仲，肅謂肅何，皆良相。(八)(須眉)男子之通稱。(九)(管注錢唐潮亦停)吳越王錢鏐築捍海塘，怒潮急湍，版築不就，鏐乃造竹箭三千隻，羽葆備具，於嶽雪樓命水犀軍架強弩五百以射潮，潮頭東趨西陵，遂定其基。(一〇)(管萍)名劍也。陳琳文：「君侯體高俗之材，乘青萍于將之器。」

絕命詩

張煌言

我年四十五，偏逢九月七，大廈已不支，成仁萬事畢！

絕命辭

黃道周

綱常萬古，節義千秋。天地知我，家人無憂！

【作者小傳】黃道周，明漳浦人，字幼玄，一字麟周。崇禎初官右中允，福王時官吏部尚書，南都覆，唐王以爲武英殿大學士，命率師至安慶婺源，兵敗被執，不屈死。赴義時裂襟指血書此辭。

絕命詞

王玉藻

半生辛苦泣孤臣，賸得乾乾淨淨身。四大旣崩神失散，這篇草稿付誰人？

【作者小傳】王玉藻，明人，字質夫，崇禎進士，甲申國變，哀號欲死，南都陷，投水，爲家人救免，遂隱居不出。一夕，忽作此詞而逝。

絕命辭

陳潛夫

父兮生我，申以嚴誨，惟孝惟友，惟忠惟義。丙子鄉舉，顧名自勵，名曰孝廉，當求無愧。致身之期，歲在癸未，司理（一）開封，星言視事，以身許君，有死無二。是時兩河賊氛如蝟，衆人迴車，予獨攬轡。賊出河朔，羣工奔避，予乃渡河，擊楫而濟，誓清河南，以報先帝。手披荆棘，身禦魑魅，獨張空拳，（二）以當賊騎，知有封疆，九死

何畏？二十州邑，終復舊地。維時先帝，鑒予忠瘁，授以職方。(三)繡衣北泄，惜也諸奸，互相牽制，中樞信讒，嫉予不媚。聯終要圖，置之罔遂，三月撤歸，可爲隕涕。(四)哀哀先人，一時捐棄，甘旨(五)莫承，遺書淪廢，哀我方盈，奸怒轉熾，赫赫金吾，(六)逮予邸第，圍牆幽憂，寇氛猝至，匍匐歸來，挈家奔避，航海飄零，請兵於會。(七)召募丁男，三百而已，衣甲糗糧，皆予自備。血戰江干，二百餘次，糧寡兵微，於事何裨？疾痛呼號，徒然憤恚，丙戌五月，公侯師潰，區區孤軍，其何能濟？事不可爲，偷生何貴？拜別父母，以及諸弟，挈吾妻妾，從彭咸。(八)逝，成仁取義，千古如是。

【註釋】(一)〔司理〕官名。五代以來，諸州皆有馬步獄，以牙校掌刑法，謂之馬步院。宋太祖始置諸州司寇參軍，以進士及選人爲之。後改爲司理參軍，掌獄訟勸諭之事，不兼他職，省稱司理。

(二)〔卷〕音團，連聲也。漢書司馬遷傳：「張廷卷，冒白刃。」

(三)〔職方〕官名。周禮夏官有職方氏，掌天下之地圖，主四方之職貢，陸兵部之屬，有職方郎中，明清爲職方清吏司。

(四)〔隕涕〕墮淚也。

(五)〔甘旨〕味之美者。人子當奉父母以甘旨。

(六)〔金吾〕謂執金吾，官名，掌徵衛京師。

(七)〔會〕會稽，卽今紹興。

(八)〔彭咸〕殷賢臣，諫其君不聽，投水死。見離騷注。

【作者小傳】陳潛夫，明錢塘人，字玄倩，崇禎舉人，廣交游，好爲豪舉。授開封推官，募兵起義，福王擢爲監察御史，巡按河南，尋入朝，陳中興之策，忤馬士英，下獄。後歸魯王於紹興，加大僕少卿，募兵列營江上，師潰，走山陰，率妻妾投水死。

乙酉（一）元夕婁城（二）盛張燈火有感而賦

陸世儀

塞北旌旗亂，江南采色多。數天（三）猶有淚，薄海（四）但聞歌。遊女飛金爵，王孫曳玉珂。（五）太平誠足樂，九世奈仇何！

【註釋】（一）（乙酉）爲清世祖順治二年，上一年甲申三月崇禎帝殉國，十月清入關稱帝，後南侵陷南京，執福王，即乙酉年也。（二）婁城，懷縣，梁廢，故城在今江蘇崑山縣東北。民國以之并入華亭，又改華亭爲松江縣。（三）數天，同普天，備天下也。（四）薄海，溥也，溥海，猶言四海。（五）玉珂，馬具，以貝爲之，色白如玉，故名，張華詩：『乘馬鳴玉珂。』

【作者小傳】陸世儀字道威，明太倉人，諸生，嘗從劉宗周學，博洽無所不通。明亡，拓地十畝，築亭其中，自號曰樾亭。有樾亭全集等書。

聞警

王穉登

交河十月水滂滂，虜騎秋高過黑山。六郡平時元近塞，一夫誰箇可當關？雲中太守須重起，日逐賢王（一）未肯還。空抱平湖二三策，書生無計謁龍顏。

【註釋】（一）日逐賢王，匈奴封號。漢書：『日逐王者，賤子左賢王。』日逐王管領匈奴西邊四城諸國。

【作者小傳】王穉登，明長洲人，字百穀，國子監生。

西竄出都

艾穆

病向西風一促裝，寥寥征雁塞雲長。流沙萬里原非遠，去國孤蹤信若狂。楚客（一）江魚身可葬，漢臣（二）馬革骨猶香。青山到處皆吾土，豈必天南是故鄉？

【註釋】（一）楚客，指陸愛國詩人屈原，自沉汨羅死。（二）漢臣，指馬援。

【作者小傳】艾穆，明平江人，字和父，以鄉奉累遷刑部員外郎。

絕命詩

夏允彝

少受父訓，長荷國恩，以身殉國，無愧忠貞。南都繼沒，猶望中興，中興望杳，安忍長存？卓哉吾友，虞求廣成，勿叅繩如，懋人蘊生，願言從之，握手九京。人誰無死？不泯者心，修身俟命，敬勵後人。

【作者小傳】夏允彝，明華亭人，字彝仲，甲申國變後，謀復興明室，及南都陷，欲有所為，而同志相繼死節，遂自沉溇死。

塞下曲

黃淳耀

黃雲如岸壓孤城，邊騎千羣夜紮營。衣帶自書「忠盡」(一)字，健兒雖死
貴留名。

【註釋】(一)「盡」音盡。詩經大雅文王：「王之蓋臣。」傳：「蓋，進也；言其忠愛之篤，進進無已也。」

【作者小傳】黃淳耀，明嘉定人，字蘊生，號陶菴，崇禎進士。京師陷，潛兵南下，淳耀偕侯峒曾于嘉定招練民兵，固守城垣，
年南都陷，嘉定亦破，偕弟耀淵縊於西城賃舍。有陶菴集、知過錄等書。

甲申除夕感懷二首

侯峒曾

此夜真除異往年，曆頭簡盡淚如泉。漢家伏臘(一)看遺俗，晉代衣冠語後
賢。紫極(二)問誰扶日月，新亭(三)應共望幽燕。非關守歲通宵坐，莫頌椒花(四)
媚遠天。

身世孤危實萬端，依然卒歲夜將殘。豺狼在邑元關數，鴻鵠承煙別有翰。華

粵(五)自歌門子(六)粲(七)澗槃(八)還擬碩人寬。忽思國步餘腸熱，不撥紅爐亦不寒。

【註釋】(一)伏臘。伏日在夏，臘日在冬。秦漢時令節。(二)紫極。以紫微垣喻帝王宮殿也。(三)國志郭后傳注。龍飛

紫極，作合聖皇。(四)新亭。在南京城南。晉書王導傳。過江人士，每至暇日，相要出新亭飲宴，周顒中坐而歎曰：「風景不

殊，舉目有江山之異！」皆相視流涕。蓋悲晉室之南遷也。(四)椒花頌。晉書。劉琨妻陳氏，正日獻椒花頌。(五)華

粵。唐玄宗於宮西南置樓，畧曰「華粵相映之樓」。帝時時登之，聞諸王作樂，必亟召升樓。(六)門子。古卿大夫嫡子之稱，

將代父當門，故云。周禮小宗伯。掌三族之別，以辨親疏，其正室者謂之門子，掌其政令。(七)粲。謂粲粲，鮮盛貌。詩經小雅

大東。西人之子，粲粲衣服。東晉詩。粲粲門子。(八)澗槃。詩經衛風考槃。考槃在澗，碩人之寬。獨寐寤言，永矢弗

諼。按考槃，刺莊公也，不能繼先公之業，使賢者退而窮處。

【作者小傳】侯剛，字嘉定，人字豫勝，北都陷後，以國事為痛，隱於鄉里，清兵渡江，公率二子並鄉勇堅守嘉定，初屢屢捷，

後敵醫至，乞援無應，城遂陷。公曰：「吾頭可斷，吾節終不移。」率二子自澗池中，入水未絕，敵騎至，鉤得之，倚喘息，遂遇害焉。

塞下曲

許景樊

都護(一)防秋掛鐵衣，城南初解十重圍。金戈深盡單于血，白馬天山踏雪

歸。

【註釋】（一）（大都護）官名，漢置西域都護，晉護諸國，唐置六大都護府，統轄邊遠諸國。

【作者小傳】許景樊，字蘭雪，明人，七歲作廣寒宮上梁文，長適進士金成立，成立後殉國難。

出塞

方維儀

辭家萬里戍，關路隔風煙。賦重無遺餉，邊荒不種田。小兵知有死，貪吏尙求錢。倚賴君王福，何時唱凱還？

【作者小傳】方維儀，明桐城人，大理卿大鎮之女，適餘姚孫榮。

宮娥被擄

易水張氏

清華春冷賜袍新，浴罷溫泉豔太真。（一）甘媚胡兒歡羯鼓，竟忘身是帝宮人。

稽首花神淚兩行，溪紗相繫定何方？從茲乞得分形照，應是胡奴勝李郎？

(11)

【註釋】(一)太真，即楊貴妃，名玉環，唐玄宗寵之，後與胡人安祿山通。(二)李耶，謂唐玄宗。

故宮燕

邢昉

君不見，故宮燕，春雨秋風幾回換？
宮中風雨長蓬蒿，飛入宮牀繞虛殿。
穿簾度閣羽差池，(一)盡日呢喃人未知。
柳下乍銜千點絮，花間仍拂萬年枝。
玉階寂寞罽毼(二)冷，畫棟回翔春燕影。
歲歲營巢竟不成，春來秋去誰曾省？
可憐此度秋風早，整頓毛衣猶自好，徘徊欲別未央宮，
萬戶千門忽如掃。鐘簾(三)何年去洛陽？
仙人辭漢淚成行。最苦西飛雙燕子，
重來不見舊宮牆！

【註釋】(一)差池，不齊之貌。詩經邶風燕燕：『燕燕于飛，差池其羽。』(二)罽毼，音浮思。雅錄：『罽毼，織木爲之。其中疏通，可以透明，或爲方孔，或爲連鎖，其狀扶疎，故曰罽毼。』猶今庭院間所設之網目屏障，以竹木板片交錯爲之者。(三)

(簾)音巨，與虞同，懸鐘磬之架也。

【作者小傳】邢昉，明人字孟貞，高淳縣學生。

崖門（一）

張鳴韶

西崖波浪撼乾坤，龍戰曾看擁至尊。一日未亡猶正統，普天何處不中原？殘營尙帶孤棲恨，瀕海難銷故國魂。夷夏升沉還此地，萬山愁黛向黃昏。

【註釋】（一）崖門，崖門山即崖山，在廣東新會縣南大海中。宋史張世傑傳：「張世傑以崖州爲天險，可扼以自固，乃奉帝移駐於此。元將張弘範來攻，宋軍潰，陸秀夫負帝昇沉於海，宋遂亡。」

崖門弔古

梁有譽

誰悟當年讖已真，汴杭（一）回首總成塵。憤無句踐三千士，死恨田橫五百人。（二）海上乾坤春夢短，崖前風雨國仇新。貞魂若作啼鶻去，萬嶺峯頭哭萬巡。

【註釋】（一）汴杭，宋本都汴，南渡後都杭。（二）田橫五百人，見前張煌言霧洲行註（十四）。

絕命辭二首

戴重

逢人漫說宋文山，樓上三年坐臥難。我一布衣飢不死，西山（一）無復面相

看。

平生不願垂床死，今日寧知死臥床。忒是便宜兒女子，不將馬革走沙場。

【註釋】（一）（西山）指伯夷叔齊。

絕命辭（一）

陳良謨

中天懸日月，四海所畢照。倏爾陰霧昏，日月失常道。大夫百執事，其誰忘明君？愧予沈疴久，牀第淹數旬。背城孰盡瘁，巷戰杳無聲。如何社稷靈，『順民』爭見形？載舟亦覆舟，古今同一轍。順民卽逆民，參觀非一日。蒼蒼不可問，國亡我何存？誓守不二心，一死報君恩！

【註釋】（一）崇禎甲申歲三月十九日，內城破，居民爭書『順民』字條貼門首以迎賊。作者時官御史，作此詩，自縊而死。

【作者小傳】陳良謨，明鄞人，字士亮，原名天工，崇禎進士。張獻忠犯成都，良謨遣將擄要書爲犄角，數敗賊。還朝未久，京師

陷，與其妾時氏自縊死，諡恭愍。

崖門弔古

陳邦彥

萬古煙波接渺冥，雙峯如闕控重溟。草藏宋血還餘碧，浪洗胡塵尙帶腥。魚腹有靈迎玉璽，龍髯無路樹冬青。中原極目今戎馬，憑弔先朝一涕零。

【作者小傳】陳邦彥，明順德人，字令斌，爲諸生，意氣豪邁。唐王時授兵科給事中，後從永明王轉徙桂林平樂間，及廣州敗，被執，不屈死。

聞變二首

陳邦彥

朔雪炎天盡帝臣，都城金粟亦因陳。(一)不見一矢曾遺敵，敢謂中朝尙有人？野樹春殘巢幕燕，(二)鮮原日暮泣幽燐。獨憑溝壑(三)酬君父，曾否當年悟徙薪(四)？

榆關春色草芊芊，列騎如雲臥戟眠。不向運河留一線，有誰飛輓佐三邊？西涼士馬終懷晉，索部魚羊(五)解擾燕。南北安危憂不細，早騰優詔到居延。

【註釋】(一)〔因陳〕即陳陳相因，漢書：『大倉之粟，陳陳相因。』陳，舊也。因，仍也。魏也。謂陳粟依次因仍而積存也。(二)〔巢燕燕〕嚙至危也。左傳：『夫子之在此，猶燕之巢於幕上。』(三)〔溝壑〕溪谷也。孟子：『志士不忘在溝壑。』謂死無棺槨，至填於溪谷也。(四)〔徙薪〕漢書：『客有過主人者，見其灶直突(烟窗)，傍有積薪，客謂主人：『更爲曲突，不則且有火患。』主人默然不應，俄而家果失火，鄰里共救之，幸而得息，於是殺牛置酒，謝其鄰人，灼爛者在於上行，餘各依功文坐，而不錄言曲突者。』人謂主人曰：『向使聽客之言，不費牛酒，終無火患，今論功而請賞，曲突徙薪無恩澤，焦頭爛額爲上客耶？』主人乃悟而請之。今以曲突徙薪借用爲防患未然之辭。(五)〔索部魚羊〕胡人編髮爲辮，故稱索頭，亦稱索頭。索部，謂索頭之部落也。魚羊，猶言犬羊，晉胡人之辭。

清遠城(一) 陷題朱氏池亭三首

陳邦彥

無拳無勇，無餉無兵，聯絡山海，矢(二)佐中興。天命不佑，禍患是嬰。(三)千秋而下，鑒此孤貞。

平生報國懷深，望斷西方好音。已共襄弘(四)化碧，還同屈子(五)俱沈！
戀闕孤懷盡，懸絲一命微，負傷如未覺，無淚不須揮。魚吮艱貞血，水爲賤
(六)襏衣。(七)祇應魂氣在，長繞玉階(八)飛。

【註釋】(一)〔清遠城〕在廣東省。(二)〔矢〕誓也。(三)〔嬰〕繫繞也；謂忠是嬰，言爲禍患所羈絆也。(四)〔襄弘〕周靈王時人，時吳方貢玉人石鏡，襄弘言於王，謂爲聖德所招，周人以襄弘幸嬪而殺之，流血成碧，人謂爲忠之所由積。(五)〔屈子〕謂屈原，屈原戰國時楚人，仕楚爲三閭大夫，懷王重其才，靳尚讒譖而疏之，乃作離騷，襄王感悔，襄王時復用讒，謫原江南，原作漁父，諸篇以見志，於五月五日自沈汨羅江而死。(六)〔賻〕音附，以賻助喪儀也。(七)〔繡衣〕贈死者之衣服也。繡首遂。(八)〔玉階〕以玉石砌階，謂天子宮殿也。

獄中自述

陳邦彥

去歲承恩桂海濬，(一)何期國步倍多述。(二)室中自起金戈覺，天外俄驚鐵騎塵。入夢翠華(三)頻想像，招攜烏合每逡巡。經年辛苦慚何補，應識皇明有死臣！

【註釋】(一)〔濬〕音晉，水涯也。(二)〔述〕謂述，難行不進貌。(三)〔翠華〕江林賦：『建翠華之旗。』天子之旗，以翠羽爲飾。

獄中步文丞相韻

陳邦彥

生涯少壯但傳經，通籍纔周兩歲星。鄉國愁看成隕籜，室家寧計問飄萍。萬

言舊疏憑誰乙？(一)五木嚴刑拚備丁。(二)泉路若逢文信國，不知雙眼可垂青？

(三)

【註釋】(一)(乙)讀書以筆記其止處曰乙，字有遺脫，包其旁而增之亦曰乙。(二)(丁)當也。(三)(青)古人謂黑曰青。眼珠色青，其旁色白，喜時正視，則見青處；怒時邪視，則見白處。晉阮籍不拘禮教，見禮俗士，以白眼對之；稽康訪之，乃見青眼。今謂爲人所重視者曰青眼，爲人所輕視者曰白眼。

臨命歌

陳邦彥

天造兮多艱，臣也江之滸，書生漫談兵，時哉不我與。我后兮安在我，躬兮獨苦！
厓山多忠貞，先後炤千古。

絕命詞

鄭啓秀

征帆已說過雙姑，掩淚聲聲泣夜烏。墜入江魚波底沒，不留青塚在單于。

【作者小傳】鄭啓秀，湖南女子，被胡騎掠而北去，行至武昌，投江而死。

絕命詩

張國維

艱難百戰戴吾君，拒敵辭唐（一）氣勵雲。時去乃爲朱氏鬼，精靈常傍孝陵墳。（二）

【註釋】（一）〔辭唐〕張國維奉桂王，唐王招之不去。（二）〔孝陵墳〕明太祖墓，在南京紫金山下。

【作者小傳】張國維，明東陽人，字九一，號玉筍，天啓進士，魯王監國，官少傅兵部尙書，武英殿大學士，督師江上，誓還守東陽，以勢不可支，赴水死。

題案詩（一）

祁彪佳

圖功爲其難，潔身爲其易；吾爲其易者，聊存潔身志，含笑入九原，浩然留天地。

【註釋】（一）〔潛兵下江南〕彪佳題詩於案，投水死。

絕命吟

唐 誼

兩閒正氣無時無，大廈將傾誰與扶？庸兒謬託保身哲，(一)有時忠孝皆爲愚；豈知仁人與志士，臨難不肯稍踟躕，如漢瞻尙，(二)唐裴劉，(三)寥寥千載寧非夫？我本布衣曾射策，(四)家世忠孝常人殊，先人末命銜(五)兒輩，「舉義不效當就誅！」藩籬撤盡外援絕，獨力振臂何堪呼？稽首望闕百無策，一死不作亡國俘！願爲厲鬼滅強敵，精魂漫逐哀嘯鳥。

【註釋】(一)「保身哲」哲，賢智之人也。詩經：「既明且哲，以保其身。」(二)「瞻尙」謂蜀漢諸葛瞻，諸葛尙，瞻，亮子。魏鄧艾自陰平進窺成都，瞻督諸軍至涪，艾遺書誘瞻降，瞻怒，斬其使，戰死綿竹。尙，瞻之長子，與鄧艾戰大敗，嘆曰：「父子荷國重恩，不早斬黃皓，以致傾敗，用生何爲？」乃馳赴魏軍而死。黃皓，蜀漢宦官，操弄威柄，終至覆國。(三)「裴劉」謂裴度劉晏。裴度，唐憲宗時討平淮蔡，封晉國公，加中書令，正色立朝，言無不盡，以身係天下安危者三十年。後因閹豎擅權，力請罷職，不問世事。劉晏多機智，當安史之亂，戶口什亡八九，州縣多爲藩鎮所據，朝廷府庫耗竭，皆倚辦於晏。楊炎執政，構殺，賜死，天下皆以爲冤。(四)「射策」猶對策，考試時發策問令考生對答。(五)「銜」即銜命，奉命也，謂銜先人之命。

殺。
【作者小傳】唐諒明亡公奉遺命起兵勤王。弟誠助羅式相守桂林。公既被執，留公作書招誠，公草絕命詩，投筆大罵，遂見

浩氣吟（一）八首

瞿式耜

藉草爲茵枕塊眠，更長寂寂夜如年。
蘇卿絳節惟知漢，信國（二）丹心上告天。
九死自甘邊惜苦，千秋公論亦隨緣。
殘燈一室羣魔繞，寧識孤臣夢坦然？

已拚薄命扶危疆，生死關頭豈待商？
二祖（三）河山人共擲，四年精血我偏傷。
羞將顏面尋吾主，賸取忠魂落異鄉。
不有江陵真鐵漢（四），腐儒誰爲剖心腸？

正襟危坐待天光，兩鬢依然勁似霜。
願作須臾階下鬼，何妨慷慨殿中狂？
頻加榜辱（五），神無變，旋與衣冠貌益莊。
慚愧老天非怯死，輸君浩氣姓名香。

連年索賦養邊臣，曾見登陴（六）有幾人？
上爵滿門皆紫綬（七），荒村無處不青燐。
僅存皮骨民堪畏，□□妻孥國已貧。
試問怡堂今在否？孤餘留守自捐身。
邊城死節亦尋常，恨死猶銜負國傷。
擁主竟成千古罪，留京翻口一隅疆。
罵

名此日知難免，厲鬼他年詎敢忘？(八)幸有顛毛(九)留旦夕，魂兮招赴祖宗傍。

拘囚土室豈偷生？求死無門泪轉清。勸勉煩君申大義，癡愚嘆我太無情。

(一〇)高歌每羨騎箕(一一)句，灑淚時聞滴雨聲。四大(一二)久空同泡影，英魂到底護皇明。

巖疆四載盡臣心，坐看神州已陸沉。職守殉城身豈易？恩期勇死報應深。二陵風雨時來繞，歷代衣冠何處尋？歎息時艱逢國步，河山有淚尙蕭森。(一三)

年逾六十復奚求？多難頻經渾繫愁。靖難孤懷蓋世盡，殉城萬古一身留。欲堅道力憑魔力，何用俘囚學楚囚？了却人間生死事，黃冠(一四)空擬故鄉游。

【註釋】(一)桂林既陷，公與弟子張同敵俱被執，此二人獄中唱和之作也。(二)宿國，文天祥於宋端宗時拜右相，封

信國公。(三)三祖，明太祖成祖。(四)江陵真鐵漢，指張同敵，鐵漢，剛直不撓之人也。同敵，居正曾孫，江陵人。(五)榜

辱，謂受榜掠之辱。(六)陣，城上女牆也。左傳成公十五年：『開門登陣。』(七)紫綬，紫色印綬也。漢制，印綬，公侯用紫

九卿用青。(八)厲鬼，他年詎敢忘，厲鬼，惡鬼也；謂死當爲厲鬼以殺敵人。(九)顛毛，頂髮也。(一〇)時有勸公降者。

(一一)騎箕，莊子：『傳說乘東維，騎箕尾，而比於列星。』按星圖傳說星在箕尾二宿間，言其死後精神，跨於箕尾之間也。今治

程人死曰懸棺，黃龍箕尾之省文。(一)(二)(四大)佛氏以地水火風爲四大，見圓覺經。(一三)(蒼森)袁胤統，杜甫詩：「巫山

巫峽氣蕭森。」(一四)黃冠，黃冠，道士之冠，故亦稱道士曰黃冠。

【作者小傳】韻式，明常熟人，字稼軒，萬曆進士，舉順志，巡撫廣西，桂王由榔立，以爲大學士，及桂王奔全州，式紹留守桂林，城陷，殉難死。

自入囚中頻夢牧師周旋，繾綣倍於平時詩以志感 瞿式耜

休言漢祚不靈長，(一)佇盼中原我武揚。(二)頗羨南荒(三)留日月，寧知西土變冠裳！天心(四)莫問何時轉，巨節堅持詎故常！自分此生無見日，到頭期不負門牆。(五)

【註釋】(一)(靈長)十六國春秋北涼錄：「額宗廟靈長，將士宣力。」(二)我武揚，尚書泰誓中：「我武惟揚，億于之疆。」傳：揚舉也，言我舉武事，侵入討郊疆伐之。」(三)南荒，南邊荒遠之地。(四)天心，天帝之心也。尚書咸有一德：「克享天心，受天明命。」(五)門牆，稱師門曰門牆，論語子張：「子貢曰：『譬之宮牆，賜之牆也及肩，窺見室家之好；夫子之牆數仞，不得其門而入，不見宗廟之美，百官之富。』」

自嘆示別山（一）

瞿式耜

七尺那堪斗室蟠，禪關止靜好同觀。心維漢鼎千秋痛，目極堯封（二）萬里
酸！口語嘈嘈魂裏聽，飄風烈烈夢中寒。扶輿（三）非大身非小，留得綱常宇宙寬。

【註釋】（一）（別山）謂張同儔，同儔字別山，爲觀公門人。（二）堯封，謂中國舊有之版圖也。齊舜典：『封十有二山。』舜受堯禪，每州封表一山，其地則仍堯之舊也。杜甫詩：『滄海未全歸禹貢，衡門何處盡堯封。』（三）扶輿，猶言扶搖，暴風自下而上者。莊子：『捧扶搖羊角而上者九萬里。』故謂仕宦得志者曰扶搖直上。

絕命辭二首

瞿式耜

從容待死與城亡，千古忠臣自主張。三百年來恩澤久，頭絲猶帶滿天香。
斷臂傷睛木塞唇，猶存雙膝（一）舊乾坤。但將一死酬今古，剩有丹心傍主

臣。

【註釋】（一）（猶存雙膝）謂不肯向異族下跪也。

和稼軒師浩氣吟八首

張同敞

稜稜瘦骨不成眠，祖德君恩四十年。腰膝尙存（一）甘作鬼，死生有數肯呼天。疊山（二）欲附文山（三）烈，蘇武休思漢武緣。蹈鑊撩衣談笑裏，何須血淚更潸然？

異國飄零非故疆，首山（四）一死尙留商。舌存不信乾坤去，臂斷寧同兒女傷？口語可憐原漢語，帝鄉無路是愁鄉。悲魂應變天邊月，照見孤臣鐵石腸。

連陰半月慘無光，草簟（五）終宵薄似霜。白刃臨頭惟一笑，青天在上任人狂。願留衰鬢酬周孔（六），不羨餘生奉老莊（七）。有骨可埋頭可斷，小樓夜夜汗青（八）香。

四載危疆一個臣，城亡雖待愧今人。將軍不肯留犀甲（九），風雨惟聞嘯碧燐。（一〇）列國冠裳何事改？（一一）九邊賦稅爲誰貧？傷心列祖當年志，寸磔應叢百

世身。

生當吾世遇非常，坐臥形容亦可傷。
□馬夜嘶過百粵，(三)老臣痛哭守殘疆。
千秋正氣憑□鑒，一死中原遂忍忘？
不入耳言今古淚，有懷欲訴孝陵(三)傍。
凜然大義自生平，囊底無錢魂亦清。
二烈雙忠原有數，九朝七世豈忘情？
教骨肉皆冤鬼，多難師生共哭聲。
想見刀頭空一切，長宵盼不到天明。

日月刀錐攢我心，天人(四)幽困見消沉。
厄馴此日身難免，論到千秋慮亦深。
粵夜應憐偕砥礪，楚魂誰爲賦招尋？
(五)昨宵猶夢亡親在，醒後惟聞碧雨森。
忘生翻覺死難求，甲士相環任我愁。
祭酒一身同臘盡，睢陽二字共名留。
已拚魂作他鄉鬼，先皇應許得從游。

【註釋】(一)(腰膝尙存)謂尙未折腰風膝事虜也。(二)(疊山)宋謝枋得弋陽人，字君直，號疊山，寶祐進士。德祐初，以江東提刑知信州，元兵東下，信州不守，遂變姓名入山，日麻衣跣屣，東鄉哭。宋亡，居閩中，留夢炎罵之不起，遺書有曰：『吾年六十餘，所欠一死耳，豈有它哉？』福建參政魏天祐強之而北，至都，遂不食死。(三)(文山)宋文天祥，號文山。(四)(首山)卽管陽山，伯夷叔齊餓死處也。(五)(簞)席也。(六)(鬲周孔)鬲，謂周孔子；鬲，謂周孔子，鬲，謂願爲名教完人。(七)(奉老莊)老莊謂

老子（字耳）莊子（莊周）奉老莊，謂有全性命也。（八）（汗青）謂史策也。古時以火炙簡令汗，取其青易書，復不蠹，謂之汗青。（九）（犀甲）以犀革爲甲也。周禮考工記：『犀甲七屬。』（一〇）（碧嶺）鬼火，謂鬼也。（一一）（改冠裳）古者君主易姓，必改正朔，易服色。（一二）（百粵）與百越同。古者江浙閩粵之地，爲越族所居，謂之百越。（一三）（孝陵）明太祖之陵也，在南京城東，當鍾山之陽。其地名孝陵衛，因明時置衛守護之也。（一四）（天人）有道之人也。莊子：『不離於宗，謂之天人；不離於真，謂之至人。』（一五）（賦招尋）楚辭有招魂篇，宋玉所作。序曰：『宋玉憐屈原厥命將落，作招魂，欲以繼其精神，延其年壽也。』

【作者小傳】張同敞，明江陵人，字別山，隴武紹之弟子。桂王時授兵部侍郎，經略楚粵兵馬，以忠義激勵將士，人人自奮，請兵入桂林，與羅式輔同遇害。

夢傅大司馬（一）忠烈公二首

張同敞

抗節如公有幾人，磔殘今尙夢全身。應知同學談忠孝，決不偷生負鬼神。視死如歸懷老友，有恩未報痛孤臣！取將丹血分青史，（二）與爾幽冥共結鄰。

積日窮陰失太陽，絲絲若泪慘無光。守兵聲雜難聽雨，異類形殊恥下床。（三）舊僕偶看誰認主？亡妻來夢莫思鄉。（四）天照晴峯遠，寸斷幽囚客裏腸。

【註釋】（一）傅大司馬，謂傅作霖也。作霖，明武陵人，由鄉舉仕，唐王爲職方主事，倚何騰蛟於長沙，故監軍御史永明王（卽永曆帝）遙擢爲兵部尙書，從至武岡，城陷，死之。（二）青史，古以竹簡書事，謂之削青，故謂記事之史曰青史。大藏禮：『青史之記。』（三）下床，許汜在劉表坐，與劉備共論人物，汜曰：『元龍（陳登字）湖海之士，豪氣未除。』備問故，汜曰：『昔過下邳，見元龍無主客禮，自上大床臥，使客臥下床。』備曰：『君有國士名，而不留心救世，乃求田問舍，言無可采，是元龍所讒也。如我，當臥百尺樓上，臥君於地，何但上下床之間哉？』表大笑。（四）蒼梧，在廣西省。

就殺吟

張同敞

一月悲歌待此時，成仁取義有天知。
衣冠不改生前制，名姓空留死後詩。
破碎河山休葬骨，顛連君父未舒眉。
魂兮懶指歸鄉路，直往諸陵拜舊碑。

寄及門張芷園

林洵

聞君關上擁旌旄，（一）遙憶書生膽氣豪。
決勝久存黃石（二）略，拜恩新着
赤霜袍。一身許國雄圖壯，半壁（三）支天汗馬（四）勞。
此去艱難知不惜，沙場（五）

麟閣(六)屬吾曹。

【註釋】(一)〔擁旌旄〕謂爲將帥也。(二)〔黃石〕黃石公頤士，張良游下邳，圯橋上遇老人，遺書一編，良曰：『讀此可爲王者師。』良讀其書，乃太公兵法也，遂佐漢高祖定天下。相傳有黃石公三略、素書。(三)〔半壁〕半邊也，如謂偏安曰半壁江山。(四)〔汗馬〕謂戰馬疾馳而汗出也。國策：『不費汗馬之勞。』(五)〔沙場〕曠野平沙也。李白詩：『醉臥沙場君莫笑，古來征戰幾人回。』後因用爲戰地之稱。(六)〔麟閣〕即麒麟閣，漢時圖畫功臣之所。

【作者小傳】林濬，字修甫，號羽客，明季庠生，唐王時授推官，殉節死。

題案詩

趙天生

書生不律(一)難驅敵，何處秦庭可借兵？只有東津橋下水，西流直接汨羅

清。

【註釋】(一)〔不律〕筆之異名。說文：『楚謂之聿，吳謂之不律，燕謂之弗，齊謂之聿。』

【作者小傳】趙天生，明季諸生，明亡，題詩於案，躍入江中，漁人救之，昇還，自餓死。

自哭國亡

陳佐才

鬚髮依然一老臣，羽書閱罷淚沾巾。乾坤此日成何物？東倒西扶成病人。

七言詩

袁繼咸

旅夢三年斷舊京，重來馬首（一）倍傷情！山河到處驚殊俗，（二）日月何絲
 （三）見大明？淚盡蓼莪（四）空自灑，歌賡（五）麥秀（六）向誰評？可憐敗國等閒
 （七）事，却訝書生是好名。

【註釋】（一）〔馬首〕左傳襄公十四年：「荀偃令曰：『鷄鳴而駕，賽井夷鼈，唯余馬首是瞻。』」注：「言進退從己。」
 （二）〔殊俗〕謂風俗殊異也。（三）〔歌〕與由同。（四）〔蓼莪〕詩經小雅篇名，孝子追念父母也。有「哀哀父母，生我劬勞。」之語。（五）〔賡〕續也。（六）〔麥秀〕史記宋微子世家：「箕子朝周，過故殿墟，感宮室毀壞，生禾黍，箕子傷之，欲哭則不可，欲泣為其近婦人，乃作麥秀之詩以歌詠之。」（七）〔等閒〕視為不足重輕無關緊要也，即隨便之意。

【作者小傳】袁繼咸，明人，字臨侯，不為清兵所風，殉節死。詩多散快，其名句如「許身國誓主，留髮表明臣。」

悲歌 七首并序

文祖堯

昔杜工部（一）乾元（二）中寓同谷縣，（三）有歌七首，蓋經天寶（四）之後，身遭流離，用
 以抒其悲憤。甲申之後，予哀痛之，亦仿為七歌，上以悲烈皇帝（五）生不逢辰，下以慨當時閭

克盡職，自身之流離，不暇計也。

嗟我天王本聖明，奈逢陽九(六)數(七)難更；身獨憂勤臣泄泄，(八)隻手如何天可撐？一朝慷慨死社稷，千載誰知宵旰(九)情？嗚呼！一歌兮歌當泣，淚珠落處血痕濕！

嗟我朝廷重相職，尊寵由來爲社稷；居恆旣乏尊安謀，臨命惟將軀命惜。致令鼎湖(一〇)飲恨(一一)歸，台衡(一二)用爾終何益？嗚呼！二歌兮哀轉哀，愁雲滿地捲風來。

嗟我朝廷重司馬，(一三)運籌決勝(一四)誇管賈，(一五)威民號令若風雷，臨寇如何如聾啞？空負禁中(一六)頗牧(一七)名，遂致天地同崩瓦！(一八)嗚呼！三歌兮歌正長，日月失色天無光。

嗟我朝廷重大將，虎符(一九)犀甲(二〇)威名壯，國家方倚作干城，(二一)如何聞賊心膽喪？貔貅(二二)百萬竟安歸？風雲蛇鳥(二三)皆虛誑。嗚呼！四歌兮歌聲瞧，

(二) 江濤帶雨逆衝潮。

嗟我朝廷重名流，鼎甲(三)元魁第一籌，入彀(三)英雄惟此最，反面胡爲
便事讎？文章若此成何用？科名反被爾曹羞，嗚呼！五歌兮歌且慟，草木山河咸震
動。

嗟我朝廷重禁城，(三)重重設險鞏(三)神京，(三)守陣(三)將士如林集，
遇寇彷徨若獸驚，不聞背城借一(三)戰，且見開門卑降迎。嗚呼！六歌兮歌未已，
猿嘯(三)夜夜空山裏。

嗟我朝廷重忠良，致身爲國悉欽揚，培養士氣三百載，殉節僅得十餘雙！
(三)更無此數君子，反愧南朝一侍郎。嗚呼！七歌兮歌已闕，(三)子規(三)啼罷
聲猶咽。

【註釋】(一)(杜工部)唐杜甫嘗拜工部員外郎，世稱杜工部。(二)(乾元)唐肅宗年號。(三)(同谷縣)即今甘肅成
縣治。杜甫入蜀之前曾寓此，有同谷七歌，傷離亂之詩也。(四)(天寶)唐玄宗年號。安祿山反於天寶間。(五)(烈皇帝)隋恭
頤帝。崇禎帝尊諡紹天繹道剛明恪儉揆文奮武敦仁愨孝烈皇帝，廟號思宗。(六)(陽九)古稱陽九百六爲厄會。見前次天辭

正氣歌註(三一)(七)(數)謂運數、氣數。(八)(泄泄)孟子離婁上：「泄泄，猶沓沓也。事君無義，進退無禮，言則非先王之遺者，猶沓沓也。」朱子解爲怠緩從之貌。(九)(宵旰)宵衣旰食，謂天子勤於政事也。(一〇)(鼎鼎)黃帝騎龍上天處。詳見前虞集吳文丞相詩(註四)。(一一)(飲恨)懼恨而不得發洩，謂之飲恨。江淹賦：「自古皆有死，莫不飲恨而吞聲。」(一二)(台衡)猶言台輔。通鑑武則天長安三年：「立取台衡。」注：「三台爲秦階，北斗杓三星爲玉衡，幸輔得人，則玉衡正而秦階平，故謂宰相爲台衡。」(一三)(司馬)周時爲六卿之一，曰夏官大司馬，掌軍旅之事。秦曰太尉，後世移兵部尙書。(一四)「運籌決勝」謂主持戰略也。史記高祖本紀：「夫運籌帷幄之中，決勝千里之外，吾不如子房。」(一五)「管賈」謂管仲、賈誼。管仲齊桓公相，賈誼漢文帝時爲太中大夫，二人均有奇才。(一六)「禁中」漢制天子所居曰禁中，言門戶有禁，非侍御之臣不得入也。(一七)「類牧」謂戰國時趙良將廉頗、李牧也。唐書：「孰謂頗牧，在吾禁署？」(一八)「崩瓦」如瓦崩墮而碎裂也。(一九)「虎符」兵符也，所以爲信。(二〇)「犀甲」以犀革爲甲也。(二一)「干城」詩經周南兔置：「赳赳武夫，公侯干城。」傳：「干，盾也；干，城，皆所以扞外而衛內者。」(二二)「魏豨」豨，獸名，故用爲兵隊之稱，言其有勇如魏豨也。(二三)「風雲蛇鳥」陣名。古有天地風雲龍虎鳥蛇八陣。見李衛公問對。(二四)「嘯」音焦，急也。禮記樂記：「樂者，音之所由生也，其本在人心之感於物也。是故其哀心感者，其聲噓以殺。」(二五)「鼎甲」科舉時殿試，以名列一甲之三人爲鼎甲。(二六)「入毅」唐太宗私幸端門，見新進士纒行而出，喜曰：「天下英雄，入吾彀中。」毅，引弓也，言英雄爲所籠絡也。今謂考試中式爲入毅。本此。(二七)「禁城」宮城也。賈至詩：「禁城春色曉蒼蒼。」(二八)「擊」固也。(二九)「神京」指京城言。王庭珪詩：「幾年飄旅望神京。」(三〇)「守陴」陴，城上女牆也。左傳宣公十二年：「守陴，即守城之意。」(三一)「背城借一」謂決一最後之死戰也。左傳成公二年：「請收舍餘燧，背城借一。」注：「欲於城下，復借一戰。」(三二)「嘯」即啼字。(三三)「脫」或然之辭，假使之意。世說：「脫時過止，寒溫而已。」言假使有時過之，亦不與深談也。(三四)「閱」音缺。樂府曰：閱，禮記文王世子：「有司皆以樂閱。」故謂歌曲一首曰一閱。(三五)「子規」鳥名，卽杜鵑。

【作者小傳】文苑祖，字心傳，明季爲太倉州舉正，甲申國變，合家投水，獨公遇救，遂入山爲僧。

留題百川橋（一）

失名

三百年來養士朝，如何文武盡皆逃？
綱常留在卑田院，（二）乞丐羞存命一條！

【註釋】（一）南都既陷，有乞丐題此詩，赴水而死。（二）卑田院，釋典以供父母爲恩田，供佛爲敬田，施貧爲悲田。後世稱養濟院曰悲田院，本此。唐有悲田養病坊，見舊唐書。俗作卑田院。

殉國絕命詞

黎遂球

大地吹黃沙，白骨爲塵烟，鬼伯舐復厭，心苦骨不甜。

【作者小傳】黎遂球字美周，明番禺人，少年玉貌，時稱璧人。明末監廣州軍，明亡死之。

卽事二首

夏完淳

復楚情何極？亡秦氣未平！雄風清角勁，落日大旗明。縞素酬家國，戈船（一）

決死生。胡笳千古恨，一片月臨城。

戰苦難酬國，仇深敢憶家？一身存漢臘，（二）滿目盡胡沙。落月翻旗影，清霜冷劍花。六軍渾散盡，半夜起悲笳。

【註釋】（一）〔戈船〕漢武帝以歸義越侯船爲戈船將軍。宋祁曰：「戈船將軍當時所建之官，如驃騎、虎牙之類是也。戈船今有之，設于戈於船上以禦敵也。」（二）〔漢臘〕後漢書陳寵傳：「寵曾祖父威，咸哀問爲尙書，莽篡位，歸鄉里，閉門不出入，猶用漢家祖臘。人間其故，咸曰：『我先人豈知王氏臘乎！』」

【作者小傳】夏完淳，明松江華亭人，九齡子，字存古，生有異稟，七歲能詩文。與南中舉義之役，爲清督師洪承疇軍所執，磔至金陵，臨行辭其母曰：『忠孝家門事，何須問此身？』及見洪承疇，奮起痛罵之，遂遇害，臨刑神色不變，年僅十八。有玉鑾堂集。

魚服（一）

夏完淳

投筆新從定遠侯，（一）登壇誓飲郅支頭。（二）蓮花劍淬胡霜重，柳葉夜輕漢月秋。勵志鷄鳴（四）思擊楫，（五）驚心魚服愧同舟。（六）一身湖海茫茫恨，縞素秦庭（七）矢（八）報仇！

【註釋】(一)〔魚服〕以魚獸之皮爲矢服也。魚，獸名，似豬，東海有之，其皮可爲弓韃矢袋。(二)〔定遠侯〕陳班，超安陸人，字仲升，少有大志，家貧，傭書養母，嘗投筆歎曰：『大丈夫當效傅介子張騫，立功異域，以取封侯，安能久事筆硯間乎？』明帝時使西域，服西域五十餘國，任西域都護，封定遠侯。(三)〔欲郵支頭〕漢宣帝時，匈奴呼韓邪單于既立，諸王亦爭爲單于，呼韓邪之兄左賢王呼屠吾斯自立爲郵支骨都單于。欲郵支頭，猶言殺匈奴單于，以其頭爲飲器也。(四)〔鷓鴣〕見前張家王讀史(註一)。(五)〔擊楫〕見前文天祥正氣歌(註二三)。(六)〔同舟〕孫子：『吳人與越人，相惡也，當其同舟濟而遇風，其相救也如左右手。』後人因謂共利害者爲同舟共濟。(七)〔秦庭〕指申包胥泣於秦庭，求秦出師援楚事。(八)〔誓也〕

一剪梅 詠柳

夏完淳

無限傷心夕照中，故國淒涼，剩粉餘紅！金溝御水日西東，昨歲陳宮，今歲隋宮！
往事思量一餉空，飛絮無情，依舊烟籠，長條短葉翠濛濛，纔過西風，又過東風！

絕筆

夏完淳

父得爲忠臣，子得爲孝子，含笑歸太虛，了我分內事。大道本無私，視身若敝

歷！但爲氣所激，緣悟天人理。惡夢十七年，報國在來世！神遊天地間，可以無愧矣！

絕命詩呈母

夏完淳

孤兒哭無淚，與鬼日爲鄰。古道麻衣客，高堂白髮親。循陔（一）猶有夢，負米（二）竟何人？忠孝家門事，何須問此身？

【註釋】（一）〔循陔〕罷官養親，謂之循陔。（二）〔負米〕家語：「子路曰：『由事二親之時，食藜藿之食，爲親負米百里之外。』」

三月十九（一）二首

萬泰

三月今當十九日，普天聲淚憤盈時。一卮酌（二）已非王土，七戰人猶是漢。思國士未聞酬豫讓，（三）南冠惟見泣鍾儀。（四）滄溟萬里頻回首，慘淡春風咽子規。

年年此日淚漣然，(五)今年今日更可憐。帝子不歸猶望狩，機槍(六)未隕
 尚經天。青萍但有沈沈氣，赤伏(七)徒聞嚶嚶(八)傳。我欲排雲問閻闔(九)『人
 間大恥幾時湔？』

【註釋】(一)(二)三月十九日明思宗於是日自縊於煤山。(三)(四)醉以酒灌地以降神曰醮，謂祭也。(五)(六)豫讓，智伯之臣，智伯以國士待之，趙襄子既滅智伯，豫讓乃漆身為癩，吞炭為啞，謀刺襄子以爲智伯報仇。(四)(鍾儀)謂楚囚也。儀，春秋楚鄭縣大夫，爲鄭所獲，獻諸晉。晉侯觀於軍府，見鍾儀，問之曰：『南冠而縶者誰也？』有司對曰：『鄭人所獻楚囚也。』見左傳成公七年，九年。(五)(潸然)涕流貌。(六)(機槍)爾雅：『彗星爲機槍。』按機亦作機。史記：天官書：『天機』註云：『天機者，在西南，長四丈，銳，京房云：『天機爲兵，赤地千里，枯骨籍籍。』又『天槍』注云：『天槍者，長數丈，兩頭銳，出西南方，其見，不過三月，必有破國亂君，伏死其辜。』(七)(赤伏)謂赤伏符，讖文也。後漢書：光武帝紀：『光武先在長安時，同舍生彊華，自關中奉赤伏符曰：『劉秀發兵捕不道，四夷雲集龍圖野，四七之際火爲主。』』注：『四七二十八也。自高祖至光武初起，合二百二十八年，即四七之際也。漢火德，故火爲主也。』(八)(嚶嚶)嗷嗷貌。荀子：非十二子篇：『世俗之濇猶晉儻，嚶嚶然不知其所非也。』嚶音嶽。(九)(閻闔)天門也。楚辭：『吾令帝開闔闔兮，倚闔闔而望予。』

【作者小傳】萬泰，明人，字履安，崇禎舉人，魯王時官戶部主事，明亡，居恆惓惓國變，日忽忽不自得，其幽鬱之意，一寄之於詩。

萬古愁曲(一)

歸莊

我大明太祖高皇帝，定鼎（二）金陵，早驅貔虎禮英豪，東征西討，霧散烟消。將一片不見天日的山前山後，洗淨的風清月皎；將一番極齷齪不堪的胡言胡服，生生劈開中華夷獠。真個是南衝瘴海（三）標銅柱，（四）北碎冰崖試寶刀。更可喜十七葉（五）的聖子神孫，一葉葉垂裳（六）問道，食旰衣宵（七）誰知道天地變，孽芽萌，風波鬧，生幾個剪毛，挾幾條短刀，不隄防衝破了峭岷道，望晴川機槍（八）正搖，指燕雲旌旗正高，一霎時把二百七十年神京，生踹做妖狐淖痛痛痛痛！痛痛那十七年聖天子掩面向煤山吊（九）痛那掌上珍的小公主（〇）一劍昭陽倒！痛那有令德的東宮生砍做血蝦蟆！痛那無罪過的二王（二）竟做了一對開刀料！痛那受寶册坐長信的懿安后，隻身兒失陷在賊窩巢！恨只恨這些左班官，平日裏受皇恩沾封誥，烏紗罩首，金帶橫腰；今日裏一個個稽首賊庭搗，還著幾篇兒勸進表，更有那叫做識字文人，還鈔幾句兒登極詔。那些不管事的蠢公侯，如羊如豕，多押在東城輿，夾拶（三）著追金寶。皎滴滴的女嬌嬌，白日裏恣淫

嫖；俊翩翩的縉紳兒，多牽去做供奉龍陽（三）料。更可恨九衢（四）萬姓悲無主，三殿千官慶早朝，萬劫也難逃！沒一個建義旗下井陘（五）的張天討！沒一個驅鐵騎渡黃河把賊膽搖！沒一個痛哭秦庭效楚包（六）沒一個灑淚新亭（七）做晉導！沒一個擊渡楫（八）風湧怒濤高！沒一個舞鷄鳴（九）星淨月痕小！沒一個罵賊庭，嚼舌似常山杲（一〇）沒一個守孤城，碎首在睢陽廟（一一）大多來鶴唳風聲（一二）豫遁逃，把青徐克冀雙手奉得早！金陵福主（一三）興，江南彗星（一四）照，詔定册，推翊戴，鐵券（一五）兒晃耀；招狐羣，樹狗黨，蟬蛄般嘹噪。那掌大的兩淮，供不得羣狼抄（一六）便半壁的江南，也下不得諸公釣。反讓那晉劉淵（一七）做了仗義的漢高皇，軍容素縞，可憐那猛將軍做了絕救兵的李都尉（一八）髮辮胡帽。兀的（一九）不悶殺人也麼哥！兀的不氣殺人也麼哥！尙欲奪天功，向秦淮渡口，把威權招。亂哄哄鬧一回，癡迷迷瀾幾朝。獻不迭歌喉舞腰，選不迭花容月貌，終日裏醉醕醕（二〇），御（？）量千鍾（二一）少。沒來由羽書未達甘泉報，翠華先上了潼

關道一霎時南人膽搖，北人心驕，長江水臊，(一)鍾山(二)氣消，已不是大明年號。宮庭瓦礫拋，陵寢松楸(三)倒。但聽得忽刺刺一天胡哨。車兒上滿載著瓊瑤，馬兒上斜倚著妖嬈。打撞處處把脾兒臊。急得那砍不盡的蠻子多，一樣金錢鼠繵，紅纓狗帽，那不得向大鼻子把都門便做個親爹叫。俺再不向小朝廷拜獻降胡表，再不向錢神國告納通關鈔，再不向衆緒(四)鄉跑進精渾醪，(五)拭(六)盡鼠狼毫，(七)椎碎陳元寶，(八)萬石君(九)已絕交，楮先生(一〇)告辭了俺自向長林豐草，山坳水嶠，一曲伴漁樵。遇着那老衲子，(一一)參幾句禪機妙；遇着那野道士，訪幾處蓬萊島；遇着那村農夫，唱幾曲田家樂；遇着那小乞兒，打一套蓮花落。(一二)悶來時登高山，攀絕頂，將我那愛百姓的先皇，洒幾行血淚，也把英靈弔；將我那沒祭祀的東宮，捧一碗清涼漿，和麥飯也澆；將我那死忠死節的先生們，千叩首，萬叩首，合掌也高聲叫。

【註釋】(一)此詩前面一段及結尾一段已刪去。(二)定鼎(夏)高錫九鼎舉九州，造爾及爾，皆以爲傳國之重器。左傳

宣公三年：『成王克鼎于郊。』定鼎猶言建都，蓋鼎之所在，即王都所在也。故相沿稱得天下曰定鼎。(三)『瓠海』南方多瘴氣，故稱南海曰瘴海。(四)『標銅柱』漢光武帝建武中，交阯女子徵側及女弟徵貳反，漢命伏波將軍馬援將兵征之。交阯既平，探於漢之極界立銅柱而還。(五)『葉』世也，代也。明代共十七主。(六)『垂裳』易經繫辭下：『黃帝堯舜垂衣裳而天下治。』疏：『垂衣裳者，以前衣皮其制短小，今衣絲麻布帛，所作衣裳，其制長大，故云垂衣裳也。』(七)『食肝衣宵』謂日既暮而食，天未明而衣，言天子之勤於政事也。(八)『機槍』見前萬泰三月十九註。(六)。(九)『向煤山吊』崇禎十七年，北京陷，帝自縊於煤山。(一〇)『小公主』謂長平公主。公主名徽姬，甲申之變，帝語之曰：『汝何故生我家？』以劍揮斫之，斷其左臂。(一一)『三王』謂定王永王。二王及皇太子均為李自成虜去，遇害。(一二)『撈』音環，逼也。(一三)『龍陽』龍陽君戰國時魏幸臣。王與龍陽君共船而釣，龍陽君得十餘魚而涕下。王問之，曰：『臣始得魚甚喜，後得益多，而遂欲棄前所得也。今臣以惡質得拂枕席，四海之內，美人甚多，聞臣得幸，囊裝趨王者衆矣，則臣亦猶前所得魚，且將棄矣。』王於是下令有敢言美人者族。故今稱男色曰龍陽。(一四)『九衢』九達之衢也。(三)補皇圖：『長安城面三門，四面十二門，皆通達九衢，以相經緯。』(一五)『井陘』井陘關在河北井陘縣東北井陘山上，與獲鹿縣接界，自古為兵事上重地。(一六)『楚色』謂楚大夫申包胥。(一七)『灑淚新亭』見前侯炯曾申除夕感懷註。(一八)『擊波棹』見前夏完淳魚服註。(一九)『舞雞鳴』見前張家子讀史註。(二〇)『常山果』謂唐常山太守顏杲卿。(二一)『睢陽廟』唐張巡許遠皆立廟睢陽，歲時致祭，號雙廟。張巡許遠皆因死守睢陽，而被執遇害者。(二二)『鶴唳風聲』符堅衆號百萬，列陣臨淝水，晉謝玄以精銳八千涉水迎擊，堅衆奔潰，棄甲宵遁，聞風聲鶴唳，皆以為王師已至。見晉書謝玄傳。(二三)『福主』謂福王。燕都既陷，羣臣乃擁福王由崧即位南京。(二四)『彗星』史記天官書彗星注：『天彗者，一名掃星。本類星，末類彗，小者數寸長，長或竟天。而體無光，假日之光，故夕見則東指，晨見則西指，若日南北，皆隨日光而指。光芒所及為災變，見則兵起。』(二五)『鐵券』古以頒有功之臣者。其制如瓦，外刻歷歷恩數之詳，以記其功，中鐫免罪減祿之數，以防其過。字嵌以金，各分左右。左頒功臣，右藏內府，有故則合之以取信。(二六)『抄』謂抄掠。

寇盜奪取人財物也。(二七)〔劉淵〕五胡前清之主，匈奴種，冒姓劉氏。晉八王亂起，淵乘機爲大軍子，稱漢王；又五年稱帝，都平陽。晉五胡亂華自淵始。(二八)〔李都尉〕謂漢李陵，武帝時拜騎都尉，將步騎五千，自當一隊，與匈奴戰，以援絕力盡而降。(二九)〔兀的麼哥〕均爲語助詞，曲中常用之。(三〇)〔醜醜〕音毛，匈奴極醜貌。(三一)〔鍾〕酒器也，孔叢子：『堯舜千鍾。』段玉裁謂是古貯酒大器，自鍾而注於尊，自尊而勺於釀，後因稱酒厄曰鍾。(三二)〔滕〕臆，長江水，謂胡人估據長江流域也。(三三)〔鍾山〕在今南京城東，俗稱紫荊山。諸葛亮使建業，謂孫權曰：『鍾山龍蟠。』卽此。(三四)〔松楸〕墓地所植樹木也。(三五)〔醜〕音暴，酒名。(三六)〔鼠狼毫〕謂筆。(三七)〔陳元寶〕謂墨。(三八)〔萬石君〕謂硯。(三九)〔褚先生〕謂紙。(四〇)〔老衲子〕僧衣曰衲，老衲子謂老僧。(四一)〔蓮花落〕丐者所唱曲名。

【作者小傳】歸莊，歸莊字玄恭，江蘇崑山人，明諸生太僕寺丞有光曾孫，貧才使氣，善罵人，少入復社，於書無所不窺，工詩，善行草，與顧炎武相友善，有歸奇顧怪之目，萬古愁曲子，瑰麗恣肆，於古之聖賢君相，無不詆訶，而獨痛哭於明之亡國，爲世所傳誦，擬之離騷天問云。著有恒軒集山居詩。

井中心史歌有序

顧炎武

崇禎十一年冬，蘇州府城中承天寺以久旱浚井，得一函，其外曰：『大宋鐵函經。』錮之再重，中有書一卷，名曰：『心史。』稱『大宋孤臣鄭思肖（一）百拜封。』思肖號所南，宋之遺民，有聞於志乘者，其藏書之日爲德祐九年，宋已亡矣，而猶日夜望陳丞相，（二）張少保（三）

統海外之兵以復大宋三百年之土宇，而驅胡元於漠北。至於痛哭流涕而禱之天地，盟之大神，謂「氣化轉移，必有一日變夷而爲夏者。」於是郡中之人，見者無不稽首驚詫，而巡撫都院張公國維刻之以傳，又爲所南立祠堂，藏其函祠中。未幾而遭國難，一如德祐末年之事，嗚呼悲矣！其書傳至北方者少，而變故之後，又多諱而不出，不見此書者三十餘年，而今復觀之富平朱氏。昔此書初出，太倉守錢君肅樂賦詩二章，崑山歸生莊和之八章，及浙東之陷，張公走歸東陽，赴池中死；錢君遯之海外，卒於琅琦山；歸生更名祚明，爲人尤慷慨激烈，亦終窮餓以歿。獨余不才，浮沈於世，悲年運之日往，值禁網之逾密，而見賢思齊，獨立不懼，故作此歌以發揮其事云爾。

有宋遺臣鄭思肖，痛哭胡元移九廟，獨力難將漢鼎扶，孤忠欲向湘纍（四）弔。著書一卷稱心史，萬古此心心此理。千尋幽井置鐵函，百拜丹心今未死。胡虜從來無百年，得逢聖祖再開天，黃河已清人不待，沈沈水府留光彩。忽見奇書出世間，又驚胡騎滿江山，天知世道將反覆，故出此書示臣鶴。（五）三十餘年再見

之同心同調復同時。陸公(六)已向厓門死，信國(七)捐軀赴燕市。昔日吟詩弔故人，幽篁落木愁山鬼。嗚呼蒲黃(八)之輩何其多，所南見此當如何！

【註釋】(一)鄭思肖見前題蘇武牧羊圖作者小傳。(二)陳丞相即陳宜中，宋永嘉人，字與樞，德祐初以知樞密院

事拜右丞相，益王立，復以爲左丞相，井澳之敗，欲率王走占城，元兵伐占城，宜中走避，後沒於運。(三)張少保即

張世傑，見前張家玉雨行馬上註。(四)湘菜揚雄反離騷：『敝帚楚之湘菜。』注：『李奇曰：「諸不以罪死曰菜，苟息

仇故皆是也，廩原赴湘死，故曰湘菜。』(五)臣媿謂人臣之標準。(六)陸公指陸秀夫，見前方鳳笑陸秀夫註。(一)

(七)信國即文天祥，見前正氣歌作者小傳。(八)蒲黃指蒲壽庚，黃萬石，皆宋末之漢奸。蒲壽庚，宋泉州人，益廣二王航

海至泉州，時壽庚守泉州，距城不納，其見壽庚知梅州，伴着黃冠野服入法石山下，自稱處士，密令壽庚納款於元。

【作者小傳】顧炎武，(一六一三——一六八二)初名綽，字寧人，後更名炎武，學者稱亭林先生，明末崑山人，少耿介絕

俗，不與人苟同，與歸莊相善，有歸奇顧怪之目。明亡，謀復國，與歸莊吳其沆共起事，事敗，其沆死之。後周遊四方，以二馬二驢，載書

自隨。康熙舉博學鴻詞，不就。清廷修明史，在朝諸人爭欲致之，辭曰：『刀繩俱在，無速我死！』於學無所不窺，爲漢學大師，著作極

富，有亭林詩文集，日知錄，天下郡國利病書，音學五書等。

剪髮

顧炎武

流轉吳會間，何地爲吾土？登高望九州，憑陵盡戎虜！寒潮盪落日，雜遝魚蝦

舞，饑鳥晚未棲，弦月陰猶吐。晨上北固樓，慨然涕如雨。稍稍去鬢毛，改容作商賈，却念五年來，守此良辛苦。畏途窮水陸，仇讎在門戶，故鄉不可宿，飄然去其宇，往往歷山澤，又不避城府。丈夫志四方，一節亦奚取？毋爲小人資，委肉投餓虎。浩然思中原，誓言向江濟。功名會有時，杖策追光武。

贈朱監紀四輔（一）

顧炎武

十載江南事已非，與君辛苦各生歸。愁看京口三軍潰，痛說揚州七日圍。碧血未消今戰壘，白頭相見舊征衣。東京朱祐（二）年猶少，莫向尊前歎式微。（三）

【註釋】（一）（四輔）官名，明太祖立春夏秋冬官，謂之四輔。（二）（朱祐）後漢南陽宛人，字仲先，爲人質重，尚儒學，事光武爲護軍，從征河北，常力戰陷陣，累立奇功，拜建義大將軍，封高侯。（三）（式微）詩經邶風式微：『式微式微，胡不歸！』式發語辭，微猶衰也。今稱國勢門祚衰落曰式微。

黃侍中祠（一）并序

顧炎武

侍中名觀，洪武二十四年殿試第一。建文末，奉詔募兵安慶，聞南京不守，自沈於江，其妻翁氏及二女爲官所簿錄，將給配象奴，(二)亦赴水死。後人卽其葬地，爲侍中立祠。

侍中祠下水奔渾，有客悲歌扣郭門，古木夜交貞女冢，光風春返大夫魂。
朝侍從多忠節，當代科名一狀元。莫道河山今便改，國於天地鎮長存！

【註釋】(一)自註：『祠在南京三山門外楊洪橋。』(二)〔象奴〕桂海虞衡志：『交趾出象，牧象者謂之象奴，又名象公。』

重謁孝陵(一)

顧炎武

舊識中官(二)及老僧，相看多怪往來曾；
『問君何事三千里，春謁長陵(三)』
秋孝陵？

【註釋】(一)〔重謁孝陵〕顧炎武曾七謁明孝陵。(二)〔中官〕朝內之官也。(三)〔長陵〕漢高帝陵，在今陝西咸陽縣東。

讀李處士顯襄城紀事有贈并序

顧炎武

處士之父可從，崇禎十五年以壯士隸督師汪公喬年麾下，以五千人勦賊，至襄城死之。處士年十六，貧甚，與母彭氏，并日而食，力學有聞。越二十九年始得走襄城，爲汪公及其父設祭，招魂以歸。余與處士交，爲之作詩：

躑躅荒郊酌一尊，白楊青火近黃昏。終天不返收骸骨，異代仍招復楚（一）
魂。湛坂愁雲隨獨雁，潁橋哀水助嘯猿。五千國士皆忠鬼，孰似南山孝子門？

【註釋】（一）（復楚）伍子胥引吳兵滅楚，申包胥乞秦兵復楚。

悼亡

顧炎武

貞姑馬鬣（一）在江村，送汝黃泉六歲孫，地下相逢告公姥：『遺民猶有一
人存！』（二）

【註釋】(一)馬鬣墳墓也。(二)顧炎武之母王氏，避清兵於常熟，不食而死，臨終遺囑：『子孫可商可買，獨不可官於爾清。』故亭林以死拒試鴻臚。

海上

顧炎武

日入空山海氣侵，秋光千里自登臨。
十年天地干戈老，四海蒼生弔哭深。
水涵神山來白鳥，雲浮仙闕見黃金。
此中何處無人世，祇恐難酬烈士心！

路舍人(一)客居太湖東山三十年寄此代柬

顧炎武

翡翠年深伴侶稀，清霜憔悴減毛衣。
自從一上南枝宿，更不回身向北飛。

【註釋】(一)路舍人名澤溥，故相路振飛之子。

蒼水(一)

黃宗羲

廿年苦節何人似？得此全歸(二)亦稱情。
廢寺醴錢收棄骨，老生秃筆記琴

聲。遙空摩影狂相得，羣水穿礁浩未平。兩世雪交私不得，只隨衆口一閒評。

【註釋】（一）此詠若水張煌言先生也。（二）（全歸）禮記祭義：「父母全而生之，子全而歸之。」世稱全受全歸，謂子之身體，完全受之父母，則當謹身自愛，勿使毀辱，以至於沒世，仍以完全無損之身，還之父母也。

【作者小傳】黃宗憲，明餘姚人，字太冲，號黎洲，明將亡，奔走營救，未得要領，明亡，奉母返里，畢力著述，康熙召之，力辭不仕，學者稱南雷先生。其撰述之最著者，爲宋元學案、明儒學案。

九日得顧寧人書

徐夜

故國千年恨，他鄉九日心。山陵餘涕淚，風雨罷登臨。異縣傳書遠，經時怨別深。陶潛籬下（一）意，誰復續高吟？

【註釋】（一）陶潛籬下意，陶潛詩：「採菊東籬下，悠然見南山。」籬下意，謂隱逸也。陶潛，晉人，一名淵明，世稱靖節先生，入宋不仕，隱於江西柴桑山。

【作者小傳】徐夜，明山東新城人，字東凝。

祝髮偈（二）

錢邦芭

一杖橫擔日月行，山奔海立問前程。任他霹靂眉邊過，談笑依然不轉睛。

【註釋】（一）「祝髮傷」祝髮，斷髮也。傷，佛家所唱歌詞也。

【作者小傳】錢邦芭，字開少，丹徒人，明季任四川巡按，時清人已入關，曾率兵復四川之遺議。後孫可望欲援邦芭，遣人逼召，邦芭乃削髮爲僧，號大錯和尚。

答孫可望（一）詩

錢邦芭

破衲蒲團伴此身，相逢誰不訊孤臣？也知官爵多榮顯，只恐田橫笑殺人！

【註釋】（一）孫可望，清廷長人，張獻忠養子，獻忠敗死，可望由貴州入雲南，降桂王，乞封秦王，與李定國合拒清軍，後叛桂王自立，繼降清，授爵義王。邦芭既削髮，可望仍命人以書婉勸之，邦芭答以此詩。

紀事

畢著

吾父矢報國，戰死於薊邱。（一）父馬爲賊乘，父屍爲賊收。父讎不能報，有愧秦女休。（二）乘賊不及防，夜率千貔貅，殺賊血漉漉，手握讎人頭；賊衆自相殺，橫

屍滿阡溝。父體輿櫬歸，薄葬荒山陬。相期智勇士，慨焉賦同讎。蟻賊一掃清，國家固金甌。

【註釋】（一）（薊邱）在北平德勝門西北，亦名土城關，即古薊門遺址。（二）（義女休）樂府雜曲歌辭有義女休行，左延

年作，大略謂女休爲燕王婦，爲宗報仇，殺入郭市，雖被囚繫，終以救宥得京刑戮。

【作者小傳】 畢著，明末歙縣女子，字韶文，父守薊丘，與流賊戰死，屍爲賊據，衆擬請兵復仇，時著年二十，乃謂：「請兵則曠

日，賊且知備。」卽於是夜率精銳入賊營，手刃其首領，賊衆潰，遂與父屍還。後嫁王聖開，偕隱嵐山卒。有韶文詩稿。

避地日本感賦二首

朱之瑜

園。
漢土西看白日昏，傷心胡虜據中原！衣冠誰有先朝制？（一）東海翻然認故

廿年家國今何在？又報東胡設僞官。起看漢家天子氣，橫刀大海夜漫漫！

【註釋】（一）（衣冠誰有先朝制）日本衣冠仿漢人樣式，故有明朝衣冠之制。

【作者小傳】 朱之瑜，明浙江餘姚人，字魯瑛，號舜水。清兵陷南都，舜水避地交趾，子赴日本乞師，長崎王留以爲客，以嘗達

東京，大將軍許發罪囚三千，舜水固不發師，乃入東京，面陳方略，未成，乃居日本，德王陽明知行合一學說，有功日本文化。日人自

國王以下，皆師事之。舜水獨身以終，因憊懷故國，不追家室也。死後葬於日本，遺孀題曰：『故明人朱之瑜墓。』

錢唐

朱之瑜

天際銀幡（一）立，鷗夷（二）怒未消；定知千載上，江水不生潮！

【註釋】（一）（銀幡）喻潮。（二）（鷗夷）謂伍子胥，見前張煌言甲申八月辭故里註（六）。

陶靖節墓

閻爾梅

廬山西麓老松楸，處士星高此一丘，碑碣當頭題晉字，其餘何事不干秋？

【作者小傳】閻爾梅，明沛縣人，字調鼎，號古恬，崇禎舉人。明亡後，奔走國事，當局物色之，編將及，顧橫波匿之側室中，始得免。陳名夏欲令就會試，使親信許以會元，爾梅令伸拳誓一歸字示之，終不事清。有白雲山人集。

宗忠簡公（一）墓

冷士媚

英雄此昔埋弓劍，隴木（二）荒蕪隧道（三）平。慷慨一心歸二帝，艱難百戰

保孤城。空山落日思旗壘，野老春風薦杜蘅。(四)太息渡河人沒後，宋家誰復守東京？

【註釋】(一)宗忠簡公，謂宗澤。澤，宋義烏人，有文武才。二帝北狩，以副元帥從，隨州入援，屢戰皆捷，徙知開封府，進東京

留守。金人憚澤威望，呼爲宗爺爺，不敢復犯汴京。澤前後請帝還京二十餘疏，俱爲姦人所抑，憂憤成疾，大呼過河者三而卒。諡忠簡。(二)隴木，隴與壘通，冢也。隴木，墓木也。(三)隱遯，地道也，自平地下斜以入壘壤者。(四)杜蘅，草名，似葵而香。屈

原離騷『雜杜蘅與芳芷』。

【作者小傳】冷士頌，明丹徒人，字又潤，號秋江，諸生，國變後絕意仕進，隱居江幹，課徒自給，每出門，必簪衣蓑笠，竹杖芒鞋，晦明寒暑，均不一易，或怪之，曰：『吾戴蓑笠，痛勝國之天不復見；著芒鞋，痛勝國之地不復履。』其重氣節，於此可見。有江冷閣詩文集。

朱仙鎮岳忠武(一)祠

冷士頌

千年老柏依然在，寂寞蒼涼對古祠。北去已無秦郡縣，南來猶有漢旌旗。道傍豕牧荒屯址，隴上人耕廢壘基。咫尺河山衰草外，西風寒照不勝悲！

【註釋】(一)岳忠武，岳飛，宋相州湯陰人，字鵬舉。初以敢戰士應募，起於行伍，隸宗澤部下，與金人戰，所向皆捷。高宗刺

『精忠岳飛』四字於旗以賜之，遂破劉豫，平楊么，累官至太尉，加少保，爲河南北路招討使。復大破金兵，進至朱仙鎮，時秦檜力主和議，欲盡棄淮北之地以媚金，一日降十二金字牌召飛還，旋譏以罪而死之於獄。孝宗時追封鄂王，謚武穆，後改謚忠武。

哭史相公（一）

冷士嶠

宿德膺符將鉞臨，上公分闔著儒林。渡河忠略三呼（二）壯，相漢憂勞六出（三）深。望重蒼生名已副，祚移宗社力難任。致身不愧完臣節，淮海東流萬古心。

【註釋】（一）（史相公）謂史可法，明人，福王立於南京，以兵部大學士督師揚州，清多爾袞致書勸降，却之，城陷被殺。（二）三呼，宋宗澤臨終大呼渡河者三而卒。（三）六出，相傳蜀諸葛亮攻魏，凡出祁山六次。

秋郊讌集（一）

陳恭尹

黍苗無際鴈高飛，對酒心知此日稀。珠海寺邊遊子合，玉門關外故人歸。半生歲月看流水，百戰山河見落暉。欲灑新亭數行淚，南朝風景已全非！

【註釋】（一）自註『時南京破久矣。』

【作者小傳】陳恭尹，字元孝，邦彥子。其父被執不屈，殉國，捕恭尹甚急，後恭尹隱居不仕，自號羅浮布衣。工詩，清迥拔俗，與風大均、梁佩蘭稱嶺南三家，而恭尹爲之冠。

舟泊厓山詩

陳恭尹

山木蕭蕭風更吹，兩厓雲雨至今悲！
一聲杜宇迷荒殿，千載愁人拜古祠。
海
水有門分上下，江山無地限華夷！
停舟我亦艱難日，愧向蒼苔讀舊碑。

題宋高宗賜岳飛班師詔

屈大均

龍顏多爲講和開，有詔班師手自裁。
雪恥枉居句踐國，會稽山解笑人來。

【作者小傳】風大均，字澹山，明季諸生，明亡隱居不仕，詩多懷念故國之作。

戊辰元日

屈大均

憶昔先皇帝，元年此戊辰；
久無王正月，徒有漢遺民。
野草私哀痛，漁樵愧隱

淪；千秋殉宗社，血淚更何人？

弔厓山宋端宗陵

屈大均

一路松楸接海天，荒陵不見見寒煙；年年寒食無尋處，空向春風拜杜鵑。

弔寧武周將軍（一）

屈大均

三關保障推寧武，（二）苦憶當年禦賊才。百戰不緣飛將（三）失，九門（四）何至內臣開？
夫妻力共山河盡，士馬魂隨風雨來。北望長城空灑淚，不堪斜日滿旗臺。

【註釋】（一）明末，周遇吉守寧武，因援絕，城爲李自成所陷，閉門殉難。（二）寧武，山西有三關，卽寧武、雁門、偏頭。三關形勢，寧武爲中路，偏頭爲西路，雁門爲東路。明有三關鎮守總兵官，駐寧武關。（三）飛將，見前吳炎前稿集註（五）。（四）九門，謂燕京九門：安定門、東直門、朝陽門、西直門、阜成門、正陽門、崇文門、宣武門、德勝門也。

題惠陽葉氏（一）園

屈大均

可惜江山今已非，先臣功業在金微。漢家祇有天山月，來照樽前舊錦衣。

【註釋】（一）（惠陽葉氏）惠陽，今廣東惠陽縣。葉氏先祖，曾隨徐達北伐，破蒙元於漠北金微山。

舊京感懷二首

屈大均

羽翼秋高未奮飛，移家偏向帝王畿。（一）文章總爲先朝作，涕淚私從舊內
（二）揮。燕雀湖空芳草長，臙脂井（三）滿落花肥。城邊亦有陰山（四）在，怪得風
沙暗翠微。

內橋東去是長干，（五）馬上春人擁暮寒。三月風光愁裏渡，六朝花柳夢中
看。江南哀（六）後無辭賦，塞北歸來有羽翰。形勢只餘坏土在，鍾山（七）何必更
龍蟠（八）？

【註釋】(一)【總】謂京畿，天子所都之地也。(二)【內】天子宮禁曰內，唐有東內南內西內，亦稱宮中曰大內。(三)

【臙脂井】南畿志：『景陽井在臺城內，陳後主與張麗華孔貴嬪投其中，以避隋兵。舊傳闕有石脈，以帛拭之，作臙脂痕，名臙脂井，一名每井。』(四)【陰山】在南京西南。(五)【長干】地名，在今南京城南。左思賦：『長干延屬。』注：『建業南五里有山阿，其

間平地，吏民雜居。東長干中有大長干，小長干，皆相連。』(六)【江南哀】庾信有哀江南賦。情初仕梁，居江南，梁亡後，乃爲此賦。

北史稱其位雖通顯，常有鄉閭之思。(七)【鍾山】在今南京城東，俗稱紫金山。(八)【龍蟠】諸葛亮論金陵地形曰：『鍾阜龍蟠，石城虎踞，真帝王之宅。』

陳宮辭

屈大均

入井中。
玉樹(一)新歌唱未終，石頭城外戰雲紅，君王失國風流甚，(二)笑抱名姬

【註釋】(一)【玉樹】卽玉樹後庭花，樂府吳聲歌曲，隋書樂志曰：『陳後主於清樂中造黃鸞留及玉樹後庭花等曲，與幸臣等製其歌詞，綺豔相高，極其輕薄，男女相和，其音甚哀。』(二)【君王失國風流甚】六朝陳後主，荒淫無度，嘗起隨春綺綺望

仙三閣，日與妃嬪狎客，遊宴其中，隨師至，猶奏伎行樂，隨將韓擒虎入朱雀門，始與張孔二妃匿於臙脂井，引之出，得至長安。

臺城春望

屈大均

飛騎如雲塞北回，六朝春色雪中開。行人莫折臺城柳，曾沐先皇雨露來。

錦帆涇（一）

屈大均

錦帆涇水碧漣漪，往日吳光作水嬉。留得娟娟亡國月，美人千載學蛾眉。

【註釋】（一）錦帆涇在江蘇吳縣，相傳吳王錦帆遊泛，故名。（二）吳光即吳公子光。

文丞相（一）祠

失名

丞相英靈迴未消，絳帷燈火颯寒飈。黃冠日月胡雲斷，碧血山河龍馭遙。花
外子規燕市月，水邊精衛浙江潮。祠堂亦有西湖樹，不遣南枝向北朝。

【註釋】（一）文丞相謂文天祥，見前正氣歌作者小傳。

黨禍

失名

不鑒前車在漢唐，東林（一）講學爲三王。臣憂門戶君憂國，門戶成時國已亡。

【註釋】（一）〔東林〕明萬曆間無錫顧憲成輩重修東林書院，講學其中，號東林黨，聲勢甚盛。迨宦官魏忠賢亂政，東林黨力與摺拄，一時黨禍大興，誅斥殆盡。崇禎初，忠賢伏誅，東林復極，而閣黨餘孽未盡，彼此報復，直至明亡而後已。

00690

中華民國二十七年三月初版

愛國詩選三冊

(32608.1B)

第二冊實價國幣壹元貳角

外埠酌加運費匯費

選註者

汪靜之

發行人

王雲五

印刷所

長沙南正街商務印書館

發行所

長沙南正街商務印書館


分發行所

漢口重慶南昌安慶
成都西安開封金華
廣州梧州昆明福州
香港汕頭貴陽廈門
商務印書館分館

版權所有
翻印必究

(本書校對者喻飛生)

●F八二一



00690

82
31153

